

1928

برنجی جلد

142

خانہ بیلکپسی مجموعہ سی

خانہ بیلکپسی درنکی عمومی مرکزی طرفندہ نشر اولونور

مدیری :

ضیاء الدینہ فخری

خلق بیلکپسی درنکی کاتب عمومپسی



آنقرہ

1928

خلق بيلكىسى طوپلايچىلار

رەھبەر

خلق بيلكىسى درىكى عمومى مەركەزىچە
نەشر ايدىلىش. خلق بيلكىسىنىڭ موضوعى ،
اصولى ، مادەلىرى ھەققىدە مەلۇمات وىرەن
بۇ ئىش ، مەعارف و كالتىچە سۆز دەرلەمە
قومىسيونلارنى تەوزىيە ايدىلىش. خلق بيلكىسى
علاقەدارلىرىنىڭ ئاللىرىدە ھەمەھال بولۇنمىسى
لازمىدۇر .

سەھمە

خەلق شەئەرلىرى

خلق بيلكىسى درىكى استانبول مەھەللىسىچە
نەشر ايدىلىش. مختلف خلق شەئەرلىرىنىڭ
قوشما ، داستان ، آغىت ، نەفس كې قىممەتلى
مەھسۇللارنىڭ نەمۇنەلىرى و خلق ادبىياتىنىڭ
اورىژىنال قىسمىنى تەشكىل ايدەن مانىلار و بۇندىن
باشقا آتە سۆزلەرنى احتىوا ايدىن بۇ ئىش ، يەنى
ھەر قەلە تەرتىپ ايدىلىش اولىسى اعتبارىلە آيرىچە
قىممەتلىدۇر . استانبول اقتصاد مەتبەئەسىدە
نەپىس بىر سۈرئەتە بايلىنىدۇر .

يەتتە شەئەرلىرى

خلق بيلكىسى درىكى اعضاءىدىن ، قوشما ار كە مەھەللىسى ادبىيات مەھەللىسى سەئەلدىن نەھەت بىكە
آنادولونىڭ دىنى وادىسى خلق بيلكىسىنى ياقىنىدىن علاقەدار ايدىن بۇ ئىش مەعارف و كالتى نەشرىياتى
آراسىدە يەنى ھەر قەلە نەشر ايدەن جەكەر . تۈرك خلق بيلكىسىنى شەئەلدى يە قادار چىقان دۇر
كىتابىلە بۈيۈك خەمەتلەر ايفالەيدەن كەنج مەھەللىسى يەنى ئىشنى او قۇمىيە تۈصىيە ايتەكلە دۇق دۈيۈپۈر .

خلق بيلكىسىنىڭ خەلق

تەربىيە ئىشلىرى

درىكىمىز اعضاءىدىن على ھىدەر بىكە
(بىئەھە زانباقىلەر مەھەللىسىدە) ، (مەھەللىسى
مەھەللىسى) ، (مەھەللىسى) آدلى ئىشلىرىنىڭ مەھەللىسى ،
خلق بيلكىسىنىڭ ھەيئەتتى ياراتمىق و فەيدالىرىنى
آ كەلەتتى اعتبارىلە بۇ ئىش درىكىچىلەر ھەزار قەلە
تۈصىيە ايدەن .

تۈركىيات مەجمۇئەسى

استانبول دارالفۇنى تۈركىيات انستىتۇتىسىچە
غەير مەھەللىسى نەشر ايدىلىر . شەئەلدى يە قادار
ايكى جەلەل چىقىمىدۇر . ادبىيات فەكۇلتەسى
رەئىسى كۈپرىلى زادە مەھەللىسى فۇاد بىكە كې بۈيۈك
بىر مەھەللىسى تەرىپىدىن ادارە ايدىلىن بۇ قىممەتلى
مەھەللىسى مەھەللىسى بۇ ئىش درىكى آرقاداشلىرىمىز
علاقەدار اولىسىنى تەمىن ايلار .

برنجی جلد

1928



خان بیلکسی مجموعه سی

خان بیلکسی درنگی عمومی مرکزی طرفندره نشر اولونور

مدیری :

ضیاءالدین فخری

خلق بیلکسی درنگی کاتب عمومیس



آنقره

1928

GR1

H34

v.1

1928

OHIO STATE
UNIVERSITY
LIBRARIES

استانبول — اقتصاد و طبعمی

فهرست مندرجات

1 — ترقیقلر :

1	یوروپه جگمز بول	خلق بیلکیمی درنکی
7	خلق بیلکیمی حقنده عمومی معلومات	آ. ژانرووا [ترجمه : حسین عونى]
16	خلق بیلکیمی قادرولری	وان ژانپ [ترجمه : سعید نظیف]
22	ماصالری ناصیل طویلامالی ؟	ضیا کوك آلپ
25	موسیقی تدقیقلرینه باشلارکن	عمود راغب
30	دیل یوقلامالری	عمد شاكر
36	محی الدین آبدال و اثری	سعدالدین نزهت
42	خلق بیلکیمی	ودیده بها [انگلیز آنسیقلوپه دیسندن]
46	خوجا اوغلی - حکمی	محمد خالد
49	أخیلره دائر خلقده کی بیلکیلر	حسن فهمی
55	آنادولو خلق ادبیاتی	ایغناش قونوش [ترجمه : ح . ف]

2 — ماده لر ، نوطلر ، وثیقلر :

69	باعمل اعتقادلر	علی حیدر
73	دردلینك باصیلامش قوشمالری	اسحق رأفت
79	قارشیلقلی مانیلر « ده یش »	م . ر
80	موغله ده قیز دوگونلری	مصطفی جاوید
85	مانیلر	عمد طورخان
91	نیکده و محیطنده طویلامش کلمه لر	حسین عونى
104	دادال اوغلی حقنده	احمد شکری
110	کور اوغلنه دائر	احمد قدسی
116	ایکی طورنا تورکوسی	ادیب آلپ
118	رخصتینك قوشمالری	افلاطون جم
120	آتا سوزلری	رادلوف [ترجمه : راغب خلوصی]
124	جزایر خلق شعرلری	احمد قدسی
131	قرهجه اوغلانه دائر	سعدالدین نزهت
133	امراهك کتابه سی	آ . خ
133	یاشایان خلق شاعرلرندن	خ . ب . د
134	ارضروم شاعرلرینه دائر	ضیاءالدین فخری

3 — تربیوی مقاله لار:

خلیل فکرت	خلق بیلکیمی و اجتماعی تربیه	139
ضیاءالدین فخری	خلق بیلکیمی و ملی برک	141
اسماعیل خسرو	اقتصادی تربیه مزك اساسی	146
احمد خلیل	تورکولر و موسیقمز	150

4 — کتابیات تقبیرلری و خلق بیلکیمی ضریلری :

ادیب آلپ	آنادولو تورکولری و موسیقی استقبالمز	159
سعدالدین نزهت	عاشق دردلی	162
ضیاءالدین فخری	لهجه ارضروم	164
م . ر	پورد مزك نغمه لری	166
ح . ب . د	آنادولو خلق شرقیلری	167
سعدالدین نزهت	ارضروم شاعرلری	169
ا . ح	سینوب ولایتی	171
محمد خالد	بایبور دلی ذهنی	171
سعدالدین نزهت	آتالر سوزی	172
ض . ف	جوغرافیا تدریس اصولی	172
ض . ف	فولکلور و ماهیتی	173
م . س	شورا جمهوریتلری اتحادنده خلق بیلکیمی تدقیقلری	174
م . خ	استانبول تورکیات انستیتوسی	176
***	استانبول قونسروا تواری	177
***	آنقره اتنوغرافیا موزه سی	178
***	دیل انجمنی و سوز دهرله مه هیئت	178
***	مطبوعاتمز و خلق بیلکیمی	179
***	حاکمیت ملیه	180
***	حیات	180
***	تورک یوردی	181
س . ن	فغانی به دائر	182
***	درنك و مطبوعاتمز	183
***	درنكجیلر آراسنده برطوبلا نغ	183
***	درنكك برنجی قونفره سی	184
***	درنكك فخری رئیسلیکی	187
***	درنكك ایکنجی قونفره سی	188

فلسفې بېلگېسى مجموعه

يېل : 1928 تورک خلق بېلگېسى درنکې عمومى مرکزى طرفندن نشر اولونور جلد : 1

YÜRÜYECEĞİMİZ YOL

بر مدت اول آنقرده تشکل ایدن « تورک خلق بېلگېسى درنکې » ؛ تدقیقلرینه ونشریاتنه واسطه اولاجق مجموعه سنی آنحق شمى نشر ایدہ بيلمک امکاني الہ ایتشدر . مختلف ملاحظہ لردن طولايي غير موقوف اوله رق چيقماسى دہا فایدالی و دہا حیاتی کورولان مجموعه ؛ فکرلرینی نشر ایدہ جکی مؤسسہ نك ، مجموعه نك ایفا ایدہ جکی وظیفہ و خدمت لره عائد دوشوندکلرینی ، مسلکدا شلرینہ عرض ایتک مجبوریتنی دہیور .

*
* *

« خلق بېلگېسى مجموعه سى » ؛ چالیشمالرینی باشلیجه درت ساحه اوزرنده طوبلامقده اولوب نشریاتی بویلا نه کوره ترتیب و تنظیمه چالیشه جقدر . بوساحه لر شونلردر :

- 1 — تدقیق قسمی ؛
- 2 — عناصر قسمی ؛
- 3 — تربیه قسمی ؛
- 4 — کتابیات ، شئون قسمی ؛

بونلرک هر برینک ، درنکک فعالیت و غایه لرینہ نظراً حائز اولدیغی معنا و اهمیتی قید ایتمہ دن کچمہ یه جکز . هر شیدن اول شونی سویله یه لم که ایلک باقیشده چوق یوکلو ، بلکه ده لزومندن فضله داغنیق اقسامی احتوا ایدن بویلان ، حد ذاتنده خلق بېلگېسى فعالیتنه عائد قورولاجق هر هانکی بر شبکه نك مساعی سیستمیندن باشقه برشی دکدر . اجتماعی حیاتک تکاملنه حاکم اولان « ایش بولومی » خلق بېلگېسى فعالیتلرنده کنديسنى کوسترنجه یه قادار ، درنک بویله برپلان اوزرنده یورو مکی غایه سـنه قاووشمق اعتباریله چوق دوغرو بولمقده در .

مجموعه نك ايلك قسمنى تدقيقلارە حصر ايدىيورز : بوراسى خلق بىلىكىچلرينك ،
 طوپلامش اولدقلى مالمه يى كندى فكر لريله ، بر ايصاح چر جيوه سى ايچنره ، نشر
 اتمه لرينه مخصوصدر . خلق بىلىكىسينك موضوعنه داخل اصلى و فرعى بوتون مسأله لر ،
 خلق بىلىكىسينك اصوللرينه و غايه لرينه متعلق بالجملة ملاحظه و مطالعه لرله برابر مملكت
 فولقورينك فلسفه ، اخلاق ، ادبيات ، اقتصاديات ، لسان كى هر هانكى بر شعبه سى
 اوزرينه ياپلمش نه تودلر ؛ ايلك قسمك قادروسنه كيره بيلير . ماهيتى اعتباريله علمى ، نظرى
 صفتلرينى ده اضافه ايدم بيله جكمز تدقيق قسمى اوزرنده ساده جه بر نقطه يه اشارت ايتمك
 ايسترز : حد ذاتنده تاريخه ، اجتماعى علملره يارديمچى اولان خلق بىلىكىسى ، مدنيت
 عالمنده هنوز يكي دينه جاك بر تاريخه مالكدر ، بزده ايسه بوتاريخ ، بوسبتون يكيدر وحتى بلكه
 باشلامشدر بيله . تدقيقلر ياپلامادىنى ، مالمه طوپلانمادىنى كى ، بونلرك ياپيليش
 و طوپلانيش طرزلرينه ، اصوللرينه عائدده هيچ بريول كوستره ن اولماش ، بوخصوصده
 هيچ بر رهبر نشر و تعميم ايدلمه مشدر ، بو وضعيتده تدقيق قسمك احتوا ايدم جكى علمى
 مسائلده ، نظرى ملاحظه لرده ؛ خلق شائيتنه استناد اعتباريله ضعيف اولان بعضى تركيبي
 قناعتلره صاحب اولمق ، خطالره دوشمك احتمالى واردر .

فى الحقيقة بوا احتمال ، خلق بىلىكىسى مساعيسينك علميلكى اعتباريله بى لىزومى قادار
 دوشوندورمليدر . بز بر طرفدن مالمه نك طوپلانيش و تدقيق ايديليش طرزلرينى ،
 اصوللرينى كوستريركن ، ديكر طرفدن مدققلرمزه ، خلق بىلىكىسى مسأله لرينه قارشى
 علمك اساس شعارى اولان اعظمى مساحه و تخمين دوشونجه سنك قوللانماسنى ، قطعى
 حكملردن صاقينيلماسنى توصيه ايدم جكمز . بو كونكى علم اربابمىزك وظيفه سى ، فولقور
 ساحه سنده ، خلق بىلىكىسينك ماهيتنى ايصاحدن ، اونك حقنده نظريه لر يورومكدن زياده
 خلق بىلىكىسى مالمه سنى طوپلامق ، صادق بر طرزده اونلره معكس اولابيلمكدر .
 بونكله برابر مدققلرمزى منفعل بر وضعيتده براققده ايسته مه يز . اونلرى ميخانيكى بر
 آلت كى ساده جه طوپلامغه دكل ، عىنى زمانده ، بر آزده كنديسنك شعور و فلسفه سنى
 ايشلتمكه سوق ايتمكه بويوك براهيت ويره جكمز .

الحاصل بو قسم ، عمومى تركيبلره ، كلى حكملره كتمه دن ياپيله جق موقت و آز
 چوق علمى ايصاحلره ، اساسلى صاغلام قناعتلره مخصوص اولاجقدر .

*
**

مجموعه نك ايكنجى قسمنى عناصره حصر ايدىيورز : بوراده مدققلرمىزك صادقانه

بر صورتده طویللامش اولدقلری خلق بیلکیسی مالزیه و عناصرینی اولدینی کبی کوره جکمز. خلق دیلینه، خلق فلسفه سینه، خلق شعرینه عائد آله کچیریله جک هر هانکی بر محصول، صرف بر مستنسخ و بر جامع اولان مدققک امضاسی محافظه اولنهرق نشر ایدیله جکدر. بالخاصه بو امضا محافظه سینه اهمیت ویره جکمز. بو صورتله درنک، بر طرفدن معشری سمی اشتیاقی یاراتمغه چالیشه جق، دیگر طرفدن، خصوصیه بزده اکثریا کورولدیکی کبی، علم استثمارجیسی در که سینه، علم اخلاقنک تقییح ایتدیکی بویله بروضیته دوشمکدن صاقینه جق، هر مدققه - درنکه ویردیکی محصول نه قدر جزئی و متواضع اولسه ده - تورک خلق بیلکیسی تاریخنده ویریله جک موقعه حرمتکار قالا جقدر. [۱]

*
**

مجموعه نك اوچنچی قسمنی تربیه یه حصر ایدیورز: ایلک باقیشده، مجموعه مزده بویله بر قسمك معناسی اولامیه جنی خاطره کلیر سده، حقیقتده بویله دکلدر. بز بو قسمده، خلق بیلکیسی فعالیتلرینک غایه سنی قصد ایدیور، تدقیقلری، علمك قوری و مجرد فضاسی ایچندم ثولو بر حالد یاشاتمقدن زیاده، اونلری حیاتك هوای نسیمیسی ایچنده بولندیرمغه، حیاتمزه خادم بر حاله کتیرمه، الحاصل مجرد لکدن قورتاروب مشخص یاشایشله علاقه سنی تأسیسه معطوف تطبیقی و تربیوی مساعی بی هدف ایدیورز. خلق بیلکیسی درنکی؛ خلق بیلکیسی فعالیتنک شدتله حس ایتدیردیکی بر تعضو احتیاجنه جوابدن باشقه برشی دکلدر. بو تعضوك ایسه ایکی طرفلی اولدیغنی پشیناً سویلك لازمدر: بر طرفدن خلقدن آلیر، اونك معنوی هویتنی تدقیق ایدرکن، دیگر طرفدن اوکا آلدقلمزك ترکیبی و تهذیبی شکلنی، غرب مدنیتنک مختلف اجتماعی مؤسسه لره متعلق تکنیکلرندن کچمش وایشلنمش شکلرینی ویرمك مجبوریتنده یز. تا که کرك خلق درنکه، کرك درنک خلقه صمیمی بر باغ ایله باغلانسین، صرف بر مستشرق، بر مورخ، بر آثار عتیقه جی ذهنیتی ایله حرکت ایتك، بو صورتله مجرد علم تدقیقلرینک ساده جه فردی ذوق وهوسنی طامق خودبینلکندن اجتناب ایدیلسین.

مساعی ساحه مزك بو قسمی اوزرنده یورورکن ایکی نقطه یه فوق العاده دقت ایتکه چالیشه جغز: آ - خلقدن آلمق، اونك معنویتنی او کره تمك، ب - بوتون آناتیله او کره ندیکمز

[۱] شبهه سز، درنكك بوتون نشریات فعالیتی، مجموعه یه منحصر دکلدر. ایجاب ایدن خلق بیلکیسی مالزیه سی، چوقلنی واهمیتی اعتباریله، مجموعه دن یازده آیری برزساله و بروشور حالنده نغری ایجاب ایتدیر یورسه، درنك، بولزوی اجرادن کیری قالمیه جقدر.

بومعنوتی، مدنیتمزك چرچیوه سینه یرلشدیرمك خصوصیلر نده تام بر صداقت و درین بر محبت. بزی بو طرزده بر فعالیتیه بالذات علمك ماهیتی سوق ایدیور. هر بیلکسی نظریه و عملیه یی مشترکاً محتویدر. علمی و تطبیقی قسملر، نظریاته مستنددر. بویله بر استناددن محروم فکرلر، تطبیق قابلیتندن و ثمره ویرمك استعدادندن اوزا قدر. بالمقابله عملی و تطبیقی جهتلرینی دوشونمه یین و تطبیقاته یارامایان علم و سطائی بر تفکرندن، بوش بر معاقله دن بشقه بر شی دکلدر. علم، اساسنده حیاتی بر غایه یه مالکدر. شو قادار که او، ایلک خطوه لرینی حسی دوشونجه لرله آتار. فقط بو، اونك حیات و فایدا ایله علاقه سزلغی دیمك دکلدر. بر بو ملاحظه لرله، اون طقوزنجی عصرک تاریخه واجتماعی علملرله مدنیّت تاریخلرینه خادم بر بیلکی شعبه سی اوله رق اورتیه آتدیغی «خلق بیلکسی» فعالیتلرینی مملکتده متعّضی، متساند بر حاله کتیرمکه چالیشیرکن، عناصر قسمنده مالزومه سی طوپلایان، تدقیق قسمنده ایضا حلری یاپیلان و نظریه لری قورولان خلق بیلکیلرینی حیاته و جمعیته نقل ایتمک ایسته یورز. اوچنجی قسمنک بوتون معناسی و فلسفه سی بوراده آرمالیدر. مقصدمز، خلق بیلکیسنک هر هانکی بر ساحه و شعبه سنده، مملکت یابانچی بر مستشرق ذهنیتی ایله، مجرد بر تجسس ایله حرکت ایدن بر مورخ قفاسیله، اسکی اشیایه مبتلا بر آثار عتیقه جی دوشونجه سیله حرکت ایتمه مک، مشخص یاشاییشدن اوزا قلاشمه مق، مجرد و عمومی فکرلرله، مشخص و خصوصی فکرلر آراسنده دائماً آرادینغمز رابطه یی تأسیس ایتمکدر.

*
**

مجموعه نك دردنجی و صوك قسمنی کتابیاته، درنك شتون و حادثاته حصر ایدیورز: خلق بیلکیسنك موضوعلری، خلقك سینه سنده و کتله نك حافظه سنده یاشادینغی قادار کتابلرده بولتمقده در. خلق بیلکیسنی علاقه دار ایدن هر هانکی باصمه و یازمه بر کتاب، ایجابنده تدقیق قسمی ایچون بر یازی حاضر لایان، عناصر قسمی ایچون بر محصول طوپلایان مدقیق مناسبته دار ایده بیلیر. مجموعه، بوکی اثرلردن صره سی دوشدکجه قونت راندولر یابه جق، اونلرله مدققلری قارشى قارشى یه کتیره جکدر. خاصه موضوعلر مزله رابطه دار یازمه اثرلرک کتابیاته، مختلف سبیلردن طولانی دهها زیاده اهمیت ویرمك فکر نده یز.

ینه بو قسمنده درنکه متعلق شتون و حادثاتدن بحث ایدیله جکدر. اعضا مزله درنك و مجموعه آراسنده جریان ایدن علمی مخبراتی، باشقه مملکتلرده بزم ایله فکر آ و فعلاً علاقه دار اولان ذوات و مؤسسات ایله تأسیس ایدیله ن مناسباتی بو قسمنه قید ایده جکز.

*
**

بومطالعه لره علاوه شو نقاطی ده قیده لزوم کور یوروز: پروغرا ممزده، باشقه مملکتلرده کی خلق بیلکیمی حرکتلرندن بحثلر، ترجمه لر و تألیفلر کیره بیله جکی کبی، عرقداشیمز اولان دیگر تورک ئولکه لرینک فولکلورلری ده موضوع بحث اولاجقدر. یالکیز کرک اجنبی مملکتلرک، کرک دیگر تورکلکلرک خلق بیلکیمی مشغولیتلرینی، آنجق بزه تعلقلری و یاردیملری طولایسیله، یوقلامغه اهمیت ویرمیدر. ایشک بر طرفدن نظریاتی، دیگر طرفدن تطبیقاتی آراشدیررکن اولردن علمی حصه لر چیقارمق، مدققلرمزک رؤیت افقلرینی کنیشلتمک مقصدندن بر آن آیریلمايه جغز.

اشارت ایتدیگمز بواکی نقطه دن شهه سز اک مهمی، عرقداش تورکلکلرک خلق بیلکیلیدر. زیرا اولر، آنادولو فولکلورینک تدقیق و مقایسه سنده، بوراده ذکره لزوم کورمدیگمز سببلردن ناشی، مدققلرمزه معاون ماهیتی حائزدرلر.

*
**

مجموعه نك نشریات پلانی کوستره ن مصاحبه مزه نهایت ویررکن یوقاریده اشارت ایتدیگمز بر نقطه یه تکرار تماس ایلمک ایسته یوروز. «خلق بیلکیمی مجموعه سی» نك تشریح ایلدیگمز بولاننک کنیش اولدیغی قادار داغنیق بولندیغی اعتراف ایدرز؛ فقط اول امرده هر فعالیتک ایلمک خطوه لرینک بوماهیتی عرض ایده جکنی قید ایدم. بو وضعیت عینی زمانده ضروریدر. زیرا یوقاریده دیدیگمز کبی، هنوز فکر حیاتنک بولومی واقع اولما مشدر. بز بوضروته تبعاً مساعیمزه باشلارکن، عینی زمانده، بویله بر بولومک تدریجاً تأسسنه واسطه اولاجغمز قوتله ظن ایدیوروز. فی الحقیقه خاق بیلکیلری فعالیتی، بو طرزده کنیش و موضوع اعتباریله داغنیق بر پلان ایله دوام ایتدیکی مدتجه، ایش بولومنک طبیعی بر نتیجه سی اوله رق، مجموعه مزک فعالیت شعبه لرندن هر برینک تدریجاً استقلال احراز ایتدکلرینی کوره جکز، اوزمان هر هانکی بر فعالیت شبکه سنی منحصر آ مالز مه طولامق ایله، بر دیگرینی بومالز مه نك تدقیقلرینی یایمق ایله، دیگر بر شبکه یی ده طولامش و تدقیق ایدلمش خلق بیلکیلرینی تربیه ساحه سنه، حیات ساحه سنه نقل و تطبیق ایلمک ایله مشغول و فعال بروضعیتده بولاجغز. اکر درنک و مجموعه سی؛ مملکتک فکر حیاتنده ماهیتی عرض ایلدیگمز ایش بولومنی وجوده کتیره جک بر محیط، بر زمین حاضر لارسه، بونک ایچون بکلدیگمز قوتلی فکر جریانی وجوده کتیرسه، بونی، وظیفه سنی هیچ دکلسه قسماً یامش اولدیغنه بارز بر اشارت اوله رق تلقی ایده جکدر.

*
**

الحاصل مجموعه ؛ بواضا حاتدن آکلاشیلدینی وجهله خلق بیلگیسی مسأله سنده اولاً خلقك محصوللارینی طوپلامغه ، خلق بیلگیسی مالزومه سینه صادق برمعکس اولمغه چالیشیور . بو وظیفه سنی یاپارکن درنکجیلرک خلق بیلگیسی مالزومه سنک طوپلامه اصولنه و طوپلامه غایه سینه ، طوپلامش شیلرک ایضاحنه عائد تدقیقلرینی ده نظر دقته آلیور . دیگر طرفدن خلق بیلگیسی آلدہ ایتک ، خلقه یاقلا شمعق ، منورله خلق برلشدرمک ، جمعیتک ابتدائی مؤسسہ لرینی آراشدیریق تربیه ساحه سنده طبیعی نتیجه سز قالمه یه جق ، فکر ، حس ساحه سنده یتیشه جک ذکا و دھالرله او مالزومه یکی ترکیب شکلنی آلا جقدر . مجموعه ، خدمت لری میاننده بو حرکت لری ده تعقیب ایدیور . درنکجیلرک بونلره عائد دوشونجه لرینه صحیفه لرینی آچیور . نهایت کتابیات و حادثات قسمی ایله ده عرض ایلدیکی نقطه لری تأمین دوشونیور .

*

**

مجموعه نك دوت چرچیوه دن عبارت اولان پلانی ، شمیدین دوشونولش اساسلی بر پروگرامك ماده لریدر . زمان اعتباریله بونلرک ایچنده آز مهم و چوق مهم اولانلری واردر . بالفرض ، درنكك هنوز فعالیتیه باشلادینی ، یعنی آلدہ تدقیق حاده لرندن کچمش خلق بیلگیسی عناصری بولمادینی برزمانده مالزومه قسمی ، تربیوی قسمه نسبتله دها زیاده اهمیت عطفنه محتاجدر . بو اعتبار ایله قارئلر ، هر مجموعه نسخه سنده محقق دوت چشید تدقیقلره تصادف ایدم جکلرینی ظن ایتمه لیدرلر . بعضاً مجموعه نك ، تماماً برمالزومه مجموعه سی اوله رق چیقادینی ، بعضاً منحصرأ تدقیقلری محتوی اولادینی کوروله بیلیر . هله تربیه قسممز ، ایلک زمانلر ایچون مجبورأ ضعیف اولاجق و بلکه ده هیچ یازلمه جقدر . قارئلرک بوتون بو حاللری ؛ خلق بیلگیسی ساحه سنده چالیشمه نك ، موفق اولمه نك برر ایجابی کی نظر دقته آللری لازمدر .

*

**

شبهه سز درنکی و مجموعه سنی ، بو هدف یولنده یوروته جک ، اونی هیچ صارصیلما دن ییلمادن غایه سینه قاووشدیراجق اولانلر ، باشده درنكك فخری ریاستنده بولونان ملی حرثک عزیمکار و کینچ قورو یوجیسی نجاتی بک افندی اولدینی حالده ، مملکت کوشه لرنده اونك تشکله قوت ویرمن درنکچی آرقداشلردر .

بو دوشونجه دن قوت آلهرق فعالیتیه باشلایان « خلق بیلگیسی مجموعه سی » ؛ عینی زمانده حرف انقلابی ایله دیل انقلابنک برلکده یورومسی ایچون دیل تدقیقلرینه بالخاصه اهمیت ویره جک ، کوزل تورکجه نك قایب اولش خصوصیتلرینی و جوهرلرینی میدانه چیقارمغه چالیشه جقدر .

HALK BİLGİSİ HAKKINDA UMUMİ MALUMAT

MUKADDİME

خلق بیلگیسینک مختلف ملت و مملکتلرده آلدینی شکلری ، وجوده کتیردیکی اثرلری ، تولید ایلدیکی اجتماعی فایدالری یقیندن بیلیمک و طایبق آرزوسینده یز . بو آرزونک تطبیقاتنه ایلك نمونه اولق اوزره غراند آنسیقلوپه دینک اون یدنجی جلدنده مقید « فولکلور » ماده سنی یازان آ. ژانرووا - A. Jeanroy نك ته تودینک ترجمه سنی موافق کوردك . ویریلن معلومات چوق مختصر و مبهم اولقله برابر ، بو وادیده کی مساعیه عائد عمومی معلوماته ، ولو سطحی اولسون ، آشنا اوله بیلورز . درنك ، ایلریده بواختصار و مبهمیتی ازاله ایده جك تدقیقاری حاضر لایه جقدر .

H. B. D

انکایزلردن آلدیغمز و بو کون ؛ ادبیات ، خلقی عنعنه لر و عادت لر علمی معناسنه کلن « فولکلور - folk - lore » خلق بیلگیسی « تعبیری قومشو ملت لرده بیله هنوز یکی بر تشکل عرض ایتدکده در . فی الحقیقه دو پویمه غری - De puymaigre یه نظر آ اوئی ایلك دفعه « آتانه اوم - Athénéum » ك 1846 آغستوسینده منتشر 22 نجی نومروسینده کورمکده یز . فقط مسئله حد ذاتنده کله دن دها چوق اسکی اولوب عمومیتله ظن اولوندوغندن دها قدیم کورونویور و خالق شعرینک صاف لطافتنه قارشى حساس اولان اینجه و مستقل فکر صاحب لرینک یاشادقلری بوتون دورلرده کندیسینی کوسته ریوردی . بزده [۱] ؛ بو خصوصده امثالی آراسنده ایلك دفعه عقله کلن « مونتهینی - Montaigne » اسمنه مولیه رککنی ده علاوه ایده بیلیرز . زیرا مشهور مردمکریز « میزانتروپ - Mizanthrape » نك بر صحنه سینده آلسته است Alceste آغزندن سویله ر کوروندیکی بالذات کندیسیدر .

انکلتزده ؛ 1710 دن اعتباراً « سپه کتاتور spectator » ك 70 و 77 نجی نومرولرنده آددیسون - Addison دوستلرندن برینک اعما بر دینجی آغزندن طویلادینی و بایکه غریبه لر

[*] بزدن مقصود ، فرانسه در .

مراقنك سوقيه مبالغه لاندیردیغی « شوی شازی *chevy chaes* » بالادنده چوق جانلی
برحیرت افاده ایدیوردی. خلق بیلکیمی تدقیقیرینی مژده له یه نلر آراسنده ایکی وطنداشمزی
اونوتمق حقسزلق اولور که اونلرده شفاهی عنعنه لرده اثری قالمیش اولان شارقیلرک مختلف
طوبلاملرینی نشر ایدن بالارد - *Brunettes* Ballard 1711 « *ou petits aires tendres*
و « *Rondes a denser* 1727 » ایله خلق تهملری حقنده مختلف مرثیه لر وجوده کتبره ن
مونقریف - *Moncrif* در.

بو اثناده ایلك دفعه اولارق انکلترده بو قیل تدقیقیر علمی موقع قازاندیلر .
1760 ده ماقفه رسون - *Macplerson* هنوز یکرمی یاشنده ایکن نسبی بر صداقله حقیقی
بر صورتده ترجمه ایتدیکی اسقوچیانک خلق شارقیلرینه داتر « *Fraqments of ancient Pocty* »
سنی نشر ایتیش و 1965 ده پرسی - *percy* « *Reliques of english pocty* » سنی طبع
ایتدیرمشدی . بو پارچالرك ده نالیست رنکی و قابابساطی آرتق صنعی ظرافتلر و مجرد
محاکمه لرله حال اشباعه کلمش اولان بر نسلی تسخیر ایتدی . بو ، او زمان خلق شعرینک
لهنه اولارق مفرط بر حیرانیت اویاندیردی که بوندن ماقفه رسونک (1762-1793) و
شاتهرتون - *Chatterton* ک (1778) مشهور پاتستیش *qastiches* لری استفاده ایتدیلر
وعینی زمانده والته رسقوت *Malterscott* ک ادبی استعدادینه چوق مؤثر اولدی .

فی الحقیقه مؤلف « *Minstrely of the scottish border* 1802 - 1803 »
Chants populaires des froutières ecos sonse اسقوجیا حدودلرینک خلق نغمه لری
نک نشریدن سوکرا رومانلرینی وجوده کتیردی .

انکلتره ؛ فولکلورینک حرکتلرک منشارینه مدیون اولدوغی ادبی سجیه بی اوزون
زمان محافظه ایتدی . فولکلور ایلك دفعه آلمانیاده علمی بر استقامت آلدی . بالخاصه شاعر
اولدوغی قادار منقد وفیلوزوف اولان هه ردهر - *Herder* سایه سنده در که ایلك زمانلرك
بر آز جعلی اولان و جدی متفکر بر حیرانی به تبدل ایتدی و اصولی تحریات باش کوسته ردی .
« *Stimmen der valker in Lidern* 1778 » آدیله آوروپانک مختلف ملتلرندن بر قاج
وحشی جماعتدن طوبلادیغی پارچالرك ترجمه سنی نشر ایدرک خلق شعر ونغمه سنه افکار
عمومیه بی آلیشدیران هه ردهر ، « *Essai sur osian et les chants des anciennes*
peuples نامنده کی آرنده اونلرك قاراقته رینی و کوزه لک لرینی تعیین ایتکی تاسارلادی .

بو ایکی اثر مؤلفنک امید ایتدیکی شکلده کوزهل موفقیتلر قازاندی . عینی ویاخود بونا شبیه موضوعلر حقنده بر ییغین مساعی بی وجوده کتیرتدی . بوجمله دن اولق اوزره موزوس - Museaos ك - مع الأسف ادبی بر چاشنی ایله اورتمك لازم کلدیکی ظن ایتدیکی - « Volkcmarehe dsr Deutsechen 1782-1786 » آدی حکایه کلیاتی وبالخاصه غریم - Grimm برادرلری ذکر ایتك کافی در . (برنجی طبع ، 1812 - 1815 ایکی جلد ؛ ایکنجی طبع 1819 - 1822 اوچ جلد ، فولقور تاریخنده اساسلی بر اهمیت مالک اولان اوچنجی طبع مقایسه اصولنه یول آچمشدر .) فولقورك حقیقی بابالری عد ایدیلن هردردن و غریم برادرلردن صو کرا آلمانیا بوساحده کی نشریاتك قیمت و مقداری خصوصنده ایلك صیرایی ترك ایتمه مشدر . هر نه قادر فولقورك ایلك مرده جیلری فرانسزلر ايسه ده اصل فولقور حرکتی فرانسه یه کافی درجه ده که ج انتقال ایتدی . حتی دیگر لاتین مملکتلر اوکا تقدم ایتدی . بو میانده ملی شعرلرینی ایلك دفعه طوپلامش اولق شرفی پورتکیزه عا ئددر که آلمایده غازه ت - Almeida gareth « لورومان سه یرو Le romanceiro » سی 1839 ده انتشار ایتمشدر . (ایکنجی طبعی 1863 ده در)

صو کرا ایتالیا کلیر : بوراده بر برینی تعقیباً سرعتلی بر شکلده توممازه او - tommaseo 1831 ، مارقو آلدی marcoaldi - که 1855 ده به ییغین سولك بوتون آیالتلرینی طوپلامشدر . - تیغری - tigri (طوسقانه نغمه لری 1860) کورولمکده در . بوندن صو کرا اسپانیایی کوروپورز که : د . آغوستین دوران D.A, Burant نك زومانسه و ژنه رال 1857 Romanacero jeneral ، ی و ف . ژ . وولف - E. J. Wolf ایله ژ . هو فمان J. Hofmann ك « پریماره دائی فلور دو رومانسه س Primavera y flor de romances برلین 1856 » سی بوراده کی خلیات تدقیقلری میاننده در .

بزه کلنجه ، ذهنیتمز چوق قلاسیك و خلق شعرینك اکثریا اهل ایدیلش اولان کوزهللکلرینی طامق خصوصنده پك محترز اولدو غمز ایچین داها زیاده اونلرله ترجمه لر واسطه سیله علاقه دار اولمایه باشلادق . چونکه علی الا کثر بر ترجمه نك اصلارده کی خشونتنی رفع ایتدیکی واقعدر . افکار عمومی به بویه جه فوریهل - Fauriel (1825) ك ؛ بلکه بر آزده موفقیتی سیاسی فعالیتلر سایه سنده دوام ایدن ؛ (موده رن یونانستانك خلق نغمه لری) نه و آرتود - Artod ك (اسقوچیا خلق نغمه لری) نه - که والته رسقوتك 826 ده کی طوپلامالردن مترجدر - وسنت آلبن - saint - Albin ك « آلمانیا نك خلق

نغمه لری « (1847) نه و ایقس مارمیه - X. Marmier (1841) ك « شمالك خلق نغمه لری » نه قارشى حسن قبول كوستره مشدر .

بوندن سوکرا لاویل مارکه - *La ville marquée* (1840 ، ایکنجی طبع 1846) نك « بارزاز بره ییز - *Barzaz Breiz* » ی کوزلرمزى ملی خلیات ثروتمزه قارشى آچدی . بومساعی ، صمیمی برطوپلامادن باشقه برشى دکلدی . زیرا بوقیل اثرلری یکیدن تدقیق ایدیش و آلدن کچیریشلرده خطا و تحریفله تماس ایدیلیورسه ده صحتلی برنجس حرکتی تولیدایدن بویله اثرلر ایچین بوکافی دکلدر . بوندن باشقه بوتجسس خلق شعرندن سه میاتی ایله بحث ایدن برقاچ محررجه نظر دفته آله رق کندی اثرلرینه بونلردن نمونه لر درجنه قادار کیدیلشدی . [ژورژسان - *George sand* ، پاسیم - *Passim* ، نه . سووستر - *E. souvestre* : « لا بره تانی پتوره سک - *La Bretagne pittoresque* ، لده رنیهر بره تون *Les derniers Bretons* صوک بره تونلر 1835-1837 ، لوفو وایه بره تون - *Le poyer breton* بره تون اوجاغی 1844 ؛ پ . فهوال - *P. Feval* : بریتانیا حکایه لری 1844 ، ساحلر بریسی 1851 ؛ ژه . دونه روال - *J. DeNerval* : آتش قیزلری 1854 ؛ لا بوهام غالات 1855 .]

اسویچرده منفاده بولوندوغی زمان (13 ایلول 1852) ، آلمان متبحری فیرمه نیخ - *Firménih* دن ملهم اولان رئیس لوئی ناپولیون ؛ ناظری ه . فورتول - *H. Fortul* شرقیلرمزك برکل حاله قلب ایدیلسنی امر ایتشدیکه ناظره کوره بوشرقیلرمز خلقك شعرى و عمومی دهاسیله تربیه ایدیش بویوک و تام برآده تلقی ایدیلیوردی . بواعتبارله حکومتك خلق شعرلرمزك عمومی بر کلیاتی نشره تشبث ایده چکی ظن ایدیلیوردی . مملکتك هر طرفدن فولکلور مساعیسنی مرکزیشدیرمه که مأمور اولان « فرانسز صنایع ، تاریخ ، لسان قومیته سی » نك فیلولوژی شعبه سنه برچوق مراجعتلر واقع اولدی . فقط مالزمه لك ادعا ایدیلن تصنیف کوجلکی نشریاتی غیرمعین بر زمانه تأخیر ایتدیردی . بون (1870) دن اعتباراً ساده جه « ملی کتبخانه » یه ؛ عامه نك امرینه آماده بر وضعیتده ؛ قولمقله اکتفا ایدیلدی . کلیاتك نشر ایدیلمه سی قارشیسنده امیدسزلکه دوشن هوسکارلر منفرد بر صورتده چالیشمغه قویولدیلر و درحال آیالتلرمزدن چوغی کندی خلق شعرلری کلیاتنه مالک اولدیلر . بو ناشرلردن اك ایلکلری غیرتلیلری « فرانسه فیلامانلرینك خلق شرقیلری » (1856) صاحبی دو قوسه ما که - *De cousse maker* ،

« نورماندیا خلق شعرینه عائد تدقیقات » (1850) صاحبی دو بوروپەر - *De beaureper* ،
 آیالت خلق نغمه لری (1862) صاحبی د. آر بود - *D. Arbaud* ، « رومان سه رود و وقامپانی
Roman cero de champagne (1862 ایکی جلد) صاحبی تاربه - *tarbe* ، « مسینا
 ایلرینک خلق نغمه لری » (1864 - 1881) صاحبی دو پویمه غر - *De Puymaigre* ،
 « پووانو خلق نغمه لری » (1865) صاحبی بوژو - *Bujeaud* ، « آشاغی بریتانی خلق
 شرقیلری » (1874 - 1890) صاحبیلری لوزهل - *Luzel* و براز - *Braz* ، غاسقونیا
 خلق شعرلری » (1882) صاحبی بلاده - *Bladé* ، « نهن خلق شعرلری » (1883)
 صاحبی کیلون - *gillon* ... الخ اولدیلر . تقریباً اون سنه دنبری فولکلور یستلرک ویا
 غننه جیلرک - که کندیلری داها چوق بو اسمله تسمیه ایدیلکی ترجیح ایدیورلر -
 عددی بلا انقطاع آرتمقده و بالخاصه فعالیتلری کیتدکجه کسب مشکلات ایده جک بر حال
 آلمقده در. فولکلور محصولاتی بو کون اک مبذول اولان ساحه لر دن بری اولوب بوجریانه
 قارشى دور مق همن همن غیر ممکندر . آوروپاده شرقی و حکایه لری طوپلانماش هیچ بر منطقه
 قالماش در. و بو کی مساعی دنیانک دیکر قسملری ایچین ده کیتدکجه تعدد ایتکه باشلامشدر.
 بو کی اثرلردن بو کون و یارین ایچین ناتمام اولاجق بر قاتالوغ تنظیمی بزم پلانمزه کیره مه ز.
 یالکیز بو علمک استادلری یاننده کندیلرینی خلق بیلگیسی تدقیقلرینه حصر ایتمش
 اولان جمعیتلرله بونلرک تحریانه عائد نتایجی اشعارت ایدهن طوپلامالرله اراهنک کافی
 اولدوغنی ظن ایدیورز. اوتوز بو قادار سنه لک بر زماندنبری اک صاعلام مساعی بی وجوده
 کتیره ن شمال مملکتلری در .

انکلتزده: ماقس موللر - *Max - Muller* ی ، آ. لانغ - *A. lang* ی ، ژاقویس -
jacobs ی ؛ آلمانیا ده : ت . به نه ی - *Sh. benfey* ی ، آد کون - *Ad. Cuhn* ی ،
 وو . شیواردس - *Schwartz* ی ، وو . مان هارد - *w. Mannhardt* ی ، ر . قوله ر -
R. Kohler ی ، ف . لیه بره خت - *F. Laiebrcht* ی ؛

روسیا ده : د . وه سه لوفسکی *D. Vesselofski* ی ؛

فنلاندیا ده : ژولیوس قرون - *julius-krohn* ی و او غلو قارل قرون - *Kaarl Krohn* ی ؛
 دانمارقه ده ، سیوه ند کورونتویک *Svend - grundtvig* ی ذکر ایتک کافی در .

انکلتزده ، ناشر افکاری « لوفولکلورو فورد *Lc folklore record* » (1878
 و متعاقب ییلرده) و « فولکلور ژورنال *Folk-lore Journal* » اولان « لوندره

فولکلور جمعیتی « (1878) ده آ. لانغ طرفندن تأسیس ایدیلشدیر . بونک یاننده لولاند *Le land* طرفندن اداره ایدیلن « ژیس لور سوسیته *gypsy lor socyety* » نامنده کی جمعیت، تیسقان - *Tsiganes* لرك خلق ادبیاتجه کندیسنه ساحه اختصاص اولارق قبول ایتدی . نهایت قامهل *Cambell* اسقوچیانک اسکی کدلت لسانه عائد فولکلورده مخصوص بر قولکسیون وجوده کتیردی . انگلیز امریقاسنده کی فعالیت بوندن داها آزدکلدر .

(1878) دن اعتباراً واشینگتونده کی سیمیت سون - *Smithson* انستیتوسنه بر قونغره قراریه الحاق ایدیلن قومیات دائره سی سنه لک راپورلر نشر ایدیور و چاپلد - *Child* طرفندن - که *English and scottuh popular Ballads* (1885) بوستون *Boston* نامنده کی اثریه خلق ادبیاتنه بر آبد یوکسولتمشدر . - ریاست ایدیلن بر فولکلور جمعیتی (1880) دن اعتباراً « آمریقا فولکلور غزته سی » نی چیقاریور . آلمانیا ده ح . واینهولد - *H. Weinhold* یکر می جلدی محتوی « *zcitschrift fur völkèrpsychologie und sprachvissenschaft* » ی تعقیب ایدن « *zeitchrift des vereins fur valkkunde* » ی اداره ووکنه سته *1888 Veckensted* ده « لایشیریقت فور وولفسفونده *La zeitschrift fur volkskunde* » تأسیس ایدیور . روسیه ده حکومت مفصل راپورلر نشر ایدن احصائی و اتوغرافیک هیئتلر تشکیل ایتدی . 1888 دن اعتباراً « ز . قاریویچ - *Karowicz* , ز وارشواده ، انطوان هرمان - *Antoin Herman* یودایشته ده کمال اعتنا ایله محلی فولکلور مجموعه سی اولان « لاویسلهز *La Wisler* و « *Lthnogische mittheilungen aus ungaru* » ی نشر و اداره ایدیورلر . فنلاندیا ده 1886 ده قرونلر - *MM. Krohn* طرفلرندن تأسیس ایدیلن « فین - اوغور *Fino - Ogourien* » جمعیتی مساعیسی آراسنده فولکلورده کنیش بر ساحه آیرمش اولوب مساعیسنک نتیجه سنی یدی جلد اولارق نشر ایتشدیر . لاتین مملکتلرده مدققلرک بالخاصه مالزیه یی طوبلامقله مشغول اولدقلری کورونور . بومالزیه یی تنسیق ایتک و هیچ دکلسه مستقبل ائرك بر قسمنک طاسلاغنی وجوده کتیرمک تجربه سنی یاپانلر آراسنده فرانسه ده ژ . پاری - *G. Paris* یی « بیه مونته خلق نغمه لری 1890 » ، « فرانسز ادبیاتنده شرق ماصاللری 1855 » ، و « کدوز - *Gaidoz* ی « مهلوزین *Melusine* » ده کی ماده لری و قونث راندولری 1890) ؛ وایتالیاده آنقونا - *Ancona* (ایتالیا خلق شعرلری 1878) و

ویغرا - *Nigra* نی (پیه مونته خلق حکایه لرینک یکی طبعنه مقدمه 1888) ذکر ایدم بیلیرز . بالمقابل هر نوعدن مشاهده و متنلر نامتناهی صورتده تعدد ایتمکده در . ح . کدوز و نوروئلان طرفلرندن تأسیس ایدیلن « مه لوزین » ک یاننده سه بی سیوت - *Sébillot* « خلق عنعنه لری مجموعه سی 1885 » نی اداره ایدیور . و بیه مونت - *Blemont* و «ار نوی *Carnoy* ک نظارتی آلتنده کی « عنعنه جمعیتی » بر مجموعه دن باشقا اولارق « بین الملل عنعنه کلیاتی » (1888) نی چیقاریور .

مختلف طابعلر؛ بوتون ملتلك خلق ادبیاتی ، مه زون نوو 1881 ؛ خلق شرقیلری و حکایه لری کلیاتی ، لورو 1881 « دن عبارت اولان بو قولکسیونلری نشر خصوصنده مسابقه ایتدیلر . نهایت فیلولوژی ایله محلی لهجه لرله اشتغال ایدن باشلیجه مجموعه لر وقتيله خلق متنلرینی نشر ایتدیلر و حالا نشر ایتمکده درلر : [رومانیا ، رومان لسانلری مجموعه سی ، غالورومان پاتوالری مجموعه سی ، فرانسزو پرووانسال فیلولوژی مجموعه سی] بلچیقاده - لیه ژده - موقوت بر فولقلور بولته نی نشر ایدن واللون فولقلور جمعیتی (1891) هنوز تشکل ایتش دینه بیلیر .

ایتالیاده حال حاضرده طقوز جلدی انتشار ایدن « ایتالیا خلقنک حکایه لری » کلیاتی آنقونا و قومپاره تی *Comparetti* اداره وادامه ایتمکده درلر .

سجیلیا فولقلوری ژ. پیتزه - *G. Pitré* و س. سالومون مارینو *S. salamone Marino* ک شخصلرنده یوروپا لار بر غیرتک ممثلرینی بولدیلر : برنجیسی شیمدی یه قادار یکر می اوج جلدی انتشار ایدن « قوریوزیتاده ل ترادیسیوننی پوپولاری *Curiosita delle tradizioni* *Oppolari* نی اداره ایدیوردی . نهایت ساباتی نی - *Sabatini* رومنه فولقلورینه برسه ری تدقیق حصر ایتک تصورنده درکه بونک ایکی جلدینی نشر ایتدی (1890) .

اسپانیاده 1831 ده (ماشادوئی آلواره سی - *Machadny Alvares*) طرفندن تأسیس ایدیلن بر (اسپانیول عنعنه سی کلیاتی) نه مالکدر . پورتکیزده غولو - *goelho* ، براغا *Braga* لایته - *Leité* ، دوواسقونسه لوس *De vasconcellos* کی مؤلفلر بالخاصه « *revista lusitana* » ویا « *revista d'ethnologia de glottologia* » ویا « *revista lusitana* » ده متعدد مقاله لر نشر ایتدیلر .

فولقلور تدقیقلرینک بر دنبره آله ایتدیکی رغبت یالکیز فولقلوریلستری لاعلی تعیین کندیلرینی بر مؤلف عد ایتمکه سوق ایدن بر قولایلغی حائز اولمسیله ایضاح ایدیله مه ز . آنجق تدقیقلرک وضع ایتدکلری مسئله لرك ارئه ایلدیکی علاقه وکمیته هیئت عمومیه لرینک

کوستردیکی نوعی ده نظر دفته آلق لازمدر. فی الحقیقه بو تدقیقلر شیمدی یه قادار چوغی حل اولونمایان بر طاقم مسئلهلر وضع ایتدیلر. بو ساحه نك، ولو جاذب نوعدن بر شی ایچون اولسون، حرکت کلمکی دعوت ایدن مبهم وسعتی بعضی فکرلره بر تأثیر اجرا ایدر کورونمکده در. بوتدقیقلر، احتوا ایتدیکي اشتغاللر و استعدادلره نظراً، صنعتکاری، روحیاتجی یی ومورخی علاقه دار ایدم بیلرلر. ابتدائی دوره حاکم اولان فولکلوریک حرکتک منشائی تشکیل ایدن بوفعالیت، حال حاضرده، بلکه چوق اهمال ایدلمشدر. متادیا نشر ایدیلن آثار آراسنده هیچ بر حکایه و شرقی کلیاتی یوق که جاذب بر افاده صافی، نادر بر حس شدت عرض ایدن پارچه لری احتوا ایتمه سین. ژ. ویکر *G. vicair* ایله بوشور *Bouchor* اینجه و بیلگیلی بر صنعتک اونلردن ناصل استفاده ایدم بیله جکئی کوسته رمشلردر. فولکلور تدقیقاتنک پیسیقولوژیک طرفی بر چوق عالملری تسخیر ایدیور. فقط بر چوق خلق بیلگیجاری نشر ایتدکلی اثرلرنده ملی ومحلی سجه نك ایزینی بولمق قورونتوسنده اصرار ایدیورلر.

بو اوילה بر خطادر که بوقادار کنیشلک ایچنده بر برینک صانکه عینی اولان متن موجودی تثیت ایدیلدکن صو کرا اولسون اورتادن قالمسی لازمدر.

روحیاتک فولکلوردن ایسته دیکي شی : معین بر حرث درجه سنه ایریشمش ویا او درجه ده قالمش جماعتلرک حالت روحیه لرینه ؛ اونلرک دینی، اخلاقی، شعری احتیاجلرینه مشاهده وحتی ابداع ملکه لرینه دائر وثیقه لر احضاریدر.

فولکلورک چوق کنیش خدمتیر یاپه بیله جکی ساحه بالخاصه تاریخددر. بوعصرک ایلاک نصفنده یاپیلدیگی کبی ؛ أنتوغرافیا وقبل التاریخ میتولوژی مسئله سنک حلنی فولکلوردن بکله مک ایجاب ایتمز.

خلق حکایه لرنده ابتدائی اسطوره لرک صو ک عکسلرینی بولمقدن واونلری مرکز ی آسیا آریالرینک دینی فکرینک شاعرانه برر انتقالی کبی تلقی ایتمکدن صرف نظر ایدیلدی. فولکلورده بوتون عرقلرک وحشیلرنده مشترک اولان فکرلرک تمثلی آرامق و اونلری بالنتیجه بشریتک وحشی حیاته عائد روحیاتک شایان اعتماد برر وثیقه سی کبی تلقی ایتک. که آ. لانغ *A. Lang* بوقناعتده در. بر آاز موهوم اولور. فولکلور، آرزولرینک ساحه سنی تحدید ایتمه نه رغماً، کافی درجه ده مفید بر طرفی احتوا ایدر ومحتملدر که ادعاری نه قدار متواضع اولور سه آلد ایتدیکي نتیجه لر او نسبتده سریع وتطمینکار اولور. بوضورتله فولکلور خواص ادبیاتنده کی خنقه عائد عنصرلرک حصه سنی صحیح بر صورتده

کوسته ره درک بو ادبیاتک تاریخی تنویر ایده جک یکی ایشیقار تولید ایده جک و اونلردن هر برینک اوریشینالیته سنی داها ای آکلامغه یار دیم ایده جکدر .
فقط اونک باشلیجه موضوعنک ؛ منشألرینی : اک آشغی منطقه لرده و اک مختلف محیطلرده آراشدیدمق لازم کلن ، مادتلرک ، مؤسسهلرک ، اعتقادلرک ، آیینلرک ایضاحی اولدوغنی ظن ایدیورز .

ایشته فولکلورک بو کون یالکز شعر متلرینی طوپلامقله مطمئن اولماماسنک وعینی زمانده افسانه و حکایه لرله برابر اسکی اعتقادلرک بدیهی ایزلرینی محافطه ایدن خلق عبادتلرینی ؛ یاخود حیاتک دوغوش ، ازدواج ، اولوم کبی باشلیجه ایجاباتنه غیر مشهور خاطره لرینک و سمبولیک کتابه لرینک کیزله نه بیلدیکی چوجوق اویونلرینی طوپلامسنک سبی بودر .

بو کبی تدقیقاتده اک بویوک صلاحیت و اک دهرین تنقید قدرتی حائز اولان بر عالمک دیدیکی کبی : فولکلور بر تحریری اصولدن زیاده هیچ دکلسه اعتقادلری ، موسسه لری وعادتلری ایضاحدن عبارت موضوعنی « تام شکل و تبلار حالنده دکل ؛ فقط باشلانغچلر نده ، انکشافنک بوتون درجه لرینی تعقیب ایتک ، معروض بولوندوغنی بوتون تاثیرلری حساب ایلهمک ، عینی زمانده حصوله کتیره بیلدیکی بوتون مشابه تشکملری حال موازنته کتیرمک صورتیه ایضاح ایتیمی نظر دفته آلان آیری بر علمدر .

تکرار تشکیل ایدیلک ایسته نیلن زنجیرک داغنیق حلقه لرینی علی الا کثر مختلف خلقلرده ومختلف مملکتلرده طانیق لازمدر . طبیعیاتیکی زوال بولش بر نوعی ، قبل ال ریخ بر دورک بر حیوانی یکیدن کوسته رمک ایسته دیکی زمان بوندن باشقه درلو حرکت ایتمه یور و کنیش بر قطعه اوزرنده داغنیق جزؤلری آرایور . غیب اولش بر موجودک پلانی استقراء ایتک ایچون بو جزؤلری بربری آرذی صیرا وضع ایتک لازمدر .

الده تام بر نمونه سی اولمامقله برابر بزم فکر مزه کوره فولکلور تدقیقاتنک اصولی بوندن عبارتدر . فقط بو اصول مالز مه یغیننک نامتناهی اولدینی بر ساحه یه تطبیق ایدیلیور : زیرا موضوع بحث اولان شی انسان و بوتون انسان در ا] ح . که دوز - مه له لوزین جلد 34 [

بو بر قاچ سطر ، یالکز واقعاتک تشیتیه تحدید فعالیت ایتمین فولکلور مساعیسنک استلزام ایتدیکی حاضر لقلری وعرض ایلدیکی مشکلاتی کوسته ریور .
تاریخ ، لسانیات ، ائتوغرافیای کبی متنوع بیلکیلری وبالخاصه اعظمی درجه ده اصول

وتنقید استعمالنی طلب ایدیور. بناءً علیہ علمی شکلده یاپیلان فولقلور مساعیسی قولای
أدبیاتك برشعبه سی اولمقدن بوسبوتون باشقه برشی در .

یازان :

JEANROY

ترجمه ایدن :

HÜSEYİN AVNİ

کتابیات :

مالزمه لر ، خلقه عائد مختلف طویلامه لر، تنقیدلر ایچین مقاله ده موضوع بحث عالمک،
بالخاصه م . مولله ر ، به نفه ی ، مان هارت ، لائق ... ک اثرلرینه باقکیز .

⊙	HALK BİLGİSİNİN KADROLARI	⊙
---	------------------------------	---

خلق بیلگیسنده ، متوغللرک یاپه جنی شی ، اولاً بو بیلگیلری طویلامقدر . فقط
ایش یالکز واقعه لری مشاهده و جمع ایتمکه قالماز ، آیریجه باشقه بونلرک ناصل تصنیف
ایدیله جکنی ده بیلیمک لازمدر . داها دوغریسی مشاهده لرک ثمره بخش اولماسی ایچون
واقعه لرک داها اول کیش تحریاتجیلر طرفندن هانکی قادرو لرک ایچنه یرلشدیرلرکیرنی
اوجکهدن اوکره نمک ایجاب ایدر . بو، نه قدار ای بیلینیرسه واقعه لر اونسبتده فضله و ای
کورولور . فقط « خلق بیلگیسی » تام انکشاف حالده بولونان برعلم اولدیقندن و بیکلرله
واقعه لر هنوز مجهول و اونلری تصویر ایده جکله منتظر بولوندقلرندن خلق بیلگیسنه
متعلق رهبر و خصوصی تدقیقنامه لر بالضروره ناقصدر . بوايسه بزم ایچون داها ایدر ؛
زیرا نباتات و حیواناته دائریکی شیلر کشف ایتک احتماللری ضعیفله مش اولدیغی حالده
خلق بیلگیسنه عائد کشفلرده بولونمق امید بوسورتله باقیدر .

اجتماعی واقعه لر بر الماسده اولدیغی کی بر چوق سطحلری محتوی مکعبلر شکلنده
کورونورلر ؛ اونلری تصویر ایتک ایچون بوسطحلرک هر برینی آرقه آرقه یه و برنظام داخلنده
نظر اعتباره آلق لازمدر . ایسته نیان یردن باشلانابیلیر . لاکن اوندن صوکره بونظام
ادامه ایدملیدر . بوسطحلرک تعدادی - بوراده دیدیکم کی - برقادرودر .
بن بونلردن مختلف حرکت نقطه لرینه عائد اوچنی ذکر ایده جکم :

1 — « Paul Sébillot » ک فرانسه خلق بیلگیسی (1904 - 1907) قادروسی .

2 — انگليز خلق بيلكيسى رهبرينك قادروسى .

3 — « Hoffmann - kraye » ك ، اسويچره خلق غننهلى جمعيتى طرفندن
حمایه ايدیلن سنه لك فولقلور كتابياتى قادروسى .
بديهيدير كه علاقه دار اولديغى علمك ترقيسى داها معضل و كيت كیده كينيشليه بيله جاك
قادرولى استلزام ايدم جكدر . بو خصوصلرده خاصه وقتدن اول حاصل اولمش فكرلرله
قورو نظريه دن صاقينمق لازمدر .

« Paul Sébillot » واقعه لرك خارجى كورو نوشلارنى نظر اعتباره آلوب اونلرى
داخلى رابطه لرینه نظراً دكل ، كوزه كورونه بيلن شكل لرینه كوره تصنيف ايتمشدر . بونلرى
دوت بويوك قسمه آيرماسى ده بوندن ايلرى كليور . برنجى جلد : كوك و ير ، ايكنجى جلد :
دكنز و طاتلى صولر ، اوچنجى جلد : حيوانلر و نباتلر ، دردنجى جلد : خلق و تاريخ .
باطبع تالى تقسيمات ده ياپيلمشدر ، مثلاً اوچنجى جلد ده ايكي كتاب واردر : حيوانلر - نباتلر .
برنجيسنده :

(a) مەلى يابانى حيوانلر .

(b) مەلى اهلى حيوانلر .

(c) يابانى قوشلر .

(d) اهلى قوشلر .

(e) زاحفه لر .

(f) بوجكلر .

(g) بالقلر .

كذا بوشعه لرك هر برى ده ممكن اولدينى قادار عين نظام داخنده صره لاش فصللره
آيرلمشدر . بوضورتله مەلى اهلى حيوانلره عائد اولمق اوزره :

1 — منشألى .

2 — چيفتلىشه وقوزولامه لر .

3 — سوت .

4 — بونلر حقنده ضالالتلر و باطل اعتقادلر .

5 — تفأل و تصادفلر .

6 — انسان و حيوانلرى .

7 — طاوانك و اوتلاغك جنلرى .

8 — حیوان شکلنده جینلر و پریرلر.

9 — سحر و بویولر.

10 — خسته لقلر و بیطرلق .

11 — قودوز.

12 — ماصال و افسانه لر.

کورولیور که ، مثلاً سحر و بویولری تدقیق ایتک ایچون باشدن آشانی *P. Sébillot* ک یابدیغی ایشی یایمق ایجاب ایدیور . کذا ماصاللر و افسانه لرده بوتون شعبه لرده داغیلمشدر و بوندن باشقه بو ماصال و افسانه لرده تحلیل ایتدکلرینک ، طوبلانا نلرک آنجق جزئی بر قسمنی تمثیل ایتکده اولدیغنی خاطر لاملیدر . خلق اعتقادلرینه و دوگون ، جنازه ، اولیای زيارت آیینلرینه عائد معلومات ایسه داها داغیقدر . شرقیلر چوق نادر و صنعت ، صناعت ، او حقه کی معلومات ده داها اندردر . دیمک اولیور که (*P. Sébillot*) خلق بیلکیمی نامی آلتنده اسکی عنعنه جیلکی تشکیل ایدن فرانسه خلق فعالیتلرینک آنجق بر قسمنی تصویب ایتمشدر . بواثرک محلی تحریاتجیلر اوزرنده کی تأثیر ده نسبة ضعیف اولمشدر .

لوندره جمعیتک یابدیغی رهبر اساس اعتباریله بو تحریاتجیلر ایچوندن . فقط بونده خلق بیلکیمی اوقادار توسیع ایدلمش ایدی که ، خاصةً اوروپا خارجنده کی نیم مدنی اهالی ایله مشغول اولان اتنوگرافیانک بوتون بر قسمنی احاطه ایتمشدر . بورهبرک میس *Charlotte Burne* طرفندن 1914 ده ترتیب ایدیلن ایکنجی طبعنک پلانی ایشته شودر : برنجی کتاب — 1 : یروکوک ، 2 : نباتلر عالمی ، 3 : حیوانلر عالمی ، 4 : انسانلر ، 5 : انسان طرفندن یاپیلمش اشیا ، 6 : روح و آخرت ، 7 : فوق البشر مخلوقلر ، 8 : تفأللر و رمللر ، 9 : سحر بازلق ، 10 : خسته لق و خلق هکیملیکی .

ایکنجی کتاب — ، 1 : عرف و عادات و سیاسی و اجتماعی مؤسسه لر ، 2 : فردی حیاته متعلق آیینلر ، 3 : ایشلر و حرفتلر ، 4 : تقویمی بایراملر و سائزه ، 5 : اویونلر ، سپورلر و اکلنجه لر .

اوچنجی کتاب — فقره لر ، شرقیلر و آتا سوزلری . (*Dictons*)

1 : ماصاللر a — حقیق اولمق اوزره سویله نلر ، b — اکلنجه اولمق اوزره سویله نلر .

2 : شرقیلر و بالادلر . [*]

[*] خصوصی بر شکلده تنظیم ایدلمش شرقیلر

3 : ضرب مىثلار و بىلىمچىلەر ،

4 : سوز تىمىللار و آتا سوزلىرى .

فضاۋە اولەرق لاحقەلىرى تىشكىل ايدەن دردنجى كىتاب : *terminologie* سؤاللىرى ،
ايندو اوروپائى ماصاللىردن نىمۇنەلەر ومقايسەلى كىتابىيات .

بو رەھبەر - كورولدىكى وجەھلە - *P.Sébillot* كىتابىنى كىلىكىندىن داھا چوق شىموللى
بىر ساحتىي احاطە ايدىيور . ذاتا غايەلىرى دە بىر دىكلدىر . مىس *Burne* يالىكىز محلى تىدقىقتا تىجىلەر
دىكل ، عمومىيەتلە عالملىرى دە مەدىر و عمومى فىكىرلەر و بىر مەكى ايسىتە مىشدر . بو ، ياپىلىمش اولمىقدىن
اوزاق بىر ايش اولان تام بىر انىكلىز خلق بىلىكىسى تەرىفى اولمايىوب نىمۇنەلك اولارق اتخاب
ايدىمش ومؤلفك مقايىسەلى اتنوغرافىيا اصولى واسطەسىلە تەفسىر ايلەدىكى ، انىكلترەيە عائد
بىر طاقم واقىقەلىك اساسىنە دائىر ، بىر نوع عمومى نظرىيەدر .

ايشىتە نىھائىت (ھوفمان قرايە *Hoffmann - Kraye*) طرفىدىن خلق بىلىكىسى سىنەلك
بىبلىيوغرافىياسىندە قبول ايدىلىن قادروودە بودىر . بو بىبلىيوغرافىيانىڭ 1917 ، 1918 ، 1919
سىنەسىنە مخصوص اولانلىرى « *Bâle* » شىرندە انتىشار ايتىمىشدر . بونىك تالى تقسىماتى ا كثرىتە
جوغرافىي اولدىغىندىن بىر يالىكىز باشلىچە اقسامىنى كوسترىيورم .

I — عمومى خىطلار (كىتابىيات ، اصول ، الخ ..)

II — كوى .

III — مەبانى (اولر ، انبارلر ، كلىسالىر ، الخ ..)

IV — اشىالار .

V — اشارتلىر (املاك وعقارات مارقەلىرى ، الخ ..)

VI — خلق صنعتلىرى (دو قومە جىلق ، اويمان جىلق ، چوملىك جىلك ، تىختە ودمىر
ايشلىرى وسائىرە)

VI — خلق روحياتى .

VIII — قىيافت وعناصرى (حلىيات ، الخ ..)

IX — ما كولات ومشروبات .

V — عرف وعادات (بىر مىللەتكە كچمە مىراسىمى ، جەمىيتار ، لونجەلر ، تقوىمى بايراملار ،

اويونلر واويونجاقلر ، الخ ..)

XI — خلق حقوقى .

XII — اعتقادلر (دینلر واسطوره لر ، اعزیه طایفه ، بویوجیلک ، جنلر و پرلر ، فاللر ، موصقالر الخ)

XIII — خلق هکیملمکی.

XIV — خلق ادبیاتنک عمومی خطلری (نقربهلر ، الخ .)

XV — خلق شعرلری (شرقیلر ، آتاسوزلری ، موسیقی ، رقصلر ، الخ .)

XVI — ماصاللر (پری ماصاللری ، کولونج فقرهلر ، افسانه لر .)

XVII — خلق تماشاسی (تمثیللر ، قیراکنجه لر)

XVXI — تقویملر ، سالنامه لر ، الخ

XIX — خلق دیلی (لهجه جیلک ، معمارلر ، ضرب مثللر ، خصوصی دیللر و «آرغو» لر [*])

XX — اسملر (محل ، قوم ، عائله اسملری ، مخلص ، اله ، حیوان ، نبات ، اسملری ، الخ)

خلق بیلگیسنک زمانمزدده ناصل بروسعت کسب ایتدیکی واضح بر صورتده کورولیور. بو شعبه لرك بعضیلرنده فرانسز عالملری حرکتک ایلک متشبثلری اولمشلردر. مثلاً خلق عبادتلری ایلک اول اون سکزنجی عصر نهایتنده *Dulaure* ، اوندن صوکره استادانه بر طرزدهده اون دو قوزنجی عصرده «*Gaidoz*» طرفلرندن تدقیق ایدلمشدی. حیوانات و نباتاته ویریلن اسملره متعلق خصوصی علمک مؤسسسی و سوز کوتورمن استادی *Eugène Rollaud* در. معمارلر ، ضرب مثللر و آتاسوزلری تقریباً اکیوز سنه اول *(Sollin de Plancy)* *Leroux de Lincy* طرفلرندن اطرافلیجه تدقیق ایدلمشدی. چیفتلک وسائرهنک علمی بر صورتده تدقیقی اساسنی قورانده (*De Fovielle*) در.

فقط بوتون بو خصوصی تحریات یکرمنجی عصرک ایلک سنه لرینه قادار داها زیاده فردی و نوعما فرعی ایدی. بونلر آنجق زمانمزدده ، خلق بیلگیسنک مستقل بر علم اولارق تشکل ایتمه سنی انتاج ایدن بر اصول تحتده و منتظم بر ترتیبه کوره طوبلانشدر. 1917 سنه سنه عائد بیلو غرافیا ، اوزمان بین الملل مناسباتده کی مشکلات حسابیه ناقص اولماسنه رغماً (1700) دن فضله کتاب اسمی احتوا ایدیور. بوده تحریاتمزنک اویاندردیغی علاقیه بر علامتدر. علاوه ایدیم که آلمان وسلوو مملکتلرنده خلق بیلگیسنه مخصوص یکرمی قادار مجموعه ایله منحصرأ بو علمه وبوکا متعلق تدریساته دائر اون قادار دارالفنون کرسیسی موجوددر.

[*] آرغو بالخاصه عوام طبقه سندن هر هانکی بر زمهره نك استعمال ایتدیکی خصوصی لهجه یه دینیر.

بناءً عليه خلق بيلکيسيله مشغول اولمق ايستينلر ، (*Hoffmann Krayr*) ،
 (*Miss Burne*) و (*Sébillot*) دن برينك قادروسنى انتخاب ايده بيلير . بكا كلنجه ، بن
 (*Hoffmann Krayr*) ككنى ترجيح ايده رم . زيرا بو قادروداها تام و واقعه لرى دوغريدن
 دوغرى يه تدقيقه و اولدن تخمين ايديله ين كشفيا تيك استلزام ايده جكي تبديلاته داها
 الويريشلى بر ماهيته در . دائما ، ممكن اولديغى قادار ، مشاهده ايدين شائيتى رهبر اتخاذا
 ايده رك علمى تصنيفلرى ، آنجق يكي احتياجاره كوره اصلاح ايديله بيان چكجه لى بر دولاب
 تلقى ايله مليدر . ايسته بونك ايچوندر كه بن بوراده « تصنيف » دن دكل ، فقط ساده « قارولر » دن
 بحث ايتدم .

محلى ايجابات و شخصى امكانلر ك تأثيرى آلتنده تدقيق موضوعى اولارق خلق بيلکيسنك
 خصوصى بر شعبه سى انتخاب ايديلكى زمان عين موضوع حقنده كى (مونوغرافى) [*] لرى ده
 قاريشدير مق و بونلردن تالى بر قادروده چيقار مق فائده ليدر . بو صورتله بر نوع رهبر
 آله ايديله رك هانكى جهتلرده بوشلقلر قالدیغى دها آچيقجه كورولور . فرض ايده لم كه
 بوسفر شرقيلر موضوع بحثدر . بونك ايچون (*Tiersot*) ك « فرانسز آلپلرى شرقيلرى »
 قادرولى ، ياخود (*Nillien*) نك (*Nivernais*) [*] شرقيلرى قادرولى ويا
 (*Trebucq*) ك « واند *Yendée* » و پيرنه شرقيلرى قادرولى قبول ايديله بيلير . ايسته
 « *Millien* » ك نسبة مكمل اولان قادروسى :

برنجى جلد - قصه لى شرقيلر .

1 — خيالى ورومانكارى موضوعلر .

2 — حرب و عسكرلك .

3 — بسيط موضوعلر ، كوچوك سرگذشتلر .

4 — لطيفه لى ، كولونج شرقيلر .

ايكنجى جلد — يانيق و ديندارانه شرقيلر .

1 — دينى موضوعلر ، معجزه لر ، الخ .

2 — افسانوى ، هائلوى و فاجعه لى موضوعلر .

[*] يالكز بر موضوع حقنده معلوماتى احتوا ايده ن اثرلر .

[*] *Nivernais* فرانسه نك قديم براياتلى اولوب اون دردنجى لوى زماننده الحاق ايدلمشدر .

بوكونكى (*Nièvre*) ولايتنى تشكيل ايتكمده در .

3 — جنائى شىرقىلار .

4 — تارىخى شىرقىلار .

بوقادروده موأخذە ايدىلەبىلەجك شى دوكون شىرقىلارى، حصاد شىرقىلارى اخ... كى
مراسمە عاۋد شىرقىلارە خصوصى بىر بىراقىلماش اولماسىدەر . فقط بوترتىك نمونەلرى
باشقە ولايتلارە داها زىادە بولوندىغى حالە (Nivernais) دە پك اوقادار موجود دكلدر .
خلاصە داها اولكى قادرولرى محلى شرائطه انطباق ايتدىرمك لازمدر .

يازان :

VAN GENNEP

ترجه ايدن

SAIT NAZIF

✱	<p>MASALLARI NASIL TOPLAMALI</p>	✱
---	--------------------------------------	---

آرقداشلارمزدن معلم انور بك ، بزە، مجموعه مزده تكرر نشر ايدىك اوزره 1338 سنە سنده
دياربكرده مرحوم ضيا كوك آلپ طرفندن نشر ايدىلن «كوچوك مجموعه» نك اون يىنجى نىسخە سنده
مندرج (خلىقات : ماصالار) باشقلى مقاله نك صورتى كوندرمشدر . مى وحرثى اويانە مزده
بويوك تاثيرى اولان مرحوم استادك آدىنى حرمت وشكران دويغولرله آكه مزە وسيله
ويرەن يازىنك (خلق بىلىكىسى مجموعهسى) نده يكىدن نەرىنى تامين ايلديكىندن دولاي
آرقداشمزە تشكر ايدرز . درنكجىلر ، بويازيده ، كندىلرى ايچون بويوك فايدالرو ارشادلر
بولاچقلردر .
H.B.D

يازىسز ويازىلى ادبىياتى اولمايان ابتدائى جمعيتلر ك مدنيت تارىخى قومياتدر . مدنى ملتلك
ايچىندە دە « خلق » نامى ويرىلن شفاهى عنعنەلرە مالك برقسم واردر . بوزمرە نك بوتون
عنعنەلرى سطرلرە كچمەش ، صدرلردە قالمشدر . ابتدائى جمعيتلر كى بوخلق زمىرەلرى دە
قومياتك موضوعنى تشكيل ايدەرلر . فقط ، قومياتك بونلردن بحث ايدن قىسمە ، آوروپالىلر
آبرى براسم طاقەرق ، « فولكلور » دىيورلر . بزە بوكلەي « خلىقات » كلە سىلە لسانمزە
نقل ايلەدك [1]

[1] (فولكلور) ، بزە تعمم ايتدىكى كوندن برى (خلىقات) شىكلندە ترجه ايدلدى .
كوك آلپ دە ، بوسوزىلە ، خلىقات ترجه سنى قبول ايدىور دىمكدر . بزكر ك لغوى دوغروق ،
كر ك مونسلك نقطە نظرندن دولاي (فولكلور) ك (خلق بىلىكىسى) طرزندە ترجه سنى موافق
بولويورز .
H.B.D

خاقیاتک تدقیق ایتدیکی شفاهی عنعنهلردن برنجیسی « خاق ماصالاری » در. کوچوک مجموعه ده تورکلرک بر چوق خاق ماصالارینی نشر ایتدک. بونلرک اکثریسی دیار بکر تورکلرینک ماصالاریدر. برایکی تانه سی ده آنادولونک دیگر قسملرندن آلمشدر: « کل اوغلان » ماصالیه « کوچوک همشیره » کبی. خلق ماصالی، هر ماصال سویله یندن آلیناز. چونکه ماصالک کندینه مخصوص تعبیرلری، کندینه مخصوص لسانی واردر. ماصالاری خصوصی تعبیرلریله، خصوصی شیودسیله نقل ایدن آنجق اوجاقدن یتشمه ماصالجیلردر. ماصالجیلر اسکی اوزانلغک، قادینلرده دوام ایدن قسمیدر. اوزانلق، بابادن اوغله قالدینی کبی، ماصالجیلقد آنه دن قیزه انتقال ایدر. ارکک ماصالجیلرده وارسه ده، اکثریا ماصالجیلر قادین جنسنددر.

ماصالجی، کندی ساحه سنده بر نوع صنعتکاردر. آغزندن چیقان هر کله یرنده قوللانیلمشدر. بو کبی ماصالجیلرک بر کله سنی بیله دکیشدیرمه مه لیدر. ماصال، آغزلردن ناصیل چیقارسه عیناً ضبط ایتمه لیدر. حقیقی بر ماصالجینک ایکی اوج ماصالی، باشقه لرندن آله جق بیکلرجه ماصاله مرجعدر. بناء علیه، خلقیاتجیلر بر حقیقی ماصالجی به تصادف ایتدیلمی، اونک بوتون ماصالارینی ضبط ایدرلر، باشقه لرنده کی ماصاللره قولاق بیله آصازلر. کوچوک مجموعه ده کی ماصالار مع التأسف بواصوله موافق اولارق طوپلانهمامشدر. چونکه، بر حقیقی ماصالجی بوله مادیق. مع مافیه، ماصاللره رنک ویرهن عنعنوی عبارتله لری، تعبیرات مخصوصه یی عیناً ضبط ایتدک.

حقیقی بر ماصالجی ایله مناسبتی و قرابتی اولانلردن مات نامنه رجا ایدرزکه، همان بوتون ماصالارینی عیناً ضبط ایتسونلر، چونکه، خاق ماصالاری بر ملتک اک زنکین خزینه لرندن بریدر. ملتک اسکی سجیه سی، اسکی مفکوره لری ماصاللرنده محفوظدر.

آوروپانک بوتون ملتاری، ملی سجیه لرینی، اسکی مفکوره لرینی آکلایه بیلمک ایچین، مملکتلرنده نقل اولونان عموم خلق ماصالارینی ضبط ایتشلردر. بوماصاللرک قهرمانلارینی هر کس طانیر. چونکه، یوکسک ادبیاته ده تلخیص طریقیله کیرمشدر. بوماصاللرک چوجق تربیه سنده ده بویوک رولی واردر. قرائت کتابلری هپ بوماصاللره دولودر. کوچوک چوجوقلرک دقتی، علاقه سنی یالکیز بو ماصاللر جلب ایدر. اونلر، ایلاک قهرمانلق درس لرینی، مفکوره ایچین فداکارلقلری بو ماصاللردن اوکره نیرلر. «موریس قوشور» فرانسز ماصاللرندن کنج قیزلر ایچین کوچوک پیهسلر چیقارمشدر. آنادولوده چیقان بوتون غزته لرده رجا ایدرز. بزم یاپدیغمز کبی اونلرده کندی محیطلرنده کی تورک

ماصاللرینی طویلایه رق نشر ایتسینلر. حقیقی برماصالجی بولامازلرسده ضرری یوق، یالکیز
 ماصالک اساسنی تشکیل ایدن غنغوی جمله لری، مخصوص تعبیرلری، عیناً محافظه ایتسه لر
 کافیدر. بوتون ماصاللر طویلانجه، ایچندن، چوجوق تربیه سنه یارایانلری، ملی سجیه یی
 تقویه ایدنلری سچیلیر، دیکرلری آتیلیر. ملی ماصاللر منری چابوق طویلایه ساق بوس
 بوتون ضایع اوله جقلرینی ده نظره آلمالی یز. اون سنه دنبری اوغرا دیغمز قتاللر، مهاجر تیر
 یوزندن نه قدر ماصالجی و ماصال غائب ایتدی کمزری الله بیلیر. بوسویله دکلر من، خلقیاتک
 دیکر قسملری ایچین ده وارددر. بعض مجار، روس، آلمان خلقیاتجیلری آنادولونک وسائر
 تورک اولکه لرینک ماصاللرینی طویلایوب تورک لسانیه، فقط کندی یازیلریله نشر ایتشلردر.
 استانبوله کی کنجلیرمزدن رجا ایده رز. بو طویلانان ماصاللری ملی یازیمزه نقل ایتسینلر.
 بویوک خانلرمزدن بری «تورک ماصاللری» نامیه بر کتاب نشر ایتشدی. بو ماصاللر
 استانبوله عائد تورک ماصاللری اولدیغی ایچین چوق قیمتلندی. فقط، اسکی کتابت لساننده
 یازیلدیغی ایچین بوقیمتی قسماً ضایع ایتدی. استانبول کنجلیری بو کتابی خلق تورکجه سنه
 نقل ایتملیدرلر. سائر استانبول ماصاللرینی ده آیریجه طویلالمالیدرلر. آنادولو خلق
 ماصاللرینک اولجه شفا هیلکدن، تحریر یلکه کچنلری ده واردر.

قورقود آتا کتابی بونلرک ایلك یازیلش اولانیدر. بو کتاب، حکمدارلری بایندر
 بوینه منسوب بولونان براوغوز ایلنه عائددر. تاریخجه معلوم اولان اوغوزایللری ایچنده
 بوماهیتی حائر بولونان آق قویونلورددر. چونکه آق قویونلورک حکمدار سلاله سی بایندر
 بویندندی. او حالدده بو کتاب، آق قویونلو اوزانلردن بری طرفندن یازیلشدر. آق
 قویونلور اوغوز تورکجه سنک آذری لهجه سیله قونوشورلردی. قورقود آتا کتابندن
 صکره، یازیلان عاشق کرم، شاه اسماعیل، عاشق غریب وامشالی خلق کتابلری ده ابتدا
 آذری لهجه سنده یازیلشدر.

بر ماصالی ضبط ایدن، بونی هانکی قصبه نک ویا کویک اهاالیسندن وهانکی قریه دن
 ضبط ایتدیکنی قید ایتلیدر. بو آدام، تورکمنی، یوروکمی، یوقسه بو کبی عنوانلری حائر
 ایلمايان تورکمی، اگر هنوز بوی وایل حیاتی یاشایانلردنسه، هانکی ایلدن وهانکی بویدن
 اولدیغنی ده کوسترمک لازم کلیر. بونی آکلایه بیلمک ایچون صورمق اصولنی بیلمه لی.
 مثلاً: بر کون جرابلی بر تورکمن بکنه نه اولدیغنی صوردم. ابتدا تورکمن دیدی.
 تورکمنلر آراسنده، سزی باشقه تورکمنلردن نه آدله آیررلر دیه صوردم. بزه «بکدین»
 دیرلر دیدی، آکلاشیلدی که بونلر اوغوزک بکدیلی بوینه منسوبدر. ماصالی ضبط ایدن،

ماصالجینک ایلندن ، بویندن باشقه ، اجتماعی وضعیتنی ، سجهیه سنی ، هویتنی ده دفتینه قید ایتمه لیدر . ماصالچی ماصالی کیمدن آلمش و او ده کیمدن آلمش ، ممکنسه بونلری ده زنجیرله مه اولارق یازمالی ، تا که الده ایدیلن ماصالک هانکی زمره یه منسوب اولدیغی وهانکی شخصدن آلدیغی تمامیه معلوم اولسون .

ZIYA GOG ALP

✧	Musikî Tetkiklerine Başlarken	✧
---	----------------------------------	---

تورك موسيقيسينك خلق بيلكيسنى، شهر، كوي، قطعه، خطه فرقلى كوزه تمه دن و (جدى) ايله (عادى) قيمت آيرىلقلىنى نظر دقته آله دن طوپلامق اندیشه سنى تطين ايدى جك منبعلر ايكي در :

1 — ياپيلمش اولان تدقيقلر .

2 — ياپيله جق تدقيقلر .

فى الحقيقه ، بو كونه قادار ، تورك اولمايان مراقيلير ، كرك استانبول كى بويوك مركزلر يمزده و كرك آنادولوده — مليت فرقلى كوزه تمه دن — برچوق خلق موسيقيلى طوپلامش وقسم اعظمى نشر ايتشاردى ، كه بونشرياتك تام بر كتابياتى ميدانه كتير مك مراقم ، بنى ، مهم بر كتيبخانه فهرستى ايله قارشىلاشديردى . بالخاصه روس مدققلر ك ايجه تدقيقلرده بولوندىقلىنى آكلامشدم . بوماخذلك قسم اعظمى — بونجه تحريلىر مه رغما — مع الاسف الآن كوره مدم ايسه مده ، كوره بيلدكلر مدم ايدى نديكم فكرلر شونلر اولدى : آوروپالى مدققلر ، (آلتورقا) ايله (توركو) فرقندن بى خبر ، تور كيه ده نه ايتديلرسه نوطه يه آله قالمشملر ، فضله اوله رقه ده هيچ بر پارچايى خطادن سالم بر شكلده ضبط ايدى مه مشاردى . حتى ، « ف. لوشان » اسمنده كى مدقق ، شالى سوريه ده واقع (زنجيرلى) قريه سنده يكر مى خلق تور كومزى غراموفون ايله ضبط ايتدىكى حالده — كه غراموفون ايله آنان ايلك خالص تورك خلق موسيقيلىر ايشته بونلردر — بو پارچالرده ، صوكرادن — آلمان ياده — قووانلردن نوطه يه كچيريلير كن بوزولديلر . بونكله برابر ، كوزه ل ضبط اولونمش پارچه لرده واردر . كچن سنه موسقواده باصيلان و نه تنو غراف (آ. قونتشه وسكى) طرفندن طوپلامش پارچه لردن مركب بر « شرق تور كولرى » مجموعه سنده ، (آغلامق دن كوزم دولدى) ، (آقشام اولدى) ، (كيده نه باق ، كيده نه) ، (انتا ريسى آله بكزه يور) و (بك اوغلى)

اسملى استانبول خلق شرقيليرىمىزك اولدۇقجه اصلنه مطابق بر شكلده يازلدقاريني كورددم .
 بو اسكى نوطه لر ، بر چوق يكي تصادفلره يول آچه بيليرلر . مه لوديلري اونوتولماش
 پارچالرك گفته قطعه لري بوكي نوطه لرده خطاسزجه ضبط ايدلمش بولونور . نته كيم ،
 (ف . لوشان) ك ضبط ايتديكي شرقيلردن بري ، معروف بر استانبول هواسي اولديني
 و تام لحني الان هيچ بر استانبوللي اونوته ديني حالده ، شو تام گفته سني آنجا ق
 او مأخذني كوردكدن صوكرا خاطر لايه بيلدك :

اسكداره كيدر ايكن بر منديل بولدم ،
 منديلك ايچنه لوقوم دولدورددم ، (مكرر)
 كاتب بنم بن كاتبك ايل نه قارشير ،
 كاتمه صيرمه لي چيكن نه ده كوزهل ياقيشير . (مكرر)
 ايسته م ، ايسته م ، سلطنت قبول اتمه م .
 پايطوته بينديره يم ،
 چالغيلر چالديره يم ،
 يار سني كزديره يم ،
 يار سني اكلنديره يم .

تا اون سكزنجي عصره عائد پك اسكى بر روم ايلي اويون هوا مريكده ايسته بوصورته
 آوروپالي سياحار طرفندن نوطه يه ضبط ونشر ايدلايكني ، بويولده تدقيقارده بولونور كن
 تحقيق امكاني بولمشم .

توركيه موسيقيلري حقنده ياپيلمش تدقيقلر مياننده اون دوقوزنجي عصر بدايته عائد
 شير وارسه ده ، ايلك آنادولو خلقيات يازيسي شودر :

Enno Littann : Türkische Volkslieder aus Kleinasien [Zlsch .
 d. deutschen morgen landischen Gesellschaft. Leipzig 1918 Heft 2.
 بلا استثنا بوتون تورك موسيقيلري حقنده غريبده ياپيلان شرياتك تام كتابياتلري
 « آنادولو توركولري » اسملي كتابمده مندرج بولونديغندن فضله معلومات ايچون قاره
 اورايه مراجعت ايدم بيلير . خلاصه ، شيمدي يه قادار ياپيلان تدقيقلرك طوبلانمهي ،
 اسكى تورك خلق بيلكيسي نامنه مهم برايش موضوعي در .

بوندن بويله ياپيله چق تدقيقلر ايسه ايكي ايش موضوعنه يول آچار :

1 ... خلق موسيقيسني ، زمان ، مكان ، بديعي قيمت ، مذهب آيريلني فرقلرينه

باقمدهن طوبلامق ، نوطه يه آلوب نشر ايتك .

2 — جمله سنی علمی تصنیف و مقایسه لره تابع طوتوب نتیجه لر استحصاله چالیشمق .
 برنجی یوله عائد اصول ماده لرینی ، خلق بیلگیسی درنکنه اولجه تقدیم ایتدیکم
 ایضاحنامه ده [*] صیراسیله کوسته ردیکم ایچون بوراده یالکیز بر ماده یه تکرار تماس ایله اکتفا
 ایدیورم ، که اوده ، آلاتورقا دیدیکمز شهر موسیقیلریمز بسته لری ایله ایچ آنادولونک
 خالص تور کولرینک بر بریله قاریشدی رله ملری لزومی در . آلاتورقا بسته لر ، خیلی مترقی
 بر فنه [تہ قنیق] استناد ایتدیکی ایچون ، بوفنک واسطه لرینک — یعنی چه یره ک سسلرک ،
 مقاملرک ، اصوللرک ، ونسبتاً متکامل سازلرک — تأثیرلری آلتنده تگون ایتدیلر ،
 خصوصی بر منظره آلدیلر ؛ شبهه سز که بوفن واسطه لرینک بلا استثنا اعتباری
 (convetionnel) شیلر اولدقلری ادعا ایدیه مزسه ده ، بحق طبیعی و غنغوی دینیله .
 بیه جک عنصرلرینک پک محدود بولوندیغنی انکارده امکان یوقدر . س — یستم تونالک
 « دییاتونیک » قسمی ، بر ایکی مقام و اصول فورمولی ، سازلرک بعضی خصوصیتلری
 کی ؛ متباقی هرشی نظریاتیجی و عالم موسیقیجیلرک تدریجی علاوه لری شکلنده تگون
 ایشمدر . تور کولرده ایشته بوکی نظری تصنعلر ایله تأثیرلری یوقدر ؛ و بر کویلو
 موسیقیشناسی شهر و آلاتورقه موسیقیلرندن — اگر سنه لرک محصله سی اولان اعتیادلرینی
 ایدینه مه مش بولونیورسه — هیچ برشی آکلاناز ، حتی جمله سنی نفرتله قارشیلار . ماده نک
 اک جانلی نقطه سنه کلدک : آلاتورقه ایله اعتیادی اولانلرده — دقتسز حرکت ایدرلرسه —
 اک باکر و صاف تور کولرک کنندینه خاص کوزه للکلرینی تعمیق ایده مزلر . حتی ایشته
 یه بویوزدن درکه ، خصوصی صورتده خلق شارقیسی طوپلایانلریمزده ، کندی آلاتورقه
 موسیقی تربیه و ذوقلرینه اویانلری ترجیحاً نوطیه آلوب — داها دوغروسی آلابیلوب —
 اک اورثینال قسملری استخفافله کچورلر : طوپلادقلری هوالرک ، استاسبول ایله اک
 صیق مناقله سی بولونان خط بوینده کی ویا اسکله موقعنده کی یراره عائد ، یعنی آلاتورقه
 بوزماسی ویا تأثیرنده میدانه کلش شیلر اولدقلری کورولیور . [بونوع آنادولو پارچهلرینک
 چوق یکی اولدقلرینی ده اهمیتله اشارتله یه لم ؛ آلاتورقه ، مغله کی حربی آنادولو مرکز لرینه
 بیله اون ، اون بش سنه دنبری کیرمکه باشلامشدر ؛ شرقی آنادولو ایسه بو کونه قدر شهر
 نغمه لرینک تأثیرلرندن یوزده دو قسان اوزاق قاله بیلمشدر .] یعنی ، آلاتورقامسی
 تور کولرک ، شهرلرک اک عادی پیاسه پارچهلری قدار بیله قیمتی بولونمادیغنی سه چه میورلر .

[*] بوايضاحنامه «خلق بیلگیسی طوپلایجیلرینه رهبر» اسمیله نشر اولونان کتابده مندرجدر .

شبهه سز که عادیلر لده طویلانیسی لازمدر، فقط آرانیلان صاف صنعت منبعلری اوز آنادولو سسلرنده فیشقیر مقدهدر .

روسیه تورکلرینک موسیقی خلقیاتنده کی تدقیقلری ایله معروف (ریباقوف) ، اورا تورکولرینی ایکی نوعه آیریور : « کوی » دینیلن اصولسز ، « طاقاق » دینیلن اصوللیلر . اوز آنادولو موسیقیلری ده عینی وجهله ایکی نوعدر : عمومیتله « اوزون هوالر » دینیلن اصولسز ، « اوطوراق ، قریق ، کسیک » دینیلن اصوللیلر . یعنی آنادولوده خالص تورکلکک ال قویو غننه لری محفوظدر . ایشته ، خصوصی صورتده تورکو طویلامق حسن نیت وهیجانی دویمش اولانلریمز - که بر ایکیسنک نوطه املالرینی کوردیم - بو ایکی نوعدن یالکز اصوللیلره اهمیت ویردرک دیکرلرینه یاقلاشمیورلر بيله . چونکه ، کوی [یعنی کوك ، سما (1)] ، اوزون هوا کی اسملرینک ده دلالتی وجهله اصل انکین آنادولو افقلرینک ، یایلارلرینک و سملرینک افاده سی اولان اصولسزلی نوطه یه آلمق کوچدر . بو حقیقتلر بزی شو احتیاجه سوق ایدیور : نوطه یه آله ایشنک یالکز اختصاصی مجرب نوطه جیلر طرفندن ومعین مرکز لرده پایامه سی لزومی . یعنی ،

تورکولر ال صوك سیستم ماکنه لرله آینه رق ، دولان اوریشنال پلاقلر معین بر ویا ایکی مرکزده تصنیف واوراده کاغده املا ایدله لی . نوطه جیلغک آپ آیری بر استعداد و اختصاص مسئله سی اولدیغنی ، هر نوطه اوقویانک موفقیتلی بر املا جی اولامایه جغنی آکلاملی یز . اوله عالی درجه ده موسیقی تحصیلی کورمش استادلر واردر که ، آریجه املا (dictée musicale) درس لری آله رق املا ملکه لرینی تربیه ایتش اولمادقلری ایچون ایجابنده ال اهمیتسز بر املا تجربه سنی بيله باشاره مازلر . اءروپاده بيله املا جیلغک اهمیت صوك زمانلرده آکلاشیلغنه باشلادی : هوغوریمان دیور که : « موسیقی املا سی ، یک مهم برشعه اولوب ، موسیقی تدریساتنده الآن فضله امال کوروپور . موسیقی املا سنده معلمک سویله دیکی ویا چالدیغی کوچوک موسیقی جهلرینی طلبه یازمغه چالیشیر » بریغین مطبوع املا تمرینلری واردر .

موسیقی خلقیاتجیلرینک ال کوچ ایش موضوعنی ایسه ، طویلانان تورکولرک تصنیف ومقایسه لری تشکیل ایدر که ، یوکسک بر علم ، تفکر ومسلك سویه سنه احتیاج کوسته ربر . [2] ایشته بوموضوعک بعضی مهم بحثلری :

[1] هجری سکرزنجی عصر رجاندن خوجا عبدالقادر صرائی ده اورتا آسیا تورکلرینه وموغلارینه عائد (کوك) نولرندن بحث ایتشدیر .

[2] اسان بيلمک ، قونسرواتوار تحصیلنه ، فکری تربیه یه صاحب بولونق کی . بو کی عالی موضوعلره اوکنه کلنک ال اوزاتمه سنی علم نامه تمنی ایدرز

1 — تورکیه داخلنده کی عرقاً تورک اولمایان جماعتلرک ویا هم حدود ملتیرک خلقیاتی اله کچروب متقابل تأثیرلرک ، آلیش ویریشلرک درجه‌لرینی تثبیته چالیشمق ؛ نتیجه‌نک تورک حرثی لهنه اوله‌جغنی شیمیدن خبر ویرهلم . چونکه کمی فائزیت بزده‌در ، و آیریجه بوتون تورک عالمنک موسیقی خلقیاتی آراسنده — لسانده کی قادار — اساسلی بر تشارکک الآن یاشادیغی ده آکلاشیلمشدر . بوبحث ، بالخاصه ، ئوز تورک نغمه‌لری بدیعیاتنک حدودلرینی چیزمه‌مزه یارایه‌جقدرد .

2 — تورکولرک قدملری درجه‌سنی تثبیته چالیشمق : بوخصوصده کفته‌لرک مضمونلری ایشه یارایه‌جقدرد . کفته‌لر اوزرنده خلق ادبیاتی متخصصلری ایله تاریخچیلرک مشترکاً تدقیقلرده بولونمه‌لری لازمدرد . برطاقم قهرمان اسملری ایله تعبیرلر غایت کوزهل تاریخ ایزلری کوسته‌ره‌بیلیر .

3 — خلق شرقیلرینک اقلیملره مناسبتی ماده‌سی که معروفدر ؛ مثلاً ، قره‌دکیزک یتیز ، آتیک ، تیز تورکولرینه اورفده تصادفه امکان یوقدر . مشابه تقریبلر مهم آیدینقلر کوسته‌ره‌بیلیر . قره‌دکیز هوالرینه خاص ریتمده بر پارچایه تصادفاً راست کلینسه ، اجنبی بر مسافر کبی اوراده یاشادیغنی آکلامقده کوچلک چکیلمز ؛ خلق شارقیلرینک پک قولای سیاحت ایتدکلری معروفدر . (لوشان) ک ، « کاتب بنم بن کاتبک .. » استانبول تورکوسنی آطنده نوطیه آدیغنی براز اول یازمشدق که ، عینتابلی آوه‌دیس اوغلی آوه‌دیس اسملی بر ارمیندن دیکله‌مشدی .

4 — هر منطقه‌یه خاص شرقی قادروملرینی جدیتله تثبیت ایله ، آرالرنده مقایسه‌لر یامق ، مملکتک اجتماعیاتی حقنده فکر آیدینلمکه یارایه‌جقدرد . موسیقی ، صنعتلرک اک اجتماعیسیدر . کیرمدیکی مجلس ، محیط ، صنف و کوشه یوقدر . سالونده ، معبدده ، اردوده ، فقیر وزنکین مجلسلرنده ، داغده و شهرده ، هر یرده اونی حاضر بولورز . خلقیات تدقیقلرنده کی برنجی موقعی ایسه اوکا کوره دوشونولسون .

موسیقی خلقیاتی ساحه‌سنده مملکتیمزده هرشی یکیدن یاپیاه‌جقدرد ؛ بناءً علیه کنج‌لکه چالیشمه جسارتی تمنی ایدرز . بو علمک هر یرده هنوز پک کنج بولونمه‌سی بین الملل مساعیده آز زمانده مهم بر موقع قازانمه‌مزی تأمین ایده‌بیلیر . اساساً ، تورکیه‌نک ، خلقیات اعتباریله دنیانک اک زنکین مملکتلرندن بری اولدیغی حقیقتی بوتون مدققلر شیمیدن قبول ایتشاردر .



سینوب و محیطنده اوغوزلارله دیکر تورک زمره لرینه عائد کوی آدلری

- برتدقیق مناسبتیهله [*] -

غالبا آلتی یدی سنه اول، دارالفنون تورک لسانیاتی مدرسی، فاضل محترم نجیب عاصم بک «تورکجه یه خدمت» عنوانلی آلتنده «اقدام» ده بر قاق مقاله نشر ایتمشدی. بو مقاله لریک برنده، خلاصه «تورکجه یه ایدیله جک خدمتلردن بریسی ده» لهجه عثمانی «ایله» قاموس تورکی «یه کیره مه مش اولان لغتلی ضبط ایتکدر» ده نیلیوردی. بو میانده، بالمناصبه، آریجه یکی برتبع ساحه سی اولق اوزرده «قصبه، کوی، محله و سائر هر درلو آدلریک و صفتلریک بویله جه ضبطنده تاریخی، جوغرافی و آتئوگرافی بر چوق فائده لر» موجود بولوندیغی موضوع بحث ایدیلشدی.

هرایکی ساحه ده کی مساعینک تورک لسان، تاریخ و آتئولوژیسنه عائد اهمیتنی صلاحیتدار قلمیه ایضاح ایدن استادک بومقاله لری اقدامده نشر ایدلدیکی وقت بزده «سینوب ولایتی» نک خلقیات و حرثیاتنه دائر بعض کوچوک آراشدیرمالرله مشغول بولونیوردق. بناء علیه، بو آراده محلی خلق لهجه سیله خلق دیلنه عائد اولدوچه اطرافلی تدقیقلر یامش و ایکی یوز اللی قادارده لغت طوبلامشددق. طوبلادیغمز بو کلمه لریک قسم اعظمی نه «لهجه» ونه ده «قاموس تورکی» ده مندرج دکلدی. بونلریک بعضی اجتماعی حادثه لریک تأثیری آلتنده دکیشمش اوله بیله جکلرینی دوشونه رک لسانی شکل و ماهیتلری حقنده داها صریح بر فکر آلدما یتمک مقصدیه «دیوان لغات الترک» اوزرنده ده آریجه تدقیقاتده بولوندق. تدقیقاتمزدن مثبت بر نتیجه آله بیلدک. یعنی بو کلمه لرден بر چوقلرینک کرک شکل و کرک اساس اعتباریه - اوده لهجه یه عائد اولق اوزره - همان پک آز فرقلرله خلق لساننده قوللانیلمقده، اسکی صفوتیهله یاشامقده اولدیغنی کوردک.

مؤخر تدقیقلر مزله داها بر طاقیم یکی یکی لغتار الده ایدرک بونلریک عددینی همان درت یوزه ابلاغه موفق اولدوق. بناء علیه، بوتون بو کلمه لر، آز چوق لسانی ایضاحلرله، «سینوب ولایتک تاریخ، جوغرافیا، خلقیات و حرثیاتنه دائر تدقیقلر» عنوانلی - هنوز غیر مطبوع بولونان - اثر مرک ایکنجی جلدنده یازیلیدر.

[*] آنادولیده تورکله عائد یر اسملری : تورکیات مجموعه سی، جلد ۲، ص ۲۴۳

استادك مقاله‌لری مناسب‌تیه ذ‌کر ایدیلن شو کوچوك مقدمه ایله هم بوساحه‌ده‌کی آراشدیرمالرمنك ماهیتنی آ‌کلاتمش اولمق و هم‌ده مهم بر نقطه‌یه ، قیصه‌جه ، تماس ایتك ایسته‌دك : مختلف مجموعه‌لرده یاپیلان نشریاتدن آ‌کلایوروز‌که آنادولوده بو یولده ، خصوصیه داها شموللی بر صورتده ، صرف مساعی ایدن واپی‌ده مالزمه طوپلامش اولان برچوق ذوات واردر . بناءً علیه ، بو مهم اوغراشمالرك داها مثمر بر نتیجه ویره‌بیلمه‌سی ایچون متفرق بر شکله طوپلامش اولان وتورك لسانیاتی نقطه نظرندن بویوك بر قیمتی حائز بولونان بوتون بولغتلری بر مجموعه‌ده نشر ایتك وشو صورتله بر کل حالنده تدوین ایدلمش اولماسنه چالیشمق لازمدر . اویله ظن ایدیوروز‌که بو ایش ، هر حالده طوپلامه خدمتدن هیچ‌ده آشاغی اولمایان بر قیمتی حائز بوله‌جقدر ، اونك ایچون بوتون صمیمیتیه تمی ایدرم‌که « تورکیات مجموعه‌سی » ، « تورك خلق بیلگیسی مجموعه‌سی » کی نشریات عضولری بوشرفلی ایشده اك صلاحیتدار برر واسطه اولابیلسینلر .

*

**

نجیب عاصم بلك سالف‌الذ‌کر مقاله‌لرنده ، قارئلرینه یکی بر تتبع ساحه‌سی اولمق اوزره ویردیکی بوههم موضوع‌ده آیریجه نظر دقتمزی جلب ایتش و بزى یکیدن تحریراته ، نوط طوپلامغه سوق ایتشدی .

اول امرده شو جهتی عرض ایدلم‌که ، بو وادیده سبق ایدن مساعیمزی محترم مدرسمنك توصیه‌سنه مدیونز . ثانیاً جمع وتلفیق ایتدیگمز بو « مالزمه » - ولو‌که آ‌ز علمی اولسه‌ده‌ینه - تورکیات تدقیقلری محاسبه عمومیه‌سنده کار ستوننه قید اولنه‌بيله جك بر ماهیتده در ظن ایدیوروز .

بش آلتی آیدن فضله دوام ایدن متمادی آراشدیرمالر نتیجه‌سنده « سینوب ولایتك قصبه ، کوی ، محله وعائله اسملری » نه دائر برخیلی نوط طوپلادق . شونی‌ده علاوه ذ‌کر ایدلم‌که تدقیقاتمز اثناسنده تصادف ایتدیگمز محلی بعض ارکك و قادین آ‌دلرینه‌ده بر خصوصیتی حائز کورمك اعتباریه آیریجه قید ایتك . خلاصه ، بوساحه‌ده مفید بر اثر جك میدانه گلش اولدی . بواثری ، ایلریده بر بروشور حالنده و « سینوب ولایتك قصبه ، کوی ، محله وعائله آ‌دلری اوزرینه بعضی تدقیقلر » عنوانی آ‌لتنده نشر ایتك آ‌رزوسنده‌یز .

شو ق‌دار‌که اخیراً ایکنجی جلدی نشر ایدیلن « تورکیات مجموعه‌سی » نده او قودینغمز یکی بر تدقیق بزى ، کرک علاقه‌سی اعتباریه و کرک بوساحه‌ده بر خدمت اولور ملاحظه‌سیله

موضوع بحث اثر مزك يالکيز «اوغوز بويلرى وديكر تورک زمره لری ایله مناسبتدار کوی آدلی» نى نشره سوق ايتدی .

تدقیقلمز آراسنده و بو آدلر خارجنده مثلاً : یاغی بسان، جاجه سلطان، چوبان شادی، ملک شاه، دیزدار اوغلی، امیر تولى، آسن غازیلی، توشمانلی کبی شایان دقت پک چوق کوی آدلی داها واردر که بونلری، بو کوچوک مقاله مزك شمولی خارجنده اولدیغندن، بالطبع مسکوت براقداق .

أتولوزیک بر ماهیتی حائز قصبه، کوی آدلینک جمع و تدقیقنده اهمیتی، بومیانده آنادولونک تورککشمه سی و اوغوز بویلرینه عائد اویماقلرک صورت و طرز توزعنده تعقیب اولونان خط حرکت حقنده کی مطالعاتمزی بالمناسبه مذکور اثرک مقدمه سنده اطرافیه ایضاح ایتیش اولدیغمنزدن بوراده آنجق او کویلردن باحث لیسته یی تقدیم ایله اکتفا ایدیورز .

يالکيز بوراده بر نقطه یی قیصه جه ایضاح ایدلم : اوده، اولاح . نهال - احمد ناجی بکلرک مشترک تبعنامه لری باشلی باشنه و اطرافلی بر تحلیلله احتیاج مس ایتدیره جک قادار مهم وشایان تدقیقدر. ثانیاً، بز، تبعنامه ده مندرج، «کونه ی» آدلی کویلری ابوالغازینک تورک شجره سنده اوغوزک طورونلری میانده ذکر ایتدیکی «کونه» ایله مناسبتدار عد ایتمه نک، حتی اساس اعتباریه، دوغرو اولامیه جغنی مطالعه سنده یز. تدقیقاتمز بوخصوصی داها مقنع بر شکلده ایضاح ایده جک بر اساسه ده مستنددر .

فی الحقیقه، بو آدده کی کویلر اولجه بزمده نظر دقتمزی جلب ایتشدی. فقط، محلاً یایدیغمز تدقیقاتندن ده ایجه آکلادق که «کونی، کونه ی» داهازیاده خلق دیلنده کویلرک وضعیت جوغرافییه سنه کوره ویرلش بر آددر و فضله کون کورمن یرم اطلاق اولونور . بناءً علیه دوغرودن دوغروییه «کونه، کونش» کله سیله علاقه داردر . نته کیم، سینوبده - آیانجق قضاسی داخلنده - «أرکن کونه، چیتاق کونه ی، فرکته کونی» اسملی کویلر موجوددر . حتی بو کله نک عکسی برده «قوز» کله سی واردر که بوده، بعضاً «قوزی» شکلنده قوللانیلمقله برابر، کونش کورمه یین یر دیمکدر . کذلک ینه بوراده - کرزه قضاسی داخلنده - «قوز أورمن، قوز آلان» اسملی برقاج کوی ده موجوددر. و بونلرده کله نک بوتون شمولیه کون کورمه یین وادی، یاماچلر آراسنده مبنی در . بناءً علیه، «کونی، کونه سی» آدلی کویلرک ایستوریک و اتولوزیک مناسبتلرندن زیاده لسانی بر

ماهیتی حائز اولدقلری نظر اعتباره آلمالیدر. ایشته بز ، بوسیلردن دولایی ، « کونهی » آدلی کویلیری بو مقاله مزده ذکر ایتدک .

*
* *

(A) — عمومی آدلر :

- 1 — غوز کوی : آیانجنگ (60) کیلومترو جنوب غربیسنده .
- 2 — غوز کوی : « (30) » « شرقیسنده .
- 3 — اوغوز کوی : کرزنهنگ (65) کیلومترو شرق جنوبیسنده ، کویلی اغزی کوینگ بر محلهسی (*)
- 4 — غوز کوی : کرزنهنگ (35) کیلومترو جنوبنده ، شیخ حسین کوینگ بر محلهسی .
- 5 — غوز کوی : کرزنهنگ (25) کیلومترو جنوب غربیسنده ، قیزیکجالی کوینگ بر محلهسی .

(B) — یوز اوقلمه عام آدلر :

- 1 — قیالی [آصارجق —] بوی آبادک (30) کیلومترو جنوب غربیسنده .
- 2 — قیالی [جمعه —] « (20) » « » .
- 3 — فیالی [یکران —] « (15) » « جنوبنده .
- 4 — بایات : بوی آبادک (25) کیلومترو شرق شمالیسنده .
- 5 — قارا اولی : کرزنهنگ (15) کیلومترو جنوب غربیسنده ، یاماجق کوینگ محلهسی .
- 6 — دودورغه : بوی آبادک (30) کیلومترو شرق شمالیسنده ، (بایات) کوینگ یاننده .
- 7 — قیریق : کرزنهنگ (60) کیلومترو جنوب شرقیسنده . (بو کوی ، بویوک و کوچوک قیریق نامیله ایکی محله دن عبارت اولوب شمانده « چینی » ، جنوبنده « قاراقویون » کویلیری واردر .)
- 8 — قریقلی : کرزنهنگ (30) کیلومترو جنوب غربیسنده ، چناجقی کوینگ بر محلهسی [یاقیننده « امورلی » و « غوز » نامیله برر کوی واردر]
- 9 — بکدیلی : بوی آبادک (30) کیلومترو غرب جنوبیسنده . (محرفاً « بهدلی » صورتنده تلفظ اولونور .)

(*) عماله آدلرینی حتی ائک مفصل خریطه لرده بولابیلیمک بالطبع امکانشدردر . ألمزده ، سینوبک صهی اجتماعی جوغرافیاسنی وجوده کتیرمک مقصدیله یاپیلمش وهر کویک جوغرافیا ، حیات اجتماعی و صیه سنه دائر معلوماتی حاوی ایکی یوز قادار خصوصی تدقیقنامه واردر . بناء علیه بو قسم آدلری اولردن آلدق .

(C) - اوج اوقلمره عامر آدر:

- 1 - چینی : آیانبجغك (60) كيلو مترو جنوب غریبیسنده.
- 2 - چینی : كرزەنك (65) » » شرقییسنده.
- 3 - چینی : بوی آبادك (40) كيلومترو شرقنده (محرفاً «چتمی» صورتنده ده تلفظ اولونور)

- 4 - سالار کوی : بوی آبادك (15) كيلومترو غرب شمالییسنده.
- 5 - سالار قولی : » (60) » شرق جنوبییسنده.
- 9 - سالار داغی (اورمانی) : آیانبجغك (50) كيلومترو جنوبنده.
- 7 - ایمر : كرزەنك (40) كيلومترو غرب جنوبییسنده.
- 8 - امور کوی : بوی آبادك (15) كيلومترو شمالنده (یاقیننده سالار کوی وارد).
- 9 - امورلی : بوی آبادك (25) كيلومترو شمال غریبیسنده.
- 10 - امورلی : كرزەنك (30) كيلومترو شمال غریبیسنده، جاجه سلطان کوینك بر محله سی.
- (بوقریه داخلنده تورك امراسندن «جاجه بك» مدفوندر. «قاربوغا» نامیله بر محله سی داهوا وارد).
- 11 - امورلی : كرزەنك (35) كيلومترو جنوبنده، شیخ حسین کوینك بر محله سی.
- 12 - بوكدوز : آیانبجغك (25) كيلومترو جنوب غریبیسنده.
- 13 - بوكدوز : كرزەنك (65) كيلومترو شرق جنوبییسنده، کوپلو آغزی کوینك محله سی.
- 14 - قنق : سینوبك (30) كيلو مترو جنوب غریبیسنده.

(D) - دیگر مختلف آدر:

- 1 - دانشمند : آیانبجغك (15) كيلومترو جنوبنده : قوزجغاز کوینك بر محله سی.
- 2 - دانشمند : آیانبجغك (30) كيلومترو غربنده، قاضی اوغلی کوینك بر محله سی.
- 3 - قاراقویون : كرزەنك (60) كيلو مترو جنوب شرقییسنده. (یدی كيلومترو شرق شمالییسنده «قارا اوبا» نامیله بر کوی وارد).
- 4 - تورکمن : كرزەنك (40) كيلومترو غرب جنوبییسنده.
- 5 - تورکمن : » (30) » شرق جنوبییسنده، چوراق کوینك بر محله سی.
- 6 - تورکمن : كرزەنك (25) كيلومترو جنوب شرقییسنده، دومانلی کوینك بر محله سی.
- 7 - تورکمن : آیانبجغك (15) كيلومترو شرق جنوبییسنده.
- 8 - خورزوم کوی : سینوبك (40) كيلومترو جنوب غریبیسنده.
- 9 - خاوزار کوی : كرزەنك (30) كيلومترو جنوب شرقییسنده، چوراق کوینك بر محله سی. (بو کویده خاوزار اوغولاری نامیله برده عائله وارد).

- 10 — قالاچ کوی : کرزه نك (50) کیلومتر و جنوب شرقیسنده ، کوندوزلو کوینك بر محله سی . (یاننده « چینی » کوی واردر .)
- 11 — قالاچلی : کرزه نك (30) کیلومتر و جنوب غربیسنده ، آلتون یایلا کوینك بر محله سی .
- 12 — قازاقلی : بوی آبادك (40) کیلومتر و جنوب غربیسنده .
- 18 — تکه : سینوبك (20) کیلومتر و غربنده (بوقریه نك یکر می یدی خانه لی « قارابوغا » نامیله بر محله سی ده واردر .)
- 14 — تکه لی : بوی آبادك (20) کیلومتر و جنوبنده .
- 15 — قارامانلی : کرزه نك (30) کیلومتر و جنوب غربیسنده ، آلتون یایلا کوینك بر محله سی .
- 16 — قوزانلی : بوی آبادك (25) کیلومتر و غربنده .
- 17 — آیدینلی : بوی آبادك (30) کیلومتر و شمال شرقیسنده ، چوقورخان کوینك بر محله سی .
- 18 — آیدینلی : بوی آبادك (15) کیلومتر و شمالنده ، اُکین ویران کوینك بر محله سی .
- 19 — قیزیلجه آما : آیانجغك (30) کیلومتر و جنوبنده .
- 20 — قیزیلجه آما : سینوبك (35) کیلومتر و جنوب غربیسنده . (بو کویك تکه ، دوغان ناملرنده ایکی محله سی ده اولوب یاننده « صاری بوغا » آدنده برده کوی واردر .)

(E) — نمایانه ترقیب بولمیشم بعه آدر :

- 1 — زیوا : کرزه نك (30) کیلومتر و جنوب غربیسنده
 2 — هیوا : « (50) » جنوب «
 چقورجه آلات کوینك بر محله سی
- بو ایکی آدك ییوار-آوا
 ایله درجه مناسبتی
 تدقیقه ده کر .

- 3 — قارلو : کرزه نك (30) کیلومتر و غرب شمالیسنده . بونك برده « قیریقلی » نامنده محله سی واردر . (قارلوق ایله درجه مناسبتی تدقیق ایدملیدر)
- 4 — ییماقلی : کرزه نك (65) کیلومتر و جنوب شرقیسنده (بواسمك یماك ، کیماك ایله مناسبتی .)
- 5 — قیرغین داغی : بوی آبادك (30) کیلومتر و شمالنده . (قارغین ایله درجه مناسبتی تدقیق ایدملیدر . یاقیننده بایات وودودورغه کویلی واردر .)
- 6 — قارایا پولی : کرزه نك (40) کیلومتر و جنوب غربیسنده ، یعقوبلی کوینك بر محله سی . (قار اولی ایله مناسبتی؟) (یاقیننده ، (15) کیلومتر و جنوب غربیسنده « قیریق » نامیله بر کوی واردر .)



« تورك يوردى » مجموعه سنده [جلد 5 ، نمره 27] خلق بيلكيسى درنكى اداره هيئتتك قيمتلى ركنى محترم « حسن فهمى بك » ، « اوتمان بابا ولايتنامه سى » عنوانلى مهم بر مقاله نشر ايتديلر . بومقاله ده بحث ايديلن اثر ، « حاجى بكتاش » كتبخانه سنىك ميدان اوينه عائد قسمى ايچنده اولوب اليوم آنقره معارف كتبخانه سنده محفوظدر .

كتابه « ولايتنامه اوتمان بابا » دنيلديكى كيى « ولايتنامه شاهى » ، « ولايتنامه سلطان بابا » ده دينلير . اثر ك مندرجاتى مياننده « عثمان بابا » ديمك اولان « اوتمان بابا » حقنده شو يولده توصيفلر واردر : « ياصى ياغرينلى ، آلا كوزلو ، قيزيل بكزلى ، مجسم هيبتلى ، نظرى عبرتلى ، ظاهرى قوتلى ، باطنى نهايتسزدى . اوغوز ديلين سويلردى . دائما كنديسى ايچون « اول شرفلى قوجه بنم » ديردى .

ايشته شو قيدلرى كورد كدن صوكر ااخيراً بايزيد كتبخانه سى فاضل مديرى « اسماعيل صائب افندى » نك لطف دالتريله آله ايتديكم « محى الدين آبدال » ديوانى حقنده اولدجه واضح بر فكر ايدينه بيلدم .

أكى « 4,5 » و بويو « 8 » سانتيمتره اولان بو اثر ، « 399 » صحيفه دن عبارتدر . هر صحيفه سنده « 9 » سطر يازى واردر . دروننده « 203 » منظومه موجوددر ؛ بونلرك « 99 » ينى « نسيمى » نك « تويوغ » لرى طرزنده يازلمش « مانى » لر تشكيل ايتكدهدر . كتابك ايلك صحيفه سنده « هذا ديوان محى الدين » قيدى وارسهده ، اثر ك مستنسخى وهانكى تاريخده استنساخ ايدلديكى معلوم دكيلدر . ديكر طرفدن كتابى يازان خطاط ، نظملى نثر كيى يازدقندن ماعدا بر طاقم املا خطالرى ده يامشدر . ا كثر بيتلرده دخى هجا عددى بر برينه اويما مقدهدر .

اثر صاحبي « محى الدين آبدال » حقنده بزي آز چوق تنوير ايدن ايكي منظومه ، ديوانده مندرجدر كه ، املا سنى محافظه ايدرك عينا يازيورم :

اولولردن اولوسن سن
عرشه كرسه طلوسن سن
كافرلر ايمانه كلور
شاه كرم على سن سن

آلا كوزلو سلطان بابا
يدى اقليم درت كوشيه
يوزين كورن يفسول باى اولور
سنى سومينلر نه اولور

شاھي سڪ اڪسڪلي قولك	ايچنلر آيلمز طلوك
ايجه دن اينجه در يولك	تام كرچك ولي سن سن
طوغري سوزين يول قليجي	چالديغك ايكي بولوجي
دشمشله الين اليجي	حقك قدرت الي سن سن
دهانندن كوثر اقر	نظرك قوله حق بقر
قوئك جمله عالمه قوقر	محمدين كلي سن سن
پارلايوب اته شين ينار	جمله عالم شعلنه جوتار
صوصاينلر سندن قانر	آب حيات كلي سن سن
محي الدين آبدال نيلرسن	ديبسز دكزلر بويلارسن
نه بيلورسن نه سويلرسن	عقلنمي وار دلي سن سن
محي الدين طولدر بيانن	هر كز اولسون زيانن
اوليانن انبيانن	بر كمينه قولوسن سن

— 2 —

ارنلر اشكنده	يصالنوب ياتدم بن
ارنلره بلي ديدم	صدقله اقرار اتم بن
شاهمده رهبرم اولدي	هان قبله نورم اولدي
غني او طمان پيرم اولدي	انك اته كين طو تدم بن
اكنمه كيدم عبايي	ترك ايتدم قوقبايي
سورم سلطان باباي	جانله كوكل قاتدم بن
كلر آچيلور چاغنده	بلبللر اوتر باغنده
هوس ايله طور طاغنده	قيوني بيله كوتدم بن
خوجدن سبق آلام	او قودم سباقم بلدم
اوستاده ايردم اوستاد اولدم	كور نه اوستاده ايردم بن
مقصودم ديدار ايلدم	كوكلدن نظر ايلدم
نقد ايله بازر ايلدم	آلانه كوهر صاتدم بن
قديم ليل ونهارم	حيات باد سحرم
هم صدفم هم كوهرم	اوزكه معدنده بن (؟)
بن محمدك كوليم	اهل كمالين قوليم
دوست باغنك بليليم	جنت باغنده اوتدم بن
كم بيلور عاشق حالندن	سويلشم حال دلندن
محي الدينم عشق النندن	اوش دلي اولدم بن

اكثر بيتلري ورنسز اولان بو ايكي منظومه ، بزه كوسترييوركه ، « محي الدين آبدال » « اوتمان بابا » يه منسوب بر درويشدر ؛ زيرا ، يوقاريده يازديغمر « ألا كوزلو » وصفي عينا برنجي منظومه ده موجود اولديني كيبي ، اوتمان بابانك نامي ده هرايكي منظومه ده « اوطمان بابا » و « سلطان بابا » اوله رق كچمكه در ؛ بناء عليه ، « محي الدين

آبدال « ك » بحث ایتك ایسته دیکی ذاتك هجری « 882 » ده وفات ایدن « اوتمان بابا » اولدیغنه محقق نظریله باقیلا بیلیر. شوقادار وار که ، « محی الدین آبدال » اونك درویشیمیدر، یوقسه « اوتمان بابا » تکیه سنده « بابا » اولان بریسنه می منسوبدر ؟ بونی قطعی صورتده تعین ایتك قابل دکیلدر ؛ چونکه ، طریقت منسوبلری ، اکثریا « بابا » لر یرینه ، « پیر » لره منسوبیتله افتخار ایدرلر. « محی الدین آبدال » ك « اوطمان بابا پیرم اولدی » دیمکدن مقصدی ، احتمال ، اوتمان بابا طریقتنه منسوب بر بابایه انتساب ایتدیکنی سویله مکدن عبارتدر ؛ فی الحقیقه ، « محی الدین آبدال » ك داها مؤخر بر زمانده یاشادینی احتمالی ویردیرن بعض قیدلر موجوددر . نته کیم دیوانده مقید اولان شو ایکی منظومه ، آز چوق بونی تأیید ایتکدهدر :

— 1 —

شاه کرم علی کرک	بزه سر لشکر اولغه
آدم آق یازلی کرک	مرشددر رهبر اولغه
اولو آتشر جامعغه	عالم آدمه چقمغه
کنه سلطان بالی کرک	اروروب لشکر چکمکه
اولزدن اوکدین اولمکه	محی الدین درویش اولغه
ادب ارکان قولی کرک	بر کشی نصیب آلمغه

— 2 —

دلله اولدی سواری	شاه مریدان خروج ایتدی
علی صالیدی ذوالفقاری	ویر صلوات محمد
علی مثللو ار ایدی	بر حاجی بکتاش وار ایدی
یورتدی جانسز دیواری	منکرلر کورمن کور ایدی
بویدی سوزنک قصدی	محی الدین قینادی طاشدی
حقدن آیرو بیلیمه آری	کلبری کل تکرری دوستی

کورولویور که ، محی الدین آبدال ، بو منظومه لرده « حاجی بکتاش » ایله « سلطان بالی » دن بحث ایدیور . « بالوم سلطان » عنوانیله شهرت قازانان « سلطان بالی » نك « اوتمان بابا » دن قرق سنه صو کرا وفات ایتدیکنه باقیلیرسه ، « محی الدین آبدال » ك ، هر ایکی بابا ایله کوروشمش اولماسی احتمالی سرد ایدیله بیلیر ؛ حالبوکه ، « اوتمان بابا » منسوبلری ایله « حاجی بکتاش » منسوبلری آراسنده ایلك زمانلرده بعض اختلافلر اولدینی « اوتمان بابا ولایتنامه سی » نده مذکوردر. بوکا بناء ، محی الدین آبدالک، بالذات اوتمان بابایه

منسوب اولسه یدی ، « حاجی بکتاش ولی » دن و « بالوم سلطان » دن حرمتله بحث ایتمه مه سی لازم کله جکدی . خصوصیه « قلندریلک » ، « حروفیلک » و « بکتاشیلک » ک تداخلی ده مؤخر در . حالبوکه ، محی الدین آبدالک دیوانی ، کندیسنک مفرط بر حروفی اولدیغنی کوسترمکده در . ایشته بو دلیلار ، « محی الدین آبدال » ک بر قلندری باباسی اولان « اوتمان بابا » نك زمانتی ادراک ایدمه دیکنی کوسترمکده در . مع مافیه بو خصوصده قطعی بر حکممنز اولمادیغنی و یکی بر طاقم و ثائق ظهور ایدنجه یه قدار بو ذاتک یاشادیغنی دوری تعیین ایدمه مه یه جکمز ده علاوهً سویله یه لم . بو کون ، محقق اولان بر شی وارسه اوده « محی الدین آبدال » ک ، « اوتمان بابا » طریقته منسوب اولماسی و حروفیلکی تمامیه بنمسه مش بولونماسی در ؛ فی الحقیقه ، « فضل الله حروفی » یه منسوبیتله افتخار ایدن وازنک حقنده بوتون حروفیلرک سویله دکترینی تکرار ایله ین « محی الدین آبدال » ، « نسیمی » دن ملهم اولمشدر . « نسیمی » نك « تویوغ » لری طرزنده یازدیغنی « مانی » لر بو خصوصده کافی دلیلدر .

ذات صفات اولشم
هفت آیات اولشم

صفات ذات اولشم
نطق خاتم بنم بن

* *

حق یولنه کیرمشم
بر ذرده کورمشم

محي الدين درویشم
اون سکز بیک عالمی

* *

ابجدم خط و خالم
وجه هو جیم و دالم

محي الدين زحلم
حرف نقطه یی بولدم

* *

درت کرپک ایکی قاشم
یدی خطله قاشم

محي الدين بن باشم
زفک رمزانی بلدم

* *

حقدن ایردی بو خطاب
یدی طمو سکز باب

محي الدين اوش کتاب
امر د و جهنده عیان

* *

بنده در حق نشانی
تاجم سبع المثانی

محي الدين روشنی
خرقه م چهار عنصر در

* *

اسمک الحمد لله
معنی^۱ لفظه الله

محي الدين هو الله
بش پارمق اون درت مفصل

* *

محی الدین باقی ندر
درت قیونک ایچنده
بو سوزك حق ندر
ایکی اوتوز ایکی ندر

* *

محی الدین بو سوز ندر
درت عناصر ایچنده
طقوزده طقوز ندر
درت کز اون سکز ندر

* *

محی الدین غب غب ندر
چار عناصر ایچنده
بوصوری حساب ندر
یتش ایکی باب نه در

* *

محی الدینم آشفته
یتش یدی پرده بی
یدی کونم بر هفته
کچدم نون ایله کافده

دیوانک « 34 » صحیفه سنی اشغال ایدن « 99 » مانى ، تماماً حروفیک اساساتی
ترنم ایتمکده در .

محی الدین آبدال ایدر فضل اله
جمله منی وار ایدن سجانمزد

بیتله ده « فضل الله حروفی » یه دائر شایع اولان مشهور تلقی بی سویله یین « محی الدین
آبدال » عین زمانده ، متصوف بر اخلاقی در . دیواننده ، اکثریتی تشکیل ایدن منظومه لر
تعلیمی بر ماهیت عرض ایتمکده در . حقیقی بر سالک اولابیلیمک ایچین نه کیی وصفلرک
لزومی اولدیغنی اوندن اوکره نمک ممکندر .

ایسته یوب پیکار باشن بولمق کرک
صوی پیکار باشندن آلمق کرک
صوصایان چون پیکاره صویه کلور
کشی صویه یولیه کلک کرک
اقراردر ایمانک بحری کلیدی
ار اولان بلینده قالمق کرک
بکم عاشقلغک نشانی بودر
عاشق معشوق یولنده اولمک کرک
عاشق اولان معشوقنی بولونجه
خزان اولوب بکیزی صولمق کرک
الدن چیقان یار کنه اله کیرمن
الده ایکن قدرینی بیلیمک کرک
محی الدین آبدال یارک محبتی
اکسیلمیوب کوکله طولمق کرک

*

* *

وارمه غل بريره كل اولما دجه
 سكا بر مرشد كامل اولما نجه
 سنك يولك واروب منزله ايرض
 كوكلدن كوكله يول اولما نجه
 كشي آلچق قپولردن كچه من
 اكيلوب ضم قدمى دال اولما نجه
 اول عاشقه زهى عاشق دىزلر
 آقوب كوز ياشى سيل اولما نجه
 قول ديمك ايله كشي قول اولماز
 اوزى مسكين نفسى قول اولما نجه
 اوزى وحدت جسمى صحت بولامى
 كشينك مشكلى حل اولما نجه
 جاهلك صحبتندە جان بته مى
 صحبتى خاص سوزى بال اولما نجه
 بويون چككم كوز قيمق كار ايله من
 دلبره سويله يوب ديل اولما نجه
 محى الدينم ديمكله بولونمىدى
 چوپ قىلدارمى هيچ يل اولما نجه

كورولو يوركه ، بوتون تكيه شاعرلرنده اولديغى كى ، اونده ده ، « يونس امره » نك
 بارز تاثيرلى واردر؛ مع مافيه ، « محى الدين آبدال » حروفيلكى بنمسه ديكى قادار ، « تصوف » ى
 بنمسه مه مشدر . متصوفلرك شعرلرنده كورولن توحيد تلقيلرى ، بونك شعرلرنده
 نادراً كورولور .

محى الدينم بوحقيقت ايچنده حق بولدم انا الحق سويلرم

قيلندن بيتلرله « انا الحق » سويله مكده اولديغى وزماننك « منصور » ى بولونديغنى
 سويلرسه ده « وحدت وجود » تلقيسنك علمى جهتنه تماس ايدن شعرينه تصادف ايدلمز .
 او ، ملاقى اولديغى كاملدن فيض آلدېغنى و آرتق كنديسنه مراجعت ايدنلرى ده تسليك
 ايدە بيله جكنى سويله مكله اكتفا ايدر .

اى حقك طابى كزمه آواره
 كل بويون صوك قوللق ايله بر آره
 دردلى ايسهك ايسته بول طبيبكى
 زيرا طبيب بيمار ايدر بيماره
 سكا كرك اولانى ايسته آردن
 كشي مكه يى بولور صوره صوره

حکیم بنم درلو قاش بنده در
 دکان آچوب کیردم بر اولو شاره
 چاغرك شو طرفلره کم کلسون
 اوش بوکون متاع چیقاردم بازاره
 عارفك اسرارینی فاش ایله دم بن
 نه مناسب دییه اهل انکاره
 اوقودم بیلدم دیر ایسه دیه سون
 هرکیمده کیم وار ایسه شول اماره
 محی الدینك بازارى حق ایله دی
 که کوز كرك کله حق کوره

منسوب اولدیغی مسلکی بحق بنمسه بن واونی تعلیمی اثرلریله نشر و تعمیمه چالیشان
 «محی الدین آبدال» شاعرلر آراسنده ممتاز بر موقع صاحبیدر. خصوصیه عرشى، محیطى...
 الخ کبی «حروفی شاعرلری» طرزنده عروض وزنیه شعرلر یازما یوب، عین حروفیلک
 تلقیلرینی هجا وزنیه ترنمه چالشمه سی، کندیسنه، ادبیات عالمده دها یوکسک بر موقع
 بخش ایتمکده در. اونک، یاشادیغی دور، قطعی بر صورتده تعین ایدر و دیوانی ده طبع
 اولونورسه، شهره سز حروفیلک و ادبیات تاریخی قوتلی بر شخصیت دها قازانمش اولور.

SADETTİN NÜZHET

⊙	HALK BİLGİSİ	⊙
---	--------------	---

بزده خلق بیلگیسی حرکتلرینک یکی باشلادیغی بر زمانده، خلق بیلگیسنک مختلف غرب
 مملکتلرنده کی تلقیلرینی بیلیمک فایدا دن خالی دکلدیر. فرانسه آنسیقلوپه دیسندن ژانرووانک ته تودینی
 نقله بزى سوق ایدن عامل، «آنسیقلوپه دی بریتانیکا» نك (فولکلور ماده سنه ده باش وورما موزه
 سبب اولدی درنك، خلق بیلگیچلر مراك دوشونوش فقلرینی کنیشه ته جك اولان بو قیمتلی
 ترجمه سندن دولای «ویده بها» خام افندی یه تشکر ایدر.
 H. B. D

«فولق سه پوز *volksepos*»، «فولق سفه ست *volksfest*»، «فولق سلید *volkslied*»
 کبی آلمانجه کله لرینی تقلید ایدرک 1846 ده مسترطومسون «فولکلور *Folk-lor*» کله سنی
 انکلیزجه یه ادخال ایتدی. مدنی و غیر مدنی، اسکی، قرون وسطائی، یکی بوتون
 ماتلرک عوامی حقنده هرشی یازمق ایچین فولکلور، بالطبع غایت مبهم و عمومی
 بر اسمدر. هر ملتک و هر مملکتک بر لسانی اولدیغی کبی فولکلوری ده واردر.

آشکاردرکه ، هر هانکی بر فولقوری بوتون طبقاتیه ، آکلاشیلابیلیر بر طرزده و منتظماً بر آرایه طویلامق دیمک ، او ملتک ماضیسنده کی و حال حاضرنده کی دینی ، اخلاقی و اجتماعی وضعیتنی اورتایه قویمق دیمکدر . بوتون دنیا ده کی ملتک فولقوری مکمل بر « افکار بشر تاریخی » وجوده کتیریر .

عننه ده کی اطراد سزقلر شیمدی یه قادار طبیعت بشر علماسنه غایت علاقه بخش بر موضوع حالنده قالمشدر . همین همین بوتون سیاحلر و تاریخچیلر تا هرودوتدن باشلایارق بو کونه قادار بو شعبه یه بر چوق غریب شیلر علاوه سینه موفق اولمشلردر . هر هانکی بر ملتکک عایانه عتیقه لرینی اینجه دن اینجه یه قاریشدر مق و بالخاصه انسانک کنیسنک کیله مشغول اولمق ، صوک زمانلره قادار چوجوقجه برایش دیه تاقی ایدیلیردی .

یالکز ، روما و یونان فولق لوری ، بدیعیاتی دولایسیله بوقاعده یه بر استثنا تشکیل ایتمشدی . صنعتکارانه معاملهلرله کوزهللشدیریلدن بو عننه لر ، آنتیقه جینک نقطه نظرندن اوزاقلاشدیریلارق بر درجه دها نافع بر شکله وضع اولندی . بوندن صوکره آتیقا ولاتیومک دالغالانان عننه لری چوق آر ، پارچه پارچه ، و آنتروپولوژیستلر ایله اجتماعیاتچیلره کافی کلمه یه جک قادار کوچوک بر ساحه دن طویلانمغه باشلانندی . بوراده ، دها بر چوق یرلرده اولدینی کبی انسان او کره نمک ایسته دیکی شی قرارلاشدیرمازدن اول دریندن درینه تحریاتده بولونماسی لازم کلدیکنی آکلادی .

فولق لور تحریاتی ، علمی بر شکلده اولا آلمانیا ده باشلادی . 9 - 1778 ده Herder ک مشهور خلق شرقیلرینک نشر ایدیلمه سی ، بر ملتک مختلف ذهنی محصولات ، خرافه لری ، اوضاعی ، عاداتی ، قانونلری ، حکومت اداره سی و هر کونکی حیاتی حقنده کنیش ، و انجذابلی بر علاقه نک اویانمسی علامتلرینی کوستردی . بویکی کون Grimm برادرلر و بالخاصه 1812 ده Kinder - und haus-Mährchen و 1835 ده Deutsche Mythologie طرفندن غایت خوش قارشیلانمش و متعاقب نشریاته دوام ایدیلشدر . ایکنجی اثر برنجیسنت اساسی اوزرینه وضع اولونمش ، و بر ملتک یازیلامش عادتلرینی ، شفاهی عننه لرینی عاقلانه ، صادقانه بر طرزده بوتون خصومتی بر طرفه براقهرک ، بی طرفانه ، واسع بر جمع عملیه سنک پک فائده لی نتیجه لر ویره جکنی کوسترمشدر . کورولدیکی وجهه بر طاقم غیر قابل تلافی خاطره لرک قایب اولماسنه رغماً حفظ ایدلمش اولان قسمی توتونیق یرلیرینک یالکز لسانده دکل ، دینده ده برلشدکلرینی اثبات ایتمه کله برابر ، مخالف ایتدکلری نقطه لری ده معین وثیقه لرله کوستردی . آلمان کویلرنده یوک بوکن اختیار قادینلرک اغیزلرندن

طوپلانان وفولقلور تعبیر اولونان بومعلومات *Bopp* لک و دیگر لرینک لسانیا تده کی مساعیلرینی تتویج ایدن بر کشفدن عجائب بر علاقه واهمیت اکتساب ایتدی. بو کشف بوتون آریانی عرقلرینک اصلاً بر اولماسیدر. *Teuton* لرکده *Celt* لر و *Hindu* لری احتوا ایدن عینی بویوک صنفه منسوب اولدیغنی اثبات ایتدی. بوتون بونلری احتوا ایدن آریانی عرقی، وقتیه آسیای وسطاده یا شایوب شرقه و غربه داغیلماغه باشلامازدن اول معین وصفاری حائر بر لسان، مدنیت و دین وجوده کتیرمشدی. دینی حسیاتک یر ایدیندیکی بر چوق عجائب اشکالک تحریاتی متعاقب *Tyr, Dyaus, Zeus, Yo (vis) Zio* ک هویتلری اثبات اولندی. و بوضورتله مقایسه لی اساطیر، مقایسه لی لسانیاتک غیر قابل انفکاک بر دوستی حاله کیردی. (میتولوژی و فیلولوژی یه باقیکنز) بناء علیه هر خرافه نک، هیچ اولمازسه آریانی عائله سنک چوجو قجه، صاحجه، مناسبتسز خرافه لرینک علمی تدقیقه شایان، و علمی نتیجه لر ویره جک برر موضوع تشکیل ایتدکلری آکلاشیلدی. یالکیز، هر مسئله ده تا چوجوق حکایه لرندن باشلایارق خرافه لرده، خرافه لر دن اساطیره، واساطیرکده اصلرینه رجوع ایتمه لیدر. اجنی تعدیلاته ده اهمیت عطف ایدرک وقوع بولدقلری یرلری و تاریخلری ده حفظ ایتمه لیدر. بوضورتله، برکله نک تاریخی کبی، بر حکایه نک تاریخی ده حرب سفرندن ده علاقه بخش اولدیغنی آکلاشیلیر. بر وقتلر، چوق کیمسه لرک بونی ادراک ایتدیکی، ویکی فولقلور ساحه سنده ایجه خادم لریک تورهدیکی کورولدی. تدقیقه و تصنیفه مساعد معلومات تزايد ایتمه باشلادی. هر یکی مقایسه *Indo-European* خالق آراسنده جریان ایدن حکایه لرک، موضوع، اساس اعتباریله عینی اولدیغنی کیتدکجه آرتان بر بداهتله اورتیه قویدی. لافونته نک قارئی *Panleatantra* یی ویا *Hitopadesa* یی اوقویان هیچ برعجایباک بولمادی. هندی (آیا) سنک حکایه لری سهلت، نوروه چ و آلمان مربیه لرینک کندن هیچ فرقسز اولدیغنی آکلاشیلدی. فی الحقیقه بعضی حکایه لرک واسع بر تخالفه میدان ویردکلری کورولمکده در. بوکاده سبب حکایه لرک بر یردن دیگر بر یره هجرت ایتمه سی و بعضاده صرف تصادف اثری اولارق قسماً بر برلرینه بکزمه سیدر. قوییه ایدلدیکنی و بر برلرندن آلدقلرینی ظن ایتک امکان خارجنده در. دائمی مشابهت لرینک اسبابی، اصلاً بر اولمالرندن باشقه هیچ برشی اثبات ایده مز. اونلر ابتدائی ویا عضوی خرافه لر اولوب هندستاندن آوروپایه قدر عینی اسکی لسان طبقه سنک مثل لریدرلر. دیگرلری، ایکنجی ویا غیرعضوی اولانلریدر. بونلر طبیعی ویا صنعی وسائطله بر مملکتدن دیگرینه نقل اولونان مختلف لسان طبقه لرینی احتوا ایدر.

ابتدائی آریانی خرافه‌لری بر ویا ایکی نوع اولارق تصنیف ایده بیلیرز : خرافه واسطوره. بونلر بو کون بالذات موجود اولوب بر اخلاق درسی ویرمک ایچون در حال ایجاد ایدیش اولدقلری تقرر ایتیش بر حقیقت در، مثلاً، قرال ایله آری حکایه‌سی هندستانده، یونانستانده، نور و چده عینی، فقط او یله بر طرزده نشوونما بولور که، شفاهی و یا تحریری اولارق بر لرینه در حال نقل ایدیلر اولماسنی اثبات ایتک ممکن دکدر. خرسز افندی *master, thief* حکایه سیله *Hitopadesa* ده، *Herodotus*، الحمرا ماصالارنده، نورو چده و اسقوچیانک غربنده کی یوکسک اراضیده ده بلکه بر خرافه‌نک اصلی وجوده کتیردیکی ظن اولنور. عضوی خرافات، عضوی اسباطیر قادار مبذول دکدر. خطالی استفاده لره، اکری بوکری تاریخی حقایقه استناد ایده رک وجوده کلش اولان بو کی ماصالار هیچ اولمازسه خیالده غیر شعوری بر طرزده تشکل ایتیش او یونجاقلردر. عینی شخصلر و عینی وقعه لر متعدد اسملر و شکللر آلتنده ده تکرار تکرار کورونورلر. توتونیک و هندو فولکلوری سیندره‌لا و آیق قابی حکایه‌سی، *Surya Bai, Legendos Rajoh achtlleus and odipous Persens and Ileseus, Hellen and odyseur, Baldur, Busteur, Sigurd* قاجیریلان و بولق ایچون اوغراشیلان بر قیز مسئله‌سی واردر. هر آریانی مملکتده *slion* محاربه‌سی دفعه لرجه تکرار ایدلشدر. کیوم تل اسمیه تداعی حصوله کتیردیکنر حکایه‌ی انکلتزده و ویلیام قلاودسهل اسمی آلتنده، آلمایاده، دانمارقه‌ده، ایرلاندا، لاپلاند و آریانی عرقلرینه هاند اولمایان ممالکده بیله، تورکیاده، مونغولستانده مختلف اسملر آلتنده دیکله مکده یز. دها پک کنج یاشنده ایکن ئولن قهرمانک حکایه‌سی ده *sigrit, Isfendiya, Baldur* ویا *achille* اسمی آلتنده روایت ایدرلر. بوتون بو حکایه لر اقلیم، دین و مدیتک تحت تاثیرنده قالیر و تخالف ایدرلر. حکایه‌ده کی اشخاص کونشه‌اند اساطیرک شمال عرض دائره لرندن جنوب عرض دائره لرینه کتیریلدکاری زمان و مختلف ممالکتزده کی چیچکلرک و صنعی آلهرک دیکشدیکی کی دیکشرلر. *Odin* نک الوهیتی قبول ایدیلهدیکی یرده وحشی بر آوحی ویا *Hellegrim* اولویریر. حتی مدینتک بویله وحشی آوجیلرک وجودینه میدان ویرمه‌دیکی زمان او حالا *Hellegrim* نامی آلتنده اجرای وظیفه ایلر. بو ساحه‌ده علمی مه‌تودلر قوللانیلدینی تقدیرده چوق ایی نتیجه لرک آلد ایدیله‌جکی آکلاشیلماسی، دیکر عرقلری ده چالشمغه تشویق ایتدی و بوسورتله انتروپولوژی ایله اتنولوژی چوق مهم سرمایه صاحبی اولدیلر.

بوتون دنیاده کی وحشی قبیله لری نظر اعتباره آلا جق اولور سهق اونلر حقنده اک مهم معلوماتی بابدن اوغله کچن فولقلور لرنده بولا بیلیرز . فقط شونی اونو تمالم که مقایسه لی اساطیر ، مقایسه لی اخلاقیاتک تأیید لرندن وتوصیف لرندن عاری قالاماز . شعورلو بر موفقیته ترجمه ایدیله بیلیر سه هر عادتک نافع بر تاریخی واردر . هر هانکی بر قبیله نک زرده ، نه وقت و ناصل اولانباتاته ، ویا حیوانلره ، یا خود خورتلاقلره طابندقلرینی آکلار سهق آنتروپولوژی مسئله سنک اساسنی حل ایتک پک قولایلا شمش اولور . حتی بو کونکی عصری ، اجتماعی ویا خصوصی حیاتده کی اولمه ، دوغوم وئولوم وقعه لری دقتله آراشدیر یلیر سه ایلک انسانلرک هیچ اولماز سه حیاتلری طرزی حقنده بسیط بر معلومات آله ایدیله بیلیر .

ترجمه ایدهن :

VEDİDE BAHA



HOCA OĞLU - HÜKMÎ



حیاتنک ایزلری ، زمانک حسسز ، انصافسز الیه تماماً سیلنمش اولدیغی ایچون ، بوتون غیرتمزه رغماً ، اطرافنده کی کشف قارا کلنی داغیتارق سیاسی تنویره موفق اولامادیغمز ساز شاعر لرندن بری ده ، خوجا اوغلیدر . کندیسندن ، آنجاق محصوللری واسطه سیله خبردار اولدیغمز خوجا اوغلی ، یاشادیغی ، یتشدیکی دوری تعیین خصوصنده بردستانیه بزه بالذات رهبرلک ایدیور :

نصوح پاشا ایله جه کیدنلر
عجب نام قودیلر عربستانه
واروب بیت الله طواف ایدنلر
مستحق دکلای باغ جنانه .



نه در بو عربک ایتدیکی ایشلر
ییدیلر قیلنجی کوره لم نیشلر
سو کولدی جبهلر ، کسیلدی باشلر
نویاندی کوهرلر قیرضی قانه .



ینہ ظاہر اولدی کشف و کرامت
عربك باشنه قوپدی قیامت
حجاج مسلمین کچدی سلامت
ایریشدی حاجیلر امن وامانه
✱

خواجہ اوغلی عالم بیلورمی بیلیم
بودوزنلك بویله قالورمی بیلیم
بر کلمش بردخی کلورمی بیلیم
بویله بر قهرمان آخر زمانه

بودستانده حکایه ایدیلن وقعه، عصیان ایدهرک حج یوللرینی قاپایان [1] حجاز بدویلرینک،
دستانک بریحی قطعه سنده اسمی کچن نصوح پاشا طرفندن تنکیلی وجهه کیده نلرک امنیت
وسلامتنک تأمیندر. نصوح پاشا، آیدین محصللغندن [1120] ده شام والیلکیله حج
امیرلکنه تعین ایدیلش اولدیغنه کوره، حجاز بدویلرینک تأدیجی حادثه سنک اوسنه جریان
ایتمش و دستانک ده ینه عین تاریخده یازیلش اولماسی لازم کلیر. شو حالده خوجا اوغلنک،
اون ایکنجی عصرک ایلك نصفنه منسوب اولدیغنی تثبیت ایتمکده محذور اولماسه کر کدر.

*
* *

حکمی یه دائر معلومات ایدینه بیلیمک بر آاز اول بحث ایتدی کمز نصوح پاشایی یاقیندن
طایفه له ممکندر. نصوح پاشا، صوفتا ایکن سردن کچدی آغالغنی آلدی ایتد کدن صو کرا
بکیر بکی پایه سیله (1110) ده صاروخان، (1115) ده آیدین محصلی اولوب اصلاً
آیدینلی و عثمان اوغلی لقبیله مشهوردی. شدید و شجیع اولدیغنی جهته، (1120) ده
شام والیلکیله حج امیرلکنه تعین اولونمش و اوسنه عاصی بدویلری پریشان ایدهرک
حج یولنی آچش، بو خدمتیله حکومت مرکزنده اپی اعتبار و محبت قازانمشدی. فقط
پاشا، جسور اولدیغنی قادارده حریص و مقامه، ثروته، دبدبه یه فضله دوشکوندی. بوکا
بناء شام ولایتی کنديسنه کوچوک کلمش، نفوذینک دائره سنی کنیشه تمک فکريله،
علاوة «صیدا، بیروت، طرابلس شام» لکده عهد سینه توجیهی ایسته مشدی. مع مافیه
بو طلی، استانبولی قوشقولان دیرمقدن باشقا برشیئه یارامامش، تفرد ادعاسنه قالمیشدیغنی
ظن اولونارق، ایلریده دولتک باشنه برغائله جیقارماسی احتمالی دوشونولمکه باشلامشدی.
نهایت هر هانکی بر تهلکهنک اوکنه وقتده کچیلیمک اوزره اعدامی قرارلاشدیریلش،

[1] بوعصیان حادثه سی حقنده راشد تاریخنده ایچه تفصیلات واردر. [1153 طبعی، ج 2، ص 43]

بوقرار (1126) تطبیق اولمشدر . [1] اعدامنه قرار ویریلدیکی زمان ، نصوح پاشانك
لسانندن یازیلش بردستان موجوددرکه ، بو، حکمینك اثریدر :

ایام دولته عثمان اوغلیدم
یولکه فدادر سر پادشاهم
برکلیش بر دخی کلورمی بیلیم
بن کبی قهرمان ار پادشاهم .

✽

حرمکده مقیم ایدم بر زمان
کعبه یولن ایتدم امن ایله امان
امرکله چوللرده اولورسه م قربان .
بیلنسون خیر ایله شریادشاهم

✽

رضا اولدم امر حقدن کلنجه
چاره یوقدر پیمانه من طولنجه
روز محشر حق دیوانی اولنجه
کلندی سؤالم ویر پادشاهم

✽

عربان حازه اولمشکن غالب
اولدقی خنکارم بز قتل واجب
ذره جه مهرکه اولمقدق طالب
بنی قولارکه صور پادشاهم

✽

حکمیاً فراقم ایلسون مشهور
زیارتله اولسون قبر من معمر
چولاری صولادی مثال یاغور
آلمزدن آقان تر پادشاهم

بودستانه نظراً ، حکمینك ده این ایکنجی عصرک ایلاک نصفنده یاشادیغنی ، بناء علیه
خوجا اوغلی ایله معاصر ازلدیغنی قبول ایتک ضروریدر .

بزه قالیرسه ، کرک خوجا اوغلی ، کرک حکمی ، نصوح پاشانك آداملرندندی .
هرایکسی پاشا ایله حازه کیده رک عاصیلرک تنکیلنه معطوف حرکتله اشتراک ایتش ،
بری افندیسنك ظفر و موفقیتنی ترنم ایتدیکی کبی ، دیکری ده فلاکتنه آغلامشدر .
او دورده ایالتلرده کی وزیرلرک ، بکلرک معیتلری آراسنده خلق شاعرلرینك ده موقعی
بولونماسی دولایسیله ، بویله برتخمینك خطا تشکیل ایتیه جکی ظننده یز .

MEHMET HALİT

[1] مورخ راشده نظراً ، نصوح پاشا ، بر متغلبدن باشقا برشی دکیلدر . حیاته ، سچییه سنه
دائر راشد تاریخنده قیمتلی معلومات موجوددر . [1153 طبعی ، ج 2 ، ص 97 - 98]

« AHILER » E DAİR HALKTAKİ BİLGİLER

اخى بابالردىيە قىرشەرنەنن طبقى صيغىرىچق صويى كىتەرنەن شىخلىرى كېي سەنەك بىر مۇسەمەندە بىر طاقم آدملىرى ئانادولۇيە ، روم اىلىيە داغلىرىلردى . مەكە دىلىللىرى كېي اصناف بونلىرى مەسافىر ايدەردى . اصناف مەسجىدى اولان يىلردە اصناف مەسجىدلىرىدە واكثرىتە بويۇك جامەلەردە بىر جەمە كۈنى مەدرەسەلىك اجازەت مەراسىمە بىكزە بىر اجتماع اولوردى . اصنافدن اوستە ، قالفە چىقاچقىلار ، سەنئەتە يىكە كىرەچىكلەر بۇ آدملىرىكە اىللە پىشتە مال قوشانىرلار ، شەبەغلەلەردى . بۇ آدملىرى قىرشەرنەنن كى اخى اوران تەكىسەسى شىخنىك و كىللىرى ايدى . اجنەبى مەلىكتەردە قادار اوزانان ، بولغارستانە ، بوسنىيە دايانان بوشىخلىرى ، دولتەر آرەسەندە سىياسى مەخبرەيە بىلە سەبب اولمشلردى . مەكە دىلىللىرى كېي دىنى بىر مەھىتلىرى اولوب اولمادىغى صورۇلمشى . اخى بابا تەبىرى يالەكز قىرشەرنەنن كلن بۇ زەمرەيە مەخسۇس دىكلدى ، آنقرە كېي يىلردە بۇتون اصنافك بىر اولوسى واردى كە اوكا اخى بابا دىرلردى . اخى بابانك اصنافدن اولمەسى ھەرىدە مەجبورى دىكلدى . نەسلىكە چانقىرى اخى باباسى اشراقدن بىرىسى ايدى . آنقرەدە اخى بابا طاباق اصنافك اولولرىدن ياپىلردى . اخى اورانك بىر طاباق اوستەسى اولمەسى واو سىرەلردە اخى بابانغى اخى اوران شىخلىرىنك تۇجىيە اىتمەسى بونى اىجاب ايتدىر مەشى . چانقىرىدەدە طاباق اولوسنىك موقەي واردى . اخى بابانك بولمادىغى زەمانلەردە يەكەيت باشىلردن تەركەب ايدەن لۇنجهيە طاباق اولوسى يعنى طاباقلاركە يەكەيت باشىسى رىياسەت ايدەردى . اخى بابالق تۇجىيە اخى اوران تەكەسنىك الەدە بولۇنىوردى . حتى مەشروطىت دورىدە بىر شەردە اخى بابانك غەزلى اىچۇن قىرشەرىنە مەراجەت واقع اولمشدى . دقتى جەلب ايدەن جەھەت اخى بابالق رەتبەسنىك ھەرىدە بولۇنمايشى ايدى ، مەشلاق سەمەنەندە ، ادرەندە يوقدى . مە مەفەيە قىرشەرنەنن كلنلەر وظيفەلەرى اىچۇن ھەسن قەبول كورىيورلردى . بروسە كېي بەئز يىلردە اخى بابالق وظيفەلەرنى بەئز طرىقت شىخلىرى ياپيورلردى . اكثرىتە سەدى شىخلىرىنك الەدە ايدى . سەدىلەردە شەقوشاندىغى و بۇكا اھمىت وىردىكى اىچىن اصنافك پىشتە مال قوشانمە ، شەبەغلەمە ايشلارنى بىنەسە يورلار ، سەنەك مەراسىملارنى ، واكثجەلەرنى تەسەيد ايدىيورلردى .

اصنافك ، جەمەلەرى ، اصناف مەسجىدلىرىدە قۇتۇننامە او قۇدقلىرى اولوردى . اكثرىتە بۇكا كۇتۇرنامە دىرلردى .

اخى اوران تکه سی حاجی بکتاش تکه سنک رولنی اوینامق ایسته یوردی . عثمانلی تاریخک آنقره فتحی دولایسیله تماس ایتدیکی اخیلرک تصوفی بر طریقت اولدوغنی ظن ایدهدرک . شیخانکی شاهلغه قلب ایتک ایسته مشلر ، ایکنجی مراد آنقره یی آلدیغنی زمان شهرى بونلرک النده بولمش صانیوردق .

آنقره لیلره کوره اخى شرف الدینک جدلری سمرقنددن کلشلردی . خایمانهک بعض یرلرینی سمرقنده بکزه تهرک اوراده یرلشملر و اوطوردقلری کویلره (یاش سمر) ، (سمر اوزی) کبی آدلر و یرمشلردی . تاریخک تماسی ، فتوتنامه لرک کشف ایدلمه سی ، ابن بطوطه نک معلوماتی اخیلر ایچون هر کسده بر مراق او یاندردیغنی کونلرده بونلرک اصناف تشکالرندن عبارت اولدوغنی ظنی حاصل اولمشدی . اورتا تاریخده بوتون دنیا ده اولدوغنی کبی بزده ده اصناف تشکالری واردی ، غریبه هر اصنافک بر عزیزى وارسه ، بزده ده پیرلری موجوددی . فقط ، اخیلرک اصناف تشکالری نه منحصر اولمادیغنی ، مؤخرآ اصناف اولولرینک اخى رتبه سنه نائل اوله رق یولداشلرینی زاویه سنده طویلامش اولدوغنی کشف ایدمه مشدک . بزده اخیلر دییه بر طریقت فرض ایدیوردق . حالبوکه اخیلر ، زمره نک اولولرینه اطلاق ایدیلردی . عربجه ده (فتا) (فتیان) دنیلدیکی کبی بزده یکیت ویکیتلر ده نیور ، باشلرینه یکیت باشی تسمیه اولونیوردی .

بوخطانک منشأی ابن بطوطه نک ده ظن ایتدیکی کبی (اخى) کله سنک قارداش معناسنه عربجه فرض ایدلمه سی اولمشدی . اخى کله سنه بابا کله سنک یاپیشمه سی ده کوستریوردی که ، بوطن ، یا کلیشدی . اساساً خلقک تافطی ده بونک عکسنه ایدی . طبق اسکی تورک لغتلرنده اولدوغنی کبی اخى ، آقی ، جو مرد معناسنی افاده ایدن تورکجه برکله ایدی . فتوت اربابندن بحث ایدهن فارسى و عربی اثرلرده بوکلمه یه تصادف ایديله مایشی ده مسئله یی ده تنویر ایتکه کافی کله بیلیردی .

عثمانلی دورنده اصنافلر خارجنده فتوته منسوب برتشکل کوروله میور . اسکی آنادولو فتوت زاویه لری داغیلمش ، اسکی اخیلر ، اجتماعی حیاتک حمله کارانکشافلری ایچنده عنوانلرینی ده کیشدیرمشلردی ؛ اده بالی براخی ایکن حکمدار باباسی اولویور ، اخى حسن بر قوماندان کبی بروسه قلعه سنه بایراق آشیوردی . مع مافیه عائله لر اسکی قوقولرینی طاشیوردی . اخى حسنک اوغلنه عائد مزار طاشنده (المبارز) وصفنی بولدوغمز کبی ، اخى خوشقدمک اوغلی علی یه عائد مزار طاشنده ده عینی تعبیری قازلمش کورو یورز . آنادولودن کلش بر اخى چوجوغنی اولان حاجی عوض پاشاده ، باباسی اخى بایزیدک اسمنی وقفیه لرنده

و چوققلرى مزار طاشنده صدر كير اخى بايزيد ديه ذ كر ايتديريورلردى .
 آنادولوده «صحت» ده نيلن ومنتظم بر تشكىلاته تابع اولان برتشكل كوزه چارپار .
 بونلر شهرلرده، از جمله چانقيريده يكرمى، يكرمى بش كيشيك بر هيئت حالده منتظماً قيش
 كيجه لرنده اجتماع ياپارلر . آره لرينه يابانجى آمازلر ، آلسه لر بيله خصوصى بر مراسمه
 تابعدر . معين ساعت كلنجه بويورون ايددرلر . بونلر ك باش آغا ديه بر رئيسلىرى
 وارددر . صحت ايچون خصوصى اوطله لرى حاوى اولرده بولونور . باش آغانك ىرى ،
 سازك ىرى آيريددر . راقى ايچمزلر، قيشى منتظم برديسيپلن آلتنده ذوق ايله كچيرلر .
 اخى زاويه لرنده كيزليك ، مراسم اولدوغى حالده آليشقين اولدوغمز تصوفى غايه لرك
 بولونمامه سنى استغراب ايددرز . صحت عالملىرى ابن بطوطه نك تعريف ايتدىكى اخى
 زاويه لرندن هيچ فرقلى بولمايورز . اونلر ك عىنى دكلسه بيله تقليديدر . بوعالملرك ايچنده
 بولونمش اولان وبوكى خلق ايشلىرىله اساساً اشتغال ايدن چانقيرى مبعوثى طلعت بكدن
 صحتلرك عريض وعميق بر تدقيقنى بكه رز .

خلق ايچندن آلنان بو معلومات مكتوب اثرلردن اقتطاف ايديله ن معلومات ايله تلفيق
 ايديلنجه اخيلر مسئله سنك ايجه تنور ايدم جكنده شبهه يوقدر . متعاقب مقاله لرده بو
 التقاطلى امكان درجه سنده ياقمق ايسته يورم .

— I —

هامر ادريسدن نقلاً «اخيلر واسع اراضى به ملك اعياندى عبارت ايديلر» ديوركه،
 تاريخده ايلك تماس ايتديكمز وارلنك معناسى وافاده سى آنجق بو اوله بيلير . هيچ شبهه
 يوقدر كه بو ، اخيلر زمرد سنك تعريفى دكلدر . زمردنك باشنده اولانلردر . اخى
 حسن ، اخى محمد تعبيرلىرىله آكلاتيلاندر ، زاويه صاحبي اولان و بر طاقم كيمسه لرى
 زاويه سنده طويلان ، انعام ايدن كيمسه لردى . اخى كله سى توركجه، اولدوغنه ، فتانك
 قارشيلغى بولوندوغنه كوره بوتون منسوبلره اطلاقده جائز اولق لازم كلير . آنجق
 كرك بزم عصرىمزه قدار كلن تشكىللرده ، كرك حاللىرىنى حكايه ايدن اثرلرده ، اخى ،
 اخى بابا ، يكييت باشى تعبيرلىرى هپ اداره ايدنلره ويريلمكده در . اخيلرى تدقيق ايدن كن
 مختلف اختلاطر كوزه چارپور : اخيله شى اصناف تشكىلارينك غننه لرى، اخى اورن
 تكمه سى واسطه سيله كيرن وبكتاشى مراسميلى برلش غننه لر، اصل فتوت يولنك غننه لرى .
 بونلر تصفيه ايديلنجه فتوت غننه لرى ، فتوت شلوارى ، فتوت كاسه سى و بونلرى
 الدن اله ويره ن بويوكلر تدقيق موضوعمرك صوقا تيلماش قسمنى تشكىل ايدنر . آشاغيدن

یوقاری کیدلیدیکی زمان کورمهک آلیشدیغمز صوفیه طریقتلرینک تأثیرنده قالیوروز. حالبوکه بوزمره زهد و تصوفدن عاری، اخلاق و مردانکلری ایله جمعیت ایچنده ممتاز بر سپور هیئتندن باشقه ماهیت عرض ایتمه مکده درلر. بونلره عاشق پاشا غریبنامه سنده تماس ایتمش، آلپر دییه باشلایان ایضاحاتنده طریقتله شمش بر شکل ایله کوسترمشدر. اجتماعی حیاتک چوق اوزاق صفحهلرینی بزه کوستردن قابوسنامه نك ایضاحاتنده شونلری بولویوروز: بشنچی عصر اورتالرنده یازیلان بو اثر جوانمردلر، سپاهیلر دییه ایکی زمردن بحث ایدیور. سپاهیلرک تامیله شوواله رسک بروضیت کوستردیکی آکلاشیلیور. جوانمردلری عیارلره قاریشدریور. عیارلردن بحث ایدرکن هر عیار؛ جوانمرد، هنر صاحبی، هر ایشده صبرلی، وعدینه صادق، عقللی، کوکلی تمیز، شخصی ایچون باشقه سنک ضررینی ایسته مز، مظلومک ظلم کورمه سنه تحمل ایتز، سوزی اوزی دوغرو، کار و کسبی حلالدر دیور. سپاهیلرله عیارلری مقایسه ایدرکن، سپاهیلر همان عیارلر کیدر، اساساً تام بر سپاهی اولق ایچین عیارلنی اکتساب ایتک لازمدر، یالکز آره لرنده فرقلر واردر، کرم، سخا کوسترمک، مسافر آغیرلامق، تمیز کییمک بر سپاهیده بلکه داها فوق العاده بولونه بیلر. یالکز سپاهیلرک قادین سومه سی، او کونمه سی واردرکه بونلرک عیارلقله تالیفی ممکن دکدر، عیارلقلده بونلر شدتله ممنوعدر. عیارلری بوعصرلرده بوتون شرقده یرلشمش کورویوروز. تاریخ بوکی اجتماعی تشکللره یالکز تماس ایتدکلری حادثه لر سببیه موقع ویرمکده در. بالطبع بو تماسلر صرف منفی اولانلردر. بو یوزدن عیارلرک ده زیاد فئالق جههلری مشاهده ایدیلر. عثمانلی تاریخی ده او یله یاپمایورمی؟ آره صیره مناخله ایتدکلری ایشلر، واقعلر سببیه بغدادده موجودیتلرینی متعدد هیفه لرده کورویوروز. قابوسنامه نك بر حکایه سی بوتون شهرلرده عیار تشکیلاتنک موجودیتنی اشراب ایدر. حکایه یی دیکله یه لم: بر کون کوهستان عیارلری محفللرنده طویلو ایکن یانلرینه یابانچی بر ذات کیریور. کرک اخی محفلرینه، کرک عیار محفلرینه یابانچی کیره مه یوردی، قاپیلرده مطلقا کوزجی بولونیوردی. بویابانچی یه «نه جیسک، نه ایسته یورسک؟» دیورلر. «مرو عیارلرندن بولونیورم. سزدن ایکی سؤال صورمغه کلدیم. جواب ویریرسه کز سزک بویوکلککزی تصدیق و قبول ایده جکز، اکر ویره مزسه کز بزم اولولوغمزی سزک تصدیق و قبول ایتمه کز ایجاب ایدر» جوابی آلیورلر. سؤاللری شونلرمش: «جوانمردلک ندر؟» بو برنجی سؤال؛ دیکری ده شو ایش: «هرهانکی بر یولده بر ویا بر قاق عیار دورویور. اونلر صحبت ایچنده ایکن بر پیاده تلاش و هیجان ایچنده،

قورقو ودهشت اچنده ايريشيور ويانلرندن کچوب کيديور. برمدت صوکره پر سلاح برسواری ايريشيور، بللی که بریسی تعقیب ایدیور. صوریور: «بورادن شوقیافته، شو شکله برآدام کچدی؟» نه جواب ویره جکسکیز؟ بیایورسکیز که بوسواری دمین کچن پیاده بی اولدورمک اوزره تعقیب اتمکده در. کچدی دیرسه کز بیچاره حرینی غمز ایتش اوله جقسکیز، غمازلق ایسه عیارلغه اصلا یاقیشماز. شاید کچمه دی دییه جک اولورسه کز یالان ارتکاب ایتش اوله جقسکیز، یالان ایسه عیارلغک اک بویوک دوشمانیدر. «بو سؤال قارشیسنده بوتون عیارلر مبهوت قالدیلر، اچلرنده همدان عیارلرینه منسوب فضلی نامنده بریسی واردی. آیاهه قاقه رق بوسؤاللره کنديسنک جواب ویره جکینی سویله دی. مساعده ایتدیلر، دیدی که: عیار صبرلی و متحمل اوله جقدر. اوآنده کنديسنه سؤال توجه ایدیلن عیار بولوندوغی یردن حرکت ایدرک بر قاق آدیم ایلریده توقف ایدر. سواری طبیعی بو حرکتی حس ایتمز، فرقنه وارماز، صوکره کنديسنه توجه ایدرک دیر که، بن بورایه کللی بری بورادن بویله بر آدام کچمه مشدر. «بابانجی بوجوانی بکنمش و مرو محفلنک تفوقنی قبول ایله یرک چیقوب کیتمشدر.

بو حکایه، مروده، کوهستانده، اصفهانده عیار تشکیلاتی اولدوغنی آچیقجه کوسترمکده در. صوکره مسلکک اکدرین عنعنه و مراسمه تماش ایله مکده در محفللرده عیارلرک طوپلاندیغنی کورویورز. آرالرنده مناقشه موضوعلری زهد و تصوف تکرله مه لری دکل، فضیلت وفدا کارلق کبی شیلر در. کرچه بونی معهود «حیاه شرعیه» ایله مناسباتدار کورنلر واردر. آنجق مردانه حیله ایکی وطنداش آراسنده مقاتله یه مانع اولمقده در. بوراده سپاهی روحیه، عیار روحی کنديسنی کوستریور. سپاهیجه مسئله نک حلی قاچان آدمی حمایه ایدرک سببسز اوچنچی بر مقاتله زمینی احضار اتمکدی. عیارلرک فتوت اهلی اولدوغنی ابن خلدون (جلد 2 صحیفه 535) تاریخنده تصریح ایله مکده، عباسی حکمداری ناصر عیارلر کبی فتوت شلوار کیدی دیمکده در.

706 سنه سنده ناصر بوتون ایمپراطورلقده کی فتوت تشکیلاتی داغیدیور، کنديسنی طانیان بوتون امرایه، سلطانلره امرلر ویره رک بوندن صوکره فتوت شالوارینی آنجق کنديسندن آلق صورتیه کیه جکلرینی، فتوت کاسه سنی کنديسندن اچیه جکلینی، بویله یابیلما دیغنی تقدیرده هیچ کیمسه نک اهل فتوتدن اولدوغنی ادعا ایدمه جکینی، بیلدیریور. ابن اثیرده (جلد 12 صحیفه 168) بونی تأیید ایدرک؛ علاوه دیور که: «بوتون مملکتلردن امرا و سلاطین بغداده کلهرک ناصرک الندن شلوار کیور وکاسه اچیور.

یالکز بغدادده ابن سفت نامنده بریسی مخالفت ایدرک سوریه قاجور ، هر نه قادار ناصر بو آدمی قاندرمق ایچون خبرلر کوندرمش ، بویوک بویوک وعدلرده بولونمش ایسه ده قبول ایتمه یور؛ احبابلری کندیسنه بوفرستی قاجیرمامه سی ایچون نصیحت ایتمشله دهده « دنیا ده ناصره یکانه اولارق مخالفت بکا کافی شرفدر» دیور.

آکلاشیلیور که ، فتوت مسلکی بر سپورجیلر جمعیتی حالنده بوتون شرقده مستولی بولونیور . فنا ایشلرک او کنه کچورلر ، مظالمه قارشى حرکت ایدیورلر ، بو صورتله سیاسی بر صفحه ده عرض ایله یورلر . تشکیلات حکمدارک دقتنی جلب ایده جک ، اونی اندیشه ایتدیره جک قادار مهم و واسعدر .

عباسی خلیفه سی دها کنج ایکن بوتشکه داخل اولمشدی . تدقیقاتمه نظرأ جلوسنک ایکنجی سنه سنده یعنی (578) ده عبدالجبار نامنده بر ذاتک الذن کاسه ایچمش ، شلوار کییمشدی .

ابن خلدون بر چوق و قتلرینی سوق اندازلقله کچردیکندن دولای عباسی خلیفه سنی تحطئه ایتکده و بونی دولتک طبعی هزارنه عطف ایله مکده در . مملکتی تمامیه صاران فضیلت و ادمان ایله حیات سورهن بویله معظم بر تشکه باش اولق ایسته یین حکمدارک بوش حرکت ایتدیکی میدانده در .

«صبح الاعشا» نک اون درنجی جلدنده بر بندقیه رساله سی کوزم چارپیور . عباسیه دورندن چوق صوکره یازیلان بو صحیفه لر اوصاف و عنعنات خصوصنده عینی اساسلری ذکر و تعداد ایله مکده در . کوپرولو زاده فؤاد بکک ایلك متصوفلرده کی تدقیقاتنه کوره بالا آخره صلاح الدین ایوبینک بوتشکلک باشنه کچدیکنی کورویورز .

سلچوق دورنده یازیلان و آشاغیده بعضی صحیفه لرینی اقتباس ایده جکمز فتوتنامه دن ده ، تشکلی تصوفدن ، بارد زهددن پاک کوریورز . یالکز بودورک اقتضاسی اوله رق فتوتنامه ده آلپلنگ صبر و سکون ایچنده قالدیغنی آکلا یورز .

ANADOLU HALK EDEBIYATI

مشهور تورکیاتچی رادلوفک علی العموم تورک خلق بیلگیسنه تعلق ایدن سکیز جلدلک آلمانجه بر اثری وارددر. بوانرک صوک جلدی عثمانلی تورکلرینک خلق ادبیاتندن باحثدر. ماجار تورکیاتچیسى ایغناش قونوش بوجلده اوزون بر مقدمه یازمشدر. قونوش بومقدمه ده آنادولو خلق ادبیاتی اوچ غروپه آیرمق صورتیه برر برر تدقیق ایدر. مجموعه مزک بو نسخه سنده قونوشک برنجی غروپه عائد مطالعه لرینی نقل ایدیورز. دیگر ایکی غروپه عائد تدقیقلرینی ده کله جک نسخه مزده نشر ایده جکیز. قونوشک مقدمه سی، بر بوتون اولمقله برابر بونک ایچنده ایلك غروپه متعلق ده شو نجه لر اولدجه تام و آیری بر جزو تشکیل اتمکده در. ماجار تورکیاتچیسنک ایلری سوردیکی فکر لر آره سنده، اوزرنده دور یلماسی لازم کلن نقطه لر یوق دکلدرد؛ خاصة سلطان محمودک تخته کچمه سیله علاقه دار عکس العمل ... کبی بعض جهتلرده تاریخی ذهوللر، عجله یاپیلش تعمیملر موجوددر. مقدمه نک نشرینی ا کمال ایدنجه، حقنده بر تنقید یایمق، بو طریق ایله بحث ایتدی کمز ذهوللری تصحیحه چالشیق نیتنده یز.

*
**

عثمانلی تورکلرینک خلق شعریه خلق دیلی بو کونه قدار (1899) بزه مجهول قلمشدر. حتی خلق دیلی تعبیری چوق دفعه قولاغمزده یازی لسانه ضد بر عکس بر اقیردر. معلوم اولدیغی اوزره عثمانلی خلق لسانیه یازی لسانی آره سنده کی فرق بویوکدر. دین کبی بر چوق حرث عامللرینک تأثیریه تورکجه یه کیردن عرب، عجم کله وقاعده لری بو لسانک ماهیتنی دکشدرمشدر. عمومک قوللانیدیغی لساندن، یازی لسانی او قدر آیریدر که، آنجق بر اجنبی دیلی کبی آیروجه او کره نیلمک شرطیه. آکلاشیلابیلیر. عثمانلی لسانی، عثمانلی سلطنتک ایلك دورلرندن، یعنی اون بشنخی عصر دن اعتباراً تبدله معروض قلمشدر. بولسان بدایتده ده ا زیاده عجمجه نک تأثیری آلتنده ایکن صوکرالری، خاصة اون آلتنجی و اون یدنجی عصرلرده تمامیه عرب تأثیرینه تابع اولمشدر. بو عصرک صوکنده کوریلن و سلطان محمودک تخته کچمه سیله علاقه دار اولان روفورم نتیجه سنده خلقلک غرب حرثی قارشیسنده قیدسز دوره مایه جفی آکلاشیلمشدر. محررلرو سیاسیلر یواش یواش یالکز «عثمانلی جمعیتی» دکل، عین زمانده عثمانلی لسانی ده « ملی » اولمالیدر، دیمکه باشلامشدر. بونلر عثمانلی

توركلرينك مىلىشمەسى اىچون بويوك بر غىرتله چالشدىلر و اون يدنجى عصر ك تقريباً اورتەلرنده ادبى اسلوبده بر انقلاب ياپەرق ايران ، عرب عنصرلرى يرينە، دها زياده خلق عنصرلرى قوللانمخە موفق اولدىلر. بو صورتە اھمال ايدىلكە قالمایەرق عين زمانده حقير كوريلن كويلونك قابا دىلى ايلك دفعە دقتى چكدى ، بساطتى نسبتندە معنا اعتباريلە درين اولان ضرب مثلر بويوك بر تاثير اجراسندن كىرى دورمادى . خصوصيلە شناسى واحمد و فيق پاشانك ضرب مثل كلياتنك انتشارندن صوكراسكى ادبى لهجە ، يرينى خلق لسانە براقمايە تماماً ميل ايتدى . يكي عالم و محررلر خلق دىلىنك فقير اولمديغى و ايستەنيلن مفھومى افادەيە قابىلىتى بولنديغى آكلايەرق بونى قوللانمقده تردد ايتەدىلر . حتى دها ايلرىيە كيدەرك سياسى انقلاب حركتلرينك باشنە كچوب وطن و ملت حقندە سربست تلقينلرە بيلە تشبث ايتدىلر . آرتق ادبيات يالكىزمنورلرە دكل ، بلكە بوتون ملتە ، بوتون جمعيە عائد بر مؤسسە اولمەيدىر قناعتنى تردد ايتەدن اورتەيە قويورلر ، بونك دە آنجاق خلق لسانى واسطەسيلە اولابيلە جكنى بحق ادعا ايدىيورلردى . حقيقتاً بو تاريخدن صوكراسكى توركيانك محررو شاعرلرى ، عرب و عجم تاثيرندن اوزاق و خلق طرفندن آكلاشيلابيلە جك برشكلە يازى يازدىلر .

خلق لسانندە طبعى بعض عرب و عجم كلمەلرى واردى . فقط بو كلمەلر منسوب اولدقلىرى لسانلردە حائز بولوندىقلىرى آھنك و معنايلە قوللانمىيور ، بالعكس كرك سسلرينى ، كرك معنلرينى دكيشديرەرك بوسبوتون باشقە بر ماھيت آلييورلر ، يعنى تورك لغتتە ، تورك مالى اولارق كىرييورلردى . بونكە برابر ينە خلق لسانى ، حقيقى ماھيتى و بديعى اورثيناليتەسى ايلە هنوز طاننامش و عثمانلى توركلرينك خلق ادبياتنك موجوديتندن هيچ كيمسە خبردار اولمامشدى . خلق نثرينك يكانە و عمومى اولارق معلوم بولنان متنى يوقايدە ذ كر اولونان ضرب مثللرە منحصر كيدى . يالكىز عثمانلى خلق شعريە علاقەم دولاييسيلە كرك روم ايليدە و كرك آنادولودە عثمانلىلر آره سندنە ياپديغى سياحتلردە ھرھانكى بر آوروپا ماتى قدر عثمانلىلر كدە زنكىن بر فولقنوردە مالك اولديغىنە بالذات مطلع اولمشم . بورادە خلق شعرى حقندە يازديغى ، و قتيلە ماجار علم آقادەمىسى طرفندن نشر ايدىلن كلياتى تاملە جق ماھيتەدەر . بونلر نىم (1889 - 1890) تاريخلرنده پترسبورغ علم آقادەمىسنك تكميلە قسماً استانبول ، ازمير و آيدىن جوارندە ، قسماً قونيه ، کوتاھيە و انقرە شەرلرنده ياپديغى آراشديرمەلر ك نتيجە سيدر .

شىمدى اول عثمانلى خلق شعرى حقندە عمومى معلومات اعطاسنە و بونك مختلف

نوعلرندن بحث ایتمه مه مساعده ایدیلین . عثمانلیلرک خلق شعری مختلف آوروپا ملتلرینک خلق بیلگیسی آره سنده اک یوکسک بر موقع احرازینه لایقدر . کرک تشکله کی تنوعی و کرک زنکینلک و محتواده کی عراقی موجب خصوصیتی اعتباریه مقایسه لی خلق لسانیاتی بونلره بویوک بردقته کوزینی چویرمه لیدر . چونکه بونلر شرق ایله غرب آراسنده قورولش بر کوپری وضعیتنده اولوب کرک هندستان أسطوره لرینه کیدن اوزاق شرقک موضوعلرینی و کرک یاقین غربک دنیا تلقیسی و اتنو غرافیک حاللری حائزدر . بوتون بونلری کتایم زده کی متلره نظراً بر قاج اساسلی غروپه تقسیم ایدیورز : ایلاک غروپه منظوم حکایه لر داخلدر . کور اوغلو ، شاه اسماعیل ، عاشق غریب ، عاشق کرم .. الخ کی خلق کتابلرینی و خلقک قهرمان تیپلرینی یاشاتان رومانلرینی بو غروپدن صایورز . ینه بورایه یکریمی بش خلق ماصالنی علاوه ایدیورز که بوماصاللر ، خلق رومانلرینی تعقیب ایتدکلری کی ، شکل و محتویات اعتباریه ده آوروپا خلق ماصاللرینه توافق ایتکده در .

ایکنجی غروپه لیریک موضوعلی اثرلر داخلدر . 352 پارچه درت مصراعلی مانی ، یعنی فکرلی منظومه ، 229 پارچه جناسلی مانی و صوکر (باغیرمه) نامی آلتده جمع ایدیلن 95 خلق بیتی ؛ بونلر قسماً عشق ، قسماً حیدود ، یا خود عسکر شریقلیدر .

اوچنجی و صوک غروپ خلقه عائد فاجعه لریک تجربه لرینی تشکیل ایدر . بورایه قره کوز اویونلری داخلدر . بونلردن تمام اولارق ویردیکم دو قوز دانه سنی دو غریدن دو غرییه ایشیتدیکم طرزده یازدم . اک نهایت لسان علاقه سی دولایسیله خواجه نصرالدینک قونیه ده یازدیغم 136 لطیفه سنی محلی شیو ، سیاه تثبیت ایتدم . (بونلری قونیه ده یوسف سامی افندیدن آله ایتدم) .

— 1 —

تصویری شعرلرله منظوم حکایه لردن عبارت خلق رومانلری و ماصاللر برنجی غروپه داخلدر . خلق رومانلرینک چوغی ، عجمستان و آذربایجاندن کوچوک آسیایه کلن بویوک حکایه لردر . بونلرک هپسی ، نثر و یا نظم حالده ، اسلام تروبادورلری دییه بیله جکمز ساز عاشقلرینک قهرمانلقلرندن بحث ایدر . بو حکایه لرده هر قهرمان بر عاشقدر ، عاشقلر شایان حیرت عدایدیلن سازلرینک سحرکار تاثیرینه و قیلیچلرینک قوتنه کووه نه رک هجوملر یاپارلر ، سرگذشتلره آنیلیرلر ، سرگذشتلرنده هر نوع مانعه لره راست کلیرلر ، فقط بو مانعه لری ، قسماً معجزه لرله ، قسماً مهارتلری و قوتلریله بر طرف ایدرلر . نهایت غالبیت مکافات اولارق ، حیاتی بر غایه بیلدکلری شیئه ، مثلاً سو کیملرینه نائل اولورلر . (اورخانک صاغدیجنه فاووشماسی کی) بوکی عاشقلر ، الآن آنادولونک اوتیه سنده ،

بریسنده کورولور . سازلیله قصبه قصبه ، کوی کوی دولاشارق اجداد قهرمانلقلرینی حکایه ایدرلر .

خلق رومانلرنده سرگذشتک ساده قسملری نثر ، جانلی ، شاعرانه قسملری ایسه منظوم اولارق نقل ایدلمشدر . بونلرک موضوعلری اکثریتله معلومدر. آرالرنده کزیاذه مشهور اولانی ده « کور اوغلو » حکایه سیدر . بو حکایه تورک اورثینالیته سنه اک یاقین اولان بر خلق رومانیدر .

« کور اوغلو » ایلک اوکجه (منشأنده) شیعیلرک مدافعی اولارق میدان چیقار . بالآخره آنادولو تورککلکنک اک بویوک قهرمانی اولور . لاکن بوراده ، بالعکس سنی شووالیه سی حالنده ، شیعی حاکمیتنه قارشى طورر. کور اوغلو حکایه سی، عادتاً بر حایدودک تاریخی ، ماصالی و عین زمانده بر شاعرک مقدراتیدر . حکایه نک قهرمانی ، اک کوچ برماجریه آتیلیر ، اولاقرق ، صوکرآ ، بوندن چوق فضله حایدودله ایشه کیریشیر . فقط زمان زمان سازینه مراجعت ایدر، سازیله صیقینتیلرینی، اضطرابلرینی ترنمه قویولور. آدی « کور اوغلو » در . [بردره بکی ، بر ساییک کوزینه میل چکمش ، انتقام آلمق ایچون ساییک اوغلی کندیسنه بونی اسم اولارق انتخاب ایتمشدر]

سرگذشتک جریان ایتدیکی محل (بولی) شهریدر . حکایه نک حصوله کلمسهنده شدتیله مشهور اولان بر دره بکی سبب اولمشدر : دره بکینک ، مملکته کیرهن هرکسندن ویرکی (یول باجی) آلمق عادتى ایدی . بر دفعه بر کروان بولی اووالرنندن کچوردی . عادت اوزره بولی بکنه ویرکی ایچین مراجعت ایدلمشدی . بکک ماهر بر ساییسی (آخرجیسی) واردی . کندیسنه بر آت سچیلمه سی ایچون اونى کروانه کوندهردی . ساییس بر آت سچدی ، بیندی . یولک یاریسنه کلدیکی زمان آت هرهانکی بر شیدن اورکهرک ایلرییه کیتمه دی . ساییس بونک اوزرینه باشقا بر آت سچدی ، اوندن ده عینی شکلده استفاده ایدمه دی ، بوانخابلرک صوکنده ، نهایت کوزینه ایلیشه ن صاری وضعیف بر آتی آلدی ، بیندی . آت قورقمادی ، کندیسنی بکک قوناغنه قادار کوتوردی . بک ، بو سفیل آتی کورور کورمز اوقادار قیزدی که ، ساییسی باغلاتدی ؛ کوزلرینی چیقارتدی وضعیف آتیه بیندیروب دفع ایتدی . آت ، زاواللی کوری زوجه سنه و چوجوغنه قاووشدیردی ، چوجوق ، باباسی اوزاقلرده یاشادیغی زمان کوچلو، قوتلی برکنج اولمشدی . اودرجه ده که، طوتدوغی آغاچلری کوکیله برابر طوپراقدن چیقارییوردی . باباسنی کتیرهن آتله بکدن انتقام آلمغه قرار ویره رک چاملی بلده قوناقلادی . یاننده ده بوآراق قازاندیغی آرقاداشلری

واردی . اطرافى کنديسندن قورقغه باشلادی ، شقاوت ماجراسنك برچوق صفحه لری ایشته بوراده باشلايور که بونلر کتابده یازیلیدر .

ایکنجی حکایه ، « شاه اسماعیل » در . شاه اسماعیل ، برپادشاهك اوغلو اولوب کیجه رؤیاسنده کنديسنه عشق شرابی ویریش ، بونی ایچنجه یوروک قبیله لرندن بر قیزی ، کلعداری سه و مشدر . لا کین مقصده ایرمك ایچون دیولرله ، مشهور قادین پهلوان و عرب اوزه نیکی ایله مجادله ایتک ، حاصلی برچوق مشکلايه قتلائق مجبوریتنده قالمش ، اوزون محاربه لردن صو کرا پری و دیولرک یاردیميله وصالک لذتی طامشدر .

« عاشق غریب » حکایه سی ایسه ، منظوم بر روماندر . بو حکایه ده قهرمان آرتیق قیلیجه قاوغا ایتمز ، مسلح دوشمانلره قارشى چیقماز ، سلاحي آنجاق سازیدر ، بوتون قوتی ، امیدی سازنده در . غایه سی قهرمانلق دکیل ، بلکه ، رؤیاده کوره رك سودیکی حاجی صنم نامنده برینك قیزینی بولمقدر . عاشق غریب ، رؤیاسنده عشقك فسونکار ایچکیسنی ایچدکن صو کرا شاعر اولمش ، قلبندن دوداقلرینه هجوم ایدن کوزل شریقلری ترمه باشلامشدر . آرتیق سو کینیسنى آرامقندن باشقا یایاجق برایش یوقدر ، یوله قویولور ، هر طرفده شاعرلری مسابقه یه دعوت ایدر ، نهایت رؤیاده کوردیکی قیزی بویوک مانعلره غلبه ایدرک ائده ایله مکه موفق اولور .

بو حکایه ابتداده اوته سنه بریسنه شعرلر سرپیشدیریش منشور بر پارچا ایدی ، بز کتابمزه آنجاق اللى بر شارقیسنی کوستردک . بو شارقیاردن رومانده کی حرکتلر حقنده بر نتیجه چیقارمق قابلدیر . کرک شکل ، کرک محتویات اعتباريله (تورکو) دینیلن خلق شریقلرینی آندیران بو شعرلردن ایلریده بحث ایدجکیز .

عاشق کرم اضطراب چکن بر عاشقك حکایه سیدر ، یوقاریده تماس ایتدیکنز ایکی مسعود قهرمان ، سو کیلیلرینه نائل اولمشکن بدبخت کرم ، آنجاق او بر دنیا ده سعاده ایریشیر . کرم بر پرنسدر ، باباسی اولان شاهك سراینی ترک ایدر ، سو کیلیسنگ ایزینی (برارمنی پاپاسنگ قیزی اولان اصلی یی) آرامق ایچین ... سنه لرجه دولاشمش ، شعرلریله سازینك تللرینی آجی آجی تیتره تمشدر . اصلی یی کوکسنه باصدیرا بیله جکی زمان طالعسنزك بوکا مانع اولور . حکایه ده ، اصلی ده احتراض آتشی ایچنده یانمقله برابر ، حقیقی معناسیله عشقك آجیسنى طادان ، داها زیاده کرمدر . زواللی اصلی اونك کولندن بر درلو آریلاماز ، قیرق کون قیرق کیبه آغلار ، اوندن صو کرا کرمك قالان کوللرینی سو پوردیکی زمان صاحبلرینه بر قیویاجیم دوشه رك اوده در حال طوتوشور ، هرایکی عاشق

آنجا بوضورتله ، کول اولمق شرطيله برلشیر .

عاشق کرم پیرلرک وعاشقلرک استادیدر ، شرقیلری بو کون دخی سویله نییور . آنادولوده هیچ بریر یوقدرکه بدخت کرمک شرقیلرینی صیق صیق دیکله مش اولماسین ، بویوک صاریقلی و کنیش شالوارلی لطیفه جی مداحلر ، شاعرلر حالا تورک کویولرینک قهوه لرینی زیارت ایدرلر ، اورالرده ، بونک کبی بر چوق ماصاللری تکرارلارلر . بونلر آنادولو تورکلرینک عصری عاشقلریدر . یالکیز ؛ آکلاتدقلری ماصاللر ، اوتهده بریده سازلریله ترنم ایتدکلری شارقیلر ، ینه اسکیدر .

کور اوغلو قهرماننک و پرنس اسماعیلک ماجرالری وعاشق کرمک حزین افولی و بوکا بکزمه موضوعلر آنادولوده آلآن ، دیکله ینلری آغلایور ، اونلره عائد منقبه لر املی بر ادا ایله آکلاتیلیور ، اولجه سویله دیکمز کبی بونوعدن خلق کتابلرینک اکثریسی نثردر . بالخاصه قهرمانک حیاتی و اونک شاشقین ، پریشان یوللرده دولاشماسنه عائد اولان قسملر بوزمره دن در . حکایه اینجه بر نقطه یه کلوبده سامعینی برابر سوروکله یه جکی زمان سازه وبسته یه مراجعت اولونور ، بونلرده کوروله ن مصراعلر (8) ، (10) ، (13) هجیلیدر . بوتون بو خلق کتابلری اسکی بر منبعه ارجاع ایدیله بیلیر . او کتابلرک لسان و موضوعلرندن استدلال ایدیله بیلایکنه کوره بونلرک ایلمک وطنی آذربایجان و ایران تورکلرینک اقامت ایتدکلری یرلردر . بو خلق کتابلری ، حقیقت حالده تورکمه نلرک قهرمانلق ماصاللریدرکه صیراسنه کوره عثمانلی و یاخود ایران تورکلری آراسنه واصل اولمش ، آنادولو و آذربایجان کوره سنی و یاشی بر رنک آلمش ، و هر حالده ، آنادولودن اول آذربایجانده یاشامشدر . بو کبی اثرلرک آذربایجان عائد خصوصیتلری حالا محافظه ایتمکده بولونماسی بونی تأیید ایدر . شونی تردد ایتمکسزین قطعیتله سویله یه بیلیرزکه بونلرک منشائی تماماً خلقک روحیدر . بونلردن مفرز بعضی شارقیلر بو کتابلرک طائفادیغی یرلرده بیله ترنم اولونمقده در ، بن بو حالی بالذات آنادولو شرقیلرنده کوردم .

بونوع خلق کتابلری یاواش یاواش ئولمک اوزرده در . ، نته کیم ، عاشقلرده آرتیق بیتمکده در ، بونک ایچین تورک خلق حکایه لرینک بعضیلرینی نشر ایتمکده کی آرزوم هر حالده فائده سز اولماسه کرکدر . بالخاصه ، لهجه سی ، بو کونکی عثمانلی تورکلری لهجه سنه یاقین اولان برعاشقک آغزندن بونلری تثبیت ایتمکده ، ملاحظه ایدایکندن داها زیاده منفعت واردر .

منظوم حکایه لرک ایکنجی غروپنه حقیقی خلق ماصاللری نامی ویریلن (قوجا قاری

ماصالیری (داخلدر . بو جلده بن (24) ماصال کوستردم که بونلری دوغروندن دوغرویه خلق آغزندن آلام . قسماً استانبولده ، قسماً بروسه ، ازمیر ، آنقره آیدین کبی آنادولونک بویوک شهرلرنده طوپلادم . بو ماصاللردن بعضیلری خصوصی برصیره تعقیب ایدرلر : بونلرده برنجی قسم ، برتکرله مەدن عبارتدر ، بوتکرله مە ماصاله لطیفه لی برمدخل وظیفه سنی کورور ، تورک ماصال نقللرنده ، معنا اولمایان شکلده کولونج اولان ، بو آلداتیجی قسمدر . سامعلرک دقتی بو قسمله جلب اولوندقدن صوکره حقیقی ماصال نقل اولونمغه باشلانیر .

بزم کتابمزده بش مختلف نوعده ماصال یازلمشدر . بوندن صوکره خلق ماصالیری شوشکلده برصیره تعقیب ایدر :

مقصدینه نائل اوله مایان قیزلر ، مقصدینه نائل اولان قیزلر ، طاقیر داغ ماصالی ، فقیر آدامک قیزی ، قارا ییلان ، قهرمان قره مصطفی ، بدلا محمد ماصالی ، شاه (بندرس) ک ماصالی ، آغلایان نار و کولن آیوا ، حاجی احمد آغا ، موسی بک ، تاسا (صیقینی) ، کدر قوشی ، بوینوزلی ییلان ، قورقو ، حلواجی کوزه لی ، کل پریمی ، قهوه جی کوزه لی ماصالی ، کوزه ل احمد ، بیللور کوشک ، عقلای وبدلا چوجوق ، بختیار بک ، پری چوجوق ، سیمرخ (عنقا قوشی) ، قهوه جی عمر ... بو موضوعلر ، قسماً آوروپا ماصاللرینکده موضوعیدر ، قسماً ایران ماصاللریله آرالرنده قرابت واردر . بونلرک علی العاده شکلری شویله در :

پادشاه شهزاده سیله ویاسلطان قیزلریله برابر ، پرنسک مریمی ، لالا ، صوکره توصیه لریله معجزه کوسترمن درویش ، فقیر طبقه دن اودونجی ، فقیر قادین ، کل اوغلان ، بالقجی ، قوشجی ، قهوه جی ، اکمکجی ... بو ماصاللرده دنیوی شخصیتلردن باشقا جینلرک دخی زنکینلرینه و قراللرینه تصادف ایدیورز . ایی وفنا اولان جینلر ، شیطانلر بربرندن آیری یاشارلر و چوق نادر اولارق یکدیگرلریله تماس ایدرلر . بوکا مقابل اونلرک دنیوی شخصلرله تماسی ده ازیاده در . ایی اولانلر انسانلره ایملک ایتدکلری کبی فنالریده دشمن درلر . ایی اولانلر آراسنده برنجی صفی پریراشغال ایدر ، یاری پریر ، سحر بازلر ، سحر باز و حیوان شکنه کیرمش اولانلر بونلرک حاکیتی آلتده در . تورک پریرلرینک آیری دولتلری ، آیری قراللری واردر . انسان شکنه کیررلرسه یشیل البسه لرله اورتولو کورونورلر ، صوکره انسان شکلندن ماعدا ، کووه رجین قیافتی آلیرلر ، سیاحت ایتدکلری وقت بعضاً بر قرال ویا قرالیچه اولورلر . غروپلر (اوچلر ، یدیلر قرقلر) حالنده یاشارلر .

قلمبرنده دنیوی بر عشق اویانجهیه قادار پری اولارق قالیرلر. دنیوی شخصلر، پریلرک قرال و یاقرال یجه لرینه مفتوندرلر، بعضاً بونلرده پری شکلنه کیردر و رؤیاده عشقک سحرلی قدحندن بر مایع ایچهرک اسکی شکلرینه عودت ایدرلر. مع مافیله بو کیلر چوق وقت رؤیاده کوردکلری پریلرک آرقسنه دوشهرک اونی اوزاقلرده، مجهول اقلیملرده آرارلر. قرقلر، اکثریا فنا حیات یاشایانلره، اوچلرده اضطراب چکه نلره یاردیم ایدرلر؛ لحوسه قادینلره، یارایلره باقانلره، کیمسه سز و فقیرلره بونلر معاوندرلر. یاریم پریلر، اکثریا فانی قیزلردر. بونلر خبرلری اولمادن پریلر آراسنه دوشرلر و طلسمله دنیویلره قارشى کنیدیلرینی محافظهیه موفق اولورلر. طلسمی قایب ایدرلرسه حیاتلری درحال نهایت بولور. بونلرک اقامتگاهلری پریلرک باغچه لریدر. اوراده سحرلنمش حیوانلرک نظارتنده یشارلر، بو باغچه لرده پورتقاللر، آغلايان و کولن المار، قونوشان ودانس ایدن داللر... الخ واردر. باشلیجه سی « زنجی عرب » اولمق اوزره پریلرک یاردمچیلری پک چوقدر. زنجی عرب، بردوداغی یرده، بر دوداغی کوکده بر مخلوق اولوب هر وقت افندیسنک آمرینه آماده وهرشیدی یامغه مقتدردر. پرییه بوندن باشقا (قرطای) و (آغیر) ده یاردیم ایدر. بونلرک ایچدکلری کل صوی، یمکلری بادمدر. هواده او قادار سرعتله اوچارلرکه، روزکار بیله یتیشه مز. آخیرده سفیل وضعیف بر بیکر بولونور، بوموافق بر آدام بولدیغی تقدیرده مکمل بر آت اولور و کوزیکی « قاپا، آچ » دیهرک افندیسنی ایسته دیکی یره، حتی یرک یدی قات آلتنه، آلتی قات سمالره کوتورور. «قرطای» سحرلی المانک محصولدر سحرلی المای، پری - یعنی درویش - اولادی اولمایان پادشاهک قاریسنه، قابوقلرینی ده آته یدیرلک اوزره پادشاهه ویریر. آغیرلرک وطنی دکزدر. دکزدن چیقار و تکرار کیردرلر، بونلرده پریلر کی قرق دانهدر، آقشاملری پیکار صوی ایچمک اوزره سحرلی آت، دکزدن چیقدیغی زمان بریسی نعل واکر ورور و اوستنه بیزسه درحال آت اوکا صورار « افندم نه ایستیورسک » و ایسته دیکی یره اوچار. بونلردن بعضیلری شیطانک اولادلری، یعنی روزکار دیولریدر، بر آدامک امری آلتنده بولونورلرسه اونی مدافعله ایدرلر، مقصدینه ایریشدیریرلر.

پری عالمک البویوک موجودیتی زمرد عنقادر. بوبعضاً قوشلرک پادشاهی، بعضاً ده بوتون پریلرک قرالی در. بوبرسلطان قیزی ایله اوله نیر، قسرتی جنلردن اوستوندر. سحری، کرامتی هرشیدن چوقدر. زمرد عنقا یا کلش یوله صامش اولان پرنسی مقصدینه ایریشدیریر. یدی قات کوکلرده دولاشیر و مکمل سرایلره مالکدر. بونک سرایی پیکار باشنده در. کندی

مملکتک یولنی شاشیران پرنس اوبر دنیایه کوندرمک اوزره قرق دانه قویون کسیدیریر، بویوک بر طولوم صو دولدورور. بونلرک هپسینی بر چوال ایچنه قویارق؛ صرتنه آلیر، اوکا «غیق» دییه باغیریرسه «أت»، «غاق» دیرسه «صو» ویرمه لیدر. صو کرا اوچاغه باشلارلر. اولآلتون، متعاقباً کوموش داغلردن کچرلر، نهایت یراوستنه واریرلر. یریلر عالمده قسماً بر قرال، قسماً پرنک امری آلتنده اولان سحرلی حیوانلر واردر. ییلان، بالیق، خوروس صیچان، طاوشان الخ.. بو حیوانلرک قرالی بعضاً انسان شکلنه کیره رک دنیویلرله اولنیر. اکثریا بونلرک کوبک استقامتلرند بر آناختار بولونور، بر آدم بو آناختاری بولورده آلیرسه قارشیدر بر قاپی کورور، قاپی آچوب ایچریه کیره جک اولورسه بر بازاره کلیر، بازارده برچوق صنعتکارلر چالیشمقدردر، بوراده کی بوتون حیوانلر معجزه صاحبی درلر.

ای جنلردن بری ده ضرورت حالده یشیل صاریق ایله کورونن درویشلردر، بو جنلر یا دنیا ده کزه لر، یا خود سماده اوپارلر و یا خود جامعلرده بولونورلر. بونلرک منبعی آتشد. آتش و ییلدیزلرله محو اولورلر، انسانلری آلب برابر اوچارلر و اونلره ای نصیحتلرده بولونورلر، معظم شکلره بورونور، شکلرینی دکیشدیریرلر. فنالری قورقوتور، ایلره مکافات ویریرلر. اختیار پیر، بالخاصه رؤیالرده کورونور. فنا جنلرله یاپیلان محاربه ده قهرمانلره یاردیم ایدر، سحری، صنعتاری مکملدر.

بونلرک طلبه سی چوق دفعه پادشاه اوغوللری درکه اوزاقلردن کووه رجین قیافتنده، کلیر، سحر اوکره نیرلر.

بعضاً رؤیاده درویش، سلطانک قیزی پرنسه سهودیرر. المارندن قرالیچه لرک اولادلری اولورسه چوجوغه اسم ویرر، وداثما اونک محافظی اولارق قالیر. تورک ماصال عالمنک فنا جنلرینه کلنجه: بونلر، انسانلردن اوزاقلده یاشارلر، داغلرک، یایلارک انسان آیاغی باصمیان جهتلرند، مغاره لرده، یر آلتلرند اوطورلر و هپسنک رئیس (دیو) شیطان بعضاً انسان شکلنه کیرر، بعضاده حیوان؛ باشنده بوینوز، آیاقلرند مهموز واردر. یانه یا قلاشیلاماز. زیرا آتشدن یارادیلشدر. اشکالی کورونمز، زیرا عنصرلری روزکاردر. لاکن هپسنک برطلمسی موجوددر، قایب اولورسه قوتسز، قدرتسز قالیرلر. دیو، قارا کلک سرایلرده، درین مغاره لرده، پیکاردیبلرند اوطورر، انسان، بالخاصه کنج قیز اتی بیر وجته سی پک بویو کدر. بونلر، اکثریا یریلره خدمت و اونلرک باغچه و کوشکلرینی محافظه ایدرلر. یانلرینه فنا مقصدله یا ناشانلرک دوشمانی اولدقلری

کبی کوزهل سوزلرده کوزهل مقابلهده بولونورلر . دیو آناسی ، شیطانلرک اوستاسی ،
 سحره اوغرامشلرک کوزجیسی در . بونک ایکی اوزون ممهسی وارددر . بری صاغ ،
 دیگرى صول اوموزینه اصیلی در . یوله راست کلن اوکا آناجغم دیمزسه و یاخود ممهیی
 چکوب ائمزسه وای حالنه . بر کیمسه اوکا کوزل سوزله یاناشرسه اونى آلیر وانسان آتی
 قوقوسی آلان یاورولرندن صاقلار . دیولرک اک تهلیکیسی (روزکار دیوی) اولوب
 کندیسنه هیچ بر سلاح تاثیر ایتمز ، هیچ بر کوز اونى کورمهز ، روزکاردن چابوق
 اوچار ، اوکا یالکز ، طلسمنى بیلن غالب کله بیلیر که بو طلسم ایسه اوزاق بر آدادهدر .
 بو آداده بر اوکوز ، اوکوزک ایچنده بر قفس و قفسدهده اوچ کووه رجین وارددر . ایشه
 بو اوچ کووه رجینی ئولدی رهن دیوی ده محو ایدر . دیگر فنا جنلردن بری ده اژدرهادر .
 شکلی انسانه بکزمهز ، بلکه قانادلی و آتش صاچان بر بیلاندر . 3 — 7 قافاسی وارددر .
 یالکز یوزنده انسانه بکزر جهتلر بولونور ، قویو ایچریلرنده کی سرایلرده اوطورور ،
 دیولر کبی انسان آتی ایله کچیر ، کنج قیزلری قاقچیر ، صومبعلرینی قاپار ؛ وای اونک
 اوطوردینی یرک ، یاخود شهرک حالنه ! مرحتسز و دیودن زیاده قانه صوصامشدر ، هر نه
 قادار قدرتی آزهده اکثریا پادشاه چوجوقار یله مجادلهیه کیریشیر ، محاربهده اکثریا
 بر حملهده آلتی قافاسی کسلیلر و صوکر اژدرها باغیر : « آدامسهک بر کره ده
 وور ! » اکر بر کره ده وورولورسه تکرار جانلانیر . لاکن : « پرنس » بنم آنام
 بنی بر کره دنیایه کتیردی « دیر و وورمازسه اوزمان محو اولور . یدنجی قافاسی ده
 قویویه دوغرو کیدر کن دوشر و صوک سوزینی سویلر : روحمی آلان مالی ، ملکمی ده آلسین !
 اژدرهالر آراسنده مغلوب اولمایانی ده وارددر : بولردن بری Compalak
 اژدرهاسیدر . بونک طلسمنى دخی محو ایتک شرطیله کندیسینی ئولدی ریمک ممکندر .
 اژدرهانک یانه ، اک اییسی ، قرق کون اویقویه دالدینی زمان کیتمکدر . اوزرندن قرق
 قیل چکیلیر و یا قیلیرسه اونى محو ایتک قابل اولور ، هر قیل یا قیلیر کن اژدرها اویانیر ، تماماً
 یوق ایتک ویانه یا قلاشدیر مامق ایچون سحرلی بر ایکنه قوللانمق لازمدر . تورک ماصالرنده
 بولردن ماعدا ، برده سحر باز قادین (جادی قادین) وارددر . جادی ، دیو آناسندنده فنا
 اولوب مهارتی سحر باز لغندهدر . قدرتی دیو قدر دکیلسهده پرنسسلره سحرلر ، بویولر
 یاپار و سهون قیلیر آراسنه مانعهلر قویار . بعضآده دیولره و اژدرهالره معاونتده بولونور ،
 قیزلری قسماً دیو ، قسماً ده پری طبیعتیدر . اکر آنالردن قاقچق ایسترلرسه جادی
 قاری اونلری ضبط ایدمهز . دیو آناسی کبی بوده سیاحت ایدهلرک یولنه چیقار : ای

یرینه فنا نصیحت ویرر. آووج دولوسی آلتون ویریلیرسه آراسیرا ای نصیحت ده ویردیکی اولور، نظری او قدار فنادر که بر قیزه باقاسی اونک فلا کتیله مساویدر. جادی بی محو ایتک، باغچه سندن برکل قوپارمقله قابلدیر. باغچه نك کوزجیسی برکدی در که بر آرسلا نه و یاخود قاپلانه بکزه در. فقط، حقیقت حالدہ سحر بازک قیزی در. شکلنی شخص و اشیایه بکزه دیر. بوده سحر صنعتی بیلیر. آناسندن قاحق ایسترسه جادی آنانک سرایی باغچه سنده، ایکی قویو واردر، برندن بال، دیکرندن قان آقار، عاشقی قاندن وقیز بالدن ایچر، اوزمان ایسته دکلری یره کیده بیلیرلر، هرشکله کیره بیلیرلر.

فنا جنلردن بری ده عفريت در. بو، اژدرهایه مشابه اولوب یوللرده بردن بره طوپراقدن چیقارق او کنه کله بی محوایدیر. بونلردن باشقه برطاقلری داها موجوددر که بزم کلیاتده یوقدر. یکریمی بشنجی ماصال (مداح) نامی آلتنده نشر ایدیلشدیر. بونلر رمضان کیجه لری خلقی اکلندیرمچی حکایه لردر. قهوه نك برینک اورناسنه وضع ایدیلن اسکمله یه مداح اوطورور، بر آلتده بر بز واردر، دیکریله ده بر دکنکه دایانیر. بز سسی دکیشدیرمک ایچون آغزی قاپامغه یاردیم ایدر، دکنک ایلده (میمیک) تماملانیر. مداحلر، یالکیز حکایه آکلاتمازلار، اوینارلارده. آکلاتدقلری حکایه لرده کی شخصلری، کندی لهجه لریله قونوشدیرمقده خاصه ماهر درلر. حکایه لرینک موضوعی کولونج و خلق حیاتندن آلتمشدر. مداح چوق وقت عربجه و عجمجه کله لره مراجعت ایدر که حکایه جینک معلوماتی اولدوغی ذهابی حاصل اولسون. بونوع خلق اکلنجه لری عرب تاثیریه حصوله کلش اولسه بیله موضوعک تورک روحنده مندیج اولدوغی محقق در. ایشته مداح حکایه لری بونک ایچون (اوریزینال) در. بو حکایه لر، بلااستثنا محلی و استانبوله عائد اولوب بر چوغی حرث اعتباریه مهمدر. نم بوراده یازدیغم برمداح حکایه سی، استانبول محله لرینک برنده برمداحک آغزندن آلتمشدر. خلقت یاراتدیغی حکایه ادبیاتی ایچنده نصرالدین خواجه یه مربوط اولانلرده موجوددر. بونلر لیطوغرافله باصیلمشدر. نصرالدین خواجه عطف ایدیلن حکایه لر صاییسز اولوب بر قسمی ده بالآخره تنظیم ایدلش و اییجه سی فرانسزجه یه و آلمانجه یه نقل اولونمشدر. بونلرک خطاسی ادبی محصوللری تقلید ایتسی در. او اعتبارله بونلر خلقت دینی عکس ایتدیرمورلر. بن ممکن مرتبه خلق دینله و نصرالدین خواجه یاقین اولماسی محتمل اولانلری طوپلادم. بوخصوصده بکا اکچوق یاردیم ایدن یوسف سامی افندی در. خوجانک زمانی و تاریخی رولی حقنده خلقدن ایشیتدکلرم شونلردر: «خوجا قیرشهرلی بر عثمانی تورکیدر، دوغدینی تاریخ معلوم ده کیل سده تیمورلنک زماننده یاشادینی

سویله نیور . شو حالده خوجا 1402 تاربخلارنده بر حیات ایدی ، دینله بیلیر . زیرا تیمور بو صیرالرده آنادولوده بعض شهرلر ضبط ایتشدی . دیکرلری آراسنده شو حکایه دقتی جالدر : « تیمور قیر شهره دوغرو کلیرکن ، شهر خلقی بونی طویدی و شهره ضرری طوقونماسنی محتمل کوردی . اهالی خوجایه کیتدی ، نصیحت آلمق ایچون خوجایه رجا ایتدیلر که ، شهره هجوم ایتهدن اول تیمورله کوروشسون . خوجا بویوک بر صاریق صاردی وهمان همان چیریل چیپلاق شهر قاپوسنه چیقدی و تیمورلنکی کوزله دی . تیمور کلدی ، عجائب قیافتده خوجانی کورونجه نزهلی اولدوغنی صوردی . خوجا جواباً دیدی که : بن اللهم و بوراده بعض شیلر کوسته ره حکم . تیمور قرار کاھدن چوق کوچوک کوزلی بر آدمی قارشیسنه چیقاردی و خوجایه : بونک کوزلرینی بویوک یاپ دیدی . خوجا جواباً : - بن طوبراق اللهی یم . کوبکدن یوقاری ایشلرله اوغراشام . اکر ایسترسه کز کوبکدن آشاغی اولان دهلیکی بویولته یم .

بو سوز تیمورک خوشنه کیتدی ، بونک اوزرینه شهره ضرری دوقونمادی . بوکابکیزر تیموره عائد حکایه لر آنادولوده چوقدر هر حالده خوجا ، تاریخی بر شخصدر ، تربه سی آق شهرده در ، تربه حقنده موجود منقبه لرك صایبسی یوقدر . انسان تربهی کورونجه کولر ، اوچ طرفی آچقدر ، بر طرفی دیوار و بویوک کلیدله اورتولودر . بونلرده کی مزاح ، غایت صافدر . لطیفه لر خلقک روحنی کوستیر . بونک ایچون خوجایه عائد اولمایان بر چوق لطیفه لر ، خوجایه عطف ایدیلیر . نصرالدینه تورک خلقنک مزاحنک ممثلی دیه باقیلا بیلیر . منشای ، تورک خلقیدر . بر قسمی ایله آوروپا نککیلر آراسنده بعض تبدلر بولونورسه ده بویوک قسمی تورک ذهنیتنه اویغوندر . دها طوغروسى اسلامى تورک اوریثرینالیه سیدر . لطیفه لرك ، ماصاللرک آکلاتیلدینی دیلدرده ، حقیقی خلق دیلی حقنده بزه بر فکر ویرمکه کافیدر .

یاзан :

İKNAŞ KONUŞ

ترجمه ایدهن :

H . F

ماده لر، نوظلر، وبقدر



BATIL İTİKATLAR



خلق بیلکیمسنگ محتویات اعتباریله زنکین اولان بر قسمی ده اعتقادلردر . بونلر ، خلقت فکری ، دینی ، بدیی ، اخلاق ... هر درلو تلقیلرینه معکس اولمیشدر . آوروپا فولکلورستلری ، اعتقادلره صوک درجه اهمیت ویریورلر . صوک کونلرده آلمان خلق بیلکیمچلرندن هوفمان قره یه رک « Handvvörterbuch des deutschen aberglaubens » آدلی اثری فورمه حالنده لاپزیکده « vvalter de gruyter et co . » طرفندن نشر ایدلمکده در . بزده بوساحه چوق زنکیندر وهیچ ایشلمه مشدر ملی تعلیم و تربیه اعضاسندن ودرنکمزک قیمتلی رکینلرندن علی حیدر بک افندی ، وقتيله طویلامش اولدقلری وبررجه حالنده تثبیت ایلدکلری باطل « اعتقاد » لردن بر قسمی مجموعه مزده نشر ایدلمک اوزره بزه ویردیله . بونوع مالزیه نشر ایدلدکدن صو کرا هیئت عمومیه سی بالآخره موضوع موضوع بر ترتیب آلتنه آلتیرسه خلق فلسفه سنگ وروحیاتنک اساسلرینی ایضاحه خادم عناصر بولنش اولاجقدر .

H . B . D

قولاغنده بنی اولان کعبه یه کیده * پارماغنده بن اولان کوزهل یمک پیشیر .
صباحلین اویانان آبی آدمه راست کلیرسه ایشی آبی کیده ، فنا آدمه راست کلیرسه فنا کیده .
آبی ایلک دفعه قفس آرقه سندن کورهن آدمک او آبی فنا کیده .
جمعه کونی دیکیش دیکه نك قسمتی باغلانیر * آچیق شمسیه چوریلنجه فیرطنه اولور .
یکی بر ایشه باشلانیدی زمان آلی چابوق بری کلیرسه او ایش چابوق بیتر .
أوده اذان او قونورسه جنازه چیقارمش * ای غازیلر شرقیسی سویله نیرسه آریاق اولورمش .
چوجوق باجانک آراسندن باقارسه أوه مسافر کلیرمش .
مانغالده آتش آیاغه قالقارسه أوه مسافر کلیرمش .
بوش بشیک صاللانیرسه چوجوغک قارنی آغیرمش .
کوزدن او یمک آریلغه دلالت ایده * دیرسکدن او یمک حجه کیده جکنه علامتدر .
لیلکی او چارکن کورهن وکندی آیاقده بولونان کیمسه چوق کزرمش .
یولچینک آرقه سندن صو دو کولورسه چابوق کلیرمش * صو او یونی آریلقدر .
ارکک فسی کیه نك صاحی دو کولور * چوجوق امکله رسه مسافر کلیرمش .
کوز قاپاغی اینجه اولان ذکی اولورمش * کوزک رنگلی قسمنده بن اولورسه ذکی اولور .
کوز قاپاقلرینی اوست اوسته یدی دفعه قاپاق جنلری حرصلا ندیرر .
چقور کوزلی خائن اولور * سفرده یاریم براقیلان اکمک انسانی کیجه قورقوتور .

سفرەدە لقمەنىڭ بىر تەرەپىنى چىچىراماسى آچ مەسلىھەت كەلگەنە ئىشلىتىدۇ .
 بويى چوق ئوزايدىن چوقۇغۇك باشىنى كۆرە كىنى وورۇنچە آرتق ئوزاماز .
 بىر آدم غىر اختیارى و آنى اولارق تىترەرسە ھىزار ئىل يوقلارمىش .
 ايلك چارشاف كىنەك چارشافى سىيە اولمار * كوزى بويوك اولان آچ كوزلىدۇر .
 بورنى بويوك اولانلار نانكوردۇر * چوقۇغۇك قورقۇلغى كىيلىرسە چابوق يورۇر .
 دوز قاشلار ذكايە دلالت ايدۇر .
 سياحتدە بىر آدمك قارشىسىنە طاوشان چىقارسە اوغۇر دىكلدۇر، قورد چىقارسە اوغۇردۇر .
 انسانك اوزرىندە اورۇمچك كىزەرسە مەسلىھەت كىلر * سىيە قارغە اوتۇرسە مەكتۇب كىلر .
 بايقۇش اوتۇمك فەندەر * قرە اورۇمچك كورمك كىدەرە ئىشلىتىدۇر .
 كوپكك اولوماسى اوغۇرسىز لىقۇر * خىروس و قىتىسز اوتۇرسە ھوا دە كىشىر .
 امتحان قاپۇسنىە ايكىنە سىر قىلۇرسە چوقۇق چابوق چىقارمىش .
 قاوغا آندە طىرناق بىر بىرنە سورۇتۇلۇرسە قاوغا شىدت پىدا ايدەرمىش .
 ايلك كىدىكى زىمان قىر مىزى پارچە كىتىرسە اوسىنە چوقۇق يانغىن اولۇرمىش، بىياض پارچە كىتىرسە
 اوسىنە كىلەن چوق اولۇرمىش .
 دوست باشە ، دىشمن آياغە باقارمىش .
 صاجايىق مانغالدە ياتىق دورۇرسە عائەلە رەئىسەنىڭ اچىنە سىقنىتى كىلرمىش .
 مەسلىھەت آياق قابىسنىە طوز قونۇرسە چابوق كىدەر .
 بىر اۋە بىر مەسلىھەت كىلر و چوقۇغۇ نەزىرى دە كەلگەندىن شىبە ايدىلۇرسە آياق قابىسنىدىن بىر پارچە كىيلىر .
 آياق قابى اوست اوستە بىنەرسە سوقاغە كىدىلر .
 آياق قابىلر ترس چورلىلر سە انسان چابوق ئولۇرمىش .
 انسانك آياغىنىڭ آلتى قاشىنىرسە بىكى آياق قابى كىلرمىش .
 بىر مەجلىسدە آياغە ويا آياق قابى يە دائىر مەھت اچىلىرسە دىشمن آكارمىش .
 آياغىنىڭ باش پارماغى بويوك اولان طالەلى اولۇرمىش * طابانى دوز اولان اوغۇرسىز اولۇر .
 رۇيادە آياق قابى كىيلىرسە سىقنىتى اولۇرمىش * آۋۇچ قاشىنىرسە پارە كىلر .
 الى بويوك اولان طالەلى اولۇر * الى اوزون اولان خىرسىز اولۇرمىش .
 كىدى آلتى قولايغىنىڭ آرقەسنىە كوتۇرىرسە مەسلىھەت كىلرمىش .
 كىچە آينايە باقان دىلى اولۇر .
 كىچە آئەنى بابام كىلور دىيە آلداتان چوقۇقلارە آئەنى خىر سىلى كىلر دىيە دارىلر .

يازين ايلك دفعه بياض كلهبك كورمك ايلكك ، سياه كورمك فنالغە دلالت ايدەر .
 خسته رؤياسنده آينا كورورسە اولەجكنە دلالتدر .
 قولاغنك آرقەسنى كورن جنتلك اولورمش * قولاق چينلاماى خاطر لانمغە دلالت ايدەر .
 برانسانك صاغ قولاغى قيزاريرسە ايلككى سويلەدكلرينە ، صول قولاغى قيزاريرسە فنالغى
 سويلەدكلرينە دلالت ايدەر .
 قولاغى اوزون اولانك عمرى اوزون اولور * قولاغى بويوك اولان طالعى اولور .
 قولاغى كوچوك اولانك نشانلىسى كوزل اولورمش * مائى كوز نظر ايدەر .
 كوز دالارسە مسافير كلير * كوزينك ياننده ات بنى اولان حساس اولور .
 صاغ كوز سيريرسە سوينير * پشيل كوزليلر خائن اولور .
 كوزينك بياضى فضلە اولان خائن اولور .
 طرناغندە بياض اولان يكي البسە كهر * پارمقلىرى آرقەيە بو كولن كيمسە معرفتلى اولورمش .
 چهارشنبه كونى طرناق كسەن حجه كيدەر * بازار كونى طرناق كسەنە ھديه كلير .
 صالى كونى طرناق كسەن قرە خبر آليز * قرق پرشنبە كسەن زنكين اولورمش .
 پارمقلىرى سيورى اولان حساس اولورمش * الى صوئوق اولانك قلبى صيبحاق اولورمش .
 پارمقلىرى چاتلامق شيطانه تسبيح چكمك ديمكدر .
 بش طاش اوينامق ياغمور ياغمەمغە دلالت ايدەر .
 بش طاش اوينانيرسە طاشلر طاغلدنغى كېي عائلەدە داغليرمش .
 كيجه ساقز چكنە نيرسە اولو اتى چكنە نيرمش .
 مانغالده صاجايق قاپانمش و بوش براقيليرسە اولو صويى دينە باغيريرمش .
 كسيلمش صاچە باصيليرسە باش آغيريرمش * انسانك اياقلىرى اوزرندن اتلانيرسە بويى قيصالير .
 چوجوغە آقشام اوزرى اكمك ويريليرسە آنەسى باباسى اولورمش .
 اولەنك اوزرندن كدى كچرسە خورتلاق اولور .
 كيجه پنبە البسە كيوب آينايە باقانى جنلر آلوب قاچيريرمش .
 كيجه آينايە باقانك قسمتى قاپانيرمش * كيجه آينايە باقان غربتە كيدر .
 سفرەيە فضلە قاشيق كليرسە مسافر كلير * سفرەدن تميز طاباق قالديريليرسە قسمت قالقارمش .
 سفرەدە صوك لقمەيى براقان انسان كيجه رؤياسنده قورقارمش .
 لقمە الدن دوشونجە مسافر كلير * چوق قيرينتى ياپانك چوق چوجوغى اولور .
 يمك يەنيركن برى كليرسە قائن والدهسى اوني سورمش .

- سفرده طباقدہ یمک براقق فقیر لکه علامتدر * لقمه سنی اونو تورسه یقینلرندن بری آچدر .
- یمک بیر کن شرقی سویله یین داوولجی یه واریرمش .
- آیاقدہ یمک یه نیرسه آیاغندن شیطان چکرمش * پلاوله اکمک یه نیرسه شیطان چاتلارمش .
- اسملری بر اولانلر یان یانه اوطورورلرسه شیطان چاتلارمش .
- آنی ایلک دفعه کورهن آلتیرنه باقارسه اوآبی کوزل کچر .
- أما قابوغی نهایتنه قدر قوپاریلمادن صویولورسه شیطان چاتلارمش .
- برشی غائب اولدیغی زمان برباغه کور دو کوم یاپیلیرسه شیطان صاقلادیغی براقیرمش .
- ایلک دفعه یاتیلان بر محله کورولن رؤیا دوغرو چیقارمش .
- غرویده چوق قیرمیزیلق اولورسه قان دو کولورمش .
- کیجه ییلدیز قیارسه انسان اولورمش .
- ایکی کیشی عینی زمانده صو ایچرکن نه مراد دیله نیلیرسه او اولورمش .
- قویروقلی ییلدیز کورولورسه محاربه اولورمش .
- کدینک داماغنده محد اولورسه اوغورمش * سیاه کدی تکین دکدر .
- انسانک اوزرینه آت سینکی قونارسه یولجی کلیرمش .
- کیجه اوطه ده کدی قالیرسه سینک کبی دولاشان روحی یوتارمش .
- عقربی آتسه آتمقله بویو بوزولورمش .
- تکیر کدینک باشنده بش سیاه چیزکی اولورسه اوکا پیغمبر الی دکمشدر .
- دوز بیاض خروسک یدی محله یه اییلکی دوقونورمش .
- دوز صاری کدیله تکیر کدی آیدر .
- بر ییلان کورولدیکی زمان شاه ماران دنیلیرسه زیان ویرمزمش .
- رؤیاده بوجک - بیت - کورمک زنکینلکه دلاتدر .
- کیجه کوپک حاولارسه یانغین اولورمش .
- دیلمک اوچنده قلابریق اولق آرتیق ییدیکنه علامتدر .
- آیک یقیننده بر ییلدیز اولورسه یانغین اولورمش .
- انسانک اوستنده دیکیش دیکیلیرسه قسمت باغلانیرمش .
- بیله کنده دامارلری صیقنجه قاباران انسان جو مرددر .
- دیل ایصیریلیرسه طاتلی یه نیر * دیلی سیوری اولان یالانجی اولور .
- درت یاپراقلی یونجه بولان مسعود اولور * سفرده لقمه قالیرسه آچ واردر .

جمعه كوني بر بوتون نارك دانه سنى دو كنه دن كيم يرسه جنتلكمش .
 اذان او قونور كن مناره يه باقان امترايه او غرار .
 محاربه زمانى آي طوتولورسه توركلره ظفر ، كونس طوتولورسه دشمنلره ظفر مش .
 ايكي كيشى عيني حاولويه اللرينى سيلرلرسه قاوغا ايده رلر .
 يوك قابوسى آچيق قاليرسه محاربه اولور مش .
 لقمه نك بوغازده قالماسى اوده كيلردن برينك آچ اولديغنه علامتدر .
 جمعه كوني باشم آغرييور ديه نك باشى بوتون اهفته آغريير مش .
 باشنده وقتسز بياض برتل بولونان كيمسه يه دولت قوشى قونار مش .
 يوروين چو جوق امكلرسه مسافر كلير .
 چككسند سياه برأت بنى اولان خانم ابي او قادينى در .
 چو جوغك قونداغى مسافرلكده قاليرسه قارنى آغريير و آغلار مش .

ALİ HAYDAR

«DERTLİ» NİN BASILMAMIŞ KOŞMALARI

كچن عصر ك قلاسيق - خلق شاعرلردن اولان « دردى » نك حياتى و اثرلرى حقنده طلعت بك
 آرقاداشمز بر كتاب نعر ايتدى . كتاب شيمدى يه قادار ايكي تنقيده معروض قالدى . مثبت و منفي
 طرفلرى احتوا ايدن بوتنقيديلر برنجيسى ضياء الدين فخرى بك طرفندن « حيات » مجموعه سنده ياپلامشدى .
 ايكنجيسى سعدالدين نزهت بك طرفندن بو صحيفه لرده ياپيليور . اوراده كي فكرلر صاحبلىرینه عائددر .
 بزبوراده كتابدن خارج سكر قوشمايى نشر ايديلور . بونلردن (II ، IV ، V) نومروليلرى
 قونيه ده كي درنكجیلردن ذكى (III) نومروليسى ده استانبولده كي درنكجیلردن سعدالدين
 نزهت بك طرفندن بزه كوندولمش ، ديكرلرى « بولى » و حواليسنده طرفزدن ياپيلان تدقيقات
 اثناسنده آله كچيرلشدر . عزيز آرقداشلر مك يارديمه تشكر ايدهر كن بونلرى ده مجموعه نك مالزمه
 قسمنده اولديغى كى نشر ايتكى فائده لى بولدى . بالاخره شاعرك داها بر چوق قوشمالرينك آله
 كچه جكندن امينر . بوسورتله طلعت بك اثرينى اتمامه چاليشيرسه ق كنديمزى بختيار عد ايده جكر .

I

بكا ديرلر نه يانارسك غربتده

بيلمزلر چكديكم

تا ازلدن بويله چكيلمش قلم

نيجه شاد اولاييم [1]

[1] نقطه لى يرلر ، « جونك » ده او قونامامشدر .

جوری کندیسنه علم ایله مش
 حبه عاشقارین نادم ایله مش
 آغام کوچو جکدن تعلیم ایله مش
 حالا اونو تماش او معتادیدر .

شویله بیل کیم دوشدم عشقکه ناره
 گرفتار اولمشز درد وافکاره
 هر نه سوز سویله سهم اوستمکاره
 دیکله من سوزمی ایل اولادیدر .

واری مجنون کبی صحرایه دوشن
 لیلایی ذکر ایدوب مولایه دوشن
 عالمده چوق آما سودایه دوشن
 « درتلی » بوسودانک پک بربادیدر .

II

بونی بنده قویماز عشق جانانم
 سرمی سودایه صالدم آغلارم
 کون بکون آرتقمده دردله غم
 سینه می عشقکه دلدنم آغلارم .

موج اوروب چشمک سیلابی طاشدی
 درد و غم دریاسی سرمدن آشدی
 کوکل سفینه سی کردابه دوشدی
 خلاصه چاره یوق بیلدم آغلارم .

آه ایتهدن قدم اولدی آه دال
 شادلق اکیلوب آرتقمده ملال
 وطنم چشمه کورونور خیال
 دیار غربتده قالدنم آغلارم .

أى « درتلى » قالشم بن بو حيرتده
 ديار غربتده و هم و ظلمتده
 هپ ايلار عشرتده نازده محبتده
 بن يارمندن جدا دوشدم آغلارم.

III

چيقدم يوجه سنه سيران ايله دم
 يار ايله كزدىكم يرلر پریشان
 فرقت كلدى دور ايلوب آغلادم
 بر بن دكل جمله عالم پریشان.

فرقتك اوجندن كورونمز داغلر
 آلديردم ياوروي آه ايدوب آغلار
 ييقيلمش ياپلمش ويراندر باغلر
 بلبل فغان ايدر كللر پریشان.

هاشق « درتلى » كندى چالار سازينى
 قاره طوپراقلره سورر يوزينى
 آليويرك شو دردلينك سازينى
 بوزوقدر پرده لر تللر پریشان.

IV

يورو كوكل يورو دوستكدن قالما
 دائم خاطرينى صورووير كيتسين
 أسكى دوشمانى صاقين دوست اولور صاغما
 آرقاسندن بيق بورووير كيتسين.

اكر طرف ايسهك دنيادن آل چك
 يالان ميدان آلدى تو كندى كرچك
 باقدك بر دوشمانك سنى سوه چك
 صاقالينه پياز ويريوير كيتسين.

أی « درتلی » بو عالم دوست دوشمان اولور
 کیشی سودیکنه صوک پشمان اولور
 اوفکه بالدن طاتلی چوق زیان اولور
 خیر ایت یوزک خاکه سوروویر کیتسین .

V

ترك دیار ایتسم الوداع سنی
 سودیکم صاغلقله قال شیمدن کرو
 عشقک ایله یاقدک بو جانی نی
 که هر دم آعلاتدک بیل شیمدن کرو .

نار عشقک ایله کول اولوب بیتدم
 بن سنی کندیمه صادق یار صاندیم
 قهرکی چوق چکدم غیری اوصاندیم
 قفادارک اولسون ایل شیمدن کرو .

نامردی دیلرسک وصفکه ایرمز
 آغلارم کوزمه اویقولر کیرمز
 حقیقتلی یار دوست سزه اولیومز
 وار باشکه سلطان اول شیمدن کرو .

قال بنم سودیکم حوری ایسه کده
 کیشی زاده دکل بری ایسه کده
 یوسف کنعانک بری ایسه کده
 یار سندن آل چکدم بیل شیمدن کرو .

کل یتز جور ایتدک باری وار االدور
 کوزلرمک یاشی بولانیق سیلدر
 « درتلی » کیده جکی دوشمان ایلیدر
 دوشماندن انتقام آل شیمدن کرو .

VI

كيزلى جوابم وار اكان سويله يم
ايمانك عشقنه دور دليقانىلى
صفاسى برادمدى جفاسى هر دم
كو كسى مرحمتلى بردليقانىلى .

قانادك يارسنك استانبول بورسە
نامه لر كوندردم حلبه قارصه
لب سكر كون ايستر اولورسه
اصلا حجاب ايمه وير دليقانىلى .

عاشقار كندى يه چوق سودا دكر
بر پارچا قارتلانسەك محبت قالقار
ياناقلر قىللانور صو كرا كيم باقار
كنجلكده دورانى سور دليقانىلى .

بيچاره « درتلى » بي اوغراتدك درده
كل مخفى اولالم كيزليجه يرده
لب شكر كدن بر بوسه ويرده
ايستر قىلينجكله وور دليقانىلى .

VII

شورده بر ياوروپه ميل آلد يردم
نيده يم كليور يوله آناسى
بر ترجمان كرك حالم سويله يم
اوزمان دردمدن بيله آناسى .

باشمه كتيردك اولانجه ايشى
اصلا قورومايه كوزيكك ياشى
دو كولسون آغزنده قالماسين ديشى
بكا ايديجكن بوله آناسى .

مائل اولدم قاشی ایله یوزینه
مولام علت ویرسین ایکی کوزینه
اصلا کوتو سویله یئم قیزینه
دیله دم مولادن بوله آناسی .

بو « درتلی ، هجرانم بویله کیدرسه
دیگه ییک آغالر دیل نه سویلرسه
اگر که قیزی بکا ویریرسه
اول زمان دمالر آلا آناسی .

VIII

بو کوزللك سكا كو كدنى سورمه
هی داللی بوداقلی ییراقلی چاپقین
بیلیم آنادنی حقدنی ویرکی
نیم کی بش اون چیراقلی چاپقین .

شیمدی کوزللك ایمانی پاره
نه پک آلیشمشیر طاتلیجه کاره
.....

بویله برغایت ده مراقلی چاپقین [1]

« درتلی ، یم کون بکون دردم آچارلر
شیمدی کوزلله بها ییچرلر
صانیرسك اوغرندن طوغلر چکرلر
اوغرند طوغ دیکن بایراقلی چاپقین .

İSHAK REFET

KARŞILIKLI MANİLER

— Deyiş —

مانیلردن بر قسمی ؛ قیزلر ودلیقانلیلر آراسنده ، بعضاً آنا - اوغل ، بابا - اوغل آراسنده
مقابلاً سویله نیش طرزده در ، ارضروم معارف امینی مصطفی رشید بکه عائد اولان و طربزون
خلفیاتنه تعلق ایدن بر دفتر ایچنده بو طرزده عائد بر نمونه کوردک . نمونه یی ممنونیتله ، درنکجه
بعضی کلمه لره عائد اولمق اوزره ویریلن ایضا حارله برلکده نشر ایدیورز . H. B. D

ارکک

کافرک قیز جغزی

سانا دیورم سانا

قویننده کی ممه نك

برینی ویرسه ک بانا .

ارکک

آیاغنده کی چاریق

قلیسردر قلیسردر

هاچان آییرامازسک

ایکیسنی بیله ویر .

ارکک

کیدوبده باقاجغم

شو طومبانک طاغنی

ممه کی ویرمیورسه ک

باری ویر یاناغکی .

ارکک

آها بن کیدیوروم

داها نه دییه جکسیک

بندن باشقا آه طوموز

قوجه بکنه جکسک

قیز

دومان دره یوقارو

قلاووزدر قلاووز

برینی ویرسه م سانا

بری قالور یالکز .

قیز

سودالق ایدهن آدام

عجبا یورولورمی

ایکیسنی ده ویرسه م

ممه سز قیز اولورمی .

قیز

یایلانک چمنده

سنی صورارم سنی

یاناغمی ویریرسه م

کیسه بکنمز بنی .

قیز

او بنم قوزوجغم

دهره یوقاری کلسین

هاچان سن کیدیورسک

الله سلامت ویرسین [۱]

müstensihi

M. R

[۱] اوچنجی پارچه ده کی « قلیسر » کلمه سی ، دری نوعلرندن « فلاسه » نك آلدینی شکلدر .
« هاچان » اسکی کتاب متلرنده کی « چن ، چن » نك تلفظ طرزی اولوب ، بوراده « مادام که »
« مناسنده قوللانلقده در . » آها » ایشته مقامنده در . « بیله » برابر دیمکدر . یالکز ، کلسین ، دییه جکسیک ،
ویرسین ... کی کلمه لر یالانوز ، کلسون دییه جکسون ، ویرسون شکلنده اوقونمالیدر که مانیلرک
محلی سویله نیش طرزی جانلانسین .



MUĞLADA KIZDÜYÜNLERİ



بویوک تورک انقلابی اعتقادلر ، اجتماعی حیات ، اداره و دیگر بوتون عمومی حیاتمزدده ماضی ده کیشیکلککلر یامشسه ، عادتلرمن و خویلرمن اوزرندده قوتله مؤثر اولمشددر . بومیانده برچوق عادتلرمن و خویلرمنده ده کیشمکدهدر . بزم موغله محیطنکده بوصورتله ده کیشمکده اولان برچوق عادات و اخلاقی وارددر .

موغله محیطنک خصوصیتلری فضلهدر . مدنیت مرکزلینه یاقین بولونماسنه رغماً مواصله واسطه لرینک آزلی خارجدن کله جک وده کیشیکلککلرده عامل اولاجق جریانلرک آغیر صورتده یرلشمه سنه سبب اولمشددر . مع مافیه اوطوموبیل دورینه کچد کدن و قیریق ، دوکوک شوسه لک اوزرندده دوشه قالقه ، مترقی محیطلرله حقیله تماسه کلد کدن صوکره بوتبدلر چوق سریع و باش دوندوروجی برطرزده وقوع بولمغه باشلامشددر : اسیکی عادتلر ، دوکونلر ، اکلنجه لر ، خصوصی حیات یاقینده تامامیه ماضی اولاجقدر . بز بوراده بوکون بو حیاتدن برصفحه بی تئیت چالیشه جغز .

موغله نک خصوصیتلرندن بری (قیز دوکون) لریدر . دیگر محیطلرده ، اکلنجه لرده ، اویونلرده ، دوکونلرده آز ، چوق بر (قوزموبولیت) لک وارددر . مثلاً ، بعض یرلرده قادینلر اکثریتله (چیفته تللی) وقونیه طرفلرندده (قاشیق اویون) لری اویونلرله فقط موغله ده کرک قیز دوکونلرندده کی مراسم ، کرکسه اویونلر باشدن باشه خصوصیتی حائردر .

1 — دوکونده اول :

بر قیز اوله نه جکی وقت الیوم دخی جاری اولان (کوروچیلک) اصولیه ابویندن ایسته نیلیر . سوز کسید کدن صوکره دوکون تدارکاتنه باشلانیر . دوکون تدارکی چوق کلفتلی وه مصرفلیدر . هرایکی طرفک بربرلینه یره جکلری هدیه لر جداً عظیم فدا کارلنی موجب اولویور . واقعا بر (منع اسرافات) قانونی وار . بوکار غماًینه اسیکی عادتله درین برصد اقله مربوطیت کو - تر بله لک اونلرک ان کوچوک تفرعاتنه بیله فوق العاده رعایت ایدیلیور . دوکوندن اول اوغلان طرفی کلین ایچین - عمومیتله - اک ائی قوماشدن ایکی قات الیسه یاپار . قیزک اوندده بولونان باباسنه ، آناسنه ، قارده شلرینه برر هدیه حاضرلار . اُرکک طرفی بو هدیه لری ویرمکه برابر قیز طرفندن اون مثلی ودها فضله مصرفلی هدیه لر آلیر . قیز طرفی اوغلان ایچین ، اک ائی قوماشدن کووه ی الیسه سی اوله رق بر قات

الیسه ، قاین باباسنه ، قاین آناسنه ، کورووجه سنه ، قاین برادرلرینه و بوتون اقربالرینه برهدیه حاضرلامغه مجبوردر ، بوهدیه لره « Dürü » تعبیرایدلر . اقرباله قدر فضله ایسه « Dürü » عددی ده او قدر فضله در . دورونک ایچنده قاین والدیه ، کورووجه خانمه بورومجکدن برر کوماک و برر قات الیسه واردر . بو الیسه لر ، یوقاریده دیدیکمز کی ، اک ائی قوماشدن یاپیلیر . دیگر اقربالره ینه بورومجک کوماک ، باش اورتوسی ، مندیل ، یاخود صیرمه ایله ایشلنمش (چهوره) ویریلیر . بو دورولر کلینله برابر کووه کینک اوینه کیدر وزفاف صباحی بویوک بر بوغچه ایچنده اورتیه قونور ، بوتون شهر خلقی ، یعنی قادینلری کلیرلر ، دورولری سیر و تماشا ایدرلر . دورولر برهفته قدر هرکسه تشهیر ایدلکدن صو کرا یرلرینه داغیدیلیر .

دورونک موغله ده خصوصی بر قیمت و اهمیتی واردر . دورو کوتورمه یین کلینک عائله حیاتی دها ایلك کوندن زندان اولور . رنجی کوندن قاین والدیه ایله ، زوج ایله کورولتو و قاوغا باشلار . بو عادتک اُسکی تورکلردن قالما اولدوغی شهه سزدر . اُسکی تورکلرده اولمه اُئناسنده طرفینک بر برلرینه هدیه لر ویردیکی معلومدر . اسملرده بزه یابانجی دکلدر . یالکمز اسکیدن تورکلرده هدیه لرك اک فضله سنی ارکک ویرردی . بوهدیه لر ، آلاجنی قیز ویا قادینک او جمعیتده کی مرتبه سیله متناسب اولوردی . کووه ی « آغیرلق » نامی آلتنده برپاره ویریردی . قیزک پدرینه برآت ، والدیه و همشیره سنه آیروجه پاره ویریلیردی . بابایه ویریلن هدیه یه « باشلق » ، آنایه ویریلنه « سود حتی » ، بالذره ویریلنه « قفتانلق » دیرلردی . بو عادتلردن بعضیلری محیطمزده بوکون بیله حاکمدر . مثلاً ، یوز کوروملکی ، آل اویمه لک کی . بونلر ، زفافدن صو کرا کووه ی و کلینه ویریلن هدیه لر درکه ، ایلوم بوتون آنادولوده جاریدر ، حتی بعض یرلرده اسملر بیله ده کیشمه مشدر و حکمنه شدتله مربوطیت کوسترلمکده در .

معموره العزیز ولایتک بعضی یرلرنده بولونان عشیرتلك آرالرنده کی قدیم خصومتلر اکثراً بو باشلق یوزندن چیقمشدر . اون بش لیرالق بر « باشلق » ویرمه دیکی ایچین طرفیندن بش ، اون آدامک تولدوکنی و خصومتک سنه لرجه دوام ایتدیکنی اورالرده بولوندوغم وقت کوردم . موغله ده کی بو عادتلرکده قدیم تورکلر زمانندن بری سوروکله نوب کلدیکی شهه سزدر قناعتده ییم .

2 - قیز دو کونلری :

دو کون یاپیلمازدن برقاج کون اول قیز اوینه منسوب برقادین « او قویوجی » نامیله

أشه دوسته كونده ريلهرك دو كونه دعوت ايديلير. او قویو جی قادینه هر دعوت ایدیلان اودن پاره ، ذخیره و أشیا ویریلیر . دعوت ایدیلنلر دو کون کونی کلین اولان قیزك اونده طوپلانیرلر ؛ دو كونه كلن قیزلر فوق العاده سوسلیدرلر .

موغله ده اُسکیدن اولادوغی کی شیمدی ده « اُ کری باش » موداسی جاریدر. مع مافیه بوده کیت کیده خارجدن کلن تاثیرلره تابع اولمغه باشلامش ، یاواش یاواش ده کیشمکه یوز طوتمشدر .

« اُ کری باش » ده آلتونلی فس قوللانیلیر. بوفس کوچوک ویا یوان برطاس کبیده فسك تپه سنده آلتوندن ویا خود کوموشدن بر « تپه لك » واردر. بوتپه لك اینجه تل ایشی ، یاخود کوچوك بر « تابلا » شکلنده در . تپه لكك اطرافنده غایت صیق ، کوچوك آلتونلر و بونلرک اوج طرفنده ده بویوك قطعده آلتونلر واردر. کوچوكلر اُسکی یکر میلکله ، بویوكلر سکسانلک ، یاخود بشی برلك یاریمیدر . بوفس سواری صاقدیرینی کی ینه صیق یکر میلک آلتونلردن یاپیلمش بر « صاقا » ایله چکه آلتیندن طوتدورولور و اوستی ده یانما ، مختلف شکلده چیچکله طاشغین بر طرزده تزیین ایدیلیر . قیزك باشی عادتاً بر لیلک یوواسنی آندیرر . بالخاصه باشك بو شکلده تووالتنه فوق العاده اهمیت ویریلیر . بوباشك تنظیمی ایچین خصوصی باش یایچی قادینلر واردر . بونلر قیزك باشنی فوق العاده اهتمام و دقتله سوسلرلر و بوسوسله مك ساعتلرجه دوام ایدر .

دو کون آقنای قیزلر دو کون اوینه کلیر و باغچه ده دائروی بر شکلده طوپلانیرلر . دعوتلی قیزلر اسکمله لرده اوطوردرلر . دعوتسزلرده - چونکه دو کون اوینه هر هانکی بر قادین کیره بیلیر - آیاقده دوردرلر . بوصورتله عادتاً بر دیوار تشکیل ایدرلر . میدانك اورتیه سی آچیق و بوشدر . بو میدانك بر کنارینه چالغیجیلر اوطوردرلر . چالغیجیلرک چالغیلری ابتدائی و بسیطدر . بر « دستی دومبهك » نامی ویریلن « داربوقه » ایله ایکی « دف » و بر تورکو سویله ین قادیندن عبارتدر . اورته یرده ده بر قادین دولاشیر و قیزلری اویونه قالدیرر . هر قیز کندیلکندن قالماز ، مطلق ناز ایدر و بر دعوت بکلر . اونك ایچین قیزلری اویونه قالدیرمق ایچین خصوصی بر قادین طوتارلر. قیزلر بر برر اوینارلر . اوینایان قیزلرک آناسی ، اقربالری ، أش و دوستلری قیزه پاره چه ویررلر . یعنی یا مندیله ساریلمش ، یاخود آووجه قیزك اوزرینه پاره آتارلر . بوپارلر قیزلری اویونه قالدیران قادین طرفندن طوپلانیر ، چالغیجیلرک اوکنه قونور . پاره نه قدر فضله ایسه اوینایان قیزده اوقدر غرورلانیر ، اعتبار کوردیکنه قانع اولور . چالغیجیلرده پاره نسبتنده جوشارلر .

دف و دو مبهلكى هوايه دوغرو قالدیره رق ، صاللا يهرق ممنونيتلرينى كوستيريرلر . قيزلر
بو صورتله اوينادقن صو كرا اك صو كده كلين اويونه قلقار . كلينك اويونى اهميتله ،
دقتله تعقيب ايديلير ، بتون نظرلر كلينك اوزرينه متوجهدر . بعضى بوش بوغاز ،
چكه سى دوشوك قوجه قازيلر داينا مازلر ، كنديلرينى كوسترهك آرزوسنه مغلوب اولورلر
وهر كسه ايشيتديره جك طرزده سويله نيرلر :

— ماشاء الله ، قرق بيك كره ماشاء الله !

3 — شكر پاره لامه :

كلين اوينادقن صو كرا براودايه كوتورولور . اودانك اورتاسنه ده براسكمهله قونور .
چالغيجيلرده كلينك ياننه كيدرلر . اوداده كلينك يوزينه بر دوواق اورتولور . كلينك
ايكى قولنه خصم واقربالارى كيره رك آهسته بر يورويشله و چالغيجيلر او كده دف چالداقلىرى ،
تور كو سويله دكلرى خالده ميدانك اورتاسنه كلينير و كلين اورتاده كى اسكمهله يه اوطورور . بعده
بر بويوك تپسى كتيريله رك كلينك باشنك اوستنه طوتارلر . ياقين اقرباچاي ، اش و دوستلرى
مختلف قيمته پاره آتارلر . تپسينك اوستى پاره ايله دولار . بوپاره قيزك آناسنه عانددور .
دعوت ايديلوبده كله مينلر بالا خره پاره كوندريرلر . بوكا « شكر پاره لامق » ديرلر .
بو « شكر پاره لامق » عادتى ا كثر يا كوندوز و دوكونك برنجى كوني ياپيلير .

اسكيدن دوكونك صوك كيجه سى كلينك آينه « قينا » ياقارلردى و پاره يي آينه قورلردى .
بو قينا ياقيلير كن ده چالغيجيلر بر آهنگ مخصوص ايله چالارلر و بر تور كو سويلرلردى . قديم
اولدوغى آكلاشيلان بوتور كو شودر ، بوكا موغله ده « قينا هواسى » [*] ديرلر :

— 1 —

كتيرك كلينى قينا ياقالم
تميزسه آزجه قاتالم
كلينك سوزينى طوتالم
نقرات

آكلين ، آكوزهل ! قيناك قوطلو اولسون
كووهينك ياننده سوزك طاتلى اولسون .

— 2 —

هاني بونك قايناناسى
كيره چ اوجاغنده ياناسى
قوطلو اولسون كلينك قيناسى

[*] بو هوا استانبول قونسرو اتووارينك آنادولو خلق شريفلىرىك ايكنجى دفترنده انتشار ايتمشدر .
موغله تور كولرى موغله منك موسيقيشناس كنجلرندن عمر افندى زاده حافظ صبرى بك طرفندن طوبلانمشدر .

نقرات

آ کلین ، آ کوزهل ! قیناک قوطلو اولسون
کووهینک یاننده سوزک طاتلی اولسون.

— 3 —

چام بوداغی آ کوب کلیر
قیز اوغلانله ده کوب کلیر
آل دوواغی سورودجکه
کووهی آتله ده یوب کلیر

نقرات

آ کلین ، آ کوزهل قیناک قوطلو اولسون.
کووهینک یاننده سوزک طاتلی اولسون

4 — بهراز کونی :

دو کوندن اول قیزک جهازی باباسنک اوندە تشهیر ایدیلیر . بوتون ایلیمه لری ، چاشیرلری ،
یایدینی آل ایشلری ، یاتاق ، یورغان ، خالی والحاصل قوجه سنک اوینه نه کوتوره جکسه
آچیلیر ومنتظم برسرکی کبی اودایه یاییلیر ، هر کس ده کلوب سیرایدیر . بوکا « جهاز کونی »
دیرلر . زفافدن صوکراده بو اشیاء ، صباحدن اعتباراً تشهیر ایدیلیر .
کلین زفافدن صوکره صباحلین قالقنجه تووالتی یاپار ، بویوکلرک آلرندن اوپر ،
کوچوکلر ده کلینک آلی اوپرلر . کلین طرفندن کوچوکلره هدیه ویریلیر ، بوکا « یوز
کورو ملک » دیرلر .

5 — قیز آردی :

دو کونک هفته سنده ایلک دفعه « اوغلان اوی » ، « قیز اوی » نه کلیرلر . اوزاق
یرلردن کلشیرسه بر ایکی کون قالیرلر ، یاقین اولانلرده بر آقشام یمک یرلر . بودعوتلرده
بوتون اقربالر بولونور .

*

**

بوعادتلر یاواش یاواش قالمقده در . قادینلرک کینمه لرندە ده اساسلی ده کیشکلر
واردر . مثلاً ، اُسکیدن اوچ کیجه دو کون یاییلیدی . منع اسرافات قانونی دو کونی
برکونه ایندیردی . شیمدی اُسکی قینایا قالدردن ، اوچ کونلک اهنکلردن برشی قالمامشدر .

خلق ادبیاتنك شكللى ایچنده اوریشنال خیاللى احتوا ایتك اعتباریله «مانی» لرك اهمیتى بویوکدر. اوزرلرنده خلقك تحسین طریقه، تحسینلى افاده و تبلیغ قابلیتنه، دوشونوشنه، دیلنه عائد مختلف تدقیقلر یاییلق امکان و استفادهسى اولان «مانی» لردن هر نسخه ده الیشیر پارچه بولوندوراجغز. ایلك نسخه مزده خلق بیلکینسك ادبی قسمی ایله اشتغال ایدن آرقاداشلرزدن بایوردلو محمدطورخان بكك بایورد وحوالیسنده طویلامش اولدوغی مانیلردن الیشی ضیالالدین فخری بكك بعض کله لره عائد اولق اوزره یاپدیغی حاشیه لرله برابر نشر ایدیورز. [1]

وان ژهنه پ، خلق بیلکینسى ایله ادبیات تاریخی آراسنده ایش بولومنى دوشونورکن بویولده بر بولومك شخصیتلرك تشکلى اعتباریله یاییلامسى لازم کلدیکنى سویلیور، شاعرلرك، ادیبلرك و حکایه جیلرك بالذات کورومده کارى دورلرك خلق بیلکینسى طرفندن، شخصیتلرك تشکلى ایتدیکی دورلرك ده ادبیات تاریخی طرفندن تدقیق اولونمسی ایجاب ایتدیکنی ایضاح ایدیور. [2]

بو باقیمدن مانیلر، ادبی خلق بیلکینسك تام معناسیله موضوعی در. زیرا شاعرلرك شخصیتی بولنده کوروله من. اولر تماماً معشری درلر. یالکیز بعضی پارچه لرك مصراعرلنده، کله لرنده، تلفظ لرنده عائد اولدقلری منطقه نك خصوصیتلری واردر. نته کیم بو نسخه مزده نشر ایتدکارمرك شرقی آنادولویه خاص رنگاری طاشیدینی آشکاردر. ایلرده، خلق ادبیاتمرك بو مهم ساحه سنه عائد طویلاما عملیه سی کاملاً ایتدکدن صوکر ا یاییلاجق علمی تدقیقلر و تحلیللر شبهه سز بو نقطه اوزرنده اعظمی فعالیتی صرف ایده جکلدر.

H. B. D

— 2 —

شوکلن آتلیمیدر
باقك قیر آتلیمیدر
هرکلن یاری صورار
یار بهله طاتلیمیدر. [4]

— 1 —

قاوون ایچنده چکیت
بیلنده آلتون دیویت
سوهرم انکارم یوق
اورته بویلو بر یکیت. [3]

[1] طویلا دقلری مانیلری بوشکلده مجموعه مزده نشر ایتك ایسته یه نلره صحیفه لرمرك دائماً آچیق اولدیغی سویلیکه حاجت کورمه یورز.

[2] وان ژهنه پك Folk - lor عنوانی کتایبده سرد ایتدیکی بوفکرلر [20 - 10 : p] احمد خلیل بك طرفندن « حیات » مجموعه سنك سکسان ایکنجی نسخه سنده نشر ایدلمشدر.

[3] چکیت، « چکردك » ک برنوع تلفظ طریزی.

[4] بهله، « بویله » نك شرقی آنادولوده تلفظ طریزی.

— 3 —

یشیل شالیم سنده در
بر اوجی ده بنده در
جنتدن حوری چیقسه
ینه کوکلم سنده در .

— 4 —

داغلرک باشی قاردر
غملی یوره کیم دارد
دردسز آدام اولورمی
هر کسک دردی وارد .

— 5 —

قارشیده هرک ایده رلر
هر کفی ترک ایده رلر
قورقارم نازلی یارم
سنی بندن ایدرلر . [1]

— 6 —

بهار یشیل یاپراقدر
باشنده کی یاپاقدر
چوق ناز ایتمه سودیکم
أك صو کمز طوپراقدر . [2]

— 7 —

آه ایتمه ایشیدیرلر
قاپو بر قومشودرلر
بن اولدیکم قاییرمام
یاره صو طاشیدیرلر . [3]

— 8 —

منی منی نی ا کار
منی یه کلن بکلر
منی کر چک دکدر
بر آزده کوکل ا کله . [4]

— 9 —

نجره ده دیکنلر
بیاض ایشلیک دیکنلر
صاراردی واغان کچدی
یار حسرتی چکنلر . [5]

— 10 —

برقیز کوردم آغاریر
باغچه ویریر باغ آلیر
بر کوردم برده کورسه م
جمله یارام صاغالیر . [6]

— 11 —

کوندوز در کچیلمه یور
کیجه در سچیلمه یور
کوکل برطوپ ابرشیم
دولاشدی آچیلما یور . [7]

— 12 —

صو کلیر آقار کیده ر
یارکلیر باقار کیده ر
یارک شاهین باقیشی
جامی یاقار کیده ر ،

[1] هرک ایتک : ا کیله جک تارلانیك احضاری ایچون یاپیلان عملیه .

[2] یاپاق ، قالپاغک دیکر آدی .

[3] بوزاده قاییرمق ، قایغوایتک ، اندیشه ایتک معناسنه در .

[4] منی ، نظم شکلرندن بری اولان « مانی » نک شرقی آنادولوده آلدینی تلفظ شکلدر .

[5] واغان کچمک ؛ بردنبره صاراروب صولمق .

[6] صاغالق ؛ صاغ اولمق ، ایشلمک ، شفا بولمق .

[7] بو مانی ، بایبورد حوالیسناک اصل مالی دکدر . برنجی ، ایکنجی ، دردنجی مصراعارک

صوک کله لرنده کی تصریف حالی ، دها زیاده ، استانبول شیوه سنه کوره در .

— 13 —

هی یاورولر یاورولر
آناچ اولمش یاورولر
ایلك درد ی صاغلادی
نم دردم یاورولار . [1]

— 14 —

بوپوکار اشمه پوکار
یارامی دهشمه پوکار
یارم بوردن کچنده
صو ویر سویلشمه پوکار . [2]

— 15 —

طاغ اوستنده وار یوللر
سوکیلیم مکتوب یوللار
دعا ایدک قومشولر
قاووشسون حسرت قوللر

— 16 —

یارالرم کوز کوزدر
الک سینهمده کزدر
دیلمدیر وازکچلم
کوکلم دیر اونه سوزدر .

— 17 —

اوغلان اورکدر
باللی بورکدر
قالدیریک صاقلاک
بن برکون کرکدر

— 18 —

استانبول یازد بکیزه
چیل اورددک قیزه بکیزه
یارمک یاناقلری
تازه کیرازه بکیزه

— 19 —

استانبول یازدر قیزلر
کوزهلی آزدر قیزلر
بنی جانمندن ایتدی
کویده کی نازلی قیزلر

— 20 —

آی آیدیندر ایشیقدر
ترکم دولو قاشیقدر
قوجا قاری سن زورلاک
اوغلک باکا عاشقدر .

— 21 —

بو باغلر اولو باغلر
میوه سی صولی باغلر
یارعقلمه دوشه نده
کوک کورلر بولوط آغلار . [3]

— 22 —

بو باغلر بهله باغلر
لاهور شال بهله باغلار
قوش قونماز بلبل اوتمهز
چول اولسون بهله باغلر . [4]

[1] آناچ ، باورونک بویودکن صوکرآ آلدینی حال ، عضوی تکمیلی کوستیریر بر تعبیر .

[2] اوچنجی مصراعده کی (کچنده) ، کچدیکی زمان ، کچدیکی وقت مقامنده در . دیگر مانیلرده بوکا تصادف ایدیله بیلیر .

[3] اوچنجی مصراعده کی (دوشه نده) دوشدیکی زمان مقامنده در .

[4] برنجی و دردنچی مصراعلرده کی (بهله) ، بویله دیمکدر ، ایکنجی مصراعده کی «بل» که مفعول حالیدر .

— 23 —

بو باغلر اولو باغلر
اطرافی صولو باغلر
حسرتلر قاووشانده
كوك اوينار بولوط آغلار .

— 24 —

بوصو آهسته کیده
دولاشیر دوسته کیده
یقیلایسین چول بایبورد
صاغ کلن خسته کیده

— 25 —

بوکیجه اوچ کیجه در
صوی سرخوش کیجه در
کیدك صورك یارمه
یالكز یاتمق نیجه در.

— 26 —

دوت آغاجی دوت ویریر
یاپراغنی قیت ویریر
سه ووب سه ووب آلماسی
اوده باشقه طاد ویریر . [1]

— 27 —

صاری توله صاریلیر
نه سویلسمه داریلیر
اولدیکمه غم چکمه
دوشمان سکا صاریلیر.

[1] قیت = قحط

[2] یانارسز ، «یانارسکیز» ک شرقی آنادولو لهجه سی تصریف طرزنده آلدینی حال .

[3] یاغاق ، کیدهك ؛ «یاغالم» ، «کیدهم» ک شرقی آنادولو لهجه سی تصریف طرزنده

آلدینی حالار .

[4] برکز = بر دغه .

— 28 —

آی آدیندر آییلماز
کیجه طورنا یاییلماز
أرکن قیزك ممه سی
امه ایله دویولماز .

— 29 —

بر آی دوغدی کنارسز
یار وفاسز بن عارسز
اویله بر آه چکرم
آشمدن یانارسز . [2]

— 30 —

چایر اینجه ییچیلمه ز
صو بولانیق ایچیلمه ز
بکا دیرلر یاردن کچ
جاندن طاتلی کچیلمز .

— 31 —

ها ایکیمز ایکیمز
کلابدندر یوکمز
سن طولو اول بن یاغمور
یاغاق کیدهك ایکیمز . [3]

— 32 —

اوغلان پرچك نه چوق
فسکدن ایچری صوق
نظر داغلر ده ویریر
سنده برکز کوزدن قورق . [4]

— 33 —

قرنفیل بوغمق بوغمق
اولورمی یاردن دویمق
یاردن دویدم دییه نك
جائزدر بوینك اورمق.

— 34 —

بوکارك طاشنه باق
کوزمك یاشنه باق
کیمی سه وسه م یار اولماز
طالعسر باشمه باق.

— 35 —

کیده رم آرتق آرتق
باش آچیق یاقا یرتیق
دیدم درددن قورتولام
درد کلدی درددن آرتق [1]

— 36 —

کیده رم دور دییه ن یوق
کباب اولدم یین یوق
آریلق کوملکنی
بزدن باشقه کین یوق.

— 37 —

اوغلان سن او قومشسك
نه دردی جوق ایمشسك
کوزه لار پای اولمش
سن اوراده یوقشسك [2]

— 38 —

باغه کل بوستانه کل
زلفك دسته له کل
بنی کورمك ایسته رسه ك
یالاندن خسته له کل.

— 39 —

آی آیدین آچدی کوزه ل
أنده تشتی کوزه ل
أکیل بر بوسه آلم
یوره کم کچدی کوزه ل . [3]

— 40 —

منی دیمکه کلدیم
قایماق یمکه کلدیم
مراقم منی دکل
یاری کورمکه کلدیم.

— 41 —

آق قوللوم آق بیلکلم
صرتی کوموش تفنکلم
نره لرده کزرسك
بنم آرسلان یوره کلیم.

— 42 —

منی منی یه کلام
بندن او یاره سلام
آغلایوب اینجینه سین
دولانوب ینه کلام . [4]

[1] قورتولام = قورتولایم

[2] پای پای اولمق = تقسیم ایدمك

[3] تشتی : چاشیر ییقانه جق بوپوك لكن

[4] کلام = کلیم .

— 47 —

کیدرسهك أشك اولم
ایشلیكهك پشك اولم
هر زده قوماقلا زسهك
کیجه یولداشك اولم . [3]

— 48 —

آل شالم یشیل شالم
قارلی داغلر آشالم
آرامزده اوزون یول
بز ناصل قاووشالم .

— 49 —

بوداغی آشام دیدم
آشام دولاشام دیدم
بر وفاسز یار ایچین
هر که پاشام دیدم .

— 50 —

بوداغلر لیلی داغی
لیلی نك لیلی داغی
قوشمشم غم چیفتی
سه وهرم لیلی داغی . [4]

— 43 —

چایره سردم کلم
کل اوطور بنم کلم
نه دیدمه کوسدوردم
لال اولسون بنم دیلم

— 44 —

کل بنم آلیشیغم
بال ایله قاریشیغم
ایل یاننده کوسیلی
کیزلیده باریشیغم . [1]

— 45 —

مانغال باشنده قالدیم
اینجه فکره دالدم
قاپیلر چالندجه
نازلی یار کلیر صاندم

— 46 —

طوت آغاجی ده کیلم
یل وورانده اکیلم
اکیل بر بوسهك آلم
بن بایاغی ده کیلم . [2]

MEHMET TURHAN

[1] آلیشیق = مونس ، باریشیق = سه پاتیک معناسنه .

[2] دکام ، شرقی آنادولوده ده کیلام طرزنده اوقونور . اکیلم = اکیلهیم ، آلیم = آلایم .

[3] ایشلیک = ایچلک ، منتان ، ایشلیکهك = ایشلیکهک ، بشی = منتان آردی .

اولیم = اولایم .

[4] قوشمشم تصرفنی (قوشمیشام) شکنده اوقویکزکه مانینک تثبیت ایدلیکی محلك تلفظ

خصوصیتی یاشاتیلین .

« NİĞDE » VE MUHİTİNDE TOPLANMIŞ KELİMEER

صله احتیاجلریله وقت وقت نیکده، و محیطینده یاپدیغمز جولانلر اشناسنده محلی لهجه یه عائد بعضی کلمه لری نوط حالنده تثبیت ایتشدک. خلق بیلکیسی درنکنک چیقاردیغی مجموعه ده بو نوطلری نشر ایتکی موافق بولویورم. حد ذاتنده طویلانیسی هنوز بتمه مش برتدقیق ساحه سنک داغنیق محصوللری، پراکنده اولارق نشر ایتک طوغرو اولمادیغی یقیندن بیلیمکله برابر، دیلرک ساده لشمه سنه طوغرو اولان علمی واجتماعی حرکتلره یاردیم ایدر ملاحظه سیله، لسان سیستمی یایمق زمانی بکلمکه لزوم کورمه دن المزده کیلرینی میدان قویغی فایدالی برایش عد ایتدک. بو کوچوک مساعیمزله، هنوز تامامیله تشکل ایدمه مش، ادبی اسانه کیرمه مش اولان خالص تورکجه دن بر قانچ کلمه یی یازیلمزه صوقابیلر سهک کندمزی بختیار عد ایده جکر.

لغتجه من تماماً محلی و محیطی ماهیتده ایسه ده بونلردن بر چوغنک همان عینی شکاده، ویا آزر فرقلره قونی، قیصری، آنقره، آتانه محیطلرند قولا ییلدیغی بر چوق دلیللریله کورمکده یز. نجیب عاصم بکک کلیس وار ضرور لهجه لرینه دائر درت، بش سنه اول وجوده کتیردیکی دیل تدقیقلرینه مشابه تدقیقلر وجوده کلدکجه تورکجه نك وجود بولمسی تأمین ایده جک فعالیتلرده حاضر لاش اولویوردیمکدر.

* * *

لغتلی تثبیت ایدرکن حرف صیراسنی تعقیب ایتمکله برابر، مثلاً (آشیق اویونی)، (آت یورویشلری) کی نقطه لرده الفبا ترتیبی بوزمقدن کندمزی منع ایدمه دک. بو صورتله بر کلمه نك تعلق ایتدیکی مختلف کلمه لری طولانیسیله کوستردک. عینی زمانده کلمه لرک تلفظ و تصوتی، هنوز تقرر ایدن یکی حرفلرمنزه تثبیت ایدیورم. بونلرک بین الملل فونته تیک الفبا ایله یازلمسی ایلکن موافق بولدمسه ده، حرفلرمنزک مساعده سز اولمادیغی دوشونه رک اوندن واز کچدم. «خلق بیلکیسی مجموعه سی» نده دوام ایده جک اولان بو طویلانه و یوقلامه لرمن، اگر دیل اصلاحی مساعیسنه برپارچه مؤثر اولاجق اولورسه، مساعیمز استهداف ایتدیکی هدفه آرزو چوق وارمش اولاجقدر.

§ آبارو - Abaru : برنوع تعجب اداتی .

§ آپارتمق - Apartmak : چالاق ، اغفال ایتک .

آت خاستالقلری :

§ داماق - Damak : آتک داماغنک خاستالانیسی .

§ آشیق باشی - Aşık başı : آشیقک اوزرندن شهشه سی .

§ بیچیرغان - Bıçırğan : حیوانک بیلککلرنده چاموردن ونخریشاتدن متولد یارا .

§ شه میک - Şemik : بوقاغیلغک اوزرندک قسماک شیشمه سی .

§ صاقاغی - Sakağı : حیوان نزله سی .

§ فندق – Fındık : بوقاغىلىقدىن يوقاردە قابارچىق حاصل اولىق .

§ قرە قوش – Kara kuş : آشيق كەيكەنك شىشمەسى .

§ مانقافا – Mankafa : آتك قافاسىنك شىشمەسى .

آت دونلىرى – رىنگارى :

§ آچىق آل ، آچىق دورو ، آل ، قىرمىزى ، ئوۋەيىك قىرى ، بىلە قىرى ، بىلى قىر ،

پاموق قىرى = بىم بياض ، پىكىز كىنى ، دىمىرى قىر .

§ دورو – Doru : (كىستانە ، قويو ويا آچىق قەۋە رىنگىدە اولور) .

§ سىلى قىر ، قار ياغدى ، قورت قىرى ، قورت قولاسى .

§ قولا – Kula : قويو صارى .

§ قىر : بياض ، قىزىل قىر ، مىرجان قىر ، ياغىز ، يشىل .

آت نشانلىرى :

§ آغچە قاناد – Ağça kanat : قوئروغى وىلەسى قىر اولان نشانلىرى (مقبول دىكل)

§ آغزى كىلىتلى – Ağzı kilitli : آقا نشانلى آلت دوداغىنە كىچىن آت (نەيى ، نەفنا)

§ اكر بللى – eger belli : بىلى چوق چوقورىنى عمود قىرىسى مقوس اولان آت (مقبول دىكل)

§ آلا باجاق – Ala bacak : آتك دىرت آياغىنك بىلىكىدىن يوقارى بياض اولماسى (مقبول دىكل)

§ آلنى آقتمالى – Alnı akıtmalı : [آلندە بىر مەتەك بويوك كىلىدىن باشلايلىق بويويەن بياض نشانلى آت .] (مقبول)

§ آلاماقسىز – Elmacıksız : آلاماق كىكارىنك بىرى ويا ايكىسى اولمايان آت (مقبول دىكل)

§ آلا كوز – Elma göz : كوزلىرى بويوك وپارلاق آت . (مقبول دىكل)

§ ايتاللى – İt-elli : طرناقلىرى دىشارى اكرى اولان آت . (مقبول دىكل)

§ پاپاز آتى – papaz atı : دىرت آياغى سەكىلى آت . (فنا)

§ پارمىق نشانلى – parmak nişanı : (آتك صاغرىسىندە ويا بويىندە باش) (مقبول) پارماق كىرەك قادار اولان چوقور

§ پوشت نشانلى – puşt nişanı : (آتك صاغرىسىندە بولونوب تويك ترسنە دونەسىندىن مەتەسەل سەلوى دىركە آت صاحىبنك عائىلەسىنك فناغىنە رەمزايمىش) (فنا)

§ چىفتە – çifte : آتك آلندە بولونان بىر چىفت سەلوى (مقبول دىكل)

§ دوموز كوزلو – Domuz gözlü : كوزلىرى اوراق و دونوق آت (مقبول دىكل)

§ دومنى اكرى – dümenieğri : قوئروغى يانە آتان آت (مقبول دىكل)

§ سوت اكرىسى – süteğrisi : اوك آياقلىرى اىچنە اكرى اولان آت (مقبول دىكل)

- § سه کیلی - sekili : (آیاغی بیاض آت بالخاصه آل، قولا، یاغیز و دورو آتله. (مقبول)
- § سه لوی - selvi : آتک بوینده صاغ و یا صولده بولونان قیویرجق نشان (مقبول)
- § شاهین آلی - Şahin elli : طیرناقلری ایچنه اُ کری اولان آت (مقبول)
- § شهریار نشانی - Şeriyar nişani : (قارین آلتنه قادار دوام ایدن کردنی یرتیق نشانی (اندردر) (مقبول)
- § صاغریسی دوشوک ویا طاوشان صاغریلی - (Sagrısı düşük veya tvşan sağırlı : صاغریسی آشاغیده اولان آت (مقبول دکل)
- § طاوشان طوپوقلی - Tavşan tupuklu : (آرقا آیاقلرینک ایکی بیلک مفصلی یاتیق اولان آت. (ا کریلیسکاری یورور کن یرده کرسه اوزمان (مقبول دکلدر) (مقبول)
- § قاطر یا تاغی - Katır yatağı : (قویروق صوقومندن بله قادار اولان و با جاقلرده بولونان سیاه چیز کی (مقبول دکل)
- § قانات - kanat : آتک آرقا بوش بو کرندن یوقاری یه آقان نشان (مقبول)
- § قبر موت - kabri mevt : آتک اوک آیاغنده بولونان سه لوی (ا کفنا)
- § قورت بوزو کلی : Kurt büzüklü : صاغریسی چوق دارا اولان آت (مقبول دکل)
- § قولتوق یلکی - koltuk yeleği : اوزه نکی نکه ده که جکی یرده پوشت نشانی اولان آت. (مقبول)
- § کرداپ - ğirtap : سه لوی یه بکره بر نشان (مقبول)
- § کردانی یرتیق - gerdani yırtık : کرداننده بر شان اولان آت (مقبول)
- § کفلی - بر اوک آیاغی سه کیلی آت (صاحبنک کفنتک قولتوغنده اولدوغنه رهزایمش) (فنا)
- § کل کج قولاق، کدو کهج - Gel kec kulak, kev keç : قولاغی دوشوک آت.
- § نشانسز - Nişansız : (هیچ بر لکھی اولمایان دورو، یاغیز، آل و قولاق آت؛ بویله بر نشانسزک باشقا مقبول نشانلری اولسه ده پارا ایتمز) (فنا)

آت یورویشلری :

- § نه شکین، اوزه نکی - (اوزنکیله یه رک یوروتک) ، درت نال، راهوان، قره نه شکین،
- § قویون یورغاسی، طیریس - (آتک لینک لینک کیتیمی) ، یورغا
- § اتیک - Atik : چهویک، چالاک، قورناز
- § آجیمیق - Acımık : پیغمبر دوکمه سنه بکره دین بر نوع اوت.
- § آرا قیل : Arakcil : (سبوزک دیکنی دخی دینیله یومسوق بویوکلکنده بر نوع دیکن اولوب کویولر سود سوزکچی اولارق قوللانیرلر .
- § آرایه ویرمک - Araya yermek : اسراف ایتک، هدر ایتک.

§ آرخاب - Arhap : کویکلرک بویینه طاقیلان حلقه ، طوق .

§ آرغاچ - Argaç : منسوجاتده طولانی ایپلر .

§ آرق - Ark : صو بولاغی ، صو مجراسی . [1]

§ آرقاچ - Arkaç : داغلرده قویونلرک کیجه یاندقلری قویتو یرلر .

§ آرمود - Armut { انواعی ؛ [آربه آرمودی ، شاه آرمودی ، بک آرمودی ،
بال آرمودی ، شکر آرمودی ، کوبدوشن ویاقورد دوشن
آرمودی ، قیش آرمودی ، کلانی آرمودی ، کوز Güz آرمودی] معلوم میوه .

§ آری - Ari : بال یاپان حیوان تمیز ، صاف [2]

§ آریق - Arık : یاغسز ، یاوان [3]

§ آزیق - Azık : ییه جک شیئی .

آشیق اویونلری :

I — دوشمه لی آشیق : آشینی برطرفه براتیق صورتیه اوینانان اویون .

II — چیزکیلی آشیق : مدور برچیزکی ایچنده اوینانان آشیق .

III — دالاق ، باله : چیزکیسزودالاک وضعیتنه تابع بر اویون .

IV — طوک - چیک : آشیقلری یوقاری آتقله اوینانیر .

§ آتمار - آتمه - Atmar - Atmer : کندیسيله آله اوینانان آشیق .

§ آپسو - Apsu : اولمادی ، قبول ایتمه دیمکدر .

§ آباق آتمق - Ayak atmak : آتمه ری سربست آتمق .

§ نه به - Fbe : اویونه ایلاک باشلایان ویا اویونی اداره ایدن .

§ نه نک - Enek : اویونه کیره رکن مالک اولونان شیء .

§ اُکمکچی چیراغی - Ekmekçi - çırağ1 : آشینگ چوقور طرفی ، چیک .

§ تپه آتمق - Tpe atmak : یوکسکدن آتمق .

§ چتیرمق - Çıtırmak : آشیقلرک دیندن وورمق .

§ خوروز - Horoz : کل علی .

§ چیک - çik : آشینگ چوقور طرفی .

§ دالاق - dalak : دوز طرفنده دورماسی .

[1] آرق ، (خرق) دن تورکجه لشمش .

[2] آری ، دورو - ترته میز .

[3] « اُتلاک کسک آریق چیقدی » تعبیردر

- § دومبای - dombay : آشیغك ايكي ديننى اوزرينه ديكيلمسى .
- § دینیق - dınık : آشیغك سیوری اوجلری .
- § صاقا - Saka : آلدە اوینانان آشیق [1]
- § صاندالیه آتمق - Sandalya atmak : دیزی دیزی اوستنه آتارق آتمق .
- § صولوق - Suluk : صاقانك چیزکی اوزده رنده قالمسی .
- § طوك - tök : آشیغك قبه لی طرفی .
- § قارط - Kart : دالاق .
- § قولاق جیناسی - kulak cınnası : صول قولاجی صاغ آل طوتارق صاقایی قول آراسندن آتمق .
- § قیللی - kılılı : اویونده اك صو کرا کان .
- § کل علی - kel ali : خوروزیعی آشیغك قازاندرمایان طرفی در که دالاغك مقابلیدر .
- § یالچی - yalcı : آشیقلرک هپسنگ کل علیسی یوقاری یه کلمک اوزره دیزیله سیدر .
- § آش یرمک - aş yermek) کبه ک حالنده ینه جک بعضی شیلره فضلە انهماک کوستهمک - در که بوانهماک اکثر یاقوق لوزلولو و یاقوق ا کشی شیلره اولور .
- § آصاح نه صاح - asah esah : [2] دوغرو .
- § آصمه اوتی - asma otı : دیوارلره و آغاجلره اصیلان برنوع اوت .
- § آغیر اذکی - ağır ezgi : اعتدال دم ایله ، تعمیق ایدر کدن .
- § آغیز : آغوز - ağız : ağız : [3] سودی یه نه ن حیواناتک دوغوروشلرنده ایلک سود .
- § آقار صو - akar su : اینجی ایله قاریشیق سیه ج . [4]
- § آقلاک - aklan : داغ ته په سنده کی صویولاقلری .
- § آک - an : تارلانک ویا باغک ا کیلمه یه ن یرلری .
- § آکاری - anarı : (أدات) دنبری ، اعتباراً .
- § آکی - anı : حیوانلرک داماقلرینه ویا دیشرلرینه عارض اولان برنوع خسته لق .
- § آکیز - anız : فرمز ، ا کین ییچیلنجه قالان کوک .
- § آلاچ - alaç : آلاجه لی کوپک .
- § آلاچیق - alaçık : [5] برطرفی ویا بر قسمی آچیق قولوبه . چادیر ویا صوفا .

[1] اته کم اتهک ، ص قام صو (یعنی اویونده نه برشی غیب ایتدم ، نه ده قازاندم .)

[2] اصاح اصاح ؛ (اصح) دن .

[3] (سن نم سودم اینچ کیم آغوزم بن) سلطان ولدک تورکجه دیوانی .

[4] سیه ج کلمه سنه باق .

[5] آلاچیق : آلا - آچیق (یاری آچیق) اختصار اولونمش .

- § آلا دی - Aladı : عجله ، چابوق ، اووه دی .
- § آلازلاما - Alazlama : بردنبره یانیویروب کچن قابا آلهو .
- § آلیچ - Aliç : برنوع میوه در . صاری ، قیرمنی نوعلری واردر .
- § آنادوت - Anadut : قانییه صاب ، ویا اوت یوکلتیمک ایچون قوللانیلان اوچ چاتال آغاچ .
- § آنارات - Anarat : تماماً ، بوسبوتون .
- § آناغی - Anaği : [1] تعجب اداقی .
- § آناوول - anavul : صویک تقسیم یری .
- § آنناچ - Anneç Annaç : تام قارشى ، مقابل طرف .
- § آن قاصدان - Ankastan [2] : یالانجقدن یامه دیمکدر .
- § آوجارسز - Avçarsız : پاتاواتسز ، معناسز سوز سویله یین آدام .
- § آوصونلامق - [3]: Avsunlamak] سحر و افسون و دعا ایله خسته لقلری و خسته لری ایی ایتمک ، چتمک .
- § آوغین : آوغون - Avğun, Avğın : تارلا و باغچه یه صو کچمک ایچین دیوارده آچیلان دلیک ویولاق .

آوقوشلری :

آغاچه ، آری قوشی ، آلا صیغیرجق ، اور ککلیکی ، اوردهک (انواعی : آلاجه اوردهک ، آلامباش ، بحری ، بیاض اوردهک ، جورره Cürre ، صونا = دیشی یشیل باش ، غنقوت ankut ، قیل قویروق ، کپجه غاغا ، ماجارا وردهکی ، یشیل باش ، اسحق ، اوغوقوشی ، بادم قارغاسی ، باغرتلاق ، بالبان ، بالقجیل ، بایقوش ، بلی باغلی ، بوز صیغیرجق ، بیلدیرجین ، بیلدیرجین قلاغوزی ، تارلاقوشی ، چاووش قوشی ، هوهو ، او بوبوق - Übübuk ، چایلاق ، چفیغیللی ، چولوق ، چیل ککک ، [هو پال : Hopal داغ کووه رچینی ، اورمان کووه رچینی ، پال ، آلا قاناد] ، دوغان [4] ، زیتون قوشی ، ساقا ، ساقا قوشی [5] ، سینی [6] شاهین ، صاری آصمه (صاریلق ایجیر قوشی) ، صاقساغان (صاچه) ، صو چاقینی (یالی چاقینی) ، صوچوللوغی ، صوطا ووغی ، طوراج : Turac ، طورنا ، طوی ، یابانی هندی ، قارا باطاق ، قارا طاووق ، قاراقوش ، قارتال ، قارغه ، (یشیل ، قارا ، آلاجه) ، قاز (آق قاز ، قاراقاز) ، قاناریا ، قوغو

[1] آناغی ؛ (آنا ؛ قیز) دن کلیر .

[2] آن قاصدان ، (عن قصد) دن کلیر .

[3] آوصونلامق ، افسونلامق کلمه سنه باق .

[4] ککک آوینه یارار .

[5] قورصاغی بردستی دولوسی صو آلان بر قوشدر که آلا یی صوی داغورده کی طاش چوقورلرینه بوشالتیر .

[6] کوزه ل کوزلو بر قوشدر ، یرتیجی در . (سینی کوزلو) تعبیری مشهوردر .

- قوشی، قیزقوشی، قیقیریق : k1g1r1k [1] قینالی ککک ، کرکس ، کوزی سورمه لی ،
 مز کرده ک : mezkerdek ، مکی : mekkî [2] ، میشه قارغاسی ، یافه .
 § آولاغی - Avlağı : فوزولرک آلتی کونلک اولونجه یه قادار قونولدوغی آغیل .
 § آیارتیق - Ayartmak : اغفال ایتک .
 § آیاز - Ayaz : چوق شدتلی و یاقیجی صوئوق .
 § آیازما - Ayazma [3] پونارلی ویا منبعلی مناستر .
 § آیریق - Ayrik : مزروعانه چوق ضررلی براوت .
 § آیلر - Aylar : مارت ، آبرول ، Abrul = (نیسان) ، مایس ، ههزیران (حزیران)
 ته موس (تموز) ، آغستوس ، ایلک کوز آیی (ایلول) ، اورتا کوز آیی (تشرین اول) ،
 صوک کوز آیی (تشرین ثانی) ، قره قیش (کانون اول) ، زمهری (زمهریر : کانون ثانی) ،
 کوک ، (شباط)
 § آیردم - Ayirdim [4] تقسیم یری .
 § ئه به - ebe : قابله ، بویوک آنه ، اویونده اوکجول .
 § ئه بهرمک - ebermek : کتیرمک .
 § ئه پ - ep : دهلی .
 § ئه په نه ک - epenek : قولوچ .
 § ئه ته کجه ، ئه ته کجه ک - etekcek ، etekce : اوچ ائک انتاری .
 § ئه تلک - etlik : قیشیننمک اوزره پاصدیرماسی ، قاوورماسی یاپیلمق ایچین کسین حیوان .
 § ئه دیک - edik : چوجوق آیاق قابیسی .
 § ئه رسه ک - ersek : ار ایسته یمن ، اوله نمک تمایلنده بولونان قادی .
 § ئه رسه مک - Ersemek : ئه ر ایسته مک ، ئه وله نمک اشتیاقنی دویق .
 § ئه رکن - Ergen : اولی اولمایان کیمسه .
 § ئه رکنلک - Ergenlik : ارکنلرک یوزنده چیقان چیبانلر .
 § ئه رهم به رهم - Eremperem : دارماداغنیق .
 § ئه رنلر چیچکی - Erenlerçiçeği : ککیک کی قوقان برنوع چیچک .

[1] بوقوشک بیکارجه سی بر سورو حالنده کزه ر و بیگ سنه یه قریب یاشارمش .

[2] قیزیل باجاقلی اورده ک کی برقوش .

[3] شرق ولایتلرنده چوله کی کوللره (آیازما) ده نیر .

[4] (یول آیردیعی) تعبیردر .

§ ئۇرىشە - Erişte : يوققە حالە كىتىرىلىش خامورى اينجە اينجە كىسۇب قورۇققى
 صورتىلە قىش ايچون ياپىلان برنوع يىكك .

§ ئۇرىك - Erik : معلوم ميوە . انواعى ؛ اوزوم ئۇرىكى ، ايت ئۇرىكى ، ايلتىرى ، بال ئۇرىكى ،
 يوزى قىزىل ، جان ئۇرىكى ، دىلموصون ئۇرىكى [1] ، صارى ئۇرىك ، طاتلى ئۇرىك ، طوپاق ئۇرىك ،
 طوپاق صارى ئۇرىك ، قارا ئۇرىك ، كوز ئۇرىكى güzeriği ، ماما ئۇرىكى .

§ ئۇزىكى - ezgi : تعمىق ايتە ، اينجەلە يەرك آراشديرما .

§ ئۇسسيلمك - essilmek : انكىنلە شمك ، اكسىلمك .

§ ئۇسنەك - esnek : كوچوك قارىش (باش پارمقلە شهادت پارماغى آراسىندەكى مسافە)

§ ئۇسىرەمك - esirmek : سرخوش اولق [2]

§ ئۇشمە - eşme : قويونلرك كوندوز استراحت ايتدكارى محل .

§ ئۇفەك اوتى - efekotu : برنوع اوت .

§ ئۇفتىك ايتمك - Eftik etmek : برشىئلە اككەنەرك وقت كچىرمك [3]

§ ئۇكدى - Ekti : ربا كار .

§ ئۇكرى دوما - Eğridoma : دام كئارى .

§ ئۇكن - Egen : اوموز [4]

§ ئۇكەر كە - Ekerge : اكىلن يرلر .

§ ئۇكەرمومى - Eker mumu : مەرمومى ، كراب اوغلى .

§ ئۇكرتمەج - Egirtmeç : كىرمەن ، ايبلك اكرىلن آلت .

§ ئۇكز - Eniz : فیرەز ، آكیز

§ ئۇكىچ - eyiç : خاموركىمكە وياقازىمغە وطاندىر قارىشديرمغە يارايان آلت .
 § ئۇيىش - eyiş

§ ئۇنىك - ennik : اكنىچىركن پارماقلرە طاقىلان پارماقلر .
 § ئۇلك - ellik

[1] دىلموصون نىكەدە بر كوى اسميدر .

[2] (ھپ عاشقلر اسيرە يوب قوشارلر : بر بكتاشى نفسندن)

[3] (ئۇفتىكم دارالدى)

[4] ئۇصيران : (اى جيران) تعبيرندن چىقمشدر .

[5] (اكنم اوزرە برلبادەم يوقلنى : حيرانى)

أما :

انواعی آماسیا الماسی ، اُکشی ألما ، اُو دولدوران ، امام علی الماسی ، ایوه زالماسی ، خندق الماسی ، طاتلی ألما ، طاوشان باشی (یازلق و کوزلک) ، طاهر الماسی ، فرنک الماسی ، فهریک الماسی ، قالدین کوبکی الماسی ، قیش الماسی ، کلین الماسی ، کووه کی الماسی ، میسکت الماسی .

§ أم - Em : علاج [1]

§ ئەمبەل - Embel : بیز ، اشک دکنکی .

§ ئەملیک - Emlik : زمانندن صو کرا قوزولایان قویون .

§ ئەمەتە - Emete : حالا - حاله [2]

§ ئەمیت - Emit : کوچوک آغاچ بوداغی .

§ ئەن - En : عرض ، کنیشلک (ئەن و بوی - طول و عرض)

§ ئەن - En : حیوان طانیق ایچین یاپیلان و وورولان اشارت .

§ ئەنکەل - Engel : قابا صابا اوتلر و چالی چیرپی بیغینی .

§ ئەنیک - Enik : کویک یا وروی ، کویک .

§ اُو اوشاغی - Ev uşağı : قاری .

§ اُو بارق - Ev bark : بیتوتت ایدیله جک یر .

§ ئەودەرمک - Evermek : ئەولەدیرمک .

§ ئەینه هان - Eynehan : اوبور ، چوق بیه .

§ ایی - ibi : هندی [3] .

§ اییک - ibik : غاغا .

§ ایت آلیجی - it alici : نی آلیجی .

§ ایت نانه سی - it nanesi : یادی صو نانه سی .

§ ایت اوزومی - it üzümü : سیاه دانەلی میوه ویره ن بر نوع شجره .

§ ایچلیک - içlik : کوملک ، فرنک کوملکی .

[1] (ایت بوقی امه یارادی) ، (ئەمە سدد یاراماز) ، (یارالرم قبول ایتمز ئەم بنم : سیرانی)

[2] (عمه) دن کلیر .

[3] (libis) مصر قدیمک حشرات و زواخفی اتلاف ایدەن بر نوع قارالیدکە ویریلەن فرانسه زجه

و یونانجه اسمدرکه تورکجه یه رومجه دن کچمش اولماسی محتملدر .

- § ایچگیلیک - içgilik : صوجق .
- § ایچمه - içme : معدن صویو منبئی (صیجاق ده اولور)
- § ایحمق - ihmak : (دهوه حقنده) چوکمک ، اوطورمق ، موانست ایتک .
- § ایرغلامق - irgalamak : برینی کو کده سندن صاللامق .
- § ایر کورمک - irgörmek : لایق و مناسب کورمک .
- § ایر کیامک - irgilmek : قورقو ایله صیچرامق .
- § ایریلک - irilik : قوزولرک آلتی کونلاک اولونجه یه قادار قوندوغی آغیل .
- § ایریم - Irım : چیقماز سوقاق [1]
- § ایزغین - Izgın : کته نچک تخمی ، یعنی بذیریاغی چیقاریلان و کتن تخمنه بکزه یین برنبات .
- § ایزمهل - Izmel : صاچ قیلندن اورولمش ایپ .
- § ایزوز - izoz : سونه په آدام .
- § ایسکه لیت - iskelit : باغچوان چاپاسی .
- § یسوت - isüt : هاووج ، هه ووچ .
- § ایشدهک - işdek : مهر مؤجل ، قوجا مالندن قادینک حصه سی .
- § ایشکیل - işgil : شبهه [2]
- § ایصدار - isdar : خالی وکایم تزکاهی .
- § ایکدیش - idiş : طاشاغی بورولمش ویا چیقاریلمش حیوان .
- § ایله قارشى - ilaşi - ile karşı : دوسته ، دوشمنه قارشى عیب اولور .
- § ایله تمک - iletmek : برابرنده کوتورمک .
- § ایلدیرامق - ildiramak : خفیف و فرسز یانق [3]
- § ایلدیردامق - ildirdamak : خفیف و فرسز یانق [3]
- § ایلغید ایلغید - ılgıt-ılgıt : (مایعات حقنده) اینجه اینجه .
- § ایلغیدیر - ılgıdır : ایپ بو کرکن ایپلکی خفیفجه ایصلا تمق ایچون اینجه اینجه صو آقیتان بورو .
- § ایلک - ilmek : ایکی شیء بربرینه دیکهرک ویا باغلایارق طوتدورمق .

[1] (ایریمی قیریمی دولاشدم) تعبیری واردر .

[2] (ایشکیللی بوزور ارینگیلده) (ایشکیلیم اوپرکن طاتلی سوزنده : امینه امینه کوزمل
امینه تور کوسندن)

[3] (ایکندین کونشی ایلدیرادی ، املر قیلدیرادی « بحریکسز حرکته کلدی »)

- § ایللیجه – ılıca : [1] صیجاق صو منبى .
- § ایلیزما – ilizma : آز وساکن آقان صو .
- § ایلیستیر – ılistir : سوزکچ ، کهو کبر ، کفکیر .
- § ایلیکمک – ilikmek : ایلک ، ایله .
- § ایمیزغانمق – İmizganmak : اویوقلامق .
- § ایمیشقان – ımışkan : یالتاق .
- § ایمیل ایمیل – imil - imil : یاواش ، یاواش ، ایچندن بازارلقلی اولارق .
- § اینبال – inbal : بوزله نکیچ ، اوجی دمیرلی حیوان دکمنکی .
- § اینکیل – inkil : بولاد .
- § اینی – ini : قادینک قاشن برادری .
- § ایویل ایویل – ivil - ivil : اینجه اینجه ، تعمیقاً .
- § ایویل قورد – ivil kurt : میقروب .
- § ایومک – ivmek : عجله ایتک .
- § اوتورو – ötürü : دولای
- § اوتورهک – ötürek : جیویق حیوان غایطه سی .
- § اوجار – ucar : نام ، نشان ، خبر ، علامه .
- § اوج اُتک – üçetek : اوج اتکلی انتاری .
- § اوجقور – Uçkur : دون ویا شالوارباغی
- § اوج کل – uçgül : برنوع یونجه (صاری ، ماوی ، بیاض چیچکلی نوعلری واردر)
- § اودلانمق – utlanmak : صیقلمق ، متهم اولمق [2]
- § اودلهک – ötlek : قورقاق ، اودی خفیف آدام [3]
- § اودهک – ödek : تضمینات [4]
- § اوربا (روبه) – Urba(rube) اُلبسه [5]

[1] « ایللیجه » دن کایر .

[2] اودلو صوچلو (ضرب مثلدیر)

[3] اودوم قوبدی ، قورقدم دیمکدر .

[4] « اوده » کایر .

[5] فرانسه زجه « robe » کله سفندن کایر .

- § اورپوندو - ürpündü : سوت، شکر ویمورطه دن یاپیلان یمک .
- § اورتمه - örtme : اؤک برنجی قاتنده کی بالقون .
- § اورکر - ürker : اولکر .
- § اورکون - ürkün : دام کنارنی .
- § اوروم - örüm : قویونلرک کیجه یاییلماسی .
- § اورون - ürün : سودویوغورت .
- § اوره - üre : دول ویره ن قیصیرآت .
- § اورهله مک - Örelemek : غیرمنتظم صورتده اورمک ویایمق .
- § اورهن - Ören : قوراق و صوسز اراضی .
- § اورلوك - üzlük : کوچوک چوملک .
- § اوزمک - üzmeک : صیقنتی ویرمک ، فکرأ یورمق ، برشی قیروب برامق .

اوزوم:

- انواعی : آطنه سیاهی ، آق اوزوم ، باتلاق اوزومی ، پارماق اوزومی ، چاوش اوزومی ، جهوشه ن اوزومی « چاوشه بکزه ره » سه ییل اوزومی ، شابی « شهابی » ، شاراواماز « شهره وارماز » ، قارا اوزوم ، قاقاق یپراغی ، قیزیل اوزوم « قیزیل شهاب » ، طوپاق آق اوزوم ، کوب دولدوران ، کیشیش اوزومی ، مورشابی ، موط اوزومی ، میسکه ت اوزومی ، نوره اوزومی ، یانچاق اوزومی .
- § اوزه رلک - üzerlk : نظر اوتی (1)
- § اوسیا - useba : طوپراقدن یاپیلان چوملک .
- § ئوستوبو - üstübü : کتن چوپنی ، کتنک ایشه یارامایان قسمی .
- § ئوستون - üstün - körü : سطحیجه ، باشند صالوما برشکلده .
- § اوسوکلهمک (هوسوکلهمک) - ös!!kleemek : برشی ، بالخاصه آتشی قاریشدیرمق و داغیتماق .
- § اوصوqq - usukmak : عقلی باشنه آلق ، عقلانق ، یوصمق .
- § اوغرا - uğra : اتمک یاپارکن خورک یایشماماسی ایچون سرپیلن قالنجه اون .
- § اوغرون - oğrun : کیزلی .
- § اوغلاق - oğlak : آلتی آیلق کچی یاوروسی .
- § اوغلامان - oğlaman : آلتی آیلق دالاب اولارق بریاشنده دوغوران کچی .
- § اوغما - oğma : اوندن یاپیلان کویلو قوصقوصی .
- § اوغول - oğul : اولاد ، یکی دوغمش آری پهنه کی .
- (1) خلق آراسنده دومانی نظرق اولارق خاستالره یوتدورولور و بعض قوجه قاری علاج ترتیبلرینه یارار .

- § اوقلاز (اوقلاس) - oklaz : ای ، یخشی .
- § اوکاری - onarı : بر شیئك جبهه سی ، اونمایه قابلیتلی اولان .
- § اوکرنمك - üğrünmek : خفیفجه صاللانمق ، خفیفجه صاللانارق یورومك .
- § اوکرهك - ögrek : قیصراق سوروسی .
- § اوکجول - öncül : اوکدن کیده ن ، برنجی کلن .
- § اوکباق - unmak : شفا و صلاح بولق ، ترقی ایتك .
- § اوکمك - önmek : کو دتله مك .
- § اوکولشمك - öğürleşmek : دوستلاشمق ، قارداشلاشمق ، یكدیكره آیشمق .
- § اوکورمك - ögürmek : خنچرهك تخرشندن کلن معده بولانتیسی .
- § اوکچه چ - öneç : ایکی یاشنی دولدوران ارکك قویون [1] .
- § اوکسه - önese : آوجیلرک آو بکله دیکی ، اوکدیکی یر [2] .
- § ئول - öl : رطوبت ، نم [3] .
- § اولاق - ulak : ئهك یری .
- § اولامق - ulamak : اکله مک ، بتیشدیرمك ، علاوه ایتك .
- § اولامه اوتی - ulama-otu : بوغوم بوغوم بز نوع اوت .
- § اولکول - ölgül : جنازه اوی ، اولو چیقان او .
- § اولمز - ölmez : بر نوع دیکنلی اوت .
- § اولمق - ulmak : تفسخ ایدوب دوکولك ، اسکوب پارچالانمق [4] .
- § اولوق - uluk : تفسخله پارچالانمش و داغیلانمش .
- § اولومق - ulumak : کوپك آغلاماسی .
- § اولهت - ölet : مرمر مستولی .
- § اولهش - üleş : لاشه .
- § اوموك - ümük : غیرتلاق ، اکسه کوکی .

[1] دها یاشلیسته « قارت اوکچه چ » دیرلر .

[2] بونی غرب آنادولوده « حکمه » و بعض یرلرده « کومه » دیرلر .

[3] اولای طوپراق ، راطب طوپراق

[4] اکثریا جسد حقنده قوالانیلیر

§ اوومك - övmek : عجله ایتك ، مدح و ستایشده بولونق [1]

§ اووون - övün : یمك زمانی ، بروقتده ینلن یمك .

HÜSEYİN AVNİ

آرقه سی ایکنجی نسخه ده



«DADAL OĞLU» HAKKINDA



اون دو قوزنجی عصرده آنادولونک یتیشدیردیکی حقیق خلق شاعرلرندن بریسی ، قوزانی «دادال اوغلو» در. شاعر ، یاقین برزمانک شخصیتی اولسنه ، آنادولونک اورته و جنوب قسملرنده آدی و شعرلری تعمم ایتسنه رغماً حیاتنک حقیق ایزلری حقنده شمدی یه قدر هیچ برئه تود یا پلامشدر. بش، آلتی آی اول برغزته ستوننده [2] انتشار ایتمش کوچوک برتدقیقك بعض پارچه لرینی قوشمه لرینی نشر ایتدی کمز شاعرک حیاتی نسبتاً تنویره مدار اولور، دوشونجه سیله اقتباس ایدیورز:

... شاعر دن بحث ایتهدن اول مورخ جودت پاشایی دیکله مک و آلزم راستطراد تاریخی یایمق بزى داها ابی تظمین ابد جکدر . فی الحقیقه جودت پاشا «معروضات» نده آکلاتیور :

«قریم محاربه سی اثناسنده هر طرفدن عسا کر معاونه جلب و سوق اولوندوغی صیراده عجباً قوزان اوغلی ده محاربه یه کونده ريله بیلورمی دییه بحث اولونیوردی . انگلیز باش ترجمانی اولان پیرانی رشید پاشایه کلوب اکر تأمینات ویریرسه کز بز قوزان اوغلی محاربه یه سوق ایدرز دیمش. رشید پاشا بوندن اورکوب قوزان برمدت داها بو حال اوزره کیدرسه اورایه اجنبی آلی کیره و قوزان ده بر حکومت ممتازه شکلی آلور، باشمزه بلا اولور. شیمدی صیره سی دکل، لکن ایلروده قوزانی ضبط و ربطه آلمالی یز دیردی...» جودت پاشانک آکلاتدینی بو حال دینه بیلیرک، تاسلچوق انقراضندن بری دوام ایدن فه ثودال بر حیاتنک تجلیسیدر. عثمانلی ایمپراطورلغی، ظاهری سطوت و حشمته رغماً داخلی سکون و استقراری ، بالخاصه اداری و معنوی برلکی تماماً تأمین ایدمه مش ایدی. بالآخره ، مجید زماننده فوآد پاشا بوسنه وقوعاتی قارشیدسنده قالدی . اسنان عسکریه آزالمش ایدی . رشید پاشایی اشغال ایدن قوزان مسئله سی قونوشولدی . بو آراده غیر مسلملرک عسکره آلمق مسئله سی چیقادی . جودت پاشانک فکرنی صورتیلر. جودت پاشا دین و ملیتی مختلف افراددن عبارت براردونک عسکری موفقیت تأمین ایدمه یه جکنی ، دینی حسلرده وحدت بولونما یه جفنی ایلری سوردی . فقط نه یامالی ؟ قرعه دائره لری دارالمش ایدی . جودت پاشا بو مسئله ده شویله مطالعه یوروتدیکنی بالذات آکلاتیور :

[1] قادر مولام اوومش اوومش یاراتمش

سردار ایتمش کوزلارک اوستنه

سیاه زلفن تل تل ایتمش طاراتمش

دو کو ویرمش آق کردانک اوستنه [سیرانی]

[2] احاکیت ملیه ، نومرو 2375، 15- شباط . 928، بر مصرع مناسبتیه مقاله سی : ضیاء الدین فخری .

« ... أوت شیمدی دولت اور عبالی به مثلنجه هپ اهالی مطیعه اوزه رینه یوکلنور . بویله کیده رسه عناصر اصلیه من اولان تورکلره کوندن کونه ضعف کلیر . حالبوکه بزده تنسیقات عسکرینه دن مستثنا چوق یرلر وار . آنلر تحت انضباطه آلنیرسه لر قرعه داشره لری توسع ایدر و عنصر اصلیمز اولان تورکلر خیلی دن خیلی به نفس آلور ... » نتیجه ده جودت پاشا قوزان وحوالیسنک اصلاحنه لزوم کوسترمش ، برقچ کون صوکره فرقه اصلاحیه تشکیل ایدیلش وکندیسی بو فرقه نك قومیسرلکنه تعیین اولومشدر . وقایعک سیر و جریانی بزده کوسته ریورکه پاشانک بو وظیفه به تعیینی اصابت اولدی . زیرا تحقق ایتدیکی وجهله ، قان دوکمه دن ، ممکن مرتبه مصلحانه یوللر تعقیب ایدیلرکه قوزان وحوالیسنده کی عشیرتلر اطاعت آلتنه آلمش ، اکثریسی مملکتک باشقه یرلرنده اسکان ایدیلش ، بوصورتله رشید پاشانک اندیشه سنه لزوم قالمادن باب عالی تصویرینی تطبیق ایده بیلمشدر .

جودت پاشا احوالی به عائد تاریخی وجوغرافی معلومات ویریور :

« ... اکثر اهالیسی سلجوقیلردن قلعه تورکلردرکه قرسخ (وارشاق) عشیرتندن متشعب جماعتلردر . بو طاغلور قوزان اوغلورینک پیاده عسکری اولوب چوقور اوواده جیحان نهرینک صاغ جهتنده کی کوچبه عشیرتلر دخی آنلرک سواری عسکری ایدی ... الخ » شیمدی دادال اوغلی تاریخی بر چوچیوه ایچنده ده ائی کورونیور : شاعر ، جودت پاشانک قومیسرلکنی پایدینی فرقه اصلاحیه نك قوزان وحوالیسندن داغیتدینی افشار عشیرتلینه ، قوزانک اوزون یایلاسنده کی عشیری زمهرلردن برینه منسودر . پادشاه فرمانیه اولری بارقلری داغیتیلان دادال اوغلی و عشیرتی ، محترم مدقق شکری بکک سویله دیکنه باقیلیرسه ، سیواسک عزیره سنه کوندریلش ، « سیندهل » کوینده اسکان ایدیلش .

شاعرك قوشمه سی ، جودت پاشانک آکلاتدینی تاریخی وقعه نك برتجلیسنی یاشاتیور ، وزنک آهنگی ، لسانک تمیزک وساده لکی ایچنده بز شاعرك حماسی برادیه یورومش اضطرابی کورمکده یز ضیالالدین فخری بکک بوتدقیقندن باشقه درنک آرقداشلر مزدن و « طرسوس » غزته سیله آطنه معارف مجموعه سی محررلردن علی رضا بک ، طرسوس غزته سنک نیشان - 928 نسخه لرنده قوزانلی شاعره دائر بعض حسب حاللر نشر ایتمشدر . محرر ، بو مصاحبه لرنده ، شاعرك یاشادینی منطقه کویلرنده یایدینی بر سیاحتک خصوصی انطباعاتینی قید ایدرکن ، اونک آدینی (دادان اوغلی) صورتنده قید ایدیور . هر ایکی آدک دلالت ایتدکاری معنایی بیله مدیکمز ایچون احمد شکری و ضیالالدین فخری بکارک (دادال اوغلو) و علی رضا بکک (دادان اوغلو) شکانده کی تثبیتلردن هانکیسنک دوغرو اولدینی سویله به به جکیز . هر حالده آرقداشلر من قوزانلی خلق شاعرینک اسمنک خلق آراسنده تلطفنی ایشیدیرکن (ل) ، (ن) حرفلرینک التباسی قارشوسنده قالمشلردر . بز محله ده یاپیلاجق آدبی و اسانی تدقیقلردن صوکره شاعرك اسمنی قطعی شکله تعیینه طرفدار اولقله برابر شکری بکک قیدینی موقه قبول ایدیورز . (دادال اوغلو) نه عائد قوشمه لری مالزمه قسمنده نشر ایدرکن اونک حیاتی و تاریخی هویتنی تعیین مجبوریتنده قالان درنک غزته صحیفه لرنده چیقمش بر ایکی یازیدن بشقه مراجعت ایدیلرکه منبع بولامامشدر . ایلریده کرک درنکجیلر طرفندن محله ده یاپیلوب کوندریله جک ، کرک شعرلری اوزرنده یاپیلاجق تدقیقلری آیریجه نشر ایده جکیز .

مالزمه قسمنه درنک رئیس اسحق رافت بکک بعضی کله ارمه عائد حاشیه لریله برلکنده قید ایدیلان بوشعر لرندن ، دادال اوغلونک کله نك تام معناسیله بر خلق شاعری اولدینی ، یوقاری زمهره نك وصفلرک شعر ایلرندن

آزاده قالدینی ، بناءً علیه خالق بیلکیمینک اصل موضوعی اولان صاف ، ابتدائی شعری یاراتدینی قولایچه آکله شیاء بیلیر . درنکمزك فعال و قیمتلی عضوی احمد شکری بکه بو یاردیملرندن طولایی تشکر ایدرز .

H . B . D

دادال اوغلانک شعرلری

I

اور ککلك اوجار باشکدن
دمیر کسه رار طاشکدن
صوردم بیلن یوق یاشکدن
اسنی کارددر ایشک پیروت .

باشک بره بره پوسلی
آل مندیملی اگری فسلی
دودو دیللی قومرو سسلی
کوزل ایستر باشک پیروت .

هر قویاقدن برصو آقار
باتیارک ، سنبل قوقار
آبلای صغینلرک باقار
خوش صفالی باشک پیروت .

بویوک بکلردن آمانلی
ارجیاس باشک دومانلی
ولیم دیر کوکلوم کومانلی
« بیک بوغا » در آشک پیروت [1]

II

چیقدم یوجه سنه سیران ایلدم
جهن اوزی چاییر چمن کورونور
بر فرقت کلدی ده جوشدم آغلادم
آل یشیل باغچه لی قامان کورونور

بیتر قیر شهرینک کلری بیتر
چیغریشیر دالنده بلبلر اوتر
اوفاجق کوزهلر هپ یگی یتر
کوزه لک قاشنده کان کورونور .

شاشدم هی اللهم بنده پک شاشدم
دور ایتدم آق داغی بوروغه دوشدم
یوزغادک اوسقنه بز آتش صاحدم
یانار اویلوم اویلوم دومان کورونور .

کوکل آرزولادی نیکده یی بوری
کونبکون آرتقمده یکیدک زاری
چفته بدستانلی قوجا قیصری
ارجیاس قارشیکده قارلی کورونور .

[1] پیروت : مرعش طرفنده بر طاغ آدی - اور : کورکولی ، اوسته - باتیار : بر نوع
چیچک - صیفین : که بیک جنسندن بر حیوان - قوباق : صولرک خط اجتماعی - بیک بوغا : البستان
جوارنده بر داغ .

دیر دادال اوغلویم ذاتیدن ذاتی ،
چكك اكرلهين كوچكه قير آتی ؛
كوچك دكل بزم ايلك مرادی ،
آغیاره كیده چك يوللر كورونور . [1]

III

بنی یای ایله دی بو آه وزارلر
چاك چالیب دوه لر نازلاشیب کیدر
آلتی عرب آتلو طولو جدالر
آلنده طورنالر سویله شیب کیدر .

بویونی بکزه تدم اول سلوی داله
یاناقلری بکزه ر طومور جق کله
سحرک وقتنده دوزولمش یوله
بوی برقطارینی کوزله شیب کیدر .

کینه شنلیکله ندی دره لر دوزلر
اوتاغن یوکه نمش کیدیشین کورلر
سیمدن چوخه کیمش کلینلر قیزلر
هانی یایلا دیرده اوزله شیب کیدر .

دادالیم ده دیر که یور کده دردم
کوزه لی مدح ایتک دیلمه وردم
.
یور کده یارار صیزلاشیب کیدر . [2]

IV

قاقدی کوچ ایله دی آوشار ایللری
آغیر آغیر کیدن ایللر بزمدر
عرب آتلر یاقین ایلر ایراغی
یوجه داغدن آشان یوللر بزمدر .

بلمزده قلنجمیز کیرمانی
طاشی ده لر مزارا غمک ترمانی
حقمزده دولت ایتمش فرمانی
فرمان پادشاهک داغلر بزمدر .

دادال اوغلو یارین غوغا قورولور
اوتهر توفنک داوولبازلر وورولور
نیجه قوچ یکیتلر یره سریلر .
أوله ن أولور قالان صاغلر بزمدر [3]

[1] جبن : سیوری سینک - جبن اوزی : موقع آدی (قیر شهر حواله سیتمده) قامان :
قیر شهر کویلرندن بریسی - بور : نیکده نك قضاسی

[2] نقطه لی محللار ، متنده اوقونه ماهشدر .

[3] قاقدی : قاقدی - آوشار : افشار (بر عشیرت آدی) - کیرمانی : کرمانده یاپیلان
ایکری قیلنج - ترمان : سیوری اوچ .

V

يورۇ يىكىت يورۇ يولايە يورۇ
اغستوسىدە ارىر داغلار ك قارى
غايت كوزل اولسە يىكىد يارى
اويكىت يانە نازىنان كلير .

سكا دىرم سكا اي قىنەلى طاش
كوزمدن آقتىدك قانلر ايله ياش
كوللردە اوينايان ايكي يشيل باش
كوللارك صفاسى قازىنان كلير .

يورۇ يىكىت يورۇ يولككن قىلما
هر يوزە كولنى دوست اولور صانما
اولومدن قورقوبدە سن كىرى دورما
يىكىتك آلنە يازىلان كلير .

مىسىس كوپروسندە قوللرم باغلى
آرىلق آلندن جكرم داغلى
كوكسونه وارنجه بايزيد اوغلو
سكا كلن بىكلسوزىنن كلير .

دادال اوغلوم دىر كە قوللرم يازىلى
آنىم كوك قىر آتدر يانم طازىلى
كلير قويونلرى يانى قوزىلى
قارىشمش صاغمالى يوزىنن كلير [1]

VI

يالانچى دنيايە كىدم كەلى
بر آتى سوهرم برده كوزەلى
دە كوب اون بىشنە كىدم بىلەلى
سوهرم قىر آتى برده كوزەلى .

آت قوشو طوتماسىن چىقدينى زمان
يالى قاوال كىي يىقدينى زمان
آت درت ، قىز اون بىشنە يتدىكى زمان
سوهرم قىر آتى برده كوزەلى .

آت ك هويوك صاغرى ، قالقان دوشلىسى
قلم قولانلىسى چكىج باشلىسى
كوزەلك دال بويلى صامور صاچلىسى
سوهرم قىر آتى برده كوزەلى [2]

[1] نازىنان : ناز ايله - قازىنان : قاز ايله - سوزىنن : سوز ايله - يوزىنن : يوز ايله -
بايزيد اوغللرى : كوكسوندە وىرعشده اوطوران تارىخى برعائلەدر . يوز : حيوان سوزولرى .
[2] يال : يله - احمد شىكرى بىكك نوطارندە بوقوشمەنك پارچەلرى سىكىز قاداردىر . بونلرك
ايچىدن آنچوق، اوچنى صحيح بر صورتدە اوقويە بىلەك .

VII

ندیکک آت عشقرمیدر یا دلدل
اردنکی بوزه در دیر تورکمن اوغلو
اکرلهت قیر آتی محزون قالماسین
بیزر دو کوشورم دیر تورکمن اوغلو.

علی پاشام هرئولکه یی باغلادی
آه ایتدی ده طورون دیی آغلادی
هراوبادن اوچ بش ییکیت هوغلادی
صیفتاح هوغلایان ده بر تورکمن اوغلو.

قارارتیسی چوق اردوسی فنا
دو کوشهن ییکیتلر بویانیر قانا
قساوتمی چکر دوغوران آنا
نوبت یچاغه بئندی دیر تورکمن اوغلو.

کز دیر دادال اوغلو قیر آتی کز دیر
ناللری دو کولمش یکیدن دوز دیر
قارغینک اوچنه ماشالله یاز دیر
ایلهت صادق بکه ویر تورکمن اوغلو. [1]

VIII

ایشاغیدن اسکان اوی کلنجه
صاراروبده کل بکزمز صولنجه
مالم ، ملکم ، سیفی کوزلوم قالنجه
قایاق عثمانیلر سزه آمائی.

ایشاغیدن اسکان اوی کلیور
کوتولرده قوچ ییکته کولویور
کتابک دیدیکی کونلر اولویور
یوقسه دور دوندی آخر زمانمی.

دادال اوغلوم سوداسی وار باشمده
کوندوز خیالمده کیجه دوشمده
آلیشقان توفنکله داغلر پیشنده
عزرائیلدن باشقه سینه قارشى قومائی [2]

AHMET ŞÜKRÜ

[1] عشق : بطل غازینک بئدیکی آتک آدی ایمش - اردنک : رنک - هوغلامق : یاردمه
قوشمق ایچرن طوبلانمق - صیفتاح : استفتاح ، ایلاک - صینادی : تجربه ایتدی - چنکه : چکه .
[2] ایلغیت ایلغیت : سرین سرین - کاوورداغی : قوزان ایله کلیس آراسنده برداغ آدی - سیفی :
کوزهل کوزلی بر قوش - اسکان : حکومت طرفندن اسکان ایدیلن قسه مخصوص تعبیر -
فایان : سوزنده طورمایان ، حیل کار آدام .

« KÖROĞLO » NA DAİR

پارس ملی کتبخانه سنده [S. T - 109] نومرو ایله مقید ال یازمه سنك [1] اون درونجی پیراغنك ظهري ایله متعاقب صحیفه ده قارشیلقلی ایکی منظومه یه تصادف ایتدم . هر ایکیسنك ده موضوعی معلوم بر وقعه تاریخیه یی، عثمان پاشانك تبریز ، شروان ، دمیر قاپی اوزرلرینه واقع اولان سفرلرینی حکابه ایدیور. بو عثمان پاشانك ئوز ده میر اوغلی اولدیغی شبهه سزدر. قائلنك افاده سندن کنديسنك بو حر بلره اشتراك ایتمش اولدیغی تخمین ایدیله بیلیر. تقریباً اونجی عصر ك سوك نصفی ایله اون برنجینك باشلانغیچنده یاشامش اولان بوشاعرك اسمی « کور اوغلو » در . منظومه لری املالرینی عیناً محافظه ایدرك نقل ایدیورم :

I

عثمان پاشا ایدر دولتلو خنکار
ان شاء الله سلطانم شروان بزومدر .
سن همت ایله عنایت آلاهدن
صروت علینکدر میدان بزومدر .
دمر قپودن شروانه کچلدی
انجه صواش اولدی قنلر صچلدی
قردق یزیدی یولار آچلدی
کدن ایپک یوکی کروان بزومدر .

[1] بو ال یازمه سی حقنده قاتالوغده یازیلان شوندن عبارتدر : 51 ورقدن عبارت آلبوم .
اوچ قسمدر : 1) مختلف شاعرلرک منتخباتی . 2) غایت مختصر برانشا 3) مختلف : مکتوب ،
شعر ، حساب .. الخ . یازی مختلف الاردن چیقمش . تقریباً XI نجی عصر . 19⁹/₁₀ سم طول
و 12³/₁₀ سم کنیشلکنده هر صحیفه ده وسطی 14 - 9 سطر وار .

کتابك قابنده فرانسوزجه اولارق Poids de Caire و آلتنده درهم ، قیراط کبی طارقی
مقدارلری ثبت ایدیلشدر . ینه فرانسوزجه اولارق : ورق 51 . 7 ، 8 ، 11 ، 12 ، 31 ؛
35 ، 42 - 48 بیاضدرلر . 11 کانون ثانی 1872 .

جموعه نك ايلك اون آلتی ورقدن عبارت قسمنده مختلف شاعرلرک غزللری وارددر : کریمی
نیازی ، حیاتی ، اسحق ، نجاتی ، آهی ، اصولی ، شمی ، باقی ... الخ . برده (مصلی) مخلصلی
غزل . ینه ورق 10 ده « در کفت مصلی » دییه برخمس وار . « المحرر الفقیر بکر بن محمد » ک بوکانظیره سی
هر ایکیسنك موضوعی « محمد بن قرامانی » نامنده جزایردن ، ظهور ایتدیکنه اشارت اولنان برینك وصفده در .
ورق 14 ده تقی اوغلو نامنده بر شاعرك قوشمه سی . کور اوغلونك شعرلردن صوکراده قاراجا

شروان ایلندن تبریزه اولشداق
 انجه باشلر کسداق قانه بولشداق
 عجم اوله رینی سیر ایتداق دولشداق
 ولایت خونکارک سیران بزومدر .
 عثمان پاشا ایدر کلک وارلسون
 تدبیر تدارک ننکدر کورلسون
 [1] یکیده منصب ویرلسون
 کندو قولو کوزدر احسان سزکدر .
 کور اوغلی ایدر کولبنکی یتردک
 ارنلرک صنجاغنی کوتردک
 قتر قتر خیالین کتوردک
 کیدن شروان بزومدر .

II

عثمان پاشا تبریزده اولور اولیجق
 هالم تسلیم ایلاک سلطان مراد
 برون برون اولدی عرشک یوزنده
 زارم تسلیم ایلاک سلطان مراد .
 بنم اولدو جکم شاهه طویرسون
 یارنلرم خیر دعا بیورسون
 وزیرلکم بر قلونه بیورسون
 یرم تسلیم ایلاک سلطان مراد .
 بلوک بلوک بلونن
 عجب شهیدی اوله بزدن الینن
 باشلرینه آلتون اوسکوف ورونن
 قولوم تسلیم ایلاک سلطان مراد .
 عجم اولرنده بلی بوکلدی
 کوزلرندن قنلو باشلر دوکلدی
 جبه خام استنبوله چکلدی
 مالم تسلیم ایلاک سلطان مراد .

اوغلانک بر قوشمه سی . بوقسمک اک صوک صحیفه سنده خطایی نک برغزلی . ایکنجی قسمده « کتاب الانشادر » دییه باشلایان و بش . آلتی مکتوبی احتوا ایدن برپارچه ایله نهایتده قارما قاریشیق بر حالده بعضی مکتوب نمونه لری ، بالخاصه تجار طائفه سندن بعضی کیمسه لره مرور و سیاحتلرینه مانه اولنماق اوزره رؤسادن دیگر رؤسایه کوندرلدکاری آکلاشیلان التماسنامه لر وارددر . عمومیتله یازیلر پک مختلف الاردن چیقمشدر . اکثریا پک فنا بر خط ایله یازیلیدر لر . ورق 15 - 14 ده کی نفی اوغلو ، کور اوغلو و قاراجا اوغلانک یازیلرینی حاوی قسم برتک الدن درر . عینی صحیفه ده شایان دقت بعضی لیکه لر کورولیور .
 [1] نقطه ایله کچیلن محللر اوقوناماشدر .

کور اوغلی سویلادییه بو سوزی
فلک طیراغه دوشردی کل یوزی

الدم دمر قویله تبریزی

شارم تسلیم ایلك سلطان مراد. 111

شیعیدییه قادار بو اسمده بر خلق شاعری موجود اولدیغنه داتر بر قیده تصادف
ایتمدیگمدن بوایکی منظومه یه براهیمیت عطف ایتدم. گرچه ینه پارس ملی کتبخانه سنده کی
مساعی صیراسنده تصادف ایتدیگم دیگر ال یازمه لرنده آشاغییه نقل اولنان اوچ عدد
منظومه وارد. بونلرکده قئلی کور اوغلو ایسه ده موضوع لرنده اولکی ایکیمی کبی
صریح بر وقعه تاریخییه اشارت اولمادیغندن بونلرک کور اوغلو دستانندن مفرز پارچه لر
اولدیغی خاطره کله بیلیر.

III

[2] (S . T . 1411)

آلای آلای اولوب کلان تورنالر
تورم کلدوغیکوز یولده ارواری
بزیم مرادیمز خبر آلمقدیر

.

. یولار کسندر
احق اولور سودوکنه کوسندر
بلورم سودوکنه صاغدر آسندر
شول طولای یولامدن بزه کل واری.

تورم قشدر الایلرک اوزاته
اوزادوبن داغلر باشی کوزته
سویلون قوشی کبی

.

مائل اولدم بر الیجی دوغانه
عجب میدر بونده کوزل سونه
کور اوغلی کبی بر دلی سرسم دیوانه
داغلرده بللرده کزر قول واری .

[1] بوصوک منظومه عثمان پاشانک تبریزده وفاتی آکلاتیور . بونک تاریخی هامه رده 993

اولارق کوستریلیور . [ج 7 ، ص 147]

[2] باقی ومعاصرلرینک « حروف هجا صیراسیله » برچوق غزلارینی محتوی زنکین بر مجموعه .
برچوق یرنده « ازتد کره ترجانی » دیه اشارت لر وار. بوندن ماعدا باقی دورینک کوزل بر تصویر
دیمک اولان « مهیلی » ایله « ماردینی عقلی چلبی » نک منظوم مکتوبلری وار. مذ کور قوشمه ورق 17 ده در.

IV

(S. T. 389) 111

ورسنى

یولی بغدادی طورنانك	غازانی اوستومه اوغرادى
سه سی بغدادی طورنانك	اغالر جانه کار ایتدی
هم اولمز کلز عیننه	كوك طونك الماش اکننه
قانی بغدادی طورنانك	آلجی شاهن بویننه
كوك یوزنده سماع طوتر	طورنه کچر قتر قتر
تلی بغدادی طورنانك	عاشقه برکذار یتر
ایدر عاشقنه جورى	کمی انج کمی یورى
یولی بغدادی طورنانك	بوغار ییلاسنه طغرى
یورکنه دوکن ایمش	طورنه دکل صفین ایمش
قانی بغدادی طورنانك	کور اوغلی ایدر بوکون ایمش

V

(S. T. 303) [2]

کور اوغلیم دیوب اشوب یورومه
 کل کور اوغلی کل ایواذك الدردك
 خزنکن داغله اشوب یورومه
 کل کور اوغلی کل ایواذك الدردك

بلنه کمشلی خنچر داقنور
 درت یاننه ملین ملین باقنور
 مدد انجمن دیوب جکنور
 کل کور اوغلی کل ایواذك الدردك

[1] داغنیق برچوق اشعارى محتوى . صاحبك مدرسلکه منسوبتی اكلشیلور . برچوق قصات اسملى . باقىك برقاچ غزائك اوزرنده (حرر فى قصبة الملح من قصبات لواء صاروخان) یازیلی . (نوله دهى ایچره شام یوغیسه . .) اوزرنده ، باقى افندیك اول غزلیدر (قیدی . تاریخلر چوق . تاتار خانى غازى فتح کرایك پادشاهه کوندردیکی غزللر . مخلصى غزایی . سلطان مرادك ، سلیمك ، سلیمانك غزللری . برچوق نعتلر (مقابلر اشارت اولمش : پنجگاه ، راست ، دوگاه الخ . .) صوکرآ آرا یرلرندهکی مصراعلر اوزرندهده « حسینى ، پوسلك ، روح عجم . الخ » بر یرده : « شاهنامه اوقوندینی زمانده بو اوچ مقامده اوقونمق کرکدر : برى ماهور ، برى غزال ، برى نهاوند . » ورسنىك بولندینى صحیفهده فصل پنجگاه و اوچ شرقى وار . برصحیفه اولنده فصل حسینى وحسینی دن شرقیلر .

[2] زنکین برجموعه ، خلق شاعرلرندن برچوق قوشمه لر : « سلیمان ، مسکین عاشق ، قول محمد ، اوکسوز عاشق ، قول عاشق ، قول اوغلی . . . » بوندن ماعدا « خاوری ، خیالی ، یحیی ، آهی ، باقى ، فضولی ، ذاتی الخ » نك اثرلری وتاریخلر .

خبر ایلدیلر بربرنه
ال کتدیلر امیر خانك داغنه
پیشکش ایلدیلر بولی بکنه
کل کور اوغلی کل ایوزك الدردك

کور هر یازیلر
اناسنك فریادید قاضیلر
کور اوغلنوك . . . قورتلرنی ارزولار
کل کور اوغلی کل ایوازك الدردك

نقل ایتدیگمز کور اوغلونه عائد یازیلردن باشقه بر موسیقی رساله سنده تصادف
ایتدیگمز آشاغیده کی پارچه بی ده کور اوغلی اسمنك تصریح اولنما سینه رغماً مآلاً
علاقه دار کوردیگمز دن اقتباس ایدیورز :

VI

[1] (S. T. 1377)

سماعی سوژی حسینی
بکا قوچاق درلر بکلر پاشالر
هی بکنادم پاشالر
بومیدانده چوقلر کاور پاشالر
هی بکنادم پاشالر
درت یانمز دومان اولدی مسلر
هی عبواضم مشلر
کل سودیکم طولاشا داغلری
یار اللری یار چوللری
کل بکنادم کوزللاکک چاغیدر
هی بکنادم چاغیدر
سنسز شکر یسم بکا اغیدر
هی بکنادم اغیدر
سندن اوتری عالم بکا یاغیدر
ای بکنادم یاغیدر
کل ایواضم طولاشالم داغلری
وای اللری دوست بللری
سنك عشقك بنی حیران ایلدی

[1] بو مجموعه ده چوغی « هداثی » نك اولان الیلر وار ، اکثریسی (مقام نوا عجم)
(مقام حسینی) ... آراده بر (گفته روحی) عنوانیله « صائمه ای خواجه که ... » تمامی مندرج .
سوکرا موسیقی مقاماتی اوزره تصنیف ایدیلش برچوق پارچه لر . بسته کار اسمارندن : شیخ محمد ،
علی آغا ، درویش عمر ، باقی ، ویسی ، یحیی ، عبدینك الخ غزللری .

ای بکندادم ایلدی

یقدی جکرمی بریان ایلدی

ای بکندادم ایلدی

کوکلمک شهرینی ویران ایلدی

هی عیواضم ایلدی

بونلردن باشقه ینه پارس ملی کتبخانه‌سی یازمه‌لر قسمند [S P 994] نومرو ایله فارسی لسانده یازیلی بر « کور اوغلی نامه » موجوددر [1] بو بیلدیکمز داستان شکنده کور اوغلو حکایه سنک زنگین بر نسخه‌سیدر . کتبخانه‌یه لهلی آلساندو شودزقو نام ذات طرفدن کلمشدر . بو ذات اوزون زمانلر روس ایمپراطورلغی قونسوللکی ایله ایران و آذربایجانده یاشامشدر . بو نسخه‌نک قافقاسیه‌دن کتیریلدیکی محتملدر . متن ترجمه اولوب یالکیز قوشمالری تورکجه ایله در و فارسی ترجمه‌لری کله کله هر سطرک آلتنده قرمزى مرکبله یازیلی در . شودزقو، بونی 1848 ده انگلیزجه‌یه ترجمه‌ایله لوندروده نشر ایتمشدر. [2] کور اوغلو نامه‌دن آریجه بحث ایدیلکه ده کر .

آنادولوده منتشر داستانلرک منشألری حقنده تام بر مجهولیت وارددر . بو خصوصده یازیلانلر پک آز، هله هر داستان حقنده آیری آیری پاپلش تدقیقلر هیچ یوقدر . کور اوغلی داستانکده بوقادار منتشر اولماسنه رغماً نه منشأی ، نه ده یازیلدیغی زمانی بیلیورز. [3]

[1] قاتالوغده شوايضاحات وارددر: کتاب ایکی قسمدر: 1 - 156 ورق. فارسی متن . 2 - لهجه اولسی محتمل بولنان ترجمه‌لر . بوده 44 ورق . یازی غایت فنا ، کوچ اوقونیور . 1750 ده یازیلش . مؤلفی « صادق بیگ » یا پراقلرک طولاری متناوباً 16 و 18 سم . کنیشلک 10 سم در . هر صفحه‌ده وسطی اولارق 18 - 16 سطر وار .

[2] Chadzko (Alexander) E. S. Q : *Spécimens of uv popular*

اشبو انگلیزجه ترجمه‌نک نهایتنده Poetry of persia. in-8 علاوه اولارق کور اوغلونک قوشمالرینک نوطه‌یه آلمش بسته‌سیله داها بر چوق تورکمن شرقیلرینک نوطه‌لری موجوددر .

[3] کور اوغلو حقنده شیمدی‌یه قادار جدی بر تدقیق نشر اولنمدیغی سویله مشدک . کوپرلی زاده عماد فواد بکک تورک ادبیاتی تاریخی عنوانلی اثرینک ایلك جلدنده ذکی ولیدی بکک نقطه نظرینک بلامناقشه قبول ایدلیدی کوزوکیور . بوکا کوره کور اوغلو قبل الاسلام دوره‌ده ساسانیلر زمانه عائد برداستانک بقیه‌سیدر . بو بر فرضیه‌در و ناصل مدافعه اولنمیدیغی بیلمیورز . کرچه هنوز ذکی ولیدی بکک بو خصوصده کی تدقیقلری نشر اولنماش ایه‌ده مسئله‌نک تنویری کنیدیلرندن بکلمک حقمزدر . کور اوغلی‌نک مؤخر دوره‌لره عائد اولدیغی بیان ایدن لهلی عالم شودزقو بونک 17 نجی عصرک صوکلرینه قادار حقیقایله جکنی سویلیور . اوکا کوره بونامده کی شخص رومیه کولی ایله بحر خزر ییننده کی آذربایجان اراضیسنده خصوصیه ساماس حوالیسنده یاشایان تورکمن قبیله‌لرندن برینه منسوب و ایرانیلرله دائمی جدالده بولنان بر حایدوددر . بو خصوصده دلیللرینک مفقودیتی بونک برروایتدن ایلری کچه‌مدیکی ظنی ویرمکدهدر .

عجبا عتمان پاشانك غزالری ترنم ایدن بو کور اوغلو ایله مشهور کور اوغلو داستانی
 آراسنده بر مناسبت وارمیدر ؟ بو مناسبتی تأسیس ایده بیلدیگمز کون ادبیات تاریخی
 تدقیقلری ساحه سنده مهم برایز آچیلمش اولاجقدر. اوده ایلك دفعه اولارق برداستانك
 تکاملنی تعقیب ایده بیلنك امکانی در. فقط شیمیدن بونك بر چوق فرضیه لره یول ویره بیله جگنی
 قید اتمکله اکتفا ایدیورز .

AHMET KUDSÎ

☉	İKİ TURNA TÜRKÜSÜ ^{1*}	☉
---	---------------------------------	---

I

ایکی طورنام کلیر ، آقلى قارالى
 بریسنی شاهین اورمش ، بری یارالى
 او یاورویه سوروك اصلى نهره لی
 قاتار قاتار اولمش کلیر طورنالر
 اکریم اکریم نه خوش کلیر طورنالر.
 اینه طورنام ، اینه سن بو بوکاره
 آوجی دوزاق قورمش وار یولك آرا
 جمله مزك ایشین مولام اوکاره
 قاتار قاتار اولمش کلیر طورنالر
 اکریم اکریم نه خوش کلیر طورنالر.

[*] طورنا قوشی ، تورك خلقى نظرندە - مملكتده پوسته جیلغك پك كیری بولوندینى عصرلر.
 دنبری - حسی وقلی مناقله لرك واسطه جهمی صاییلیر. بوقوشك تورك خلق ادبیاتنده بویوك برموقی
 اولوب دشمنی (قوزغون) در، كه « قارا قوش » ده ده نیر . طورنالر سورو حالنده صباح
 و آقشام و قتلرندە كچرلر. قوزغون ویا دیگر بردشمن طرفندن یارالانوب یره دوشورولن طورنا ،
 اله كچرسه كوزلری پاشارارق آغلادینى كورولور . تأثری انسان تأثرینه بکزه ر . صباح و آقشام
 و قتلرندە كچرلر كن كونشك میللی شعاعلری آلتنده قنادلری پارلادیغدن شرقیلرده صیق صیق:

قاناتلری تللی طورنا

سوزی كچر .

اینمه طورنام اینمه یولده قیش اولور
 باصدیغت یرلر دونار ، طاش اولور
 بویله قالماز ، آلبت صوکی خوش اولور
 قاتار قاتار اولمش کلیر طورنالر
 اکریم اکریم نه خوش کلیر طورنالر
 اینمه ده طورنام اینمه خبر صورایم
 قانادک آلتنه نامه صونایم
 نازلی جانامدن خبر آلایم
 قاتار قاتار اولمش کلیر طورنالر
 اکریم اکریم نه خوش کلیر طورنالر

II

طورنام اوچامامش یولده یورولمش
 آوجی وورمش قانادنن ، قیریلمش
 اوده بنجله یین یاردن آیریلمش
 اوتمه غریب غریب بن ده غریب
 اوتمه غریب غریب کوکل شن دکیل
 طورنام قاناد ووروب داغلر آشنجه
 جکر کباب اولوب کوزده پیشنجه
 هرکس سودیکندن آیری دوشنجه
 اوتمه غریب غریب بن ده غریب
 اوتمه غریب غریب کوکل شن دکیل
 ایکی طورنا کوردن توکی یشیلدن
 الامادم کپه زینی باشیندن
 یاییلرکن آیری دشمنش اشندن
 اوتمه غریب غریب بن ده غریب
 اوتمه غریب غریب کوکل شن دکیل

ایکی طورنا کورددم آقلى قارالى
 آوجى وورمش صاغ بوکرندن يارالى
 اوده نجهين بختى قارالى

اوتمه غريب غريب بن ده غريم
 اوتمه غريب غريب کوکل شن دکیل.

EDİP ALP

« RUHSETİ » NİN KOŞMALARI

عاشق رخصتى ، سيواس محيطنده يتشمش بر خلق شاعريدن؛ اسمى و اثرلى شيمدى يه قادار ادبيات عالمه مجهول قالمشدى . ادبياتك ماضيى آراشديريركن طانيديغمز بولوغون (عاشق) ك حيات وشخصيتندن (دويغودوشونجه) مجموعه نك اونجى ، اونر نجه ، اون ايكنجى صاييلرنده ايلك دفعه بحث ايتددم . نكلكك ادبى اجتماعى تاريخى يازاقلار ايچين «وثيقه» حاضرلايان «خلق بيلكسى مجموعه سي» نده بولود شخصيتك حيات و خاطرلرندن وقت وقت بحث ايدجكز . بونسخه ده (ديوان) حالنده بولولاديغمز قوشملرندن دردينى نشر ايدىيورز .

— 1 —

طوبلانوب طوبلانوب كلهك يانمه
 ذاتى يورهك ياراليجه كوزهلار
 حقى سه وه رسه كز كيرمهك قائمه
 غم يو كومن كيراليجه كوزهلار .

— 2 —

ر يانيق عاشقم ، كل خوجا صانما
 كوكلز آچاقدن هيچ يوجه صانما
 آديمى دويوب ده بك (قوجا) صانما
 داها كوزم چيراليجه كوزهلار .

آيريلق باده سين طاتلى مى صاندك
 نه تهز تبديل اولمش چنك داغلر
 بو كوزهلك كچر ، سكاده قالماز
 داها نه يه باغلى كانك داغلر .

نيجه كوزهلردن آيرسك باجى
 آل ، يشيل رنكلردن كيرسك باجى
 ياردن آيرماسى زهردن آجى
 بو يوزدن كيتمه يور دومانك داغلر .

باق ينه آچيلمش يولى باغلرك
 مسافر آليور باشى داغلرك
 يكي كلش صاريلاجق چاغلرك
 اوپوله كز صيراليجه كوزهلار .

کیجه ، کوندوز یالوارمشم سبجانه
بردم وصلت بولاماده صونامه
داها شیمدن کیرو بنی قیناما
همایه نه ریشمش فغانک داغلر .

*

(رخصت) کبی قارالری باغلارسک
عشقک آتشیله یوردهک داغلارسک
بنم احواله سن ده آغلارسک
وار ایسه ذره جه ایمانک داغلر .

--- 3 ---

کینه بهار گلدی بلبل سسندن
صدا و یروب سسلندکمی یایلار
چوره یانک لاله ، سنبل بورومش
کلین اولوب سوسلندکمی یایلار .

*

یدی ویره ن باغلر ناصیل دوزه نمش
داری ، چیچک الوان الوان بهزه نمش
یوقدن وار ایله یین نه خوش اوزه نمش
بوینوک اکوب دوستلاندکمی یایلار .

*

کوز یاشلرم سیل اولمش ده چاغلا یور
کومور کوزلوم قارالری باغلا یور
بلبل گلش کل دالنده آغلا یور
ده لی ایدک اوصلاندکمی یایلار .

*

قیزیل کلر بوینن اُکش باقیور
شیدالامش قوشلر سودا اوقویور
ینه بو حسرتلک بنی یاقیور
دردم چکوب پوصلاندکمی یایلار .

بن ده سنک کبی ایرسه م مراده
نیله یم که المده یوق اراده
(رخصتی) یم ، غم یوکلرم کیراده
بنی کوروب یاسلاندکمی یایلار .

--- 4 ---

بروقته ایردی که بزم کونمز
یکیت بللی ده کیل ، مرد بللی ده کیل
هرکس یاراسنه درمان آریور
دوا بللی ده کیل ، درد بللی ده کیل .

*

فرق ایله دک آخر وقتک یه تدیکن
مرحمت چکیلوب کوکه کیتدیکن
کوجی یه تن صویار کوجی یه تدیکن
پاپاق بللی ده کیل ، کورد بللی ده کیل .

*

عدالت قالمدی هپ ظلم دولدی
کچدی شو بهارک کلری صولدی
دنیا نک کیدیشی عجایب اولدی
قویون بللی ده کیل ، قورد بللی ده کیل .

*

باشم آییق ده کیل ، کدردن ، یاسدن
آه ایتدکجه دومان چیقیور فسدن
خرابه یوز طوتدی بزم گلستان
یایلا بللی ده کیل ، یورد بللی ده کیل .

*

چرخ بوزولمش ، دنیا اصلاح اولمیور
اهل فقرانک یوزی کوله یور
(عاشق رخصت) دیدیکنی بیلمه یور
« یازی » بللی ده کیل ، « خط » بللی ده کیل .



ATA SÖZLERİ



« آلتای تورکجه‌لیک آتا سوزلری »

قونوشك سگزينجی جلدینه بر بحث یازدیغی سگیز جلدلک (تورک خلق ادبیاتی) نك آلتایلره عائد قسمی، انسان دو قتوری و درنکمزك قیمتی رکنی راغب خلوصی بك ترجمه ایتشلردر. بو ترجمه نك آتا سوزلرینه عائد فصلندن الای قادارینی انرك کوچوک مقدمه سیله برابر مجموعه مزك بو جلدنده نشر ایدیورز. بو صورتله آنادولوده دیل ساحه سینده خلق بیلکسی طوپلایانلر، مختلف تورک لهجه لرینک مقایسه سی ایچون رادلوف کی صلاحیتدار بر مستشرقک مالزمه سنی منبع اوله رق بولایله جکلردر.

H . B . D

کره مز اوزرنده همان هیچ بر لسان عائله سی تورکجه نیککی قادار عظیم بر ساحه ده انتشار ایتمه مشدر. آفریقانک و اوروپائی تورکیانک شمال شرقیسندن طوتکیزده روسیانک جنوب شرقی قسمی، آنادولو و توراندن سیبیریانک تا ایجریلرینه وغوبی قوم چوللرینه قادار اوزانان بو منطقه نك هر طرفنده تورک دیلیله قونوشان قبیله لر یاشامقده در. تورک قبیله لرینک بویوک بر قسمنک بر چوق عصرلردن بری منسوب بولونقلری اسلامیت، تورکگری، کندیلرندن دها یوکسک بر عرفان سویه سنه واصل، ادبی و صناعی جهتلردن کندیلرینه قات قات فائق بر طاقیم قوملرله صیقی بر تماسه کتیرمشدی. بناء علیه بونارک پک آز بر زمان صوکره دینداشلیری اولان عرب و عجملره قارشى فکرآ تام بر تابعیت آلتنده قالمش اوله لری پک طبیعیدر. بوجهت بالخاصه ادبیاتده کی فکر محصوللرنده کورولمکده در. تورکلر یالکیز کندى لسانلری ایچون قطعاً او یغونسز اولان عرب القباسنی آلامشلر، بلکه تحریر لسانلرنده عرب و عجم نمونه لرینی ده تقلیده چالیشمشلردر. بوکا بناء اسلوبک ظرافتنی تأمین مقصدیله بولسانلرک بیکلرجه کله لرینی استعمال ایتشلر و کندیلری ایچون دنکارنک یامه لردن وجوده کتیریش آلاجه لی بر لباسه بکزمین بر لسان میدانه کتیرمشلردر. بو تحریر لسانی طبیعی تورک خلقی ایچون آکلاشیلماز بر مخلوطه ایدی. خلقک عرفانی هیچ بر زمان یوکسه لته مزدی. نته کیم خلق روحنک تازه یشیلکیه باشلانوب قوت بولامادینی ایچون کندى کندینه کیکله شوب قالمشدی.

تحریر لسانی مختلف تورک قبیله لرنده همان تمامیه عینیدر، آنجاق پک خفیف بعض

لهجه رنك فرقلری تكلم لسانندن یازی لسانه كیره بيلمشدر . اونك ایچون یازی لسانی بر یانه براقیلوبده مختلف قبیله لرك قونوشمه لسانلری اساسلیجه تتبع ایدیله نیجه تورك لهجه لرینك مقایسه لی تدقیق ممکن اولاماز .

سیدیریاده کی بش سنه لك اقامتم اثناسنده تیان - شان (ایصیق کول) ایله ینسه ی آره سنده کی بوتون تورك قبیله لرینك لهجه لرینی ممکن اولدیغی قادار صحتله تدقیق ایتدم و او قادار واسع مالزمه جمع ایتدم که بوسایه ده لهجه لره عائد واضح بر فیکرویره بیله جگمی امید ایدیورم . بوجنوبی سیدیریا وجونغاریا بوزقیرلری لهجه لری لسان علمی نقطه نظرندن ده اچوق مهم در . چونکه بو قبیله لردن بر چوغی بو کون بیله اسکیدن بری اولان شامان عقیده لرینه مربوط بولونمقده درلر و مسلمانلرله هیچ بر زمان صیقی تماسه کیرمه مش اولدقلری ایچون اسلامیتك اصلیتلری بوزان تاثیرندن مصون قالمشدر .

مالزمه لرمك ایلک قسمی خلق ادبیاتندن نمونه لری حاویدر . بو اوج جلدك بر متن تشکیل ایده جکدر . دوغروجه آکلاشیلمه لرینی تأمیناً بونلرك ممکن اولدیغی قادار صادق ترجمه لرینی علاوه ایده جگم . ایکنجی قسم بوتون لهجه لری احتوا ایدن بر قاموس اوله جق ، اوچنجی قسمی ده ، لهجه لری مقایسه لی بر صورتده تدقیق ایدن بر صرف تشکیل ایده جکدر . خاق ادبیاتنه عائد اولان بو رنجی جلد اصل آلتای لهجه سندن ، تهله بوتلرله آلتایلر قاتونیا ایله بیا آراسنده کی قارا اورمان تاتارلرینك ، لهبه د تاتارلرینك و قارا کول شورلری ایله سوبونلرینك لسانلرندن متلر احتوا ایتکده در .

مندرجات فهرستنده کورولدیکی وجهله آلتایلرله تهله بوتلرك لهجه سی ده ازنکین بر نسبتده درج ایدیلشدر . کذالك بونی اوته کی لهجه لر ایچون ده مبدأ اتخاذا ایتشمدر . چونکه بو لهجه اصل تورکجه اوصافنی اک صاف بر صورتده مخافظه ایله مشدر .

آلتایجه و تهله ئوتجه آراسنده کی فرقلر پک جزئی و اهمیتسزدر ؛ اونك ایچون بویکی لهجه نك رنك فرقلرینی آیری طوتمادم ، باخصوص که بونلر کیتدکجه بر برلرینه تداخل ایتکده در و بکا برچوق مالزمه ویرمش اولان آلتای میسیونر هیئتلرنده کی تهله بوتلر آرتق تهله ئوتجه ایله آلتایجه آراسنده متوسط بر لهجه ایله قونوشمقده درلر . آلتایجه - تهله ئوتجه متلرك اک چوغنی یرلیرك اغزنندن ضبط ایتدم . یالکیز ضرب متلرك بر قسمی ، چیوالقوفك ترجمه حالی ، بر منقبه ، روسجه دن ترجمه ایدیلش افسانه لر و بعض ارتجالی سوزلرله تورکولر بکا چیوالقوف طرفندن یازیلش اوله رق ویریلشدر ، فقط بوناری یکیدن طرز تافظ لرینه کوره یازمنه مجبور اولدم . قیامت حقنده کی تواتری طومسق حکومت جریده سندن آلدیم . فقط یرلیرله مراجعتله تصحیح ایتدم . دیگر لهجه لرك هپسنی کوستردیکم مختلف یرلرده خلق اغزنندن ضبط ایتدم .

آلتایلرله لهبه د تاتارلری آراسنده متوسط بروضعیتده بولونان قره اورمان تاتارلرندن

الملك او كجه لهجه لرینك دها قطعیتله تبارزایتدیكى له به د آغزنده اوزونجه متنلر طویلادم .
 بوجلك سوكنی تشكیل ایدن بر قاج سویونجه لسان نمونه لری قارا كوله کی دوت
 كونلك اقامت اشناسنده جمع ایتدم . چین طوبراغنده دها فضله اقامت ممکن اولامادیغی
 ایچون بومتلری قطعی بر صورتده قونترول ایدمدم . ایشته بومتلر سویونجه یی او قادار
 ای بیلیمه دیکم ایچون هر حالده بعض خطا و سهولری حاوی اوله جقدر که بونلری مع التأسف
 بوراده تمیزله یه میه جکم . بونکه برابر سویونجه یه عائد المزده بولونان بویا کشلی متلرده
 بویوک بر اهمیت حائزدر . بومتلری الله ایتک بتم ایچون ایجه کوچ اولمشدر . چونکه
 بونک ایچون تنها اورمئلق داغلرده هفته لرجه جبری آتلی یورویشلر یاقمق مجبوریتنده قالمشدر .
 کوکک قونانی طوته یم دیه نه دوشونورسک * ده کیزک بالیمنی طوته یم دیه نه دوشونورسک .
 تکهک بویونوزی کوکه یتدیکنی کیم کورمش * ده وهنک قویروغی یرمه کدیکنی کیم کورمش .
 جایلانغی او چوشیله (بیلرلر) * چویکی یورویوشیله (بیلرلر)
 یورومه بیلمه ین یولی بوزار * سویله مه بیلمه ین سوزی بوزار .
 یولجی ایچون یولی یوق * قورناز ایچون سوزمی یوق .
 آلا بالیغک چورباسی اولماز * آبدال آدامک دوشونجه سی اولماز .
 قورباغه نك یورویشتی کوروب دورورکن * قوشمه سنی نه صورارسک .
 اختیارک سوزینی طوربه یه صوق * بویوکک سوزینی جیکه آت .
 کورک ایچنده انسان یاشار اونی کیم بیلر * حشا آلتنده حیوان یاشار، اونی کیم طانیر .
 چوق اولوب چوپ اولاجغه * آز اولوب اوز اولسون .
 ییکی یاپوب کی * اسکی یی تعمیر ایدوب کی .
 روزکاری کونده راحت یوق * قایغولی کونده اویقو یوق .
 فناده اولسه اوك اولسون * اوروجللق نیله اولسه بولغورك اولسون .
 آتمه بیلیمه ینک قورشونی آلتی قولاج (کیدر)
 بکی صایغیلایان بک اولور * بابی صایغیلایان بابی اولور .
 نه یرسهک (اونی) یی ، دیشک طاشه دکه سین * نه کییررسک (اونی) کی ، آرقهک کونشده
 یانماسین * نه یه بیزسهک (اوکا) بین ، آیاغک یره دکه سین .
 ات قایناتمه سکا چورباسی یتمز * ایکی سوزدن سکا بریسی یتمز .
 آتک اختیاری قصابلق * آدامک اختیاری مسخرهلق .
 قوروقاشیق آغیزه خوش کلز * بویوک سویله ین آقشامه یتمز * کنیش آدیملایان اشیکه یتمز .
 آلتین باشلی قادیندن * ضعیف باشلی ارکک دها ای .
 انسانک دیزکینی اوزون * آتک طیرغانی یاصی .

آتلر کیشنه شنججه طانی شیر (لر) * انسانلر شویله شنججه طانی شیر (لر)
 ضعیف ده اولسه سمیز صای * آزده اولسه چوغه صای .
 آشم از (در) * باشم طاس (در)
 ده وه کبی (ایری) قارا یوره کلیدن * قاو کبی (اوافق) آق یوره کلی ایی .
 قارغه قازه اوزه نوب آیانی پرتیلدی .
 یکی یی کوروب سوینه * اسکی یی کوروب یرینه * یارینکی ایچ یاغ ایله بومباردن ،
 بو کونکی آق جکرله قره جکرلک .
 بکارک بوینی بیت یر * طوتوب بریکدی دیکنی ایت یر .
 کسمه یه جکی بیله مه * سسایه مه یه جکه او کره مه .
 اوله حکم دیوب ده اککنی آتمه * قاچوب براق دینگ اکوب براق .
 یوزوک کوزللاکنی کورب آلا جغه * کورک کوزللاکنی صوروب آل .
 بهادر باطار * یاووز بلاسنی بولور .
 صوغوق ایله دو گوشنک قولانی یوق اولور * بک ایله جنکله شنک باشی یوق اولور .
 عقللی آلتی کونده یاپار * قورنازبتس کونده یاپار .
 یاواش باشی قلیچ کسمز .
 دوشون عقل ایله ایش اولماز * بویوران الله ایله (ایش) اولور .
 یاووز کوپک سمیرسه * یانه آدم صوقلاشماز ، یامن کیشی زنکین اولسه *
 یانه آدم صوقلاشماز .
 خاتون کیشینک ایچنده (کوکلنده) * زرهللی ، ایشیقلی آر یاشار ، آر کیشینک
 ایچنده (کوکلنده) * اکرلی ، آتشی آت یاشار .
 اسکی کورکک یاقاسی * کچمشدن فامش خاطره * یکی کورکک یاقاسی ، سعادتدن قالمه یادگار .
 خلکک آراجیسی * کورکک قوپچه می .
 یالکیز آتلی یاریشچی * یالین کورکلو کوره شیچی .
 بیچاق طوتار کن قاوغایه چیممه ، بوقاغی طوتار کن یوقوشه چیممه .
 دو گوشن یورولور * ایدیشن بونالیر .
 اویمانغی باشقه اولانله آو اولاما * آناسی باشقه اولانله معامله ایله مه .
 صوی کورمه نیجه چیزمه کی چکمه .
 دمیر طونلو اولوب کیدر * دری طونلو قالب یاشار .
 آش یه نیجه آشوقلاما * آت یه نیجه دوراقلاما .

« CEZAİR » TÜRK HALK ŞAİRLERİNİN ŞİİRLERİ

پارس السنه شرقیه مکتبی تورکجه مدرسی موسیو « ژان دونی » 1925 ده « جزایر تورک یکچیریلرینک تورکولری » عنوانلی اثرنده 18 نجی عصرک صوکلرینه عائد وثیقهلر نشر ایتدی. بوتدقیق « تورکیات مجموعه سی » بک ایکنجی جلدنده کوپرلی زاده فؤاد بک طرفندن تحلیل ایدیلمشدر .

ینه محمد فؤاد بکک خلق شاعرلرینه دائر نشر ایتدیکی متفرق نوطلردن برنده [1] غرب اوجاقلرینه منسوب « بنلی علی » نامنده برجزایر تورک شاعرینک اولکیلردن داها مقدم اولدیننی او کره نیورز . « بنلی علی » بک 1075 ده فرانسه لرک جزایره بحرأ واقع اولان بر هجومی تصویر ایدن بر منظومه سی بولندیغندن فؤاد بکک نظرأ بو ذاتک تخمینأ (1050 - 1100) آراسنده موجود اولدیغی آکلاشیلیور .

فؤاد بک « مغربی اوغلی » ، « قارا حمزه » کبی بر قاج ساز شاعرینک اسملرینی ده ذکر ایدیورسده بونلرک یاشادقلری زمان حقنده بر قید یوقدر .

فؤاد بکک سویله دیکی کبی « جزایر اوجاقلرنده » سائر سرحدلرده اولدیغی کبی ، تورک ساز شاعرلرینک بویوک بر فعالیت کوستردیکری « بو وثیقهلرک تدقیقندن آکلاشیلیور . بونلرک بر دیگر اهمیتی ده موسیو « ژان دونی » نک دیدیکی کبی « جزایر یکچیریلرینک آنا وطنلرینک عادتلرینی نصل محافظه ایتدکلیرینی » بزه کوسترمه سیدر .

عصر لرجه آق دکنزک اوزاق صولرنده دالغالانان تورک بایراغنک کملک سنده آنا وطنک خاطر هسیله یاشایان تورکلردن قالان بو وثیقهلرله اوغراشماق باشلی باشنه مهم بر موضوع تشکیل ایدر فکر نده یز . صرف ادبیات تاریخی نقطه نظر دن بو وثیقهلر لسان وادیاتمزک انکشافی تاریخنه نه کبی بر آیدینلق کتیره جکنی تخمین ایده مه یز. بونکله برابر چوغنک دکنز قهرمانلقلرینی آکلاتان موضوعلر اولدیغی ایچین مستقل بر صحیفه تشکیل ایده جکلری شبهه سزدر .

ینه شبهه سزدر که ، بو خصوصه دائر الده موجود وثیقهلر پک آزدر . فقط آزلقلری اهمیتلرینی ، قیمتلرینی آزالتان بر شی دکلدر . دیگر طرف دن فؤاد بکک سویله دیکی کبی « جزایره عائد خاطرهلر ، آنادولو و روم ایلی تورکلری آراسنده عصر لرجه یاشامش ،

بالخاصه جزائر اوجاغنه دائماً يکیتلر ویرمش اولان «ازمیر» ساحلارنده جزایر عائد تور کولر صوک زمانلره قادار اونوتولماشدر. «پروفسور کیزه» نك 1907 ده نشر ایتدیکی آنادولو تور کولری آراسنده ایکی دانه ده جزایر تور کوسی واردر. «بوندن باشقه داها پک چوق شیلرک زمانله آله کچه جکی امید ایدیله بیلیر.

بو مخطرله مزده پارس ملی کتبخاسنده آلمیزه کچن جزایر تورک شاعرلرینه عائد موجود دیگر بوتون وثیقه لرден اسکی برطاقم اثرلردن بحث ایده جکیز.

*

پارس ملی کتبخانه سی یازمه لر قسمنده (Fond turc 126) نومروده مقید بر مجموعه ده نهایتده 43 نجی یاپراقدن اعتباراً 14 پارچه منظومه واردر. مجموعه نك باش طرفی اکثریسی آدالره متعلق فرمانلردن عبارتدر.

بو منظومه لرден ایلك دردینک ایچنده شاعرینک اسمی ذکر ایدیلله مشدر. بشنجیسی قاراجا اوغلانک بر قوشماسی در. دیگر دوقوز دانه ایچندن دردی «چیرپانلی» نك، بری «ارمودلی» نك، ایکسی «قول چولخه» نك و ایکسی ده «کدامصلی» نك در. بر داها عودت اتمه مک اوزره باشدن اسمسز دوت قوشمه ایله قاراجا اوغلانک قوشمه سنی درج ایدیورز. بونلرده بارز اولارق کورونن شی، لسانده کی حرارت وطائیلقدر. خلق شعرینک فیضلی بردوری اولان اونجی هجرت عصرینک واون برنجینک وصف ممیزلرندن بری بو اولسه کر کدر.

I

الر بکا دوشمان اولدی [1]	به یارنلر به قارداشلر
قولار بکا دوشمان اولدی	کیجه کوندوز یاختندوغم
پروانه اولوب دوندوم	سنگ اوستکه سودوم
دیللر بکا دوشمان اولدی	اغزومه آلوب اومدوم
ار زمان آتمشم انجه	بلی انجه بوی اوزون
کلر بکا دوشمان اولدی	سجردن دردوم غنجه
مست ایدوب سردن کچدوم	یاريله ییوب ایچدوم
بللر بکا دوشمان اولدی	شول دونه دونه قوجدوم
یاقدی یوره جکم فراق	سحرالرده دوتم طوراق
یوللر بکا دوشمان اولدی	یاریمدن دوشمشم ایراق

[1] املا لر عیناً محافظه اولومشدر.

II

کمه دن بلزم بوجالری	هر نه اولدیه یاریمدن اولدی
کوزومه خیالدر یارک ایملری	بوجبت بکا یاریمدن اولدی
لاله نك داغ ایچره بغری دولو قان	کولاشنده فریاد ایدر نجه مرغان
بلبله دیدوم ندر بو افغان	اغلیوب دیدی کولمدن اولدی
باد صبا یاره اوغررسه یولاک	پاینه یوزک سوراول یوزی کولاک
ایلد پریشان حال اولدوغی دیلم	بیم اول صاچی سنبلمدن اولدی
بوعشق باشه یازی ایمش ازلدن	چکرم محنتی نه کلور الدن
هرکسک شکواسی بر کوزلدن	بکاده برقانی ظالمدن اولدی

III

شول نیم قرا کوزلومه	وارمغه بر درمان اولسه
اق کوکسنى سیاه بغرومه	صارمغه بر درمان اولسه
صحرا لرده طوتمش طوراق	یاقدی جائی فراق
دوشمش یاریمدن ایراق	وارمغه بر درمان اولسه
ندین یار بندن قچار	قورقارمکه یادر قوچار
حیالی کوزمدن اوچار	کورمکه بر درمان اولسه
هیچ اولم کلز اپینه	اولورسم قانسیم بوینه
عریانله یارک قوینه	کیرمکه بر درمان اولسه

IV

تکری غربته صالمسون	حسرت جکرین دلسون
قولار باشنه کلسون	ایرلق کبی درد اولمز
کم دیر قاشک کمان دکل	ذل کن اخر زمان دکل
بره والله یالان دکل	ایرلق کبی درد اولمز
بکا انخاین وارسون	اشته یورده کی دلسون
نلر چکدوکی کورسون	ایرلق کبی درد اولمز

V

شول درگاهدن دونسون یوزم	اولنجه سومنسه م سنی
قان اغلسون ایکی کوزم	اولنجه سومنسه م سنی
صرا دعه ایرمیه م	حق دیدارین کورمیه م
خنجه کولاک ویرمیه م	اولنجه سومنسه م سنی
اولسون هی افندم اولسون	هرکشی اتدکن بولسون
کوزلرم قانی یاش دوکسون	اولنجه سومنسه م سنی
سرم عالمه فاش اولسون	بغرمده بنن طاش اولسون
کوزلرم قانی یاش اولسون	اولنجه سومنسه م سنی
قاراجا اوغلان اولور مرده	سن دوشردک بنی درده
محتاج اولین نامرده	اولنجه سومنسه م سنی

اصل بوندن صو کرا کی دوقوز دانه سی نقل ایتمکده اولدیغمز اک مهم قسمدر .
 بونلری عیناً مجموعه ده کی صیرا اوزره واملالرینی محافظه ایدرک نقل ایدیورز . بونلردن
 بالخاصه یدی دانه سی موضوعلری جزایر و تاریخده معروف دکنز حربلری اولق اعتباریه
 قیمتداردر . بونلردن اوچ دانه سی مشهور قورصان « مراد رئیس » ک قهرمانلقلرینی
 و کرامتی آکلاتیور. [VI ، V ، III] مراد رئیس کاتب چلبی نک افاده سنه کوره [1]
 1018 ده سکسان یاشنی متجاوز اولارق وفات ایتدیکنه نظراً تقریبی بر حسابله (938 -
 1018) سنه لرده یاشامش اولیور . مراد رئیس مدح ایدن بو یازیلرک صاحب لری نک ده
 اشاعی یوقاری عینی زمانه عائد اولملری ایجاب ایدر .

بونلرک ایچنده « چیرپانلی » نک بردستانی وارددر که (II) نقل و تصویر ایتدیکی وقوعاته
 نظراً 918 ده تونس ، فاس و حوالیسنه واقع اولان هجوملری آکلاتیور . مع مافیه
 « کدا مصلی » بوندن داها صریح اولارق بر وقعه تاریخیه یی نقل ایدیور (IX ، VIII)
 بو وقعه « تحفة الکبار فی اسفار البحار - ص 101 » ده شویله یازیلی در :

« بیک اون سکزده قبودان خلیل پاشا دوناما ایله آق دکنزه چقوب سلورییه
 واردقده جزایر قابودانلرندن جنویز جعفر قالیه سی کلوب اسپانیا قرالی اقرباسمندن
 چیچلیه حاکمی کندی اوغلنی قراله کوندرمک ایچین بشیوز قدر کافری انواع هدایا ایله
 بر قالیونه قویوب کیدرکن جزایر کمیلری راست کلوب حرب عظیمدن صو کرا قالیونی
 آملشر مالی آرالرنده اولشوب اوغلانی طرف سلطنته پیشکش کوندرمشدر ... »

بوندن آکلیورز که اثرلرینی نقل ایتمکده اولدیغمز درت جزایر تورک شاعری تاریخاً
 معلوم اولانلرک اک اسکیلریدر . اونجی عصرک نهایتنه عائد اولدقلری شبهه کوتورمز .
 بو اعتبارله عرض ایتدیگمز اثرلرک قیمتی بر قات داها آرتقمده در .

VI

جزایره حقدن نظر اولمشدر
 هر بریمز بر اقلیمدن کلوریز [2]
 بزده انک یولنده قربان اولورز
 بزى محمد قالمشدر

[1] تحفة الکبار فی اسفار البحار (مطبعة بحریه - 1329) ص 102

[2] مخطره مزه « جزایر تورک خلق شاعرلری » نامی ویریرکن اثرلرینی نقل ایتدیگمز
 شخصیتلرک جزایرلی اولدقلرینی قبول ایتش اولیورز . جزایر ده کیلرده دیگر ممالک مفتوحه ده کی
 قلعه لر کی محافظه سی خصوصنده برک دیریش عسکرلردن عبارتدر . نته کیم یوقاریده کی قوشمه نک
 - هر بریمز برر اقلیمدن کلوریز - مصراعی ده بونی آکلاتمده در . بالذات منظومه مک قائل اولان
 « چیرپانلی » نک مخلصندن ده مملکتک فله جوارنده کائن بر قضا اولدیغنی اوکره نیورز . بناء علیه
 « جزایر تورک خلق شاعرلری » عنوانیه ساده جه جزایر ده بولنان و جزایره هائر یازیلی اولان
 تورک خلق شاعرلرینی قصد ایدیورز .

خسته اولوب اولن یکن بریمز
 باشه باشه دوشماندن دونمز
 صواشرکن شهید دوشر کمیمز
 جزایرده قوچ ییکیدلر سجزر
 فورصا کمیلریله کجزر
 چیرپانلی ایدر بلزلریمز
 قنده وارصق اول اوستدر پریمز
 کوك کردردوکی جنك... اولورز
 دین یوانده قریلر قومز
 اول قرمنی قان ایچنده اولوروز
 دوشمانی آمان ویرض بجزر
 اصپانیدن شکاریمز الوروز
 سلطان حاجی بکداش ولی پیریمز
 بکار نظرده عزت بولورز

VII

بوجزایر عسکريله کسه باشه چقاماز

»

»

»

»

»

»

»

»

»

»

»

»

»

»

»

»

تا اولدن قلیج صاله کلدی بونلر دوشمانه
 هرکم دوشن اولورسه کندی کلور پهمانه
 کورمنسین قبایلی هپ کافره طاتیدلر قجوب
 کیدریکن پاپاز شاهین کبی قیدیلر
 جنك ايله تمقوطلی آلوب برمحکم برج یاپدیدلر
 چامامش هربرندن یولارنی کسمشلر
 یقوب بونجه بورجلری باصمشلر
 کورمنسین بحیمیه ناصل طویلر باصمشلر
 یتمش سکسان بیک اتلوسین
 بلوک بلوک بولمشلر
 واروب فسی ایکی کز الوب کنه کاشلر
 برکمدن فایده یوقدر حقدن غیری کوردیلر
 طاپانوشن طفلر کبی یرلرندن طوردیلر
 فسدده سکسان بیک کافری درت یوز ییکد قردیلر
 نجه کره دشمان کلدی قوب مامشدر برطاشی
 پاره اندی کمیلر هلاک اولدی هپ یاغی
 اغر طونانلر کلوب کلدی اصپانیا بکی
 باشلرنی اتکنه صاررلرده کیدرلر
 طوزلو صودر اجدیکاری صانکی زهر یوطرلر
 که کوزدی ورکلی واروب خلاص ایدرلر
 طربلوسه دوشمان دوشدی فتح اتدیلر واردیلر
 خلق الوادی بله الوب نجه کافر قردیلر
 تنوسی دوشمان الندن الوب قج کره الوب ویردیلر
 بونجه محلهلر واردی اصلا بلی دیمدی
 طربلوس عسکرین قردی یارسین قومدی
 بشیوز یلدر تجرنک طاسین قیمسه صیادی
 چیرپانلی ایدر کرجک جمله اول خدانک قولیدر
 هربرسی جنك یوزنده حضرت علیدر
 معدتلو پادشاهی قنادی قولیدر

VIII

غازی مراد رئیس صورانلر
هرقنده هودسك كاور يتشور
كیلری وار یتر اوزاغه تزیه
پادشاه اوغرنه چقار غزایه
بلن غازی مراد رئیس دربق
دکزده قردهده یاردیمی حق
باش باشه جاتارز کاور دم اولور
غزیلر یوزینی کورر شر اولور
چیرپانلی ایدر هله سلطانم کوره
هرچن اسکله اورصاق بریره

واردر بهادیری یارار دایسی
[1]
دایم بش وقتین قیلور خدایه
ارصلاقی تنکریک حضرت علیسی
رسول الله سنجاغنی چکر اق
کرچک مغرب اولرینک ولیسی
صواشنده دریانک یوزی قان اولور
کادی دیرلر جزایرک اولوسی
بهادر ای اولدر یرنده طوره
اول کون اق دیکرک یالیمی

IX

بهاریدر غنچ عاشق یالنک
نلبیری فغان ایدوب چاغرشیر
عاشقلر یولنده نیاز یاقیلر
سویلدکجه ایتر ایتر اولور دوکولور
بن کورمدم ایلدن اشتدم هان
اول قوشدی دیوان طورر هرزمان
وارسم جالینه قلم برنظر
عاشقلر دردندن اغایوب کزر
چیرپانلی ایدر عاشق اغلتمق حقمی
الله دن قورقمی انصافی یوقی

تازه آچیلیمش سنده کولاری
ایرانلور سرویلری طالاری
آهیله واهیله بلی بوکولور
طوطاغنک اول سکرلی بالاری
کوزلدر قالمدی کوکلمده کمان
نظرندن بنو بغلو قولاری
عاشقک اهندن ایلسون هزر
اب روان اولمش جسمی سیلاری
بلزین یورکی دمردن بکمی
نجه براغلیوب یورر بویللاری

X

مراد رئیس کلبنک جکدردی
پادشاه اوغرنه نیت ایلدی
غازیلر جنک ایچون کوردی پراغی
هب کافر قیویردی کورکی
ییکدیکار هپ کورکه یاپشدی
محمدک شفاعتی یتشدی
مراد رئیس ایدر ظهر باطنده
کوک طمان ایچنده قلدوق توتونده
ارمودلی ایدر به سلطانم حقله
الرغه اتدردک توفنک ایله وقیاه

دین السلام سنجاغی دکتدکی وقتین
چقوب جزایردن کتدوکی وقتین
دویز محانه دک بوکه یورغی
یزیدلر کاوب قچدن چاتدوغی وقتین
قچدن طوب اوتینه اوددیدکی وقتین
کمی یاندی دیوب کردوکی وقتین
یارب حاجتم قبول ایله قتیکنده
کافر باش طبون اتدوغی وقتین
هان یزیدلرک فندی طوب ایله
بش باره قدرغا چاتدوغی وقتین

XI

دوقه اصپانیا خبر کوندرمش
 یاردم ویرسون بکاسوق استرم
 بودجاده قندولم بلادیلر
 دوکه دوکه ایکی کم الدیلر
 بزسحرین قارقنه بصدیلر
 سنجوانم ایاغندن اصدیلر
 نه کمسدن قورقردم نه یاشردم
 ایسرلرم عره بیه قوشاردم
 قول چولخه ایدر حضرایلر کوره یوز
 طاطامشدر بزه مراد رئیس

بن بنم شمدیکی حالی دیمش
 مراد رئیس المی دیمش
 جامدم بر طار یرده بولدیلر
 قردیلر قنادمی قولوی دیمش
 پوتونی قیردیلر حاجلری کسدیلر
 بوکدیلر قدی بلی دیمش
 انصاف سزلاک ایدوب حدن اشردم
 بولدم بزده اندوکم ظلوی دیمش
 امیزدر چوق مراده ایره یوز
 قورقارم اشلتمز یولوی دیمش

XII

اوش غافل چقدوک کتدوک المدن
 عندلیم ایری دوشدم کولمدن
 دخی بویله اولامشدر صنوم
 انک ایچون بلم بکوب ارارم
 مولابردور یوقدر قلبمده حیلیم
 الله ویره شاله جنت بولم
 مرادوم قلدی ایرمدم قصدیه
 یوقوش کلسه چقامازم اوستونه
 فرق ایده من اولدم کونقی ایی
 کله کور نه حالده قول چولخه

اه یکتلاک یاوی [1] قلدوم بن سنی
 واه یکتلاک یاوی قلدوم بن سنی
 بر کورمش یوق بولدوغمه صوراروم
 اه یکتلاک یاوی قلدوم بن سنی
 بنیم محمددر دیمزوم یلان
 اه یکتلاک یاوی قلدوم بن سنی
 بو حالده شکر اولسون دوستومه
 اه یکتلاک یاوی قلدوم بن سنی
 بزه قسمت اولدی پیرلاک پایی
 واه یکتلاک یاوی قلدوم بن سنی

XIII

اصبانیه جزایره خبر کوندرمش
 اکر ویرمنلرسه قیامتهدک
 قائلم بش ییله اتسلر وعده
 پشکش ویرمنلرسه سلطان احمد
 بیک یا صرایله یوز بیک آلتون ویرهیم
 بوقره باشمه درمان آرایم
 بوغاز حصاره ایرنجه مله سن
 کدامصلی ایدر کورک حاجتی
 نیلرم شمدن کرو تختی

قومازم اوغلوی الورم دیمش
 بن بودردیله اولورم دیمش
 جمله املاکمی ویریرم یاده
 مسلمان ایدرلر بلورم دیمش
 تک همان برکز یوزی کورهیم
 اولنجه جالشیر بولورم دیمش
 یرار بکلرمی صلارم دیمش
 انداجدی انجیله دوتدی یوزونی
 واروب برکلیساده فالورم دیمش

XIV

کور امدی نه دیش جزاير لیده
 بز آنی کوندردک سلطان احمد
 یورتوزاق دکرده کمیکی
 جویر اسلامه شول کافر دینکی
 یینه بوکدوک اسپانیانک بلنی
 خوش اکیلنه ردک مصر یولنی
 کدامصلی ایدر کوردم خوشکی
 کامسانک تاشلرینه صور باشکی
 ویرمنزاوغلوکی بلش اول سنک
 قره خبرلرین المش اول سنک
 حق قیوب پوته طیتوک یوزوکی
 کل یزید مسلمان اولمش اول سنک
 اون درت بکزاده ایله الدق مالنی
 هله اتدکارین بولمش اول سنک
 کیجه کوندوز اغله سالما یاشکی
 یوری واربرزمان جلمش اول سنک

یوقاری ده نقل ایتدیگمز یازیلرک صاحبزندن هانکیسنک داها اول اولدیغنی، ترجمه
 حاللرینی تنویره خدمت ایدن خصوصی هیچ بر اشرت بولمادیغندن تعیین ایده میز. آنجق
 کدامصلی نک یوقاریده قیدایله دیکمز تاریخی وقعه دن داها مقدم اولدیغنی، بلکه مراد رئیسدن
 اولکی وقوعاه دائر بولندیغنی، بناءً علیه ایچلرندن اک اسکیسنک او اوله بیله جکی احتمالی
 موجوددر.

AHMET KUDSÎ



KARACA OĞLANA DAİR



«خلق شاعرلری» سهریسنک ایکنجی کتانی تشکیل ایدن «قرهجه اوغلان» آدی
 اثرمنک مقدمه سنده بو قیمتلی خلق شاعرینک یاشادیغنی دوری قطعی بر صورتده تعیین
 ایده میه جگمزی سویله مش و «قرهجه اوغلان» ک «قانونی» دورنده یقیشن «قره اوغلان»
 اولماسی احتمالی ایلری سورمشدم.

محترم فاضل «کوپرولی زاده محمد فوادی» اول «حیات مجموعه سی» نده (ص 41)
 و بالاخره بعض علاوه لرله «تورکیات مجموعه سی» نده (ص 2، ص 502) بو نقطه
 نظریمزی حقی اوله رق تنقید ایتدیله. محترم مدرس، بونکله برابر، وقتیه کندیلرینک ده
 بویه برفکره ذاهب اولدقلرینی سویله مکده درلر. صوک آلد ایتدکلری وثیقه لر، «قرهجه
 اوغلان» ک عثمانی اردوسنه منسوب اولدیغنی وهجری اون برنجی عصرک ایکنجی نصفنده
 یاشادیغنی اثبات ایتدکده در.

اخیراً قیصری مدعی عمومی معاونی احمدبک، بکا کوندردکلری بر مکتوبده «قیصریده

راشد افندی کتبخانه سی « نده کی دیواندن استنساخ ایدرک « کانی » نك بر منظومه سی
یازمشلردر؛ مذکور منظومه یی عیناً نقل ایدیورم :

ای چاوش بی نور	مقصد حرکتدن هله سور مال دگلی
اوچه کده کبی چامور	سورمکله نعلجه وش دال دگلی
ای قارجه اوغلان	هر قهوه ده بوزخانه ده شاعر کچینورسک
چون زاده غورغور	یوزک آق ایدن ترکی قونغال دگلی
بیوده می صاندک	یوق یره هپ غیرتی دییه سن آنک (؟)
کسر ایله طنبور	قورموطی کذابده رمال دگلی

بو منظومه ده اسمی کچن « قره جه اوغلان »، مطلقاً آرادیغمز « قره جه اوغلان » میدر،
دکلمی در، بزجه مجهولدر؛ فقط، هر حالده، کوپرولی زاده محمد فواد بک نقطه نظر -
لرینی تأیید ایتدیکی کبی (615, 616, 644) نومرولو « طرسوس » غزته سنده علی رضا
بک طرفندن نشر ایدیلن مقاله لرده کی نقطه نظری ده تأیید اتمکده اولدیغندن « 1206 » ده
تولن « کانی » نك بزم آرادیغمز « قره جه اوغلان » ی مخاطب اتخا ایتدیکی تخمین اولونابیلیر.
علی رضا بک یازدیغی مختلف مقاله لرده، منقبه ایله تاریخی بربرینه قاریشدرمشدر.
کندیلرینک تاریخی بر شخصیت اولان « قره جه اوغلان » ی « کوجله لی » لی اوله رق قبول
ایتمه سی ووفاتی « 1090 » اولارق ثبیت ایتمه سی تاریخی بروثیقه یه مستند دکیلدر. علی رضا بک
بعض اختیارلرک روایتلرینی عیناً قبول اتمکده در؛ حالبوکه، « کلیس » غزته سنک (21) کانون
ثانی (928) تاریخی نسخه سنده نشر ایتدیکی بر مقاله ده محمود راغب بک ده شهه سز خلاق
روایتلرینه عطفاً « قره جه اوغلان » ک « کوجله لی » لی اولدیغی و هجری دو قوزنجی عصرده
یاشادیغی سویله مکده در. « ارکلی » قائم مقامی فواد بک ایسه « قره جه اوغلان » ک « قوزان » ده
دوغدیغی و بر مدت « قوزانلی احمد پاشا » نك ندیملکسند بولوندیغی قوزانلیلردن نقلاً
سویله مشدی. [قره جه اوغلانک لغتجه سنه باقکر] بو قبیل روایتلردن باشقا « قره جه
اوغلان » ه عائد آنادرلوده افسانوی بر طاق منقبه لرده شایعدر، حتی « جبل برکت »
و جوارنده کی خلق، اونی، عباسیلر دورینه بیله ارجاع ایدرک حقنده تورلو تورلو
گرامتیر نقل اتمکده درلر. بوتون بو مختلف روایتلر کوستریور که « قره جه اوغلان »
نامنی طاشیان بر چوق خلق شاعرلری موجوددر. تاریخی شخصیت اولان « قره جه
اوغلان » ایسه آنادرلونک مختلف شهرلرنجه بنمسه نمشدر؛ بناءً علیه، المزده موجود اولان
شعرلرک بر آدامک اولماسی، مشهور ویا غیر مشهور متعدد « قره جه اوغلان » مخلصلی
شاعرلره هاند اولماسی احتمال داخلنده در.

EMRAHIN KİTABESİ VE YAŞAYAN HALK ŞAİRLERİNDEN

امراھك كتابه سی — ضیاء الدین فخری بك آرقداشمز ، « ارضروم شاعرلری ، اسملی کتابنده ارضروملی شاعر امراھك مرقدینی شهبهلی اوله رق قید ایدیور . [ص : 73] بودفمه اعضادن سیواس لیه سی ادبیات معلمی افلاطون جم بكك برمکتوبنی آلدق . مومی الیه مکتوبنده شاعر ك ارشاد سیاحتی اثناسنده نیکسارده تولدیکنی ، مرقدینك اوراده اولدیغنی ، بر کتابه سی دخی بولندیغنی مژده لیه یور . کتابه یی اولدیغنی کی ، مکتوبدن استنساخ ایدیورز :

<p>راہ عشقده ایله مش جانن فدا هم محبت زمره اهل عبا نبع ایدوب دل تشنه ایلر اسقا روح اقدسدن اوقور داود ادا شرق ایله غربه اوقوردی العلا ایشته قبر حضرت امراه بابا</p>	<p>احسن الله شمه الوری فقر فخریدن کینمش خرقه یی لوحة قلبنده حکمت چشمه سی عالم غیب الغبونن نغمه سن شاعر روم ایدی کرچه اول ادیب کل طواف ایت «حفظی» روح کعبه یی</p>
--	--

افلاطون بكك ویردیکی تفصیلاته کوره کتابه یی علمادن توقادلی حفظی افندی یازمشدر . ذاتاً صوك بیتك ایلک مصراعنده کی قید بونی کوستردیکی کی کتابه نك لسانی ده یازانك علمی هویتنی اراؤه ایدیور . شاعر ك مرقدی نیکسارده قارشی باغ محله سی جوارنده تکیه بایرنده آجی پهلوان تره سی یاقیننده کی مزارلقده در . آرقداشمز ، بزه کتابه نك فطوغرافیسنی ده کوندره جکنی وعد ایتمکده در .

A . H

**

یاشایانه فله شاعرلرنده . — درنك اعضاسندن آردانوش ناحیه سی مدیری عزیز آرقداشمز شهاب الدین بك « عاشق عمر » ه عائد اوله رق کوستریلن بر دستان ایله ، ارشاد آدی بر ساز شاعرینك قوشمه سنی درنکه کوندرمشدر . دستان ، « عاشق عمر » ه دائر تدقیق وجوده کتیره ن درنکجیلردن سعدالدین نزهت بکه کوندرلدی . قوشمه ، خواص ادبیاتی ایله آرز ، چوق علاقہ سی اولدیغنی کورونن بر حیات بر خلق شاعرینکدر .

عالمی یاندرمش حسنك ضیاسی
او الوان یانماغه کول مناسبدر .
ماهك اون بئشه بکیزه ز جمالک
اوبللور یوقاغه خار مناسبدر .

سنی کوردن عاشق بویله جه ئو کر
تمام بر بوسه سی بیك آلتین ده کر
قرق ئوروک صاحبارک طوپوقلر دو کر
اوصیرما صاحبلره دال مناسبدر .

چوق چکدیردک بکا آه ایله زاری
نه کوزل یاراتمش جناب باری
بیك بش یوز آلتنه الماس کمری
زرنشان کمره بل مناسبدر .

نه آراسز بیلیم یولجی یولنده
والا کیتدی باشدن کیملر بلنده
حایف قالمشسک قدرسز النده
سکا ارشاد کبی قول مناسبدر .

آرقداشمز شاعرك آدینك « مصطفى ارشاد » اولدیغنی، آرتونيك وزیر کوپریسندره
یاشادیغنی، بو کون 70 یاشنده بولوندیغنی خبر ویریور . شهاب الدین بکه تشکر ایدرکن
دیگر درنکچی آرقداشلارك آنادولو کویلرنده یاشایان خلق شاعرلرندن بزی خبردار
ایلمه لرینی دیلرز . بو صورتله یاقین زمانده درنكك یاشایانه ماز شاعرلرینه بر « قورولتای
یایمیر » مخصوصنده بیلرکی تهرره زمین ماضر لایمیر . اولاقدر . H B . D



ERZURUM ŞAIRLERİNE DAİR



کچن سنه نشرایتدیکم « ارضروم شاعرلری » ، شیمدییه قادار بر چوق تنقیدلره
اوغرادی . باشده دارالفنون ادبیات فاکولته سنك رسمی راپوری اولدیغنی حالدده ابراهیم
نجمی ، محمد خالد ، سعدالدین نزهت بکلرک تنقیدی یازیلری وار .

[حیات ، صای 68 - ملیت ، صای 763 - خلق بیلکیسی مجموعه سی ، جلد : 1]
 کرک راپوره ، کرک بوتنقیدلره قارشى - خلق بیلکیسی مجموعه سنده کی مستثنا - مقابل
 فکرلرمزى جواب اوله رق سرد ایتدک . [دیگر ایکی تنقید ایچون باقکیز: حیات ،
 صای 76] آنادولونک مختلف یرلرنده چیقان غزته لرده ده بعضی انتقادلرک یاسیلدیغنی
 خبر آلدق . فقط بونلری کوره مدک . بوراده بونلردن باشقه اولارق اترک محتویاتنه
 وماهیته داتر آلدیغمز برچوق مکتوبه اشارت ایتک ایسته یورز :
 مکتوبلردن بر قسمی کتایمزه اومحیطک بعضی شاعر شخصیتلرینک کیرمدیکندن دولای
 بزى مؤاخذه ایدیور. قیمتلى آرقداشم معلم عبدالرحیم شریف بک «شادی» آدلى ارضروملى
 بر شاعرک اون دو قوزنجى عصرک ایلک نصفنده یاشادیغنی، ارضرومده بر مرقدی بولندیغنی
 بیلدیر مکده در. بز اترمزک مالزمه سنی تأمین ایدرکن بویله بر اسم ایشتمدک. اکر بوشادی،
 قارص اشرافندن شاعر سلیمان شادی ایسه ، طبیعتی ایله اترمزه کیره مز . بوذاتدن محترم
 مدرس فؤاد بک ، وقتيله اقدام غزته سنده بحث ایتمش ، کندیسینک بر شعر مجموعه سنی
 اله کچیردیکنی و 1280 ده تولدیکنی قید ایلش ایدی . ارضروم شاعرلرندن اولدیغنی
 سویله نن «شادی بک» بو «شادی» اولدیغنه قوتله احتمال ویریورم. عمر فاروق بک اسمنده
 بر مخابر مز ارضروم شاعرلرندن بحث ایتدیگمز حالدده حاجی عثمان و علی رضا اسملى ایکی ارضروملى
 شاعر دن خبردار اولمادیغمزى تنقیداً ایلری سوریور . مخابرك ویردیکی معلوماته کوره ،
 برى 1301 ، دیکری 1329 سنه لرنده تولن بوايکی ذاتدن ، فى الحقیقه خبردار دکلدک .
 شو قادار که موجود شعر لرینه باقیلیرسه شاعر اولمقدن زیاده متشاعر اولان حاجی عثمان
 و علی رضا افندیلر اوزرنده توقفه چوقده لزوم یوقدر . محمد کامل امضالى بر مکتوب
 صاحبی ده «صدقی ارضرومی» دییه اشتهار ایتمش بر قلاسیک شاعر دن نصلسه غفلت ایتدیگمزى
 یازیور . بز ، ارضروم محیطنده بویله بر اسم دویمادق. یالکیز ذهنینک «صدقی ارضرومی» یه
 یازدیغنی نظیره یی کوردیگمز زمان بو آدده بر شاعرک موجود اولدیغنی آکلامش ، فقط
 حیاته داتر معلومات ، اترلرندن ولو بر شعر آلدده ایدمه دیگمز ایچون سکوت ایتمش
 ایدک . دیگر بر ایکی مکتوب ارضرومک خلق شاعرلری حقنده سطحی داوران دیغمز .
 مطالعه سنی سرد ایدیور . مثلاً «ثمانی» کبی آد براقش بر خلق شاعرینه نیچین بر بحث
 حصراً ایتدیگمزى سوریور. بو مخابرلرک اترک اون اوچنجی صحیفه سنده کی حاشیه یی کورمدکلرینی
 ظن ایدیورم . بز او حاشیه ده بو شاعرک اسمنی واهیمتنی قید ایتدکن صوکر حقه ده کافی
 معلومات آلدده ایدیه دیکی ایچون اونى آیریجه صاف بر خلق شعرى اولارق

«ارضروم خلقياتی» نه عائد اثر مزده يازم جنمزی سويلشديك اثري ني هنوز اكالم ايتمه مش شخصيتلرك ادبيات تاريخلرينه كيرمسنه علمدار اولان ايكي قارءده «مشتاق صدق» ايله «كالم الدين كامى» يي نچين موضوع بحث ايتديكمزى استيضاح ايتكمده در . استناد كاهى اعتباريله حقلى اولان بو قارء ، بزم مى جدال تاريخنده مصراعلريله تاثير يامش اولان بوايكي كنججه سادجه براكى سطر حصرايتمكلكمزى لزوملى بولماليدر . نهايت «امراء» ك مزارى حقنده ايلرى سوردىكمز تخمىنى قبول ايتمه يهرك شاعرك نيكسارده اولديكى وبر كتابه سى بولنديغنى بيلديره ن افلاطون جم و استانبولده «عثمان كالم الدين» اسمنده ياشايان ارضروملى بر خلق شاعرىنك موجوديتندن بزي خبردارايدن سعدالدين زهت بك آرقداشلىرمك قيمتلى تنويرلرى و محترم ابراهيم نجمى بكك ، يونس امره نك - ولومرقدى ارضرومده اولسه بيله - ارضرومده مال ايدلمسنىك علماً او قدار اساسلى برشى اوله ميه جنى حقنده كى اشارتلىرىنى قيد ايدم .

مكتوبلردن بر قسمى ده اثر ك يارلديغى اصوله اعتراض ايدمرك مقدمه ايله نتيجه ده كى مطالعه لرك سطحى حكملردن عبارت اولديغنى سويله يورلر . ادبيات فاكولته سنك رسمى راپورى ده «ارضروم شاعرلىرى» نى بواقىمندن تنقيد ايتمش ايدى . بزاويله ظن ايدىورز كه ادبيات تاريخى قورى بر تخرك ، مجرد بر تدقيقك واسطه سى اولمقدن اوزاقدردر . قبوللرى و تأييدلرى مؤخر تدقيقلره براقيلان حكملرمز ، اجتماعى اصولك ادبيات تاريخنه تطبيقتن متولد دوشونجه لردر . تركيب علمدارلغى ياممقدن زياده ، تركيب شكللرىنى تنقيد ايتمك علمى و فلسفى فعاليتك حرارتلنمى اعتباريله ، ده افايدالى اولاجقدردر .

«ارضروم شاعرلىرى» حقنده موضوع بحث ايتديكمز بو تنقيدلر بزمجه بويوك بر قيمتى حائزدر . بو صورته يورودىكمز يولده يارديمه محتاج اولديغمزى آكلايورز . تك آدم ، ملكتك ادبى وارلغى ، ولو بر كوشه سنده اولسون ، يوقلامغه كافى دكلدر . بونلردن بشقه آدلرى تثبيت ايدلمكه ده كر ده ا بر چوق ذواتك بولنه جقلرى شبهه سزدر ، آراشديرمق لازمدر . نته كيم فطين تذكره سى ادهم پرتو پاشانك پدرى تيمور فى ايله قرده شى على كالكاده شاعرلكلرندن بحث ايدىور . مزاحى ، دينى قصيده ليله ياقين زمانلره قدار ياشامش «كيتجى زاده» دن و «رشيد افندى» دن خبرمى يوق دكلدر . بوتون بو تنقيدلرله بزم علمى چالشمه نك معشرى بر تشككه قاووشمق ايله موفقيت تأمين ايدم جكنه برده ا قانع اوليورز .

تربوی مقاله لر

HALK BİLGİSİ VE İÇTİMGİ TERBİYE

تورك منورلری ، هرملتن زیاده خلقی سهومك مجبوریتنددر . بو ، هرشیدن اول بر ناموس بورجی در . قانونی دورندن بری ، تورك منورلری و اداره جیلری ؛ مملکتی تخریب ایتك ایچون بوتون ذکا و شییطنلرینی قوللاندقلری حالده تورك خلقنك بیتمز توکنمز عزمی ، جسارتی و اییلکی تورك وطنی قورتارمشددر . تورك پادشاهلرینك ومنورلرینك خلق ایله صمیمی یشادقلری دورلر، تورك وطنك کیفیت اعتباریله الكبارلاق دورلرینی تشکیل ایدر. تاریخمزدده کی بویوكلکلری، ایشته بو، کیفیت کوزه لکنه وقوتنه بورجلی یز ، اوچ یوز سنه دن بری تورك منورلری، اداره جیلری و دیندارلری ؛ بر ملتك بقا و دوام مفهومیله تألیفی قابل اولیان نه قدر فئالقلر وارسه هپسینی ایشله مشلددر. تورك خلقی ایسه منحصرأ اخلاقنك تمیزلکندن وسجیه سنك متافت و قدرتندن قوت آلارق بوفئالقلری تعمیر ایتمش وجهه، جبهه دولاشه رق سیل کی تمیزقانلرینی آقیتمشددر. بونکله برابر منور طبقه ، صوك بویوكل انقلابه قدر تورك کویلیسینی و تورك خلقی سهومه مش وحتی سهومك لزومنی بیله حس ایتمه مشدی .

یکی انقلابده وضعیت تماماً ده کیشمش در . «مملکتک افندیسی ، کویلی در» شعاری ، بزه یبکی بریول آچمشدر . بویول، بزه فانیلکی ده کیل، ابدیلکی وسعادت کوستریبور. خلقچی اولق ، خلقی سهومك در . خلقی سهومك ، خلقی آکلامقله اولور . ماهیتی بیانمین شی ، آنجق غیر شعوری و نظری بر صورتده سهویله بیلیر . بناء علیه بزه ترتب ایدن وظیفه، خلقی، سوزله ده کیل، خلقه هر تورلو یاردیمده بولنه رق ، اونی یو کسلته رك سهو دیکمزی بالفعل کوسترمك در .

خلق یو کسلتمك ایچون باشلیجه واسطه لر؛ خلقک احتیاجلرینی کیده رمك، استحصال قدرتی چو فالتمق و اجتماعی تربیه سنی ایلاشدیرمك ، بالخاصه خلق و خلقک یاورولری یشاته جق تدبیرلر آلمق و نهایت خلقی، استعدادلری درجه سنده یو کسلکلره چیقارتمق در . مملکتیمزده هیچ بر استعداد ، باقیمسز قالمه ملی در . هر استعدادده ؛ اوك الك اوست قاتنه طیرمانه جق مردیوه نلر قورمیلی یز. فردلرک استعدادلرینه الك موافق فعالیت ساحه سی ویرن ملتلر ، ملتک قوتلرینی الك ابی بر طرزده ایشله نلردر . ایشته بویول ، حقیقی خلقچیلغه دوغرو کیده ن یولدر .

تربیه علمی بزه شونی او کره تیور : چوجوقلرک روحلرینه و طبیعتلرینه او یغون کلن تربیه اک ای تربیه در . انسانلر ، اک ای اولارق ، روحی تکامل و استعدادلرینه کوره یتشدیریله بیلر . خلق تربیه سنده ده بوقاعده بی تطبیق ایتماک ضروری در . خلقه تاثیر ایتماک ایچون ، خاتماک استعدادلرینی ، تمایللرینی بیلعلی در . خلق ، یالکیز چالیشان و چالشدیریلان بر کتله ده کیلدر . اونک ده کندینه کوره حظ و المری ، اونک ده ایلکه و حیاته عائد فلسفی تلقیلری وارد در . چوق دفعه خلقک حظ و المری ، بز شهرلیردن ده ایجه ودها چوق صمیمی در . مثلاً :

آتش اولدم کولم یوق	کوک یوزی ماوی قالدی
بلبل اولدم کلم یوق .	قوش اوچدی یاورو قالدی
بن یاردن دور اولالی	آناختار یار قوینونده
آه ایتهدک کولم یوق	کوکلم کلیدلی قالدی

شعری ، ساخته لکی اولیان نه کوزل و صمیمی برألمک ترجمانی در .

کویلو ، عمومیتله ، جعلی حرکتلردن و غیر صمیمی شعرلردن خوشلانماز . هر شیدک حتی شخصلرک ده صمیمیسی ، کویلو ده و خلقده مؤثر در . کویلو ، خاطر ایچون کندیسیمله اوغراشانی ، جاندن اوغراشاندن قولایلقله تفریق ایدر . کویلو به کندینی سه و دیرن بر شخصیت ، کویه و خلقه هر شیئی یاپدیره بیلیر . ای انسانلره قارشی قوزو کبی مطیع اولان خلق ، فنا آدملره قارشی صیراسنده نامغلوب بر قهرمان کسیلیر . «فرمان پادشاهک ، داغلر بزم در ، سوزینی صرف ایدن بر خلق ، هم جسور و هم ده فنا لقلره کور کورینه مغلوب اولیه جق درجه ده بسیجه لی در .

بویله بر خلق ایله هر شی یایمق ممکن در . نته کیم هر شی یاپیلدیغنی استقلال حربی بوتون وضوح و صراحتیه اثبات ایتشدیر . یترکه استقلال حربنده جانلانا و یشایان روح تمادی ایتدیرلمش بولونسون . استقلال مجادله سنده منور طبقه ایله خلق و کویلی طبقه سی تاریخی صمیمیتی نهایت بوله بیلیمشدی . منورلر ، کویلو به خطاب ایدر کن جاندن خطاب ایدیورلرینی . قلدن کلن سسلرک تاثیر ساحه سی دماغ ده کیل ، ینه قلب در . کویلو قادیلرینه او موزلرنده کولله طاشیرتان سائق ؛ ایشته بوتورک و طنداشلرینک تورک وطنی قورتارمق مفکوره سنه تک بر قلب ایله باغلی اولملری ایدی .

خلق بیلکسی درنکی ، کنیش پروغرامیله ، خلقی او کره نمک و بزه او کره تمک غایه سی استهداف ایدیور . خلق بیلکسی درنکنک طبیعی عضولری ، بالخاصه معلملر در . معلملر ، بولوندقلری

یرلرک و برابر یشادقلری خلقک خصوصیتلرینی تدقیق ایدرلرسه، درنکک چوق شموللی و کوچ اولان وظیفه‌سی، بش اون سنه ظرفنده ایجه قولایلاشیر.

اساساً یکی تورکیاده، اجتماعی انقلابمیزک اک طبیعی مرشدلری معلملر اولاجقدر. معلملر، یالکیز بولونقلری یرک چوجوقلرینی یقشدیرمک ده کیل، خلقک روحنی ده مناسب وسیله لرله ایشله مک وظیفه سیله مکلف درلر. خلق ایله یقندن تماس ایتک و خلق اوزرنده مؤثر اولوق اوزره ده اکنیش و بارز بر پروغرامله صحنه یه آتیلمسی ایجاب ایدن تشکیلاتلردن بری، تورک اوجاقلری در. مملکتک هر طرفنه یاپیلش بولونان تورک اوجاقلرینک اک مهم وظیفه لرندن برینی خلقجیلک ایشته بو عملی قسمی تشکیل ایتلی در.

صوکر ابلدیهرک و شهر امینلکلرینک، خلق تربیه‌سی نقطه نظرندن یابه‌جق پک چوق ایشلری واردر. ایشته، بر طرفدن دولت و دیگر طرفدن خصوصی تشکیلاتلر مختلف نقطه لرده چالیشه‌رق خلق اوزرنده مؤثر اولمغه و خلقی اویاندرمغه چالیشیرلرسه آنجق اوزمان اجتماعی انقلاب، تام معناسیله، کوکلرینی طوپراغه صالمش صاییلیر.

باش انقلابچیلر مز، یارینک آدماری در. بز، دونک انسانلری اولمقدن بر تورلو قورتولامیورز. حالبوکه انقلاب منور کتله دن - حقلی اولارق - یارینک آدماری اولغی طلب ایدبیور. بو کونکی پروغرامسز بوجالامه‌لر، و «سوزده خلقجیلک» لر ایشته هپ بو «دونک آدمی اولمقدن قورتولامه‌ق» بلاسی در.

D. R. HALİL FİKRET

⊙	HALK BİLGİSİ VE MİLLÎ BİRLİK	⊙
---	------------------------------	---

عصرک بشری مفکوره‌لری آراسنده ملی و انسانی اولانلرک بربرینه نه‌قادر صیقی بر صورتده باغلی اولدینی آشکاردر. برزمانلر ایچون خیال اولان انسانیت، بو کون مختلف تظاهرلریله کندیسنی کوسترن و آدیم آدیم یوروین بردوشونجه‌در. جامعه حیاتنک اک کنیش وقاریشیق شکلی اولان ملیت، عصر مزده، بودوشونجه‌یه کیدن یولک کچیلیمسی لازم برکچیدیر. بوکچیده‌درکه جمعیتلر، بیلکلرینی بولویورلر و ملیتک عدسه‌سی ایچندن انسانیتی ایجه کورمه‌ک آلیشیورلر. برقسم ملت بر ایکی عصردن بری بوکچید اوزرنده‌درلر. بوتون کوجلرینی، ملی وارلقلرینی یوغورمغه چالیشه‌مقده‌درلر. عادتاً

انسانیت دینن عضویت ایچنده کوجلی ، قوتلی ، صاعلام ، بیلگیلرینی سزوب دویمش برملی حجره اولمغی امل ایدینمشلردر . بو امل ، بر قسم ملتر ایچون آز وچوق حاصل اولمشدر دینه بیلیر . بر قسمملری بوغایه طوغرو کیدیورلر . کنج تور کیاده بونلرک ایچنده ، عصرلرک اهللریله دولو تاریخی قیادقن صو کرا ، مدنی عالم داخلنده کندیسنه مخصوص اک یوکسک و اسیل موقعی آله ایچون بوتون وارلغی ایله چالیشمقدهدر . ملی مفکوریه دوغرو اولان بو چالیشمه ایشنده « خلق بیلگیسی » اوکا نصل بر یاردیم یاپابیلیر ؟ بو صورغویه ، بویازیمزده جواب ویرمهک چالیشه جغز .

ایلکن موضوعمیزک مفهومملرینی بر برندن آیره رق برر آیدینلاتهلم :

I . — خلق بیلگیسی ؟ خلقک ماده و معناسی بوتون کنیشلک و ده رینلکی ایله بیلدیرن بر آراشدیرمه ساحه سیدر . بوماهیتی ایله اوکا بیلگیلرک قانوزی دیمک قابلدیر . عامی و ابتدائی اولان ، بو کونه قادار کندیلمرینی محافظه ایدن بوتون بیلگیلر اونک دائره سندهدر . او ، بزه ، عصرلرک کتیردیکی ابتدائی مدنیت انقاضی ، جانلی بر صورتده کوستریور . اونی بیلیمک ، تاریخی اولدینی قادار ، دها زیاده یاشایان و دوزه لیتلمه سی دیله نن حالی آکلاته جقدر .

II . — ملی برلک ؟ معین جغرافی حدود داخلنده ، معین تاریخی شأنیت ایچنده یاشایان بر ملتک ملی مسأله لره عائد دوشونجه و دو یغولرده کوستردیکی برلک ، باغلیقدر . اورته زمانک دینی باشقه ، دیلی باشقه ، حرثی باشقه جامعهلرندن قورولش ملز دولترلی برینه ، شممدیکی زمانک دیلی و حرثی بوتون ملی دولترینی کورو یورز . بوراده اساس ، ملی برلکدر . قومی ، عرقی تمللردن واز کچیکز ، بوتمللرک اوزرینه قورولان ، سودیریجی و قایناشدیریجی قدرتیله فردلر آراسنده کی قوم ، عرق ، دیل آقریلقلرینی ازاله ایدن ملی حرث ، بو برلکک توزیدر . ملیت بو توز ایله یاشایه جقدر . بر برندن آیره رق تعریف ایتدیگمز بو ایکی مفهوم ، بر برینه باغلاندینی زمان آرالرنده بر سبب ونتیجه مناسبتنک تحدت ایتدیکی کورولور . هله مملکتتمزی آله آله رق ، اونک قارشیسنده باغلامه بی یاپارسه کز ، ایکی مفهومک یکدیگریله اولان باغلیلغی دها لزوملی بر صورتده کندیسنی کوستریور . اوزاقلره کیتمهک لزوم قالمادن ، کوزلرمزی آنادولونک اوج طرفلرینه چویرمه دن اول تورکلرک اک قوتلی منطقه سی اوله رق بیلدیگمز (آنقره) نک شسو یاقیننده کی (حایمانا) بی دوشونکمز ، اورادن کلن بعض کویلیلر و عشیرت زمهره لری اوزرنده بر آن قفاکزی اشغال ایدیگمز . اوزرنده سوز سولمک ایستدیگمز

موضوعك اهمیتی ودرینلکی همان آکلاشیلیر. مملکتك اهمیت دردلرندن برینك، آنادولوده دیلی، دوشونجهسی و دویغوسی بر اولان بر ملی کتله کورمك اولدینی شبهه سزدیر. جمهوریتك سیاسی و اداری تشکیلاتی، بواشی لایق اولدینی درجدهه بنمسه مش، مهمسه مش ویولارینی آرامغه قویولمشر. شوقادار که او، بواشده یالکز قالملی، مملکتك عام و حرث تشکلری، منورلری کندیسنه یاردیمچی اولمالیدر.

هر هانکی بر مسأله نك دوشونولوشی، بر تأثیر یایمق، اونك صلاحی الله ایتك دوشونجه سندن متولد ایسه، بونك ایچون ایلکین شوکادقت ایتلی یز: تأثیر یایمق ایستدیکمز ساحه بی، علمك اصولی ایله کورمك، اونی کندی سزیش و دویوشلر مزدن اوزاق، اولدینی کبی کورمکه چالیشمق. خلق بیلگیسی، بو اصول ایله یورودجکه، مقصدینی تأمینه موفق اولاجقدر. خلق بیلگیجنك یاپه جنی بو نفوذلی مشاهده لری تثبیت ایچون، جغرافیادن وقارتوغرافیدن استفاده ایتك ممکندر. بیلکیچ، کزدیکی و کوردیکی منطقه لری آرامش، دارامش دینی یاشاییشی، لهجه لری، ماصاللری، داستانلری، اقتصادی چالیشمه عنعنه لری و شکللری، حقوقی و اخلاقی عادتلری کوی کوی یوقلامش، غرافیکلره، اشارتلر و شخصی رمز لره، کزدیکی ساحه نك مفصل خریطه سی اوزرنده تثبیت ایتش. اکر تدقیق علاقه سی، یالکزجه نظری و حسی قالمیه جق، بو علمی یوقلامه نك صوکنده ملی تربیه، خلق برلکی نامنه حرکت کچمك ایسته یه جك ایسه بواش، آرتق کوچ دکلدیر. زیرا طبقی، دشمن جهه سی خریطه سی واسطه سیله آدیم آدیم نقطه نقطه بیان بر ارکان حربیه وضعیتنده در. ألدیکی فولقور خریطه سینه باور باقماز، هانکی کویك، هانکی قبیله و عشیرتک دها چوق حرثی تمثیل محتاج اولدیغی، ألدیکی ملی تمثیل عنصرلرینك و واسطه لرینك هانکی نقطه لره و گوشه لره تکشیف ایدیه جکفی آکلار. ملی تربیه یه ضد عنعنه لرك و خرافه لرك، ملی دیله آیقیری شکله تظاهر ایتش ادبی و بدیی شکللرك زهرده بولندیغی کوردکن صو کرا ألدیکی تربیه قدرتی طارتار و اوکا کوره حرکت ایدر. مختلف وضعیتلره کوره مختلف روللر طاقنمق کرکدر. مثلا دیاربکر محیطی دارامش بر خلق بیلکیچی، طبیعی، از میر و حوالیسی آراشیران بر خلق بیلکیچی دکلدیر. اولکیسی دها باشقا منظره لر قارشوسنده در. بو منظره لرك رنگلری و چیز کیلری دکیشدیرمك احتیاجنده در. ایکنجیسی ساده جه، زمینی حاضر بولاجقدر. ه خلق بیلکیسی درنکی، دوشونجه مه کوره بویوک بر مملکت ایشی اولان ملی تمثیل مسأله سنده حکومت قوتی بر یاردیمچی اولابیلیر، حکومتك داخلیه و معارف شبکه لرینه اتنولوژیك

و فولكلورلىك خرىطىلەر و يره بىلىر، ياپىلاجىق تىمىل ايشارىنه عائد علمى اساسلىرى و يوللىرى كوسترەن راپورلر، مخرطىلەر تەقىم ايدى بىلىر. بو مقصد اىچىن درىك؛ بر حرث اركان حربىيەسى رولى اوينايەرق تور كىەك معنوى منظرەسىنى، مەين بر زمان اىچىندە و مەين بر غىرامىلرلە طارايەرق اجتماعى وضعىتى كوستىر خرىطىيى بر آن اول الدە ايتىك چالشمالىدر. بوچشىد بر چالشمە، طىيى قولاي برشى دىكلىدر. هرشىدن اول بر زمان مسئلەسى، بر تىكنىك و اختصاص مسئلەسى و نهايت پارا مسئلەسىدر. فقط بونلر كەپسنىك باشىندە، ايشك معنا و هيجاننىدەكى قدسىلىكى قاوارامق فلسفەسى كلىر. بو فلسفە ايله اداره ايدىلەجك درىك فعالىتلىرىنه جانلى بر نمونە اولمق اوزرە مثلاً آنقرە اوزرىندە بر چالشمە تشبىتى چىزەلم:

خلق بىلىكىسى آنقرە و محيطى اوزرىندە چالشمىق اىچون ايلكىن؛

A — جغرافىايە، خرىطەيە، تاريخە باش وورماليدير. آنقرەك مادە و طىيىتى كوسترەن بر خرىطە بولورز. بو خرىطە اولدۇچە مفضلدر. خلق بىلىكىسنىك يووالرى اولان كويلرى آچىقچە كوسترمليدر. صوكرا:

B — بو خرىطە اوزرىندە عرقى، قومى، عشىرى ... ياشايشى تىبىت ايتىلىز. آنقرە و محيطنىك فلان منطقەسندە فلان عرقە، قومە منسوب عشىرتلر، قىيلەر كورپورز. فلان طرفدەكى قىيلەر نىم كوچبەدر، تورك اولانلرىنىك بويلرى، اويماقلىرى و آدلرى شونلردر ... حاصلى قانە، صويه، صوپە، بويه ... عائد بىلىكىلر امكان نسبىتىندە، بردن كوزە چارپەجىق اشارتلىر و رمزلرلە، آكلاشىلمالىدر. نهايت:

C — بو منطقە اوزرىندە مىلى حرثك بوتون داللىرىنە مخصوص بىلىكىلر آراشدىرىلىر، تورك دىلىك ياشادىغى يىلر، باشقە دىللرلە برابر ياشادىغى يىلر، هىچ ياشامادىغى يىلر، مثلاً آياشە، حايما ناده، قلەجكە ... اسكى مىلى دستانلر ك ايزلرىنى صاقلان ماصاللىر، تاريخى معلومات و يره مىلى روحى، شكلى و موضوعى ايله ياشاتمغە خدمت ايدن تور كولر و شعرلر ... الخ يوقلانملى، خرىطەك بيان چرچىوہلرى اىچىندە قىصە نوطلرلە كوسترملى؛ توركو، بىستە، شاعر، رقص ... آدلرى، عرقى، قومى، قىيلەوى و عائلىوى نسبىتلىرلە قىداولونماليدير. (بونلر حقىندە فضلىه معلومات، خرىطە تىبىتى خارچىندەكى مساعىيە براقىلىر.)

خاق بىلىكىسنىدن بىكەنن تربىوى ايشلرە يول كوسترەجك، نرەلردە، نە نوعدن اجتماعى و روحى حاللر ك بولندىغى، نرەلردە تىمىل قوتنىك تىكىف ايدىلەجكنى بىلدىرەجك اولان بويلە بر نمونە، موضوعلر ك دەرىنلشمەسى و آراشدىرمارك بولغى نسبىتىندە دها كوچوك ساحەلردە ياپىلە بىلىر. بوچشىد بر چالشمە سياستى، اكر مەين اصرار و قرارلر

آلتىدە ارادەلى برشكلىدە اداره ايدىلىرسە ، مىلى بىرلەك نامنە ، مىلى بىنەسەمە نامنە كەلەجككە چوق سويىلى وخيرلى نتيجه آلدە ايدەجكەز محققدر . ھەلە مملەكتەك شرق وبرقسم جنوب طرفلىرى ايچىن بونتيجهلەرك وىرەجكى فايدا ، ايكى قاندر . زىرا ، يوقايدەدە سويىلەيكەز كى ، آبادولونك غربى ، شامى ... ايچون ايسەتديكەز مىلى بىرلەك وضعيتى ايله ، دىكر مملەكت كوشەلرى ايچىن دىلەديكەز وضعيت بردكلدر . اولكىسنى زمان كندىلەكەندن ياپايلىر ، زمينەك بعضى احترازى قىدلرلە حاضر اولدىغى سويىلەنەبىلىر . فقط ايكنجى ايچون ايش اولە دكلدر . بورادە فضلە اولەرق حرثى تمشلە شدتلە احتياج واردر . بونلەك باشندە دىل بىرلىكى ايشنى ، ھىچ دكلىسە تورەك دىلنە اجتماعى قدرت وتضيقنى حس ايتدیرەجك برماھيت ويرمەك مسئلەسنى كورورز. [1] حرف دە كىشىكلەكى ، بومسألەنك برآن اول باشاريلماسنە ياردیم ايدەجك عواملى طاشىمقەدەدر . بويەجە بروسەدە ، ماردیندە ، ازمیردە ، استانبولەدە ، بتلیسدە ... مملەكتەك مختلف نقطەلەرنەدە مختلف شكلىردە كندیسنى كوسترەن ومنورلىرى وقت وقت علاقه دار ایدن مىلى دىل بىرلىكى يوقلغى ، اورتەدن قالقار ، قالمغە طوغرو يوز طوتار . طبعى بوايش كندىلەكەندن دكل ، فقط شعورلى بر مىلى تربية ، مىلى بىنەسەمە سياستەك تطبیقات ساحەسندە يورومسايە حاصل اولابىلەجكدر . درنەكچىلر وبوتون منورلر ، اوموزلرینە يوكلەنمەش اولان اجتماعى وظیفەنك آغیرلغى ولزومنى ھەرزمان دوشونمى ، قفالرندە طاشىدقلىرى مذكورەدى تورەكلكك ، آنجق محيطلرینك حرثى تظاہرلرینە و بىنەسەنە واقف اولمقلە ، يعنى خلاق بىلىكىسەنك مختلف وادىلەرنەدە يوقلامەلر و طوپلامەلر ياقمقلە شأنیته قلب ايدىلەبىلەجكى دائما كوز او كندە طوتمالیدرلر .

« خلاق بىلىكىسى درنەكى » ؛ كورەجكى بويوك ايشلەك كوچوك فقط جانلى بر نمونەسنى بىكلەينلەرە قارشى ، شەمدیدن يوقايدە سويىلەيكەز فعاليت طرزىنى بىنەسەمە ايله ايشە باشلايەبىلىر . طبعى بو ، اياكەن صانیلەجنى كى قولای دكلدر . فقط بردفعە باشلانیرسە مختلف منبەلەردن دولت وفرد قوتلرینك ، صرف ایدیان مساعىیە ياردیمە قوشەجنى محققدر . آلويررەكە ایشك فلسفەسنى و ھىجائى قاورايلم . بويە بر ھىجانك ایلەك تجربەسنى ، يوقايدە دیدیکەز كى ، كوچوك بر محیط اوزرندە ، مثلاً درنەكك بولندیغى آنقرەدە ، ياقمق قابلدەر . تجربە ، صوكرە ، ایش ایلە اوغراشانلەك تصحیحەلەرنەن ،

[1] بو نوعدن اجتماعى بر قدرتەك موجودیتندەكى لزوم و ضرورتى آكلامق ايچىن استانبول جغرافيا انجمنەك نەشر ايتدیكى « بروسە جغرافىاسى » نەك 133 نجى صحیفەستى مىلى بر علاقه ايله اوقويكەز .

اصلاھلارندىن كچر ، بوتون تور كيا شەرلرلىك وقصبه لرلىك ، كويلرلىك فولقلورلىك تدقیقلىرى ایچون ای بر نمونه اولور . درنكك بو بويوك ومهم مملكت ايشنى يابه جق قادار تعضو و تشكىلى اكالم ايدنجيه قادار، عرض ايتديكمز نمونه يى حاضر لامق خصوصنده ياقين بر زمان ايچون الده ايدلسى قابل كوچوك بر تجربه شكلى دها دوشونويورز : ايلك واورته مكتبلر ك معلملى آراسنده ايلكىن بر فكر برلكى ايله برابر برايش بولومى كوروملى ، صوكرا بونك تحقنه چاليشمايدر . بو تقديرده ايكي ، اوچ سنه لك تدريجى و ذوقلى بر چاليشمه ، معلملر ك ياشادقلى محيطك جانلى و جانسز وارلغى ، بو وارلغك بوتون تشريح و فيزيولوژيىنى كوستره ن اجتماعى بر تدقيق خريطه سى ياراته جقدر . عىنى زمانده خلق بىلىكىسى فعاليتلىرى مر كز دن محيطه دوغرو كوتوره جك اولان بوچشيد چاليشمه ، درنك غايه سى ايچون اك مثبت و وعدكار بر پروغرام اولاجقدر .

ZİYAETTİN FAHRİ

İKTİSADÎ TERBİYEMİZİN
ESASI

اقتصادى فله بىلىكىسى ايله اقتصادى تربيه نك مناسبتة دار

كنيش معناده بوتون جمعيتى ، ياشايان ماضيسى ايله برابر قاورايان خلق بىلىكىسنىك موضوعى غايت واسعدر و بر برندن چوق فرقلى مسئله لرى احتوا ايدر . هر هانكى بر علم شعبه سى كى مستقل بر ساحه يى قوجا قلاماز . خلق بىلىكىسى اختصاصلشمش بر علم دكدر . دها زياده خلقه عائد مختلف جنس حادثه لرى طويلان بر ديو شيرىجى يه ؛ اوت بر تشبيه ايله ، اجتماعى علملره مالزمه توزيع ايدن بويوك وزنكىن بر مالزمه ده بوسنه بگزهر . خلق بىلىكىچىلرى ده بو معظم ده پونك تسلم ، تصنيف و توزيع مأمورلىرى صاييليرلر .

مملكتك استحصال و مبادله ساحه سنده خلقك تماماملى دامغاسنى طاشيان فعاليتلىرى و بو فعاليتلر ك تاريخى شكللىرى ، مختلف منطقه لرده كى تظاهرلىرىنى تدقيق و مطالعه ايتك ايسته ين بر اقتصادجى ، بويله بر مالزمه ده بوسنه شدتله محتاجدر . خلقك اقتصادى فعاليتلر نده استاتستىكه داخل اولمايان خصوصيتلر وارددر . بونلر رقملرله كوستريله مزلر .

تمامیہ کیفی ماہیتہ درلر . مثلاً بر کویہ کیدیورز ، اورادہ اقتصادی فعالیتک شکلی و طرز جریانی ایله علاقہ دار اولیورز . اُکینک برکتی ، حیوانلرک مقداری و سنهک آرپہ نسبتی ... الخ کبی معلومات بزی اقتصادی حیاتک شکلی حقندہ آدام عقلای تنویر ایدہ من . بزہ داها باشقہ معلومات لازمدر . بونک ایچون دہ ، کولولرلہ قونوشمالی یز ، هر کویلونک اونی ، کیلارینی ، اولوسنی کزوب کورملی یز .

بر کویلوہ مسافر اولالم . کندیسیلہ قونوشالم . ییہ جکنی ، ایچہ جکنی ، کیہ جکنی نہ صورتہ تدارک ایتدیکنی ، بغدادی نہ صورتہ استحصال ایله دیکنی و ناصل او کوتدیکنی ، اوطوردیغی اوی ، یاخود حیوانلرینک آخرینی ناصل انشا ایتدیکنی ، مالزمہ سنی نہ رەدن آلدیغنی ، احتیاجلرینک تطمیننی ایچون بازارلہ مناسبی اولوب اولمادیغنی صورالم . آلا جغمز جوابلری تثبیت ایدلم . فرض ایله یلم کہ ، ییہ جک ، ایچہ جک ، کیہ جک بوتون عائله افرادی طرفندن عائلهک مالی اولان حیوانلردن و اشیان تدارک اولنیور . بغدادی عائله تارلاسنده عائله افرادی طرفندن اکیلوب ییچلیور و کویک دکرمنده بر مقدار بغدادی مقابلنده او کوتیلیور : او ویا آخر ، عائله طرفندن عائلهک طوپراقلری داخلنده کی مالزمہ ایله انشا اولونیور . بازارلہ اولان مناسبت طوز ویا دمر صاپان ... کبی اشیا اشتراسنہ انحصار ایدیور .

کویلو عائله سنک معیشت شکلی کوسترن بوبرقاچ بسیط واقعہ ، بزہ آنادولو کویلرنده بازارلرک دایملری اولان یوللردن اوزاق محللرده چوق انتشار ایتش بولنان بر اقتصاد طرزینی خاطرلاتیر . بو طرزہ ، اقتصاد لساننده « طبیعی اقتصاد سیستمی » دیرلر . قرون وسطائی نظام اولان بو سیستمده بوتون فعالیتلرک غایہ سی ، طبیعی احتیاجلرک تطمیننه معطوفدر . یعنی نہ قدر استهلاک اولنیورسه او قادر استحصال ایدیلیر . ابتدائی کویلونک بوشکلده کی اقتصادی فعالیت ، شهرلرده یاخود مبادلہ طرزینہ کیرمش کویلرده بازار ایچون چالیشان اصناف و کویلونک یاشایش شکلہ بکزه من . ایشتہ اقتصادی فعالیتلری بر بردن آیران بواشکالہ کیفی Qualitatif اشکال دیرز . اقتصادی خلق بیلکیسی ، بواشکالک اک اینجہ تفرعانه قادر بوتون خصوصیتترینی تثبیت و جمع ایدہر . مثلاً « طبیعی اقتصاد سیستمی » ندہ تورک کویلوسنک یاشایش طرزینی تدقیق ایتک ایستہین بر اقتصادجی ؛ خلق بیلکیسی مالزمہ دہ پوسنہ مراجعت ایدنجه ، کندینہ لازم اولان وثائق تصنیف ایدلش بر حالده بولور و اثرینی میدانہ کتیریر . مشخص وثیقہ لر نہ قادر چوق اولورسه بر تدقیق دہ اوقادار قوتلی اولور . بو کون روسیاده ، خلقک اقتصادی حیاتی حقندہ یازیلان چوق

قیمتلی اثرلرده ، اقتصادی خلق بیلکسیسک زنگین مالز مه سندن استفاده ایدلمکده و بو مالز مه یه اک شایان اعتماد و ثائق نظریله باقیمقدردر . [1]

اقتصادی حیاتک اشکالی حقنده معلومات طوپلامق ایچون برچوق اصولره مراجعت اولنور . آنکه تدر ترتیب ایدیلیر . حلقله ملاقاتلر یاپیلیر . مملکتده موجود اقتصادی مسلک لک رک خصوصیتلری اطرافلیجه تصویر ایدیلیر . خاطرهلر و تاریخی وثیقه لر طوپلانیر . درنک کتبخانه سنه آله مایان اثرلرک ، و ثائق بولندیغی یلر تثبیت اولنور . مطبوعاتده اقتصادیات حقنده انتشار ایدن یازیلر بیریکدیریلیر ... الخ . درنکده تشکیل ایدیلن بر «اقتصادی خلق بیلکسیسی قومیسونی» کلن معلوماتی تصنیف و تنسیق ایدر . قابل استفاده بر حاله کتیریر . درنکمزده هنوز بویله بر قومیسونیون موجود دکلسمده شهسز ایلریده بو احتیاج حس ایدیلجهک و یاپیلاجقدر . اقتصادی خلق بیلکسیسنه عائد مالز مه ، طبیعی اولدیغی کبی قالاماز . بونلر اقتصاد علمنک اصول و نظریه لری ایله ایضاح ایدیلیر . آنادولونک اقتصادی تربیه سی قوتلندیرمک ایچون اقتصادی شأیتک یقیندن تدقیق لزومی قارشوسنده ییلماز بر اراده و مقدس بر علم هیجانی ایله چالیشه جق بر اقتصاد قومیسونی ، بنجه ، درنکمزک فعالیت پروگرامده اک مهم موقعی اشغال ایتلیدر . [2]

اقتصادی خلق بیلکسیسی ، اقتصادی مالز مه یی طوپلار کن ، خلقی تشکیل ایدن اجتماعی زمره لرک احتیاجلرینی چوق یاقیندن کوردک تثبیت و قید ایتش اولور . شویله بر مثال آلام: بر خلق بیلکسیجی ، مملکتمزک بعض منطقه لرده چوق منتشر اولان آل دوقوما جیانی حقنده معلومات طوپلامق ایستور . بومقصدله دوقوما جیلر آراسنده کزدرک تدقیقاتده بولنیور . تدقیقات شناسنده کورییورکه ، دوقوما جیلر اکثریتله خام مواد صاتان ، یاخود سپارش ویرمن تجارلرک استثمارندن ، یاخودده آوروپا امتعه سنک رقابتندن مشتکیدرلر . سرمایه جهتندن فقیر اولانلر ، یامتوسط تجارک حسابنه چالیشان او عمله سی حاله کلکده یاخودده آوروپانک رقابتی قارشیشنده افلاس ایدرک سفالته یووارلانمقدردرلر . دوقوما جیلر استثمار و سفالتدن قورتولمق ایچون سرمایه یه محتاجدرلر . فقط سرمایه اقراض ایدن

[1] درنکک اولجه نشر ایتدیگی «خلق بیلکسیسی طوپلایجیلرینه رهبر» ، بو خصوصده لازم کلن قادرولره و ماده لره اشارت ایتکده در . اورایه باقیکنز .

[2] درنکک بو پروگرامنه ، مملکتک اقتصادی فعالیتنی چویرمک ایله مکلف دولت تشککلرینه ، دولت دائره لرینه وقت وقت راپورلر ، خطرهلر ویرمکیده . علاوه ایدرسهک ایشک بویوکلکی ، اهمیتی ده بارز و جانلی اولور .

مراجعه جیلر ، یوکسک فائز طاب ایتمکده وبانقله لرده اقتصادی وارلقدری مستقر اولمایان بو نوع اجتماعی زمره لره قره دی آچامقده درلر .

خاق بیلکچینک تثبیت ایتدیکی بو معلومات ، بزه خاق آراسنده کی بر مسالکی زمره منک اقتصادی احتیاجلرینی کویسترر . طبیعی بو احتیاجلره قارشى منفعل قالینماز . اقتصادی حیاتک شکلری حقنده یالکیز معلومات طویلامق ، یعنی فکر تجسی دویورمق کافی دکلدر . اقتصادن حیاتک احتیاجلرینی تأمین ایتک ایچون فعال برعلاقه کویسترمک ، علمی یوللر بولمق لازمدر . بو مهم وظیفه ایسه ، اقتصادجیلره ترتب ایدر . یوقاریکی مثالزده دوقوماجیلرک سرمایه محتاج اولدقلرینی ، فقط سرمایه بولامدقلرینی کوردک . بو حال ، اولنرک مطلق صورتده سرمایه دن محرومیتارینی افاده ایتمز . بو کی اصنافکده احتیاجلرینه جواب ویره جک مؤسسسلر واردر . بونلر کوچوک مستحصللره اوجوز قره دی تأمین ایدرلر . ای جنسدن و اوجوز خام ماه بولورلر . یاخود بو مستحصللرک ماللرینی ساتارلر . قره دی اشترای ، ساتیش قوئوپراتیفی نامنی طاشیان بومختلف مؤسسسلر ، بو کی مستحصللرک احتیاجلرینی تطمین ایدن و متوسطلرک استثمارینی ، خارجک رقابتی قیران الک ایی مجادله واسطه لریدر . ایشته بر اقتصادجی ، اقتصادی خلق بیلکیسی واسطه سیله الده ایتدیکی معلوماته استناداً خالقک اقتصادی احتیاجلرینک تطمین ایچون بو کی تدبیرلر کویسترر ، علمی یوللر بولور . بو اعتبارله ، اقتصادی خاقی بیلکیسنک عملی برقیمتی ده واردر . یعنی اقتصادی خلق بیلکیسی ، خالقک احتیاجلرینی ، اقتصادجیه کویستره رک اولنک بونلره تدبیرلر بولماسنی تأمین ایتش اولور .

شوالده اقتصادی خلق بیلکیسی ، مملکتک مختلف اجتماعی صنفلرینک محتاج اولدیغی اقتصادی تربیه لره یول کویستره جکدر . « مؤثر اولمق ایچونه بیلیمک لازمدر » دستورینک ، بدیهیلکنی الک چوق بونقطه اثبات ایدر . یشیل ماصهلر باشنده ویریان مجرد قرارلر یرینه کتله نک محیطندن الده ایدیلن خلق بیلکیلرینه مستند مشخص وشفاف ویره جکی مؤمن قرارلره محتاجر . بواحتیاجمزی ، خلق بیلکیسی درنکنک اقتصادی خلق بیلکیسنه اهمیت ویرن اعضالری تطمین ایده جکدر . هر درنکچینک طبیعی فعالیت مرکزی کوی وقصه محیطیدر . بن بوفعالیتک ؛ خالقک مساوی یاشامه سی و اقتصادی چالیشمه سی محورلری اوزرنده دونمسنی ایسته یورم : درنک ، اگر خلق بیلکیسندن مجرد بر علم تجسیسنی تطمین ایتمکدن زیاده حیاته تأثیر یایمق ، حیاتی کوزه لیشدیرمک واییلشدیرمک غایه سی

قصد ایدیورسه ، عضولرینک نظرلرینی خلق اقتصادیاتنه چکملی ، بدیی ، اخلاقی ، معنوی ... هرانکشافک قوتلی بر اقتصاددی بیه اوزرینه قورولاجغنی دوشوندورتملی ، بودوشونجه ایله اونلری « خلق دوغرو » سوق ایتلیدر .

İSMAIL HUSREV

TÜRKÜLER VE MUSİKİMİZ

ایکی آنادولو تورکوسی و بدیی نرینه دوشوندورمکلی

آنادولونک نه « طبیعت » نى ، نه ده « جمعیت » نى بیلوروز . طاغنی ، طاشنی ، صویى ، اقلیمنى تدقیق ایتدیگمیز کی اونلرک آراسنده یاشایان خلقلک روحنه ده یاقلاشماشیر . بو حالک ، مشروع سبیلری یوق ده کیلدر . غربک اوچ دورت عصر اول ایچندن چیقدیغی ، چیقماغه موفق اولدیغی قرون وسطی چوقورنده بز مع الاسف قالمش بولنیوردق . سیدلکینوب صیریلالی هنوز آز اولدی . بو آز زمان ظرفنده اطرافمه اولدجه باقه بیلدک ، مملکتیمزک ماده و طبیعتنه نظرلریمیزی چویردک ، روحنه و اجتماعی هواسنه یاقلاشمق ایستیوروز . سقاریاده دوغان ظفر کونشندن صوکر اطرافمیزی کیتدجه آیدین کورمکده ، ایچنده یاشادیغمیز دیارک حیاتی نیمسه مک ، مهمسه مک صورتیه اوزرمره دوشن اجتماعی وظیفه یی یامقده یز .

*
*
*

بو برقاج سوز ، آنادولونک ادبی و بدیی خلق بیلکیمی ساحه سنک ساده ، بسیط ، بونکله برابر مهم و زنیکن مالزمنه سنی تشکیل ایدن « آنادولو تورکولری » نى بیلیمک و تدقیق ایتک لزومنی کویسترمک ایچون بر مقدمه در . ابتدائی جمعیتلرک کندیلرینه مخصوص ابتدائی مؤسسه لری واردر . جمعیت نه ایسه ، اونک مولودی اولان مؤسسه لر ، اثرلرده عینی در . صوکرادن وقوعه کلن اجتماعی ترقیلر و تکامللر ، او مؤسسه یی و اثری ده برلکده

[1] بو فکری کنیشه تهرک اجتماعیات علمنک بوتون شعبه لرینه تشمیل ایتک ، عمومیتله خلق بیلکیمیلرینک اجتماعیاته یاپه جغنی وثیقه و مالزمه یاردیمنی دوشونمک دها طوغرو اولاجقدر . عکسی تقدیرده مملکتیمزده « اجتماعیات بحثلری » مک ایچنده بولندیغی بوش ماقاله و وسطائی نظریاتجیلوق اسکی وضعیتی محافظه ایده جک ، خلق و مملکت بیلکیمیلرینه مستند حقیقی اجتماعیات دوشونجه سی کندیسنی کویسترمه یه جکدر .

یوکسلیتر، برابرجه یورورلر. فرانسهده اون دوردنچی، اون بشنچی عصرلرده ملی-خلق بر ادبیات واردی. خلق شرقیلری، خلق تورکولری «تروبادورلر» ایله «ترووهر» لرك آغزنده بوتون فرانسهیی تسخیر ایدیوردی. اون آلتنچی عصرده اسکی یونان تدقیقلرینک تأثیری، اون یدنجی عصرده بو تأثیردن دوغان قلاسیق فرانسز ادبیاتی، اورتهیه یپ یکی بر فرانسز ادبیاتی چیقاردی. اون سکزنچی، اون دوقوزنچی عصرلرده مختلف جریانلر و شکللر آلتنده بو ادبیات انکشاف ایدهرک تکاملنی بولدی.

بزه کلنجه: اورته آسیادن کوچوک آسیایه کلن تورکلر، اورادن و کچدکلری یردن ایران تأثیری کتیردیلر، آنادولوده لسانا، روحاً ایرانی اولان ادبیات کورولدی. بالآخره قره‌مان و عثمان اوغلارینک دوامی اثناسنده لسان ده کیشدی، ابتدائی تورکجه ادبیاته کیردی. فقط روح و فلسفه اسکی ماهیتنی محافظه ایتدی و بو، تا اون طوقوزنچی عصر بدایتلرینه قدر سوردی. بو مدت ظرفنده «منور - خواص» کچین صنف، کتله‌نک، خلقک محیطندن اوزاقلاشدی. حالبوکه ادبی حیات، شعر، بر جمعیت ایچون الزم بر احتیاجا. شهر ایچین، خواص ایچین کوینده، چیفتی و چوبوغی باشنده اوغراشان و اوکا غذا یاپان خلق، عینی زمانده آو، نغمه و بونک ایچون ترنمه محتاجدر. بو اعتبارله حیاتی بر احتیاجک سوقیله غایت طبیعی اوله‌رق کندی کندیسنه مانی، قوشمه، تورکو، وارساغی دستان... الخ کبی شکللرله یاد ایدیلن خلق شعرلرینی وجوده کتیرمشدر.

*

**

صنعت حیاتنک تجلیلرنده بعض اسملرک معشری بر اهمیتی حائز اولدیغی کورولور. بو اسملر ساده‌جه اسم ده کیل، عائد اولدیغی ساحه ایچون بویوک بر معنا افاده ایدن بر سه‌مبولدر. آنادولو خلق ادبیاتنده عشق موضوعی اوزرنده یازیلش اثرلرده کورولن «امینه»، «زینب» «عائشه» کبی آدلر ایشته بو نوعدن برر رمزی افاده ایتمکده‌درلر. بونلر شیرین، لایلا... کی تصوفی و رومانیتک تمثاللردن داها شانی، داها چوق واقعه‌لره یاقیندرلر. فی الحقیقه آنادولوده کی خلق شعرلری ایچنده عشقه و سودایه تعلق ایدن و بو کبی بشری، انسانی حسلرک افهامی ایچون یازیلان اثرلرده معشوقه تمثاللرینی علی الاکثر بو آدلرله افاده ایدلش کورییورز: امینه، زینب، عائشه. تورک، عربدن آلدیغی بو کلمه‌لری عینی شکلده محافظه ایتیه‌رک اونلره کندی لسانی عضویتنک قانونلرینه تبعاً معین بر شکل ویرر: نه‌منه، ئیمه، زه‌نب، زینو، عایشه، عائشه... الخ. بو اسملر آنادولوده خاصه تورکولرده یاشایان شانی عشق حادثه‌لرینک تمثاللریدر.

صوک سنه‌لرده کوی محیطلرندن شهر محیطلرینه هجرت ایتدیکنی کوردیکمز ادبی

جریان بو ایکی اسمله یاد ایدیلان مشهور «امینه»، «زینب» تور کولرینه شهری آز چوق آشنا ایتدی. بونلرک هر ایکیمی پلاقلر، کچه جک قادار تعمم ایتمش ایسه ده مع الاسف بونلرک متلرند و هوالرند بویوک یا کلشقلر و نقصانلقلر کورلمکده در.

I

«زینب تور کوسی» و یا خود تعمم ایدن تعبیری ایله «زینب»، اک زیاده از میر زیبکلرینه مل ایدیلیر. بر آرزو کرا قید ایدیلر جکی وجهله بر مصراعده کورولن «ازمیر» فیدی ده بونی تأیید ایدم جک بر دلیل کبی کوستریلیر. فقط بالعموم تور کولر کبی زینب تور کوسی ده بوتون آنادولویه عاندر.

ابتدائی جمعیتلر ده شعر، جمعیتک هر طرفنده تعمم ایدم جک بر انتشار قوتی حازدر. عشیرتک بر فردینک سویلدیکی بر مصراع، صانکه بوتون عشیرتک مشترک لسانندن چیقمشدر. فلان کویده و شهرده چیقان بر تور کو، بردستان، بوتون کوی و شهرلرده همان داغیلیر، معشری و اجتماعی بر هویت کسب ایدر. زینب تور کوسی ده عینی اجتماعی قانونک تأثیری آلتنده در. بناء علیه منحصر آ ازمیر طرفلرینه، زیبکلره مال ایتمکه بر لزوم یوقدر.

او، ازمیر زیبکینک اولدینی قادار، انطالیه یوروکنک در، آطنه ده کی وار صاغلینک اولدینی قادار، ارضروم داداشنک، ارضروم داداشنک اولدینی قادار طربزون اوشاغنک مالیدر. الحاصل بر تور کو، بوتون بر مملکت، بوتون بر آنادولو دیمکدر.

ازمیرک یوللری داردر کچیلمز

مصراعنه کلنجه، کرک تور کولر اولسون، کرک مانیلر اولسون، بونلرده کی مملکت اسملری، سویاندکلری منطقه خلقی طرفندن در حال د کیشدیر یایر. هیچ شه سز تور کو، بر مملکت کوشه سنده سویانمشدر، اونی هر هانکی بر شاعر وجوده کتیرمشدر، هر حالده عاشقانه بروقه نك محصولی، زاده سی اولاجق، بناء علیه شاعری طرفندن عائد اولدینی شهر ویا کوی اسمی تور کویه کچیریلش بولونه جق. فقط تور کو، یوقاریده آکلاتدیغمز اجتماعی قانونه تابع اولارق، در حال بوتون خاق طبقه سی محیطنده انتشار ایدر، دیدیکمز کبی، سویاندکلری محاک اسمنی آلیر. بو خصوصیه مانیلرده صیق صیق تصادف ایتک ممکندر.

*
**

بومطالع لردن صو کرا اصل تور کولرک متلرینه کچه یایرز. ایلکین «زینب» دن

باشلا یورز :

VI

زینبه یاپدیردم بر کوموش نالین
کیک زینب اون قارشیمده سالین
بیک بشیور آلتوندر زینبه قالین
زینم زینم آلی زینم
اوچ کویک ایچنده شانلی زینم

V

زینک آلی وار آلی نیله سین
آل یاناق اوستنه شالی نیله سین
بو یوصالوق دورورکن مالی نیله سین
زینم زینم آلی زینم
اوچ کویک ایچنده شانلی زینم

VI

... ک یوللری دارد کچیلمز
صوئوقدر صولری بر طاس ایچلمز
آنادن کچیلر یاردن کچیلمز
زینم زینم آلی زینم
اوچ کویک ایچنده شانلی زینم [1]

I

زینب بو کوزه لک واری صویکده
الوان الوان کلر قوقار قوینو کده
رمضان آینده بایرام کوننده
زینم زینم آلی زینم
اوچ کویک ایچنده شانلی زینم

II

سکودک یاپراغی ناریندر نارین
ایچرم یانیور طیشاریم سرین
زینبی ایتدیلر بو هفته کلین
زینم زینم آلی زینم
اوچ کویک ایچنده شانلی زینم

III

زینبه یاپدیردم آلتوندن داراق
داراده زلفکی اوموزکه براق
کوروشمک ایستهرم یولرم ایراق
زینم زینم آلی زینم
اوچ کویک ایچنده شانلی زینم

تور کولرده « خانه » لر — که خلق تعبیرنجه تور کو قطعهلرینه دینیر — آراسنده معنا
اتصالی آرامایه لزوم یوقدر. هر پارچانک مستقل معنالر طاشیمسی ابتدائی شعرک سجه سی
ایجابی در . شکل اعتباریله هر خانه بش مصراعلی در . بونلردن ایکسی تکرر ایدر .
کرک بوشکل ، کرک وزنلری همن همن عمومیتله بوتون تور کولرده کورولمکده در .

[1] تور کونک نقراتی بز ، دیکله دیکمز یزلرده ، بو شکلده تثبیت ایتدک. درنک رئیس
اسحق رأفت ک، بو نقراتک:

زینب زینم بالا زینم
قاشی قاره کوزی آلا زینم

شکلنده اولدیغنی سویله یورکه اسانک طرزی ، دها اسکی ، دها اوریشنالدر . صوک بارچه ده کی
نقطه لک محلی ، سویلندیکی یره کوره ، شهر و کوی اسمی قویق ایچیندر . بعضی کله لره اشارت
ایتمک ایسته یورز :

صوی ، نسل ، نسب — قالین : نکاح هدیه سی — بالا : یاورو ، سویملی — اوموزکه ،
یاپراغی ، آلا ... کی بعضی کله لری اوموزکه ، یارباغی ، آلا ... کی اوقورسه ق تور کونک خلقی
هوینی محافظه ایتش اولورز .

II

آنادولو تور کولری ایچنده بوتون مملکته تعمیم ایتیش ، معشرک ادبی وجداننده پارلاق بر موقع قازانمش اولمق اعتباریله « امینه تور کوسی » ویا قیصهجه « امینه » ؛ « زینم » دن کیری قالماز . فی الحقیقه بو تور کویه بالیکسر کویلرنده اولدوغی قادار ، قارص کویلرنده تصادف ایدهرسکز . سازلر بونی ترنم ایدهر ، دیلار اونی سویلر . کرک صوتی ، کرک آلی موسیقی ؛ ایجاب ایتدجه مشترکاً ویا منفرداً بو تور کونک نقراتی اوزهرنده اطمینانی بولور . آنادولو طبیعتنک کوزلالکنی ، بو طبیعت اوزرنده یاشایان خلقک سلیم ذوقنی وابتدائی شعرینی ، اک زیاده ، بو تور کونک ترنمی ایچنده حس ایتهمک امکانشزدر .

« امینه » ؛ یوقاریده سویلدیگمز کی ، بوتون آنادولو کویلرنده ، جزئی کله ولهجه فرقلریله ، یاشار . بز بونی ارضرومده مختلف محللرده دیکله دک وضبط ایتدک . بزده موجود اولان پارچالارک عددی یدیدر . تور کونک محتواسنه بو عددک کافی اولدوغنی بیلیمکه برابر داها باشقه پارچالارک بولونمسی محتملدر . بز ؛ ألمزده کیلرینی قید ایدیورز :

IV

امینه اوطورمش کل ایله اوینار
طارامش زلفنی تل ایله اوینار
سحر سریننده یل ایله اوینار
امینه امینه خام امینه
کل اوطور یانعه جام امینه

V

قارشی طاغه یشیل بوغدا ی اکیلی
امینه مک طوپ طوپ اولمش کاکلی
امینه اولمشدر قیزلر وکیلی
امینه امینه کوزهل امینه
کوزهل کوزلرینی سوزهن امینه

VI

امینه اوطورمش کندینی اوکر
آلتون صاچ باغلری طوپوغنی دوکر
بیك آلتون ویرمشم بیك داخی ده کر
امینه امینه کوزهل امینه
کوزهل کوزلرینی سوزهن امینه

I

امینه اوطورمش طاشک اوستنه
طارامش زلفنی قاشک اوستنه
سلامک کلیرسه باشم اوستنه
امینه امینه آرسلان امینه
کل اوطور یانعه یاصلان امینه

II

امینه کیدیور صباح صوینه
آل فستان کسیدرم اینجه بوینه
اولام امینه نک قوربان خوینه
امینه امینه نه مسک امینه
کوزمک ایچنده مسک امینه

III

امینه اوطورمش آینا دیزنده
دستانلر اوقونور آلا کوزنده
ایشکیلر اریرکن بیاض یوزنده
امینه امینه کوزهل امینه
کوزهل کوزلرینی سوزهن امینه

VII

جامعك دیواری بری بن اولام
 امینه کاینک اری بن اولام
 ایللر چیچک اولسوم کلی بن اولام
 امینه امینه آرسلان امینه
 کل اوطور یانمه یاصلان امینه

تورکو، ابتدائی شعرک بوتون کوزهللکنی و طبعیلکنی جانلاندیریور. علی الاکثر تورکولرده نقرات؛ مطرد بر طرزده کیده رکن بوراده تنوع کورویورز. تنوع، ابتدائی شعردن زیاده متکامل شعرک سجیه سیدر. بواعبارله تورکونک بدیعی درجه سی اولدقجه یوکسکدر. نقرات ایچنده جداً کوزهللری، مستشاری وار. ایکنجی پارچه نکلکی نه اینجه و شعرلی بر خیال ایله ئورولمشدر:

امینه امینه نه مسک امینه
 کوزمک ایچنده نه مسک امینه

مجهول آنادولو شاعری؛ بر «شه-بیت» اولان بوییتنده، عینی زمانده، لفظی بر مهارت ده کوستریور: «نه مسک» نک مخفی اولان «نه مسک» کوزده کی «نم» دن قافیه کتیریور. شعر؛ ابتدائی شعرک اک متکامل شکلنه مخصوص بر تکنیک طاشیمقده در. برنجی پارچه نک اوچنجی مصراعنده کی (باشم) اوچنجی پارچه نک نقراتنده کی (سوزهن) کی بر قاج یاریم قافیه دن باشقه بر نقیصه سی یوقدر. لسانی تام دیله دیکمز تمیز تورکجه در؛ آذری لهجه سیله ارتباطی اولان شرقی آنادولونک تلفظ خصوصیتلرینه شاهد اولویورز. الحاصل، خلق شعرینک انفس بر نمونه سی اولان اثر، هر جهتجه نظر دقتی جلب ایتمکدن خالی قالمامقده در.

*
 **

ابتدائی جمعیتلرده بدیعی افعوله بر قیمت تخالفنه معروض قالمامشدر. اساساً منشأده بوتون اجتماعی قیمتلر مشترکدی. کوزللکه عائد قیمت و فعالیتلر ممزوج و مخلوط بر حالده ایدی. تدریجی بر تکامل ایله شعر، موسیقی، رقص، تماشا... بوافعوله ایچنده استقلال پیدا ایتدیلر. «امینه» کده، عینی زمانده آنادولو خلق موسیقیسی ایله علاقه دار اولدوغی معلومدر. اوقادار که اونی دیکله مک ایچون محقق ساز و ترنم لازمدر. معشری تلقیه کوره بسته دن آیری بر گفته نک معناسی یوقدر. بو تورکونک آنادولونک مختلف

یرلرنده یکدیگرندن «مایا» فرقلریله آریلان ترنم طرزلی واردرد. بومسئله نك بو طرفنك تدقیقنی، آنادولونك موسیقی به عائد خاق بیلکیمیله اشتغال ایدمن صلاحیت اربانه براقیورز شوقدار سویله یه لم که هر ایکی تور کونك طاشیدینی ملی و ابتدائی تهرملر، موسیقی ترکیبیلر مزك آئنده چوق فایدالی برر مالزمه اوله بیلیر . مملکتده اوزهرینه دوشن وظیفه یی قیمتی عضولریله بحق ایفا ایدمن و خیرلی چالیشمه لرینك و یردیکی محصوللری غربك اك مشکلیسند صنعت مرکز لرنده بکه ندرمن استانبول قونسرو اتوار مزدن بواشی بکله مک ، مملکت موسیقیسنك انکشاف و تکاملنی دوشونه نلر ایچین برحقدر . بدیعی تربیه مزك خلق دن و کتله دن آله جق اساسی، مالزمه سی ایله غربدن آله جق اصول و ته کنیکی برله شدید جکلر، شبهه سز آنجاق قوتلی ترکیب قابلیتنی حائر موسیقی صنعتکارلر مز اولاجقدر . بدیعی تربیه مزله خاق بیلکیمینك مناسبتنی ، ایشته ، بز بوباقیمدن دوشونمکده یز . [1]

AHMET HALİL

[1] درنگی آرقداشلردن محمود راغب بکک صوک کونلرده نشر ایتدیکی «آنادولو

نور کولری و موسیقی استقبالیز» بزم بوراده مدافعه ایتدیکنر تهزک اطرافلی بیکیلرله بسلنمش، علمی شکلیدر. اثر، بر طرفدن عمومی باقیمدن موسیقی به دائر خلق بیلکیمی حقتده معلومات و یررکن، دیگر طرفدن باش و صوک طرفلرنده بزده موسیقی فولکلوری حرکتک تاریخچه سنی یامشدر . تام وقتنده اجتماعی احتیاجه ترجمان اولان بوقیمتلی کتابک اشارت ایتدیکی استقبالی دوشوندیکنر زمان ، قونسرو اتوار یاننده مملکتک ایکنجی موسیقی مؤسسه سی اولان «موسیقی معلم مکتبی» نی خاطر لامام قلعمن امکانشردر. ایکی اوچ سنه دن بری مختلف وسیله لرله آنقرده ده صنعت حیاتی یاراتغه چالیشان ، و یردیکی قونسر لرله غرب موسیقیسنك ذوقنی محیطنه آشیلايان ، یتیشدیر مکده اولدیغی کنجیلرله بوتون مملکته یکی بر صنعت افق حاضر لایان بو مؤسسه ، بوتون معاصر ملتک یورودیکی بر یولی تعقیب ایدرک غرب تکنیکی آلتنده ایشله نه جک اثرلرک مالزمه سنده بر آزده ملی حیاتدن ، کتله دن و خلقدن آله ده دوغرو یوروپه جک اولورسه ایکی قاتلی بر قیمت آلاچغه شبهه یوقدر . بو تقدیرده بدیعی تربیه مزك موسیقی به دوشن حصه سنی یاپه جق ایکی مؤسسه ، قونسرو اتوار و موسیقی معلم مکتبی ، جمهوریت تورکیاسنك صنعت تاریخته کی شرفلی موقعلرینی شیمیدن آلمش اولاجقدر .

کتابیات تنقید لری و خلق یلکیسی خبر لری

آنادولو توركولرى و موسيقى استقبالمز

عمود راغب - ص: 204 - بسته 24 - معرفت مطبعه سى: 1928

درنگى رقداشلر مندن عمود راغب بلك چوقدنددر « حیات » مجموعه سنده و درنگك « رهبر » نده چيقاجغنى خبر آلدیغمز كتابى كچن هافتا ایچنده چيقدى : آنادولو توركولرى و موسيقى استقبالمز... درنگك كتبخانه سنده مطالعه ايتكم فرصتى آلدە ايتديكم اثر، هر شيدن اول اسمى ايله نظرلر زى چكييور. مؤلفك دوشونجه سنى و ايلرى سوردىكى دعوايى بو آددن چيقارمق ایچون كلكه لرك تحلیلى كافیدر. اولاً او كمزده آنادولو توركولرى وار. بونلرى يوقلايورز. فقط غايه بو دكل. موسيقمزك استقبالي دوشونيورز. عجباً توركولرك تدقيق و تشریحى بو استقبال نامنه نه ویره بيلير؟ محترم درنگچينك اثرى هر حالده بو سؤاله جواب اولاجق. كتابك فصللرينى تدقيق ايدەلم.

اثر اللى فصلدن عبارتدر. برنجى فصلده (موسيقيك تكاملى تاريخنده خلق شرقيلرى) يوقلاييور. ملتلك موسيقيسنده منشأ وظيفه سنى كورن خلق شرقيلرينك آلمانيا، فلمك، اسويچره، انكلتره، فرانسه، روس موسيقيشناسلرى طرفندن بويوك بر فعاليتله طويلانوب باصيلدينى و خلق نغمه لرينك علمى بر كوروشله محاكمه اولونجه تهنوغرافيايه، ادبياته، صنعت تاريخلرينده يارديملرده بولوماسنه رغماً اصل خدمتى مى بسته مكيتبلرينك انكشافنه يارامالرى اولدينى ايضاح ايديليور. بونى تعقيب ايدن بحمد خلق نغمه لرى اوزرنده ناصيل چاليشلاچنى آكلاتلادقن صوكره مى بسته مكيتبلرنن بحثلده (خلق شرقيسى) نك موسيقى ده كايلىرى كيدن ملتلك يكي مكيتبلرنده بر نوه وظيفه سى ايضا ايتديكى قيد ايديليور.

موسيقى تدقيق و ملئت قسمنده : بونى اقصى شرق، ياقين شرق و غرب تدقيق ديهه اوچه آيبراق خصوصيتلرينى و هر تهنيكك كندينه مخصوص اورثيناليته سنى اوقليورز. فصلك صوكنده آنادولونك يوره كدن كلن طاشقين دويغولرني پارسه و دولاييسيله غرب موسيقى جمعيتلرينه طانتديران جمال رشيد بلك تحصيلنه، موفقيتلرينه حصر ايدلمش صحيفه لر وار. فصل، لوفغارو منقدينك شو سوزلريله باغلامشدر: « آنادولو توركولرى، اوركسترو اعتباريله غربى وضعيتده ايسه لرده رنكلرنده، شعرلرنده، حركتلرنده شرق بوتون لذتلى صاقلييورلر. بو توركولرك، اوصيميتى؛ (آي ايشيني) كوكل يايچى بر پارچه در... »

ايكنجى فصلك ايلك قسمى (شرق موسيقى تاريخنده تورك دهاسى) نه حصر ايدلمشدر: مؤلف توركلرك آنادولويه كچمزدن اول موسيقى ايله اوغراشدقلىرى وحتى قوردلرك اولوماسنه مشابه توركى سويله دكلرينى و باغلامالرك منشأى اولان، اون برنجى عصر هجريدن اعتباراً ماضى يه قاريشان (قوپوز) كنش حدودىنى آكلاتدقن صوكره عرب و عجم تأثيرى آلتنده باشلايان قلاسيك موسيقمزله خادملىرينه و (تورك بيزانس اصوللرى) حقنده مختلف نقطه نظرله اشارت ايله مش و « آلاتورقا » نك عرب موسيقيسى اوزرنده كى تأثيرينك تاريخى چيزمشدر. متعاقباً مؤلف؛ كندى خوجاسى و صوروبونك طلبه قورالى معلمى بوره لك آلاتورقا حقنده كى فكرلرينى نقل ايديليور: « آلاتورقا تدریجاً نظام ايدەمك بولمىغنى بولنه صوقولالمىر. تورك كىملىكنك برابرسى باياچى مى مكيتنى بلكه مكرمىز. »

اوچونجی فصلک ایلك قسمی آنادولو خلق شرقیلرندن باخشد. مؤلف بو قسمده ناکر و اوز دویغولی خلق شارقیلرینه مملکتیزک نره لرنده داها چوق تصادف ایدیلجهکینی، آکلامش، تورک خلق شارقیلرینه تفوق ایدجهک بر (کورد، روم، ارمنی) شارقیسی اولمادیغنه اهمیتله اشارت ایتشد. نوطه لرله و علمی دلیل لرله اشارت ایدیلان بودعوانک تورک کنجلیکنه تحمیل ایتدیکی وظیفه، خلق موسیقیسنک محصولارینی حرارتله طوپلامقدر. فصلک ایکنجی قسمی آوروپالیر طرفندن طوپلانان تورکولریزدن و صوک زمانلره قدار اهمال ایدیلان آنادولو خلق موسیقیسنه عائد اولق اوزره غربده موجود کتابلردن باخشد.

دردنجی فصل اوچ قسمه آیرلمشدر: برنجی قسمده (موسیقی فولکلورنده اصول) دن بحث ایدلمش و بو وادیده چالیشانره بالخاصه غربک موسیقی فولکلورینه عائد اثرلردن خیلی استفاده ایده. جکلری آکلامشدر. عینی زمانده مملکتیزک خلق شرقیلری جغرافی طبیعتیه مشابه بر چرچیوه ایچنه آلینارق، شمال، شرق، جنوب، اورتا آنادولو تورکولرینک خصوصیتلری قید ایدیلشدر. ایکنجی قسم (خلق تورکولرینی نوطه یه آلق) نامنی طاشیمقدهدر. خلق ازکیلرینک قلاسیق موسیقی نظریه. لرندن متأثر اولماسنه بناء آنادولو ازکیلرینی مؤلف قلاسیق موسیقیلرک تأثیری آلتنده قالان و قالمایان دییه ایکی یه آیرمشدر. اوچونجی قسمده ریم (کفته لر و کویلو لهجه لری، خلق سازلری) موضوع بحث ایدیلور. صوک قسمده محمود راغب بک تورک رقصلرینه تناس ایتکدهدر: آنادولو رقصلرینی بزدن اول اجنبیلر بکندیلر. دوقتور (فرایلیچ) ایله مهندس (رادلفک) آنادولو تورکمن عشرتلرینک رقصلری حقنده ویردکلری ایضاحات بو یولده یاپیلش ایلك ونونه اولغه لایق بر تدقیقدر. اثرک بو سطرلری صنعتک ابتدائی کوزالکینی طاشیان رقصلریزه قارشى اولان لاقیدیمزی آجی بر صورتده کوستریور. نهایت بشنجی فصل روسیه تورکلرینه عائددر روسیه تورکلری موسیقی تاریخی آلدن کلدیکی قدار مثبت دلائله استناداً ایدینلاتیلغه چالیشلمشدر.

کتابک صوک فصلی بزده کی موسیقی فولکلورینک ناصل باشلادیغنی، شیمدی یه قدار نه لر یاپیلدیغنی آکلاتان بر تاریخچه ماهیتندهدر. فصلک لاحقیه سی، تورکولریزک قیمت و خصوصیتلرینی آراشدیرمغه حصرایدلمش، اک صوکه موسیقیشناس فرج بکک ویرمش اولدینی بش اون نوطه قونمشدر.

*

* *

اثرک یوقاربده خلاصه سنی چیزدکن صوکر صیرا بزم کندی فنکرلریزه کلدی. هر شیدن اول، «آنادولو تورکولری» نی، خلق بیلگیسی طوپلاعیلرینه یاپاجنی خدمتی دوشونه رک تدقیق ایتد. یکمزی سویله یه لم. بناء غایه علمی، فنی جهتی متخصصلرینه براقارق کتابدن ایدیندیکم عمومی قناعتلری سویله یه جکم.

اوله ظن ایدیورم که کتابک اسمی، موضوعنک کنیدیلکینی اشعار ایدمه یه جک قدار کوچوک آلتشد. (آنادولو تورکولری و موسیقی استقبالز) دینکله برابر محررک داها کنیش بر تورکک محیطنه شامل بر موسیقی تاریخی میدان کتیردیکنی سویله یه بیلیرز: فی الحقیقه کتابده یالکیز آنادولو تورکولری موضوع بحث ایدلمش اولمایوب اورتا آسیادن اعتباراً مختلف تاریخ، مکان، تأثیرلر آلتنده یاشایان موسیقیزک کچمشندن ده واسع بر صورتده معلومات ویرلمشدر. طبیعی بو جهت قومی نقطه نظر دن مهمدر. تاریخی زمانلرک، جغرافی وضعیتلرک تخالفنه رغماً ابتدائی موسیقیزده کی قومی اشتراکی کوسترمک عاماً بویوک بر قیمت طاشیمقدهدر.


اثرک ایکنجی بر قیمتتی، فضلا کتابیات معلوماتی احتوا ایتسندده بو، نویوز . اورتده اھمال ایدلمش بر ملتک ملی بئلکنی تمثیل ایدن بر صنعت وار، اونی علمی بر شکلده تدقیق ایتک، مختلف قابله صوقتی . بدیمی تاریخنی و فلسفه سنی وجوده کتیرمک بو کونکی و یارینکی نسلک وظیفه سیدر . بوکا چالیشانلرکده موفق اولابیللمه لری ایچون مأخذ و منبع معلوماتی لازمدر . ایشته محترم آرقداشمز بو اھمیتلی نقطه یی دوشونهرک بویولده چالیشانلرک ممکن اولدینی قادارفضله منبع و مأخذ کوسترمشدر . محررک استفادہ سنی تأمین ایدن بو مأخذلر بویلاک قیمتلی آدیم اوزرنده یورویه جک اولانلرکده اعظمی یاردیمی یاپاجقدر .

کتابک بر خصوصیتتی ده - که بواساساً اونک تهزیدر - ملی موسیقی شعورینه مالکیت دعواسندده یولیوز . اورتده بر مسئله واردر: ملی موسیقی هرحرثک آرتیق تشکل ایتمه سی لازمدر دون معتدده و ملیتده شرقک اسیری ایکن بو کونده غربک اسیری اولق وضعیتنه تحمل ایدمه یز . بزی نه شرقک آلا تورقه سی، نه ده غربک آلا فرانغه سی تطمین ایدمه مکده در و ایدمه یه جکدرده . غربدن یاپاجغمز استفادہ لر آنجق آلا جغمز علمی اصوللرک، چالیشما یی، آھنکشدیرن شکلرک انحصار ایدمه جکدر . مؤلفک دیدیکی کیی اکر بزمده موسیقی تاریخنده بر یریمز اولماسنی ایستیورسه ق هرشیدن اول خلق ازکیلریمز دن ایشه باشلامق مجبوریتندده یز . بو غایه یه قاووشمق ایچون یوقلامق، طویلامق و بیلامک ضروریدر . محمود راغب بک بو ضرورتی حقیله ادراک ایتش و ایتدیرمکه چالیشمشدر . کتابک مهم بر طرفی ده تربیوی تأثیرنده در . ذاتاً او، بو هیجانله وجوده کلشدر . هر بحثنه ملی موسیقینک تکاملی اندیشه سی حاکندر . صیق صیق کنجلمکه ملی نغمه لرک تثبیتی مفکوره سنی آشیلامقده در .

نهایت (آنادولو تورکولری) نک، مملکتهمزده کی موسیقی فولکلوری تاریخچه سی اولق اعتباریله اھمیتی واردر . علم مؤسسہ لریمز ایچنده حیات ایله علاقه دار اولان، علمی ایچون حیاتدن مالزمه طویلايان قیمتلی قونسرواتوارک فعالیتنی یاقیندن طانیان بر منبعه احتیاجمز واردی . اثر بواحتیاجی جاذب بر حکایه اسلوبی و تدقیق فعالیتنه عائد رسملرک ایفا ایدیور . بوتون بونقطه لر یاننده آنادولو تورکولری) ایچون یاپاجغمز بر تنقید وارسه اوده اثرک تصنیف چرچیوه سندده کی قاریشیققدیر . مثلاً دردنجی فصلک موضوعی، ایکنجی و اوچنجی فصلدن اوکجه کله لی، اوچنجی فصلک کتابیات قسمی صوکه براقلمالی، بوتون نوظلر و رسملرک بر آراده بولونمالی ایدی . بو تقدیرده اثردها طویلو بر فهرسته، اصولی بر مندرجات توزیعنه مالک اولاجقدی .

خلاصه : کتاب هر نقطه نظر دن تام زماننده حاضر لانش بر اثردر . خلق بیلکیچلرینه ناصل چالیشلا جغنک بالفعل نمونه سنی کوسترن و منورلرک موسیقی استقبالمزی دوشوندیرن محمود راغب بکی تبریک ایدرم .

EDİP ALP



عاشق دردلی، حیاتی و دیوانی : جامع و مصححی چانقیریلی احمد طلعت — بولی
ولایت مطبعه سی 1928، کوچوک مجمره 165 صحیفه .

«337» سنه سنده «بولی سالنامه سی» نك «حرثیات و ادبیات» قسمی یازان چانقیریلی احمد
طلعت بك بوكرده «دردلی» نك شعرلرینی اولدجه مفصل بر مقدمه ایله برابر نشر ایتدی .
محترم مؤلف، جداً یوروجی بر مساعی صرف ایدهرک، «دردلی» حقنده الده ایدلمه سی ممکن
اولان بوتون وئائقی طویلالمش و بو خصوصده وقوفی اولان ذواتدن، بالخاصه دردلی نك طورونی
الی یاشارنده کی «اشرف آغا» دن استفاده ایتیه ده اونوتامشدر.

کتابك «40» صحیفه دن عبارت اولان مقدمه سی، یوقاریده ذکر ایتدی کمز بولی سالنامه .
سنده [1338 - 1822] نشر اولوندینی کی، آنقرده انتشار ایدن «اوکود» غزته سنده ده
[1923 مارت] دورت مقاله حالنده نشر اولونمشدر. مقدمه، «دردلی کیمدر؟» (1) منقبوی حیاتی،
(2) حقیقی حیاتی، (3) مسلك ادبیسی» بحثلرینی عتویندر. بوکا (4) صحیفه لك بر «لاحقه» علاوه
ایدلمشدر. لاحقه ده «دردلی دیوانی» نك نه صورتله تدوین ایدلیکنه و ناصیل طبع ایدلیکنه دائر
ایضاحات وارد؛ بو ایضاحات میانده، شیمدییه قدار طبع ایدیلن دردلی دیوانلرینه و اونلرده
موجود اولان شعرلرک مقدارینه دائرده بر بحث آیریلسه ییدی شبهه سز داها ای اولوردی. اصل
دردلی دیوانی، اثرک «45» نجی صحیفه سنندن اعتباراً باشلامقده در. «58» نجی صحیفه یه قدار یازیلی
اولان شعرلر، بر مدحیه اوچ مرثیه، ایکی مربع و بر سطرنجدن عبارتدر. بونلری، صوک
حرفلر نظر. اعتباره آلنه رق، حروف هما صرهمسیله ترتیب ایدیلن منظومه لر تعقیب ایتکده در.
قوشمه لر، نفسلر، دیوانلر، سماعیلر، قلندرلر آیری بر تصنیفه تابع طوتولامشدر. مؤلفك، خلق ادبیاتنه
عائد نظم شکلرینی آیرماسی و اولاهما وزنیله یازیلانلری، اوندن صوکراده «دیوان، سماعی، قلندری»
کیی عروضا یازیلانلری کتابنه درج ایتیه سی البته داها وفاق اولوردی. «نفسلر» و «قوشمه لر»
دییه آریلان شعرلرکده یچین نفس ویا یچین قوشمه سرلوحه سی آلتنده یازلدقارینی آکلایابیلیمک
قابل اولامامقده در؛ نته کیم، «119» نجی صحیفه ده مقید اولان:

شراب لدندن ایچه لیدنبری آیامادم کیتدی مستانه سی یم بن

مطلعیله باشلایان منظومه «نفس» اوله رق کوسترلیدی حالده «149» نجی صحیفه ده کی:

ساقیا میکده ندر بو اسرار قیلدی بر قطره سی مستانه بی

مطلعی منظومه «قوشمه» اوله رق کوسترلشدر.

رندانه و صوفیانه تلقیلری احتوا ایدن بویکی منظومه نك، مضمون اعتباریله بربرلرینه مشابهلری
اولدینی کیی شکل جهتیله ده آرالرنده هیچ بر فرق یوقدر. ؛ بناء علیه، ایکیسنك دخی یا نفس
ویا قوشمه اوله رق تثبیتی لازم کلیردی. کذاک «86» نجی صحیفه ده کی:

بر یره جمع اولمش بش اون عاشقلر بری برلریله میدان ایدرلر

مطلعی مشهور «نفس» قوشمه لر میانده ادخال ایدلمشدر.

کتابك «29» نجی صحیفه سنده «قلندری» و «دیوان» حقنده ویریلن ایضاحات خلافته اوله رق

«134» نجی صحیفه ده کی

قاتلان دل دیوانه کوزه‌لار بلاسنه خوبلرده جفا عادت ایش مبتلاسنه

مطالعی منظومه‌نک ، دیوانلر میانسه و « 146 » نجی صحیفه‌ده « معفول فاعلاتن معفول فاعلاتن » وزنیه یازلمش اولان :

برشمه که یاقاجق پروانه‌سز قالیری ؟ غواص اولان بو بحر دلدانه‌سز قالیری ؟

مطالعی منظومه‌نک‌ده ، قلندریلر میانسه نه سببله یازیلدیغنی آکلایامادق ، کورولویورکه ، مؤلف منظومه‌لرک تصنیفنه اهمیت ویرمه‌مشدر . کتابده قاچ منظومه‌نک بولوندیغنی دخی مصرح دکیلدر . بزم تنبیت ایتدیگمز یگونه کوره ، محترم جامع ، دردلی‌یه عائد « 122 » منظومه ایله « 9 » بیت طوپلایا بیلمشدر . بو شعرلری‌ده ، نوعلرینه کوره برتصنیفه تابع طوتارسه ق مجموعنک « 38 » قوشمه ؛ « 33 » دیوان ، « 17 » نفس ، « 8 » سمعی ، « 8 » قلندری ، « 4 » مدحیه ، « 3 » دوریه ، « 3 » مرثیه ، « 2 » طاشلاما « 2 » تاریخ ، « 2 » صریح ، « 1 » سطرینج و « I » دستاندن عبارت اولدیغنی کورولور .

ذکر ایدیلن ایکی تاریخدن برینک « بیجان » اسمنده بر شاعره عائد بولونماسی محتمل اولدیغنی کیی ، دیگرینک‌ده تاریخ اولمایوب دیوانلر میانسه یازلماسی لازم کله‌جکی محققدر . [صحیفه 129]

احمد طلعت بک ، دردلی‌نک حیاتی اطرافلی بر صورتده تشریح ایتشدر . بوشاعر حقنده بوندن داها مفصل برترجه حال یازمق ممکن دکلدر ؛ شوقادار وارکه ، درلی‌نک « خلوتی » ویا « بکتاشی » طریقترلرینک هانکیسنه صادق قالدیغنی کوستریله‌مه‌مش ؛ بناء علیه ، اونک اصل صاحب اولدیغنی عقیده حقیله آکلایلامشدر . کتابک « 27 » نجی صحیفه‌سنده دردلی‌نک بکتاشیلغنی موضوع بحث ایدلیکی حالده « 32 » نجی صحیفه‌سنده خلوتیلکی تصریح اولونمقدردر ؛ فی الحقیقه « 66 » نجی صحیفه‌ده‌کی بر منظومه « درلی‌نک بزمه خلوتی » ، « 53 » و « 61 » نجی صحیفه‌لرده‌کی ایکی منظومه‌ده بکتاش اولدیغنی احتمالی ویردیر مکده‌در ؛ فقط ، بوقیمتلی عاشق « خلوتی » ایسه ، محقق « بکتاشی » دکیلدر اکر صوکرادن « بکتاشی » اولمشسه « خلوتیلک » دن تجرد ایتش دیمکدر ؛ زیرا ، بوایکی طریقت آراسنده « سنیلک-شیعیلک » « سنیلک . باطنیلک » کیی تضادلر وارددر . بر شاعر حقنده صریح حکملر ویرمیلیمک ، اوشاعرک معنوی شخصیتنی قطعی صورتده تعیین ایتمکه قابلدردر ؛ حالبوکه ، مؤلفک « 27 » نجی صحیفه‌نک حاشیه‌سنده سرد ایتدیکی نقطه نظر ، درلی حقنده صریح بر فکر ویرمکدن اوزاقدردر ؛ احمد طلعت بک ، بو نقطه نظرده ، تاریخی اصولاردن تجرد ایدهرک . « اهل سنت » عقائدینک ترجمانی اولمشدر . « قیزیلباشلق » ادعاسنده بولونانلر ، مؤلفه کوره ، حقیقی مسلمان دکیلردردر ؛ او حالده ، « اسماعیل صفوی » وتابعلرینی حقیقی اسلامیتک خارجنه چیقارمق لازم کله‌جکدرکه ، بوبر طرفکیرلکدر .

مؤلف ، ینه عینی حاشیه‌ده ، درلی‌یی ، بکتاشی اولارق قبول ایتدیکی حالده ، اونک اوغلنه « عمر » اسمنی ویردیگنی‌ده سویله‌مکده‌در ؛ حالبوکه ، بکتاشیلر علی‌العموم « سابه » دندرلر . « خلفای ثلاثه » یی سومزلر ؛ بناء علیه ، سومه‌دکاری برکیمسه‌یی خاطرلاتغه وسیله اولان براسمله‌ده تسمیه اولونغنی آرزو ایتزلر . اکر بواسم کیفیتی نظراعتباره آلنیرسه دردلی‌یی « خلوتی » اولارق قبول ایتک دوغرو اولور ؛ فقط ، بزم قناعت‌مزه کوره ، دردلی ، خلوتی طریقتنه کنج‌لکنده انساب ایتشدر . کتابک « 24 » و « 32 » نجی صحیفه‌لرنده ویریلن ایضاحات ، دردلی‌نک « خلوتی » اولدیغنی و خلوتی مشایخی‌ایله کوروشدیگنی اثبات ایتکده‌در . اوغلنه « عمر » اسمی ویرمه‌سی ایشته

اوزمانلره عائددر . ساز شاعرلریله و بعضی بکتابشیلارله دوشوب قالقاسندن دولایی یاواش یاواش خلوتیلکدن واهل سنت عقائدندن صویوغمش ، تام معناسیاه « بکتاشی » اولمشدر ؛ نته کیم ،

عیب کورمهك دردلینك سزلر قیزیلباش اولدیغن

مصرعی بونی اثبات ایتدیکی کبی ، دیواننده « خلفای ثلاثه » یه دائر اوافق برقید اولماماسی ، علی و اولاد علی یه افراط درجدهده محبت اظهار ایتسی ، نفسلر سویله مہسی دخی بو قناعتی تأیید ایتکدهدر . خصوصیه دردلینك یچین بکتاشی ویا یچین خلوتی اولدیغنی بیلمیه جک قادار جاهل اولماماسی و صاحب اولدیغنی قناعتلری بیله رك بنسہ مش بولونماسی ده بونی تأیید ایدر .

هر حالده ، دردلینك اثرلرینی بویوک برهمت صرف اندرک نشر ایدن محترم مؤلفی تبریک ایتک وظیفه مندر . دردلینك مطبوع دیوانچه لرینك نه قادار خطالی اولدیغنی و آله کچن جونکرده کی منظومه لرك ده برچوق املا یا ککشلریله مالی بولوندیغنی نظر اعتباره آلیرسه ، جامع و مصححک بو خصوصده اعظمی غیرت صرف ایتدیکی درحال آ کلاشیلیر .

SADETTİN NÜZHET

لهجه ارضروم : مؤلفی ؟ — دارالفنون کتبخانه سنده یازمه کتابلر آراسنده ،

نومرو : 986

دارالفنون کتبخانه سنده تصادف ایتدیکنز بو یازمه رساله ، غرب توزجه سنك شرقی آنادولو لهجه سی باقیمندن خصوصی برقیمت طاشیمقددهدر . رساله ناتمام کورونیور نه بر مقدمه سی ، نه ده صوکی واردر . یازانی بللی دکلدیر . کتبخانه یه نجیب عاصم بك طرفندن ویریلن اثر ، اوتهدن بری برتعامل تشکیل ایدن منظوم لغت طرزنده یازمشدر . شو قادارکه بو ، بر دیلك دیگر دیله نظراً یاییلمش لغتجه سی اولمایوب عینی دیلك ایکی لهجه سنی نظم حالنده تثبیت ایدن بروثیقهدر .

ماهیتنه باقیلرسه منظومه صاحبی ، مزاح مقصدیه حرکت ایتشدیر . سکیز نظمیدن عبارت اولان رساله ده هر پارچه نك وزنی ده پارچه نك صوکنده کوسترلمکدهدر . درنكك نشر ایده جکی وثیقه لر آراسنده بولونان « لهجه ارضروم » ه دائر شمیدین برفکر ویرمک ایسته یورز . ایلك پارچه شویله باشلا یور :

قویونك آدی (طوار) مانده اینکی (مهك)

قشلاغه هم (کوم) دینور ملاغه دیرلر (کدك)

(باجی) دی همشیره یه اولدی قونداش (طاطاش)

(طام) دیمك هم او ایش دیندی کیلاره (هرک)

طپراق اوللوك) منقالك آدینه دیندی (طغار)

(کوز طاومه سی) دیر ایسه آتش آلاجق کورک

یکرمی ایکی بیتدن عبارت بو ایلك نظمیدن صوکر ایکنجی منظومه :

(قاوورغه) اولدی قاوورولش اولان بغدادی اونی (قاووط)

یغوردی قوریدوب دیرلر آدینه (کش) دخی (قوروط)

ییتی ایله ، اوچنجی منظومه ده :

دینور چارداق اوطه آدینه (آیوان)

دخی شلم اکیلی ترلا (بوستان)

ایله باشلايور . دیگر پارچه لرده هپ بو نوعنددر . بوراده تکراره لزوم کورمدیکمز منظومه لردن بعض کله لر آلیورز : هنک = جلوه ، دربدر آدام = ترماش ، ئوز = سیوری سینک ، تشت = لکن ، خارموط = ایللق ، غور = مزار ، سقاوول = بویوک سوپورکه ، اریتمک = تکبیل کوسترمک ، کوزه = صو چیقان یر ، دالدامق = حفظ اولق ، یوله وورمق = تشیع ایتک الخ . کوریلورکه « لهجه ارضروم » ؛ مملکتک بر کوشه سنده یاشایان دیک معکسیدر . اونو وجوده کتیره ن مزاحی بر هدف ایله حرکت ایتش ، هر پارچه نک صوکنه :

فاعلاتن فاعلاتن فاعلاتن فاعلات

ارضرومده توز و بوزدن خالی بر کون کورمدک

فاعلاتن فاعلاتن فاعلن

ارضرومک اوکسورتور ایچن صوین

کبی بیتلر علاوه ایدلش . رساله صاحبک مقصدی نه اولورسه اولسون ، بوکونکی دیل دوزمه سی حرکتلرنده اوندن بویوک استفاده لر تأمین قابلدیر .

« لهجه ارضروم » ، شمدی یه قدار تدقیق ایدلمه مش دکلدر . محترم خلق بیلکیجیمز نجیب عاصم بك اونکله ایلک دفعه علاقه دار اولش ، هنوز تورک دیلنک کوزه لکندن کندی محیطنک خبردار اولدینی برزمانده اونو غرب عالمه طائغه چالیش مشدر . کندیلری کچن ییل آنقرده بر نسخه سی انتشار ایتش اولان بر مجموعه ده کنجلیک ائناسنده کی تورکچیلک حرکتلرندن بحث ایدرکن آکلاتیور : « بو صوک زمانلرده استانبولده اقدام غرته سیله دیگرلرنده و مجموعه لرنده تورکچیلکه دائر زمانک مساعدی اولدینی درجه ده نشریاتده بولوندیغ کبی پشته ده « revue ourale altaique » مجموعه سنده (بالقان اوغلی) امضاسیله اوروپا علم عالمه مجهول اولان غرب تورک لهجه لری حقنده صردسیله کایس ، بهسنی ، ارضروم لهجه لرینی و صوکر استانبولده نشره موثق اولدیغ « هبة الحقایق » ک بر قسمی نشر ایلدیگم کبی پارسده ژورنال آزیاتیق مجموعه سنده (ملی تورک عروضی) نی نشر ایتدم . [1] « نجیب عاصم بك ، ارضروم لهجه سنه دائر ویردیکی بومعلوماتی « لهجه ارضروم » دن آلمش ، بوسورتله اونو اونوتولدینی کوشه دن آیدیلغه چیقارمشدر . (ارضروم شاعرلری) نده بروسيله ایله « لهجه ارضروم » دن بحث ایتش ایدک . [2] ائردن بزى خبردار ایدن نجیب عاصم بك ائندی اولمشلردر .

رساله ده یوز الی بیت موجود اولوب ، احتوا ایتدیکی کله لر تقریباً اوچیوز الی ، درتیوز قدار واردر . بونلرک شویله بویله یوز قدارى عمومى تورکجه ده کی کله لرک صردفلیدر . کیری قالان عربی وفارسینک کله لرینه قارشیلقدیر . بونلرک جدی بر تدقیق یاپیلقدن صوکر لازم اولانلرک یازی وادیات حیاتنه آتیلما سی تورکجه یی بر اوقادار یابانجی کله دن قورتارمش اولاجقدر .

ZİYAETTİN FAHRİ

[1] چاک قایا مجموعه سی - 15 - مایس - 928 - نومرو : 1

[2] ارضروم شاعرلری - ص : 14 - 15

بوردىك نغمىلىرى: مؤلفلىرى سيفى الدىن و سىزائى بىكار ، استانبول ، مىلى مطبعە .

بواسم آلتىندە ، محترم مىلىكداشلارم سيفى الدىن و سىزائى بىكار قارداشلار ، مىلى مطبعە واسطەسىلە 50 قارداش صحىفەلك بر خلق تور كولىرى دستەسى نىشر ايتىدىلار . تىبىت پىك مەھمىدى ؛ چۈنكى بر چوققىلىق مىسئەلەرك تنورى و موسىقى استىقبالىز بۈكى ھەتلىرى مەتاجدى .

بر مىللەت خەلقىيات تەدقىقى ياپە بىلىمك اىچون اك اول او مىللەك موسىقى ذوقلىرى ھەققىدە ھەممىسى واساسلى بر فەكر ايدىنە بىلىمك لازم كەلە جەكەن ، پىك قىسە بر سىياحت نەتىجە سەندە طوپلانان بو تور كولىرك بوتون اىجەلەكلەرىلە نۇطەيە كچىرىلۇپ كچىرىلەمدىكارىنى بىلەنمەيز . باخسەھس ، بر غراموفون تدارك ايدەمدىكارىدە آكلاشىلىور . ثانىاً قىممەتلى موسىقى شىناسلارك ، شەرق تونالىتە اعتىادلەرىنە ھىچ وقف اولمادىقلىرىدە آكلاشىلىور ؛ بىلەنمەيدىلار داھا مەھم تەقريبلىر ياپە بىلىلەردى .

تور كولىرك مەتروپولىم اشارتلىرىنى كۈستەرمەكە ، دىكەر خەلقىياتچىلەرىمىز جەدە رەئىتى تەننىيە شىيان كۈزەل بر يول طوتمىشلار . آيرىچە ، مەزورلر اىچون ، « بىسىط » لرك خارجەنە چىقىمامقى ، ھەقى اقصاقلەردە بىلەنە آناختار يانەنە مىثلا [$\frac{3}{4}$] ويا [$\frac{3}{8}$] الخ يازمىق قولايلىغىدە رەئىت ايتىشلار . كە غەربى ئەنئەنىۋىي غەربىيە بىستەكارلەردە شەرق اقصاقلەرىنى بو شەكلدە كۈستەرمەكەدەرلر : بو يول طوتمىشقا اسكى اصول « تان فور » و « تان فەبل » مەجبورىتلىرىنە بويۇن اكيلىمىش اولەجنى اعتقادىدىن آرتىق واز كچمەلىيز . غەربىدە بويىلە شىلەرە اينانان آرتىق كىمە قىلماشدر ؛ بويىلە شىلەرك ھەسەدە و ھەملىيەتدە اساسادە ىرى يوقىدى . خلاصە ، سىنى و سىزائى بىكارك نۇطەنك ھەملى اىجەلەكلەرنىدىن استىفادە بولندەكى دىقتىلىرى نەمۇنە اولمىغە لايىقەر ؛ جەمال رەشىد بىكەدە بو ھەلەمانە يولى طوتمىشىدى .

دستەنك راپور قىسمىنى پىك مەختەسەر بولدىق . ھەممىسى نەقشەلەردە داھا مەتەخەسەس بر فۇلقلورخى افادەسى كۈرمەك ايتىردىك . قوللاندىقلىرى (اندرون موسىقىسى) ، (سەراى موسىقىسى) تەبىرىلەرىنى ھەممىسى بولمادىق . چۈنكى ، آلا تورقا فى الحەقىقە خلق تور كولىرىدىن بوسىپوتون آيرى برشى ايسەدە [فەنا و مەنا] ، يالەكز سەرايك ىتەشدىر مەھەسىدە دىكلەر : تەكىلەرە مەخسۇسلىرى ، ھەقى (فەنا) ھە و سەناغونلەرە ھەئە بىكەزەر . عىنى مەنشا ئالردىن - لىرىدە واردى : بوللر تور كىلەنك « قلاسىق شەھر موسىقىلىرى » دەرلر ؛ قاتوايك مىللەكتەلەرىنك (پەلەن شان) كالىسە موسىقىسىنە بىكەزەرلر .

سەدەدە كەلەم : مەجموعەيە ھەرت مەدىرىمىزك يازدىنى ، مىلى مەجار بىستە مەكتەپكە بازىسى مەشھۇر بىستەكار و خەلقىياتچى « بەيلا بارتوق » ايلە بر مەلاقتىنى تەشكىل ايدەن مەقدەمە ، پىك مەھمىدر . بارتوق ، تور كىلەرە ، - خلاصە - كەندىسەنك مەجارستاندە طوتمىشنى پروگرام داخلىندە چالەشمىنى تەوصىيە ايدىيور :

تور كولىرى مەھمىدە بىكى بر مىلى مەكتەپ مەھمىدە !

ايلەك تەشەببۇلەندىن دولايى سىنى و سىزائى بىكارلى تەقدىر و تەبرىك ايدەرز .

M. R

آنادولو ملی شرقی: دارالادب کلباندره — کفتر ونوطلر — دفتر: 5

مملکت موسیقیسنک انکشافنی دوشونورکن استانبولک وعدکار بر مؤسسہ سنی خاطر لامامق قابل دکلدر: قونسرواتوآر. مؤسسہ، کندیسنی یاشاتان و اداره ایدن قیمتلی عضولرله وظیفہ سی کوندن کونہ قوتلہن بر شعورله قاورامقده، متواضع بر غیرتله غایہ سنی آلدہ ایتکله چالیشمقده در.

ملی موسیقیمزک انکشافنه عائد مباحثه و مناقشہ لردن صوکرآ ارتق شو فکر بر حقیقت چهره سی ایلہ کندیسنی قوتلی بر صورتده کوستریور: بر طرفدن کتلهک ابتدائی اولان موسیقی حرشی آشه جکیز، آراشدیره جغز، ملی بذیهک موسیقی خزینہ سنده کی بو محتویاتی اورتیه آتقدن صوکرآ اونی مدیتک تکنیکی ایلہ ایشلہ یه حکیز. خلق بیلکیسنک اساسلی وظیفه و غایہ سنی تشکیل ایدن بوشعاری، استانبول قونسرواتوآری، باشنده کی قیمتلی مدیری و کزیده معلمریله، پارلاق بر صورتده قوه دن فعله ایصاله عزم ایتشد.

بو عزم، ساده جه نظری و انفسی قالمش دکلدر. قونسرواتوآریک شمدی یه قدار اولان نشریاتی آراسنده آرقداشمن محمود راغب بکک «آنادولو تورکولری» نده آکلا دینی قونسرواتوار فعالیتلردن باشقه بش دفتر وار که بونلر، او عزمک دقتہ و تقدیره دکر نشانہ لریدر. فی الحقیقه بودفتلر، یوقاریده عرض ایتدیکمز فلسفی دوشونوش ایلہ حرکت ایدن سچمه بر علم هیئتک تصویبندن کچهرک نشر ایدلمش تدقیقلردر. بز اولنرده موسیقی فولکلورمزک قیمتلی محصوللرینی کوریورز. بو محصوللرک طاشیدینی قیمت ایلہ متناسب اهمیت ده، دفترلرک مقدمه لرنده کوزه چارمقده در. بو مقدمه لرک احتوا ایتدیکی فکرلردن قیصه جه بحث ایتک دفترلرک علمی و فلسفی قیمتی حقنده بر فکر ویزه جکدر.



برنجی دفترک مقدمه سنی رؤف یکتا بک یازیور. محرر، ایلکین عمومیتله خلق بیلکیسنک اهمیتنی آکلا تمقده در: «انکلیزجه ده (خلق بیلکیسی) معناسنه کلن (فولق-لور) کله سنه بر مدتدن بری مطبوعاتمزده تصادف اولونیور. طوی یدی حرفدن تشکل ایدن بو کلهک مدلولی نه قدر متنوع موضوعلری شامل اولدیغنی دوشونجه، حیرت ایتمهک ممکن دکلدر. فی الحقیقه خلق شعرلری، عنعنہ لر، روایتلر، حکایه لر، ماصالار، اعتقادلر، اوهام و ظنیات، عادات و مراسم، خلق شرقیلری کبی هر ملتک خصوصیت احوالنه، ماضیسنه، یاشاییشنه، طرز تفکرینه تعلق ایدن بر چوق موضوعلر بو کون (فولق-لور) ک دائرة شمولنه داخل بولنمقده در. عص مزک خلق بیلکیجلری اولان (فولق-لوریست) لر ایشته بودرجه واسع بر تدقیق زمینده چالیشمقده درلر. خلق بیلکیجلرینک جمع ایتدکاری و ثائق و وجوده کتیردکاری قوللکسیونلرک تدقیقندن ایدیلہ جک استفادہ نک خوش و آکلنجه لی صورتده وقت کچیرمکدن عبارت قاله جنی ظن ایدله ملیدر. بالعکس بو وثیقہ و مجموعہ لردن بعضیلرینک جدی بر قیمت ذاتیه یی حائر بولندی حالدہ بویوک بر قسمک منسوب اولدینی ملتک صورت نشأت و طرز انکشافنی اورتن شبهه و تردد قارا کلقلرینی تمامیه تنویر و بوسبتون یکی بر شکلده اراٹه ایدہ جک ماهیتده مهم شیلر اولدینی کورلکده در.»

رؤف یکتابك، متعاقباً بلغارستان و روسیه ده کی فولکلور تدقیقاتی فعالیتنه دائر معلومات ویریور و قونسروآتوارك یاپدیردینی استمزاجلره کلن جوابلرک نوطه لرله نشرایدلمسندن متولد فایدایی تشریح و منورلری بو خصوصده کندیلرینه یاردمه دعوت ایدیور .

مقدمه یی قونیه ، جانیک ، قیصری ، منشا ، آفیون ، ارضرومده طویلانش قرقیدی خلق شرقیسینک کفته لری و بسته لری تعقیب ایتمکده در .

*
* *

ایکنجی دفترده ده رؤف یکتابك بر مقدمه سی وار. استمزاجلره کلن جوابلر آراسنده مغله ده موسیقی فولکلوری ایله مشغول ، درنک آرقدانشلرمزدن صبری بکک جوابی اوزرنده توقف ایدیور. صبری بک مغله ده آتیلیمده اولان تورکولری نوطه لرله قونسروآتواره کوندرمشدر . مقدمه صاحبی اوزاقدن یاپیلان فولکلور تدقیقلرینک خطاسینه اشارت ایدرکن « ایشته بو نواقصک استکمالی فکریدرکه بزى بالذات سوکیلی یوردمزی دولاشمغه و آنادولونک مختلف یرلرنده تورک موسیقیسینک اصل روحنی تشکیل ایدن نغمه لری لطافت اصلیه لرینی محافظه ایدرک ضبطه سوق ایتدی » دیور. فی الحقیقه دیگر اوچ دفتر، قونسروآتوار مدققلرینک، ذاتی مساعی و فعالیتلریله آلدایدلمش محصولاری احتوا ایتمکده در .

*
* *

اوچنجی و دردنجی دفترلرک مقدمه سنی جمال رشید بک قلمه آلمشدر . قونسروآتوارك آنادولو تورکولرینک عرض ایتدیکی نهسته تیکی مدنی اولکه لرک اک مشکاپسند مرکزنده تقدیر ایتدیره ن بوکنج و وعدکار عضوی ؛ مقدمه ده فولکلوریک تدقیقلرک فلسفه سنی تشریح ایتمکده در . جمال رشید بک، موسیقی اثرلری اوزرنده طبیعتک تأثیرینه قانعدر: « مثلاً ، دیور، قره دکن حوضه سندن کلن تورکولر کثیرالوقوع فورطنه لرک ، شدتلی قیشلرک ، صارب طاغلرک عظمتلی و قارا کلق اورمانلرک تأثیری آلتنده علی العاده مغموم ، آجیقلی و شدتلی اولور . . . الخ » بونی تعقیب ایدن سطرلر آراسنده ، خلق تورکولری اوزرنده فصل چالیشمق ایجاب ایده جکنه عائد فکرلر ، تلخیصاً قید اولونیور : بوتورکولر ، یا ساده جه آرمونیزه ایدیلیر ، یاخود برته م کبی قوللانیله رق شرح و توسیع اولونور و یاخود بوتون شخصی موتیفلرله قاریشدیریلیر . بو اوچ حالده ده شرقینک کندینه خاص اولان لونی و طبیعتنی محافظه ایتک الزمدر . »

*
* *

قونیه و اورفاده قونسروآتوار تدقیق هیئتینک طویلادینی قرق خلق تورکوسی محتوی اولان بشنجی دفتر ایله ، موسیقی فولکلورینه عائد بو عناصر نشریاتی فعالیتینک ایلاک خطوه سی آتیلمشدر . ساده جه تقدیر حسن ایتدیکن بو اثرلر قارشوسنده بز ، « درنک » ی یاراتان مملکت احتیاجینک برقوانه عائد تصورلرک کندی تشکلندن اول تحقیقنی کورمکله ممنونز . اساساً اله کچیردیکی و کچیره جکی موسیقی فولکلوری مالزمه سینک تدقیق صلاحیتنی محترم قونسروآتواره براقش اولان « خلق بیلکسی درنکی » ، بومورنله مؤسسه ناک علمی واجتماعی فعالیتنه ، آصیل غایه لرینک تحقیقنه بر پارچه یاردم ایتکه موفق اولورسه کندیسنی بختیار عد ایده جکدر .

ارضروم شاعرلری: ضیاءالدین فخری — استانبول صنایع نفیسه مطبعه سی، 1927 —
 بویوک مجمعه 130 صحیفه — فیائی 50 غروسه

معلم ضیاءالدین فخری بک 924 - 925 سنه سنده ارضروم لیسه-نک فلسفه واجتماعیات معلمی ایکن بورانک حرثیاتی ایله علاقه دار «ارضروم شاعرلری» عنوانیه مهم بر اثر یازمشدر. اثر، بر «مدخل» ایله برابر «ایکی قسم» دن، بر «نتیجه» دن و برده «ادبیاتمزه ده موقراسی» آدلی بر مقاله دن عبارتدر. مدخل، [ص 3-16] «ادبیات تاریخمزه بر نظر، محیطی ادبیات تاریخلری، بویوک بلده لرك اهمیت، ارضروم تاریخی، ارضروم و محیطی شاعرلری، ارضروم خلقیاتی» بحثلرینی احتوا ایتکده در.

کتابک اصل موضوعنی تشکیل ایدن ایکی قسمدن برنجیسی، اون دوردننجی عصردن، اون دو قوزنجی عصره [ص 18-156]، ایکنجیسی، اول دو قوزنجی عصردن، زماغزه قادر ارضرومده یتیش شاعرلرك تدقیقنه حصر ایدلشددر. [ص 58-115] برنجی قسمده ترجمه حال وادی مسلکلی تثبیت ایدیان شاعرلر، «یونس امره، مصطفی ضریر، نفی، ملهمی، حاذق محمد، ابراهیم حق» در. ایکنجی قسمده ذکر ایدیلن شاعرلر، «ناطق، ذهنی، امره، اربابی، جلالی، پرتو پاشا، ضیا پاشا، سراجی، ارشادی، شهواری» دن عبارتدر. بویوخی «10» صحیفه دن عبارت اولان «نتیجه» [ص 116-130] تعقیب ایتکده در «ترکیبی مطالعه» لردن باشقا برشی اولمایان بونتیجه، اون دوردننجی عصر، اون بشنجی عصر و اون آلتنجی عصرلر، اون یدنجی عصر، اون سکوزنجی عصر و اون دو قوزنجی عصرلره عائددر. کتابک نهایتنده ینه ارضروم شاعرلرینه عائد اولق اوزره «3» صحیفه لک «ادبیاتمزه ده موقراسی» آدلی بر مقاله مندرجدر. [ص 130-1133]

مؤلف، شیمدی یه قدر «تذکره» لرده ویا «ادبیات تاریخلری» نده اسملری کچن یونس امره، مصطفی ضریر، نفی، ملهمی، حاذق محمد، ابراهیم حق، ناطق، پرتو پاشا، ضیا پاشا کیی شاعرلره دائر اعظمی درجه ده تفصیلات ویرمکدن صرف نظر ایتش و مختلف یرلرنده بو ذات حقنده حاضر لادینی مونوغرافیلری نفر ایده جگنی سویله مشدر؛ بناء علیه، بو شاعرلر حقنده «ارضروم شاعرلری» بزی تطمین ایده میور دیمکدر. اساساً محیطی شاعرلردن بحث ایدن بو اثرده طائمش شخصیتلر حقنده اوزون ایضاحات ویرمک لزوم سزدر.

کتابک الکاهیتلی جهتی، بو گونه قادر ادبیات تاریخلرنده تصادف ایدیلمه ین ارضروم شاعرلرینی احتوا ایتش اولماسیدر. ذهنی، امره، سراجی، ارشادی، شهواری کیی شاعرلر حقنده بیلدکاریمز بک سطحی بولونویوردی؛ کچه، ضیاءالدین فخری بک ده، بونلره دائر اعظمی معلومات آله ایده مه مشدر. بونی، بالذات اعتراف ایتکده در؛ فقط، بو شاعرلر حقنده هان هان تاریخی وثیقه موجود اولمادیغندن مؤلف، معذوردر. شو قادر وارکه، «امراره» کیی آز چوق حیاتی مضبوط اولان بر سازشاعرینک «طاووق بازاری جمعیت عاشقانه سی» ریاستنده بولوندیعی سویله مک، اونک عاشقلر آراسنده کی موقعنی کوسترمک اعتباریه، اقتضا ایدردی.

مؤلفک متنلره فضله اهمیت ویرمه یه رک، تاریخی و ادبی قیدلره اکتفا ایتمه سی ده بزجه دوغرو دکیلدر. ذهنی، امره، سراجی کیی شاعرلره عائد بک اعلا بر چوق شعرلر، کتابه علاوه

ایدیله بیلیر و بزم ده بوقیمتلی عاشقلر حقنده کی وقوفز آرتاردی.؛ مع مافیہ، مؤلف، بونلر حقنده ده آیریجه اثرلر نشر ایدہ جکنی وعد ایتدیکی ایچین، بو خصوصده ده برشی سویله یه بیلیمک حقنی حائز دکیلز.

قناعتمزه کوره، ضیالالدین فخری بکک اصل یا کیلیدی نقطه، «ارضروم شاعرلری» نی «محیطی ادبیات تاریخی» طرزیده یازمغه چالیشمش اولماسنده در؛ فی الحقیقه، «ارضروم شاعرلری» دنیلنجه یک نظرده خاطرہ، ارضرومده دوغان شاعرلر کله بیلیر و اوزمان «دورینک یاشایشنه حاکم اولان شخصیت صاحبی ارضروملی شاعرلر» دخی بوزمرده ایدخال ایدیلیر، نته کیم، علی امیری افندی مرحومک «دیاربکر شاعرلری» بو نقطه نظره کوره یازلمش اثرلردن بری در. حالبوکه کتاب «محیطی ادبیات تاریخی» طرزنده ترتیب ایدلیدیکی ایچین ارضروم محیطندن اوزاقلاشمایان ویالکیز ارضرومک عنعنات وعاداتیله مشبوع برذهنیتله یتیشه رک محلی، لسانی و لهجوی بر خصوصیت عرض ایدن شاعرلر خاطرہ کایر؛ ایشته، بوجهتلر نظر اعتباره آلنه رق یازیلان اثره، ادبیاتمه انقلابلریامغه موفق اولان و بوتون تورکیه نیک قوتلی شاعرلرندن بری بولونان «نفی» ایدخال ایدیلہ من. «پرتو» و «ضیا» پاشالرکده محیطی ادبیات تاریخنده بری یوقدر؛ حتی، «اصراه» ی ده ارضروم شاعری اوله رق قبول ایتمه من. امکان موجود دکیلدر، او، بوتون آناتولینک شن وشوخ بر ساز شاعریدر. کرچه ضیالالدین فخری بک، بلده وی نسبتلرک عائوی اساسلره کوره تنظیم ایدلیدیکی و مولد مسأله سنک اجتماعی بر ماهیتی حائز اولدیغنی سویله مکده و بوجهتلہ یونس نفی، ضیا پاشا. کیبی شاعرلری ده «محیطی ادبیات تاریخی» نه ایدخال ایتمکدن چکینمه مکده در؛ فقط، بوکا مقابل، شخصیت صاحبی ادیبلرک اثرنده محلیکی اثبات ایدن بارزوصفلر کوسترمک لازمدر. مؤلفک، یونس اصراه - و - قاضی ضریر - ایچین ایلری سوردیکی لهجوی خصوصیت، قسماً آنادولو و قسماً آذری لهجه سیله اثرلر وجوده کتیرن، اون دوردنجی و اون بشنجی عصرلرک بوتون شاعرلرنده موجوددر. محیطی ادبیات تاریخی، خواص ادبیاتی سینہ سنه آلایلیمک شرفندن هر زمان ایچین محرومدر؛ او، اولسه اولسه عوامی ادبیاتدن بحث ایدہ بیلیر. محلیکی حقیقه کوسترن وصفلر تماماً اونلرک آثارنده موجوددر؛ بناء علیه ادبیات تاریخمزی، معین محیطلر و جغرافی منطقہ لر باقیمندن، ارضروم شاعرلری مؤلفنک نقطه نظرینه کوره، تدقیق ایتک قابل اولاماقده در.

ضیالالدین فخری بک، اثرینه، «محلی ادبیات تاریخی» رنگنی ویرمه یوب، دوغرووددن دوغرویه ارضروم شاعرلرینی، بالخاصه شعرلرینی یازسه و بزی او یولده تنویره چالیشسه یدی مساعیسی شبهه سز داها مشر اولوردی.

مؤلفک «مدخل» ده اک اسکی تورک ادبیاتی - مولانانک بش اون مصرع تورکجه شعریلہ، اوغلونک منظومه لرندن و داها صوکر «یونس اصراه» نیک قوشمه و مشنویلرندن عبارت عد ایتمه سی ده اسکی بر تلقی در؛ آرتق، «شیاد حمزه» لره، «اجد فقیه» لره، «خواجه دهانی» لره عائد شعرلر و تاریخی وثیقه لر الده ایدلدکدن صوکر، ادبیات تاریخنک مجهول اولان بوقسملری، تماماً دکیلسه ده قسماً تنویر ایتش صاییلیر.

ذکر ایتدیکمز شواہیتسز نقطه لر استثنای ایدیلیرسه، ارضروم شاعرلرینک محتوی اولدیگی تاریخی معلومات اعتباریلہ اہمیتلی بر اثر اولدیگی کورولور.

سینوب ولایتی ، تاریخی و جوغرافی ترقیه : مؤلفی سینوب آثار غنیفه مجلری جمعی
 لائب عمومی محمد شاکر بك برنجی کتاب

ایلك فورمه سی انتشار ایتیش اولان و مادی سبیلردن طولای متباقی قسملری غیر مطبوع قالان بو اثرک باش طرفنده شا کر بك مقصدینی آکلاتیور :

(سینوبک زنکین بر تنبع ساحه سی تشکیل ایدن «Folk-lore» نه دائر برطاسلاق وجوده کتیرمک مراقیله خیلی تدقیقاتده بولنش و بو شعبه معرفتک احتواسی آلتنه کیرن خصوصات حقنده ایجه ده نوط طویللامشدم . بالاخره ولایتک نصفندن فضه بر قسیمی اوزرنده یاپدیغم اوزونجه بر جولانک ویردیکی ده اجدی بر تحقیق فرصتی اوزرینه اولجه طویلادیغم معلوماتی یکیدن آله ایتدیکم تفصیلاتله قارشیلادیروب آله آلمغه دکر بر اثر جکک اک اساسلی مالزومه سنی تلفیق ایتیش بولونمقدن متولد بر شوق ایله مسوداتی تبیضه باشلامش و اکمال ده ایتشدم ، برنجی کتابک برنجی قسمی قبل المیلاددن عثمانیلره قدار سینوب تاریخی احتوا ایدیور . بزی علاقه دار ایدن خلق بیلکی قسمی ، هنوز غیر مطبوعدر . بناءً علیه بزم ، بو اثر حقنده بوراده سویله یه جک بر فکر من یوقدر . مؤلف اثرک متباقی اقسامنی درنکه کوندره جکنی بیلدیرمکده در . ممنونیت و شکرانله قارشیلانان بواشعارک نتیجه سنده کوره جکمز سینوب خلقیاتی بحشه عائد فکر لر منی بالاخره قیدایدیجکر و اثرک طبیی اسبابی حاضر لامغه چالیشه جغز . قیمتی آرقداشمزی تبریک ادر ، مساعیسنده موفقیت دیلرز .

A. H

بایوردلی ذهنی : مؤلفی ، ضیاءالدین فخری ، برنجی کتاب ، استانبول 1928

الهامی وفوزی مطبعه سی ، ص 68

آرقداشمز ضیاءالدین فخری بك ، مشهور شاعر بایوردلی ذهنینک حیاتی ، اثری ، ادبی شخصیتی حقنده ، اوزون بر مساعی نتیجه سنده حاضر لادیفی کتابک برنجی قسمی اخیراً کوچوک برجلده حالنده نشر ایتدی . خلق وعینی زمانده کلاسیک ادبیاتمک بلالی باشلی بر چهره سی اولدیغی حالده ، نه دنسه ، شیمدییه قدار کشف بر قارا کاق ایچنده براقیلان بایوردلی ذهنی یی طایمق ایچون ، اوته دنبری محتاج اولدیغمز بو اثر ، قیمتی شاعرک سیاسی ، بوتون خطلری و تفرعاتیله اوکزده جانلاندیرمکده در .

المزده بولونان برنجی کتابده ، قیصا بر باشلانغی متعاقب بایوردلی ذهنینک حیاتی تدقیق اولونمقده ، اوندن صوکر دویوانه کچیلرک قصیدلری ، غزلاری ، داها صوکراده هجویه لر یله مختلف پرچالری و داستانلری موضوع بحث ایدیلکده در .

کتاب هنوز تماماً چیقمدیغی ، بالخاصه شاعرک بزی علاقه دار ایدن قوشمه لر نشر ایدلمدیگی جهته ، حقنده قطعی بر مطالعه درمیانی امکانی موجود دکیلمده ، منتشر بولونان برنجی قسمه نظراً ، اثرک خلق بیلکیسی تدقیقاتی اعتباریله دقته شایان اولدیغی قبول ایتک ضروری ، بوقسمده ، داستانلرک خصوصی موقعی ، عرض ایتدیگی اهمیت دقته شایاندر . ایکنجی قسم چیقمدیغی زمان ، ضیاءالدین فخری بك محصولی یاقیندن تعقیب ایتک اوزره شیمدیلك کتابک برنجی قسمک انتشارندن ، ایکنجی قسمکده انتشار ایده جکندن قارئلر منی خبردار ایله مکله اکتفا ایدیورز .

MEHMET HALİT

آتالار موزی: هاشم ولی - استانبول، محمود بک مطبعه سی، 1928، کوچوک مجموعه 55 صحیفه

سابق سفارت اماملرندن هاشم ولی افندی، شمال و جنوب تورکلرینک بعض مشهور ضرب مثلریله بیلیمجه لرینی، بر صحیفه لک بر مقدمه علاوه ایدرک، کوچوک بر کتاب حالنده نشر ایتدی. کتابک مقدمه سی بر طاقم ضرب مثلری بر آرایه کتیرمک صورتیله یازلمشدر.

«763» ضرب مثل و «23» بیلیمجه دن عبارت اولان بوارده علمی بر تصنیف یوقدر. مؤلف، کتابک ایلاک «12» صحیفه سنده اگمکه دائر «6»، آچلغه دائر «13»، آتہ دائر «17»، ایتہ دائر «19»، قورده دائر «11»، انسانه دائر «10» دومه دائر «11»، صویه دائر «28»، آتسه دائر «17»، ضرب مثل یازمش، فقط، صوکره هر نه دنسه بودوغرو تصنیفدن صرف نظر ایدرک ضرب مثلری، حروف حجا صره سیله ترتیبه باشلامشدر.

هاشم ولی افندی، دیوان شاعر لریمزک ایراد ایتدکاری بعض مثلری ده کتابنه درج ایتمکده در؛ لکن، بونلرک آراسنده یا کلش یازیلانلرده واردر؛ مثلاً، کتابده «الده استعداد اولونجه کار کندین کوستر» مصراعی «الده استعداد اولونجه ایش کندین کوستر» شکلنده کورولمکده در. مؤلف، یازدینی بیلیمجه لک جواب لرینی ده ایلاک حرف لریله کوستر مش و بصورتله حل ایتک ایسته ینلر ایچین بر قولایلق تأمین ایتشدر.

هاشم ولی افندی. شیمدی یه قدار لسانمزده یازیلان مطبوع و غیر مطبوع «ضرب مثل» کتاب لرینی تدقیق ایتسه واوندن صوکره طولادقلرینی نشر ایتسه ییدی شبهه سز داها فائددلی بر اثر وجوده کتیرمش اولوردی. مع مافیہ نه ده اولسه مؤلفنی تبریک وظیفه در.

SADETTİN NÜZHET

هرغرافیا تدریس اصولی: در فتر خلیل فکرت - استانبول، اقبال کتبخانه سی 1927، ص 128

درنکمزک ارشاد انجمنی رئیس خلیل فکرت بک کچن سنه ایلاک معلملره مخصوص «جغرافیا تدریس اصولی» آدلی بر اثری چیقدی. اثر، بزده جغرافیایی اوقوتنه طرزنده جذری دکیشکلکار پایه حق بر اهمیتی حائر در. عمومی هیئت اعتباریله درنکجیلرک محیط و جغرافی تدقیقلرینک ماهیتی ده کوستریور. بونقطه دن بزی نه قدار علاقه دار اینسه آزددر. خلق بیلکیمی ایله صمیمی تناسی صورتده اولان بحثلر، دها زیاده «یوردجیلق» عنوانی آلتنده کی صحیفه لر در.

فرانسزلر «فولقاور» عمومیتله ظری و علمی معنا ویریورلر و اوصورتله حرکت ایدیورلر، آلمانلر حسب علم شوقیله یا بیلیمسی لازم نظری طرف لرینی ده کوزدن اوزاق طوتمانی ایله برابر دها زیاده «فولقاور»ک علمی و حیاتی نتیجه لرینی آراشدیریورلر. محترم خلیل فکرت بک، مملکتده بونوعدن بر جغرافی تدقیق علاقه سی اویاندریمغه چالشیور: «یوردجیلق بحثک خصوصی وظیفه سی، وطن و مملکت فکری ایله مملکت محبتی چوجقلرده معقول بر طرزده جانلاندیرمقددر. «بونک ایچون جغرافیا تدریساتنده مالزمنه نک اهمیتی بویوکدر. درنکجیلر بومالزمنه یی «اوبلارکن (ص: 38) ده کندیلرینه رهبراک پایه حق سؤاللری، فهرست ایچنده ده 4، 5، 6، 7، 11 نجی بحثلری محقق کورملی و اوقومالیدر. آنادولو چوجقلرینه مملکت عشق و ملت سوکیسی ویرمک خصوصنده جغرافیادن نصل استفاده ایدیلدیکنی، درنکک طبیعی عضوی اولان ایلاک مکتب معلملرینه «جغرافیا تدریس اصولی» کتابی آچیق بر صورتده کوسترمکده در.

فولکلور و ماهیتی : رائف هفی - 924 یلمنه دارالفنونه ادبیات فاکولته سنه ویریلیم
طبعه نزلر ندره ، ص : 120

صوک ییلار اثناسنده ادبیات فاکولته سنک طلبه لری ، مأذونیت ته زی موضوعلرینی مملکت
فولکلورندن آلمغه چالشیورلر . بونلرک آراسنده فولکلورک ماهیت وتاریخچه سنی آراشدیران رائفه
خانمک ته زی دفته ده کر براهیتی حائزدر . ته ز بش قسمدن عبارتدر . ایلك قسمده خلق بیلکیمسک
ماهیتی ، ایکنجی قسمده خلق بیلکیمسک تاریخچه سی ، اوچنجی قسمده خلق بیلکیمسک بوگونکی ماهیتی
و علم عالمنده کی موقعی ، دردنجی قسمده تورک خلق بیلکیمسکی حقنده بر قاج - روز ، صوک قسمده ده
خلق بیلکیمسکی کتابیاتی واردر . هر قسم ، کندینه مخصوص بر اهمیت و قیمتده در . ته ز صاحبی
خلق بیلکیمسک ماهیتی وتاریخچه سی قسملرنده ، مدنی دنیاده یازلمش اولان بوتون فولکلوریک اثرلردن
وتدقیقلردن استفاده ایتمش ، چوق کنیش بر معلومات ویرمشددر . رائفه خانم ته زینک موضوعی انتخاب
ایدرکن ، آکلاشیلیورکه ، مملکتیمزک بو بیلکیمیه اولان احتیاجنی بوتون درینلکی ایله حس ایتشددر .
دردنجی قسمدن آلدیغمز شو سطرلر بو شعوری کوستریور : « اطرافزده کی ملتله و مملکتله
برکوز کزدیره جک اولورسه ق یاپیلان انقلابرده واحداث ایدیلن یکیلکاردده ، وضع ایدیلان قانونلرده
خلقک خصوصی بنیه سنی تشکیل ایدن اجتماعی تظاهرلرک نظر اعتباره آلدیغنی کوریورز . اکر بو نقطه
نظر اعتباره آلمانایاجق اولورسه و خلقک عصرلرجه انسیاق بر صورتده تابع اولدینی تعامللر ، غننه لر
نظر دقتدن دورطوتیلورسه یاپیلان بوتون یکیلک درمه چاتمه و بوش اولدینی کی صر اوزرینه قورولان
بنالر قدار تماسز اولور .

اجتماعی بنیه مزی ، ماهیت مزی ، اوکره نمک ایچون بوکونه قدار مملکتیمزک کندمن طرفندن هیچ آل
دوقوندیرلماش وعصرک تحولات اجتماعی سنک تأثیریه غاب اولق اوزره بولونان معنوی خزینه لر مزی
میدانه چیقارمق ، ده ها دوغریسی اونلری ضبط وقید ایتک بورجمزدر . [ص : 52]

برایکی صحیفه صوکرده : « آتنوغرافیا وفولکلور مزی اوکره نمکله بین الملل علمه خدمت ایتدیگمز
کی ملی وحدتمزه ، ملی شعورمزک انکشافنده ، خدمت ایتمش اولاجغزه » [ص 55] دینمکده در .

بشنجی قسمده مختلف لسانلرده یازلمش و خلق بیلکیمسینه عائد غزته ، مجموعه ، کتابلرک بر ایسته سی
وارددر . خلق بیلکیمسکی وادیسنده چالیمق ایسته ینلره 300 ی متجاوز منبع کوسترن بو ایسته نک
ایفا ایده جکی رهبراک چوق بویوک بر قیمتده در . ادبیات فاکولته سنک بوقیمتلی مأذونتی تبرک ایدرکن

آرقادایمزمزک نظرلرینی پوشایان دقت ته زه جلب ایتک ایسته یورز . — Z. F

شورا جمهوریتلری اتحاری ملتلرنده خلق بیلگیسی تدقیقلری

روسیه تورکلرینک موسیقی خلقیاتنده اختصاصی ایله مشهور (ریباقوف) ك ، « اورال مسلمانلرینک موسیقی و شارقیلری » اسمیه 1897 ده نشر ایتدیکی کتابنده کی کتابیاتك تدقیقندن یالکز او تاریخه قدر روسیه تورکلری موسیقی خلقیاتی حقنده الایه یاقین یازی یازیلدیغنی آکلادق. حرب عمومی دولایسیله بویولده کی نشریات برمدت ایچون آزالدیسده ، كرك روسیهده و كرك دیگر آوروپا مملکتلرنده روسیه تورکلری ایله علاقه دار متعدد یازیلر بوسبوتون چیقمامازلقدده ایتمه دی . از جمله آوستریالی پروفیسور (روبه رلاخ) ، روس اردوسندن آلنان تورك اسیرلر آراسنده تدقیقاتده بولونه رق ، نتیجه ده ، بیلدیكمزه كوره اوچ مختلف كتاب باصدیردی : برچوق نوطه لری محتویدر . فقط داها جدی تدقیقلرک روسیهده چیقاجنی بك طبیعی ایدی . برطرفدن مختلف تورك قوملری نزدنده تورك کنجیلرندن صرکب موسیقی تدقیق هیئتلری طویلانیركن ، [1] برطرفندن روسلر تورك موسیقیلرینی بویوك برعلاقه ایله جمع و آرمونیزه ایدیورلر . از جمله ، موسقووا حكومت مطبعه سنك موسیقی شعبه سنك [2] آلمانجه قاتالوغنده بالخاصه شو مهم اثرلری كوردك :

§ « قریم توركولری » ، موسقووا 1924 .

« Lieder aus der krim . » gesammelt und nieder geschrieben von sänger U etnographen T. konts s'cheWsky , harmonisiert von M. staWitsky und W. pas s'chaloW moskau 1924 .

§ « شرق توركولری » ، موسقووا 1927 .

« Lieder des orientis » .

[طویلایوب آرمونیزه ایده نلر اولکی مجموعه ده کی موسیقیشناسلردر . بومجموعه ده . بش تانه ده تورکیه تورکلری شارقیسی واردر .]

§ آ. زاتایه ویچ — « قیرغیز قوملرینه عايد 1,000 توركو » ، اوردهنبورغ ، 1924 .

A. satajeWitsch . - 1000 lieder des kirgisenvolkes . 1924 .

اك مهملری بوصوك مجموعه اولوب قازاقستانده بویوك تقدیرات قازاندی . بومجموعه ده کی توركولر آراسنده ، عمومی قاراقته ری ، صیباقلنی ، یانیقلنی ، طورلری ، قادانسلری ایله آنادولو توركولرینك اوز قارده شی نقیس پارچالر واردركه - قریم خارج اوللق اوزره - روسیه نك تورك و تاتار قوملری ایچنده بزرک ذوقزه اك یاقین موسیقیلر ایشته بونلردر :

مثلا ، « ایلم هی ! . » ، « جمال » ، « جیرمابس ! » [یکریمی بش] ، « بال خدیجه » توركولری ، تورك صنعت دهاسنه لایق برر شاه اثردرلر .

روسلر ، توركولری عصری فنی ایله یازمق صورتیلا ده تورك کنجیلرینه معارف یولنده رهبراك

M . R

ایدیورلر .

[1] احمد ذکی ولیدی بكك « شورا جمهوریتلری اتحادنده تورکیات خبرلری » تدقیقنه

باقیكز : (تورکیات مجموعه سی ، جلد 2 ، 1926 ، متعدد فقره لر)

[2] Musiktion dss staatsverlages . moskau .

آذربایجانده بر قورولتای . — آذری غزته لرندن او کون دیکمه کوره با کوده یاشایان ساز شاعرلرندن مرکب بر قورولتای عقد ایدلمشدر . آذربایجان معارف قومیسرلکنک تشبیتی ایله دعوت ایدیلن بر قورولتایه قازاخ ، کنبه ، زاقانال ، سیان ، انکران ، شماخی و ساثر قضالرده اولان ساز عاشقلری طویلانیش ، معروف «اسماعیلیه» سالوننده کونلرله کندی صنعتلرینی نمایش ایتدیرمشلردر . عاشقلرک سویله دکاری و او قودقلری شریقلر ، تورکیلر و شعرلر قید ایدلمش اولوب بو کونلرده بر کتاب حالده نشر ایدیله جکدر . عینی زمانده ساز عاشقلرینک بریرده اولماسی و بوتون خلق موسیقیلرینی کوسترمه لری سایه سنده آذربایجان خلق موسیقیسی و موسیقی آلتلرینی تدقیق ایتک هوسی او یانمشدر .

تورک اتنو غرافیا و فولکلورینه متعلیم نشریات . — تورک عرقنک مختلف شعبه لرینه عائد اتنو غرافیک و فولکلوریک تدقیقلرک نشریاتی غربده حرارتله یاپیلماقده در . اک زیاده روسیه ده کی چالیشمه لر نظرلرمنی جلب ایدیور . بونلردن بعضیلرینه بوراده اشارت ایتکی فایدالی بولویورز . § « - شورالر اتحادی جمهوریتی اهالیسنک قومی هیئت لرینی او کره نه قومیسوننک مساعیلری - Trudy komiz. po izutsch plemennogo sostava S S SR i sopredel stran عنوانیه له نینغراد روس آقاده میسی طرفندن نشر اولونان مجموعه لر سه ریسنده تورک قوملرینه عائد مهم معلومات واردر .

بوسهرینک 3 ، 5 ، 7 ، 9 ، 10 ، 11 و 13 نجی جزئی لرنده روسیه ده بولونان بوتون تورک قوملرینه عائد استاتیسیتی و اتنو غرافی معلومات چوقدر .

§ « آذربایجانی تدقیق و تتبع جمعیتی نك اخباری » آذربایجان معارف قومیسرلکی تحت حمایه سنده بولونان علمی جمعیتک نشریاتندن اولوب آذربایجان تورکلرینی او کره نك ایچون پک مهم مجموعه در . روسجه و تورکجه لسانلرده نشر اولونور .

§ « شرقیات Wostokovedenie » مجموعه سی . باکو . آذربایجان دولت دارالفنونی شرق فا کولته سنک نشریاتندن اولوب « دارالفنون اخباری » سه ریسنه داخلدر . بوتون تورک قوملرینک تاریخ و اتنو غرافیاسنه عائد مهم مقاله لری احتوا ایدر . § « فین اوغور مجموعه سی » Finno-ugorskii Sbornik له نینغراد 1928 . 548 صحیفه بو سنه توران اقوامندن « فین - اوغور » شعبه سنی او کره نه ساحه سنده پک مهم خطوه لر آتیلماشدر .

روس آقاده میسنک « سوویه ت شورالر اتحادی جمهوریتی اهالیسنک قومی هیئت لرینی او کره نه قومیسونی » نك « مساعیلری » ندن 15 نجی جلدی « فین - اوغور » لره تخصیص ایدیلماشدر . پروفیسور « س . ف اولده نبورغ » ک مقدمه سنی ، زالاتارف ، پوپه ، بورنخ ، شمیدت ، آندرییه ف کبی عالملرک مقاله لرینی احتوا ایدن بو مجموعه غایت قیمتی اثردر .

فین اوغور قوملرینی او کره نه تاریخی تورک تاریخی و توران نظریاتیه صبق مربوط اولدیغندن بو اثر تورک اتنو غرافیسی و انترپولورسییه مشغول اولان ذوات ایچون مهم بر مأخذ تشکیل ایدر . بالخاصه کتابیات قسمی غایت مهمدر .

§ « اتنوگرافىيە ئاۋد مواد » Materialy po Etnographii « لەنىڭراد. روس دولت موزەسنىڭ نىشرياتىدن .

بوجموءەدە تورك قوملىرىنىڭ اتنوگرافىيەسى ئاۋد مەم ماقالەلر درج اولونمقەدەدر. I نىجى جلدندە د . اوخومسكىنىڭ « چواش مىزار آبدەلرى » ؛ قلەمانس و خانغالوفلرك « ياقوت شامانىڭ جىبە وداولى » ماقالەلرى ؛ III نىجى جلدندە غلوخوفك « تايىلغا » ، غ . آ . بونچ - اوسمولووسكىنىڭ « تورك اقوامندە دوكون چادىرلرى » و دىكر ماقالەلرى مەدر .

§ « شورالراتحادى علوم آقادمىسى خىبرلرى Bulletin de Academie des sciences de l'union repub. sov. (روسجە) لەنىڭراد شو عنوانلە نىشر اولونان مجموعهلر سەرىسندە تورك اقوامنە ئاۋد مەم ماقالەلر موجوددر. صوك نىسخەسندە پروفىسور « غوردليوسكى » نىڭ « قىرشىر اخى بابا درويشلىرى و تورك لونجەلرى » حقندە يازدىنى ماقالە چوق مەدر .

§ « شورالراتحادندەكى جەهورىتلرى اوكرەنە خىصوصى قومىسيونىڭ ماتىرياللارى » . لەنىڭراد . شو عنوانلە نىشر اولونان سەرىنىڭ 11 نىجى جلدى تورك قوملىرىدىن قازاق قىرغىزلرە ئاۋددر . 258 صحىفە 2 خرىطە ، 46 رسم ، 23 نابلودن عبارتدر .

§ « تاتارنى ئويرەنو علمى جەمىيتىڭ خىبرجىسى Westnik nauch ob. tatarovedene (قازان) تاتارستان معارف قومىسرلىكى حمايەسندە بولونان علمى جەمىيت طرفندىن نىشر اولونور . 11 نىجى جلدى انتشار ايتىشدر . 1925 نىجى سەنەدن اعتباراً نىشر اولونمقەدەدر . لسانى روسجە و تاتارجەدر . تاتارستان تارىخ ، ادبىيات و اتنوگرافىيەسى ئاۋد مەم ماقالەلرى موجوددر .

§ « باشقورت آلمانى » (اوپا) باشقورت دىستانى اوكرەنە جەمىيتىڭ اورغانىدر . 9 نىجى نومىروسى انتشار ايتىشدر . باشقورت اتنوگرافىيەسى ، تارىخ و خلق ادبىياتى و دىكر توركلرلە باشقورت توركلرىنىڭ خرىتى و تارىخى مناسبتلىرىنى ئاۋد ماقالەلرى واردر .

§ « اوزبىك قلەسىق موسىقىسى تارىخى » فطرت اثرى . طاشكەند 1928 .

اوزبىك و عمومأ اورتا آسيا قلەسىق موسىقى تارىخىنى ئاۋد ائردر .

§ « مىرعلىشىرنوئى Mir Ali chir » لەنىڭراد 1628 ، ص 174 « مىرعلىشىرنوئى » نىڭ ولادتىڭ 500 سەنە دورىهسى مناسبتىلە روس آقادمىسە منسوب مستشرق پروفىسورلر و دىكر عالملر طرفندىن نىشر اولونىش ماقالەلر مجموعهسىدر .

بارتولد ، سامايلوويچ ، بەرتەلس ، روماسقوويچ ماقالەلرىنى و كىتابىيات قىسمندە بر چوق مەم تنقىدلرى حاويدر .

استانبول توركىيات انستىتوسى . — توركىيەدە تشكىلدەنبرى بويوك بروقوف و غىرتلە چالیشان توركىيات انستىتوسى ، استانبول دارالفنونى ادبىيات فا كولتەسى رىئىسى مدرس كوپرىلى زادە فؤاد بكك ادارهسى آلتندە چوق قىمتلى نىشرياتىدە بولونمقەدەدر . توركىيەدە توركىيات تدقىقلرىنە معىن و سالم بر مىجرا وىرمەكە موفق اولان انستىتونىڭ انتظام و فعالىتىڭ مىسند و مىركىزىنى تشكىلى ايدەن مدرس فؤاد بك ، بوتون استىشراق عالمندە طائىش برسىيا اولماسى و شىمدىيە قادار چىقان اثرلىلە حقيقى

بر علم آدای اولدیغنی تسلیم ایتدیرمه سی اعتباریله ، باشنده بولوندیغنی مؤسسسه نك بین الملل بر قیمت قازاناجنی شبهه سزددر . بونی قید ایدهرکن انستیتونك نشرایتدیکی تورکیات مجموعه سنده خلق بیلگیسنه تماس ایدهن موادی اشارت ایتکی ده ضروری بولویورز . [جلد 1 ، 1925] کوپرلی زاده محمدفؤاد : مداحلر؛ تورکارده خلق حکایه جیلکی ترینه عائد بعض ماده لر، ص 1 - اوغوزاتنولرژیسنه دائر تاریخی نوطلر . [جلد 2 ، 1926] کوپرلی زاده محمد فؤاد : مداحلر مقاله سنه عا شد ، ص 340 - قرهجه اوغلان (تنقید) - اون سکرنجی عصرده جزایر ایکچریلرینك تورکولری (تنقید)

استانبول قونسرواتورى — 926 سنه سی آغستوسسنده باشلایان ایلک آنادولو هوالری تدقیقاتی صره ایله اوچ سنه دوام ایتدی . ایلک سیاحتده آطنه، عینتاب، اورفه، نیکده، قیصری سیواس ولایتلرنده تدقیقات یاپلدى . جنوب ولایتلرینك بر قسمی ایله اورتا آنادولونك یاشلیجه مرکز لرنده کی بوتبیت حرکتی مملکته تمیز ، صمیمی وملی روحی افاده ایدهن ایکیوزدن فضله پارچه قازانیدردی . آطنه نك قوزان اوغلو ، عینتابك چادیر قوردم ، اورفه نك یارهم صیزلار ، نیکده نك بیک ، قیصرینك کوکل یرینیور ، سیواسك قیزیل ایرماق تورکولری بونلرک اک قیمتلیلرننددر . بوولایتلرک ایچنده اورفا، نیکده، سیواس شهرلری خلق تورکولری اعتباریله چوق زنکین برر مرکز لردر . سیاحت ائناسنده بورالرك اصیل ومسافر پرور خلقندن هر وقت شکرانله محث ایدیله جك درجه ده قونسرواتوار هیئت یارديم کورمشدر .

927 سنه سنده یاپیلان ایکنجی تدقیق سیاحتی قونیهدن باشلادی . قونیه وجواری ده اولدجه زنکین بر موسیقی محیطی در . بوراده اسکی ساز چالانلردن چوپور اسماعیل و ابراهیم آغالرله قونیه حبسخانه سنده کی محبوسلردن چوق استفاده ایدیلدی . صوکرآ جوار قضالرده کز یلد کدنصکره آلا شهره دو بولدی . بورا کویا و لرن اینه کوالی احمد آغا کندیسى کی چوق اختیاراولان سازیله اسکی هوالری چالدى . ماکنه ونوط ایله ایکی کون متمادیا دوام ایدن تثبیت فعالیتی چوق ائی نتیجه ویردی مشهور « کرعلی » تورکوسى بوراده تثبیت ایدلشددر . آلاشهری متعاقب مغزیسایه اوغراندی . اوراده ده ایچه اسکی و مهم تورکولرله بر چوق زیبک هوالری آله کچیریلدی ، بونلر آراسنده (دکرمن) تورکوسيله بر قاق مستشنا زیبک هواسی وارددر .

بالاخره اوده مش طرفلرینه کچیلهرک قائماقچی و کوچک طرفلرنده بر قاق قیمتلی واسکی تورکو آلدی . جزایر تورکوسى، بوغاز ایچی هواسی بونلرک اک مشهورلردن در . اوده مشدن آیدینه کیدلدى . آیدین چوق اسکی تورکولره مرکز صایلاه بیلیر . اوراده بر هفته قادار قالنه رق قوچارلی طرفلرنده تدقیقاتده بولونلدى . وایچه قیمتلی اسکی تورکولرک تثبیت ممکن اولدی ، آقشام اولدی ، ایچه محمد دومان وارددر ، بن برککلک ، یوروک قیزی بورانك باشلیجه مهم و کوزه ل تورکولرنیددر .

928 سنه سنده یاپیلان تدقیق سیاحتی اینه بولیدن باشلار . قسطنیونی خلق تورکولرینی چوق ائی محافظه یه مقتدر اوله بیلمش در . بوراده کچیریلن بر هفته لق زمان ظرفنده قره یاقین اثر آله ایدلشددر . بر چوق دیدی قودی بی موجب اولان مشهور (سبتجی اوغلی هواسی) ده بومیانده هم نوطه و همده پلاقه تثبیت ایدلدى . قسطنیونی دن صوکره ایلغاز داغلرینی آشارق چانغیری یه واریلدی . چانغیری ، چوق باکریر (فولق لور) مرکزیددر . چوق مبدول واهیمتلی اولان اسکی

هیئتک مرکزی آنقره در. ولایتلرده مرکز نامنه چالیشمق اوزره برر - دهرلهمه قومیسینونی - تشکیل ایدیلکده در. هیئتک وجوده کتیردیکی 15 مادهلک تعلیماتنامه نك برنجی ماده سینه کوره - هرولایت مرکزنده والیرک ریاستی آلتنده اک یوکسک معارف مأموری ایله ایسه ومعلم مکتبی اورتا مکتب تورکجه معلملرندن و اوتهدنبری حرث و لسانی ایشلرله اوغراشانلردن مرکب اولق وصاییلری اون ایکی یی کچمه مک اورره برر دهرلهمه قومیسینونی تشکل ایدجکدر. - ایکنجی ماده قومیسینونلک وظیفه سینی کوستریور: - قومیسینونلر شهرلرده ، قصبه لرده ، کویلرده خلق آغزنده یاشایان مانی ، تورکو کی منظوم ، آتا سوزلری ، بیلمجهلر ، ماصاللر ، کی منشور پارچه لری ، زراعت ، صنعت ، حیات ، طبیعت ، عائد سوزلری ، تعبیرلری ، خلقک بوگونکی حیاتلرینه کندی سزکدشتلرینه خاصه جنک منقبه لرینه دائر یاپاجقلری ، یاپدیراجقلری تحکیه لری هیچ بر داکشکلک و علاوه یاقسزین یکی یازیمزله وایجاب ایدنلرک قابطاسلاق رسملریله طویلاتارق مرکز کوزه کوندره جکدر .

سوزده رله مه هیئتک تشکلی ، عمومی فولقلور ایله علاقه دار اولمقدن زیاده دیل فولقلور یله مناسبتدار. صوک ماده بونی سویله یور: «طویلاچی مساعیسنک هدفنک آتوغرافنک معلومات طویلامقدن عبارت اولمادیغنی ، دیلزنک تمیزلنم سی ، کنیشلمه سی کی بویوک بر مقصد ایچون چالیشدیغنی دائماً خاطرلاییه جق اوکرتسیکی ضبط ایتدیکی هرکله نك نه کی فعللره وصفلره مقارن اوله بیله جکنی تدقیق ایددرک مثاللریله ضبط و تثبیت ایدیلجکدر .

آنادولو غزته لری ، ولایتلرده معارف وکالتی تعلیماتنامه سینه توقیفاً دیل دهرله فعالیتلرینک باشلادیغنی یازیورلر . درنک ، کندیسنک برسنه اول لزومنی ایلری سوردیکی وبالفعل یاپعه باشلادیغنی خیرلی بر مملکت ایشنک ملی فولقلور تدقیقلرینک ، ولویالکیز دیله عائد قسمنک اولسون ، دولت طرفندن بنمسه ندیکنی کورمکه ممنون و بختیاردر . بوفعالیتلر پک یاقین زمانده مسعود ثمره لرینی کوستره جک ، بو صورتله کوزل تورکجه قونوشمه ساحه سنده حائر اولدیغنی وسعت و قدرتی یازی ، علم و ادبیات ساحه سنده ده آلمغه باشلایه جقدر . خلق بیلکیمی مجموعه سی ، درنکک ده « رهبر » یله وبر قسم اداره هیئتکی اعضالریله بالغل اشتراک ایتدیکی درله مه هیئتک مساعیسنه بویوک موفقیتلر دیلر .

معارف وکالتیز ، بو نوع علمی فعالیتلر باشنده خلق تربیه سینه تعلق ایدن ایشلرده بویوک بر اهمیت ویرمکده در. صوک زمانلرده یکیدن فعالیتنه کتیریلن خلق تربیه سی ایشلری ، درنکمز اعضاسندن معارف مفتش عمومیسسی رشاد شمس الدین بک طرفندن اداره ایدیلکده در .

مطبوعاتیز و ضمیمه بیلکیمی . — انقلابدن صوکرا مملکتک مختلف گوشه لرنده انتشار ایدن مجموعه و غزته لر ، خلق بیلکیمینه قارشی ممنونیت ویریجی بر علاقه کوسترمکده درلر . هان هر غزته و مجموعه نك بر صحیفه سنده بر گوشه سنده ملی حرثه عائد تدقیقلره ، فکرلره ، تهمسلره تصادف ایدیلیور. مجموعه من ، هر نسخه سنده ، بر ولایتک مطبوعاتی ، خلق بیلکیمی علاقه سیله آراشدیره جقه در . ایلك اولارق آنقره مطبوعاتی آلیورز. بونلرک آراسنده بللی باشلی اوله رق موضوع بحث ایده جکمز نشریات آله مانلری « حاکیت ملیه » ایله « حیات » و « تورک یوردی » در .

حاکمیت ملیه . — قورولدیغی تاریخدن بوکونه قادار اولان بوتون نسخه لرنده « حاکمیت ملیه » نك حرثی و خلق تدقیقلره اهمیتله یز ویردیکنی کوروپورز. وقت وقت خلق بیلکیمینه عائد مناقشه لر مباحثه لر ، دوشونجه لر بربرینی تعقیب ایتکده در . بونلرک آراسنده کچن ییل بسم آتالای و سعدالدین نزهت بکر آراسنده (قونیه خلقاتی) مناسبتیه یاپیلان مناقشه لری ، ولد چای افندی نك بو مناقشه لره مداخله سنی ع امضاسیه ملی حرثه دائر یازیلان ستونلری ، ضیالالدین فخری بکک خلق بیلکیمینه ، خلق شاعرلرینه و خلق شه ارینه عائد مصاحبه لرینی ، مظلوم راسم بکک آنادولودن یازدیغی مکتوبلری قید ایده بیلیرز . درنکمزک تشکلی مناسبتیه ده امضالی ، امضاسز برچوق یازیلر و تنقیدلر نشر ایتشدر. صوک زمانلرده حرف و دیل اصلاحاتنه عائد فکرلر آراسنده خالص تورکجه نك یازیسی تجربه ایدن بر دهنه مه ایله ، دیل دوزمه لهنه عائد مقاله سلسله لری قیده شایاندر . (دهنه مه) ده تورک دیلنک یبانی عنصر قاتیلماش شکلی تجربه ایدیور . مقاله ده قوللانیلان کله لر هب تورکجه در . بو دهنه مه ، بزه بویوک برامکانی کوستریور . دیل دوزمه لهنه عائد اولان مقاله لره ایسه اساس فکر شو اوچ نقطه ده طویلانمده در : 1) دیل دوزمه لهنه ایشنک اک برنجی صفحه سی ، یازی دیلنی قونوشمه دیلنه یاقلاشدیرمقدر . 2) ایکنجی صفحه کندی قونوشمه مزى خلقک قونوشمه سینه یاقلاشدیرمق ، اونک دیلنی نمسه مکدر . 3) اوچجی صفحه اسان تاریخنک مالزمه سنی احتوا ایدن کتابلرده کورولن ساده ، صاف تورکجه کله لری قونوشمه و یازمه دیلنه صوقق ، اولری مانوس برشکله کتیرمکدر .

کچن هافتاده اصطلاحلرک تورکجه لشمه سندن باحث بر یازیده دینیورکه : « بو ایشده بین الممالک کومنه نك علم محبتی اعتباریه هیچ بر فایداسی یوقدر . هر هالده اصطلاح مسأله سنده چوق دقتی داورانق ، بر دفعه دیلی بوتون اینجه لکلریله بیلک لازمدر . چکینیه جک نقطه شودر : شیمدی یه قادار اصطلاح ایشنده بالخاصه عربک و عربجه نك اسیری اولدق . شیمدی فرانسیزجه نك ولایتینجه نك اسیری اولمایلم (14 تشرین ثانی 928) تاریخلی نسخه ، محرر یازیسنک صوکنده آنقره ده حقوق و فلسفه ایله اوغراشانلری اصطلاح ایشی اوزرنده دوشونمکه دعوت ایدیور . ویریلن معلوماته کوره آنقره حقوق مدرسلرندن یوسف کمال بک قیمت مقابلنده (ده کر) ی ، تمرکز مقابلنده (طویلانه) ی ، آنتاغراسیون مقابلنده (تماملانه) ی ، تکامل مقابلنده (ایلرله یش) ی ، و اصطفا مقابلنده . (سچیلمه) ی درسارنده قوللانمش و طابه سینه قوللاندرمش . بزه بو تجربه ده دوم وثباتک ، هر حالده ای نتیجه لر و بره جکدر قناعتنی بسله یورز . الحاصل انقلاب مرکزینک تاریخی ایله دوغان و یاشایان (حاکمیت ملیه) نك بوتون قوللکسیونلری خلق بیلکیمیلری ایچون باش وورولاجق منبعلری طاشیممده در .

حیات . — آنقره ده ایکی ییلدن بری منتظم صورتده چیقان و کچن هافتا بشنجی جلدینه باشلایان (حیات) صحیفه لرنده بزى علاقه دارایدن پک چوق یازیلر وارددر . ایلك صاییلرینک برنده ملی تعلیم و تربیه رئیس و درنکمز اعضاسندن محمد امین بک طرفندن یازیلش اولان مقاله ده (عرفان مؤسسه لرمن ، وظیفه لرینی آنجق کنجلرده اجتماعی غاییه معطوف ، شدید فعالیت حرصی اویاندرمقله ، مشاهده یه استناد ایدن و حیاتی قوتلندیرهن و زنکینلشدیرهن بر علم تأمین ایلمکله

ایفا ایله یه بیلرلر) دییهن بر مجموعه نك مشاهده یه احتیاجی اولان مملکت فولقلورینه علاقه سز قالیه جنی طبیعیدر . مجموعه نك دائمی محررلرندن مدرس فؤاد بك مملکت بیلکیسی اوزرنده صیق صیق نظراری جلبه چالشمقدهدر . « مملکتك مختلف گوشه ارنده بعض همت صاحب لرینك ملی حرثی علاقه دار ایدن شیلرله اوغراشدقلرینی و بو جنس مساعینك کیت کیده چوغالیدیغنی ممنونیتله کوروپورز . لکن بو فروی مساعی ، منتظم بر علم تشکیلاتی داخلنده طویلانه جق و معین بر اصول دائره سنده یاپیلاجق اولورسه ، شبهه سز دهها بویوک نتیجه لر آلدی ایدیلر - صای 15) درنك تشکندن بریل اول ، اونك تشکلی ضرورتی احساس ایدن بو یازینك چیقدیغنی نسخه یی تعقیب ایدن نسخه ده خلیل بدیع بك روس خلق موسیقیسی مناسبتیه شوپله دیور : (بو نقطه ده فولقلور احتیاج شدیدیه قارش قارشیه بولنیورز . تورک اوریشینالیته سنی علم و تاریخه مال ایتک زمانی چوقدن کلوب کچمشد . ایش یامش اولق ایچون دکل ، فقط حقیقت ایچون علمی وسائط و صاغلام رهبرلرله تورک فولقلوری آرتق یازمالیدر : ص 16) انقلابک یاشاتدیغنی بو قیمتلی فلسفه و صنعت مجموعه سنك خلق بیلکیسی احتیاجنی اك درین بر هیجان و قوتله افاده ایدن بلیغ بر صحیفه سنه اشارت ایدم : « تورک کنجلی ایچون اصل وطن تورک کویلریدر . اوراده تک بر انسان دکل ، کتله لر ، داها دوغرو ودها کوزل بر حیات اشتیاقیه ثولیورلر . اوراده عرقی ، قانی بزمورلرله مشترک اولان انسانلر طبیعتک و وسطا . ئیلکک اسیریدرلر . بزم حریتزدن نصیب آلمق ایستیورلر ، بزدن انسانلق یاردیغی بکله یورار . قارارمایه باشلایان اسکی مشعله یی یکیدن جانلاندیرمق لازمدر : کنجلر ، خلقه دوغرو وخلق ایچون - عونى : صای 25 » درنکمزك تشکلی مناسبتیه فرالسز خلق بیلکیجیلرندن وانژنه بك « فولقلور » اسملی اثرینی تلخیصاً درنکه طائیتمه چالیشان احمدخلیل بك فولقلورك اصولی ، موضوعی و نه یامق ایستدیکی حقنده درت مقاله یازمشد . [صای 80 - 88] بولردن باشقه اولارق فؤاد بك قایقجی مصطفی [38] ، ملی حرثزه عائد نوطلر [40] ، قره جه اوغلان [41] سعید امره [42] ، اوکسوز دده [48] ، قبا صقال محمد [48] قول دوه جی و ابراهیم [62] عاشق عمر [24] ، بر قزیلباش شاعری [64] ، محمد خالد بك کال امی [47] ، ارضروم شاعراری [68] ، یوسف ضیا بك آنادولوده علوی اعتقاداری ، 57 ، 58 ، 59 ، 60 ، علی جانب بك خلقیاته عائد بر اثر [24] ، خلیل بدیع بك آنادولو تورکواری پارسده [14] ، روس خلق شرقیسی [16] ، خلق موسیقیسی [18] ، ضیالدین فخری بك مایوردلی ذهنی [15] ، حرثزه عائدوشیقه ار [17] ، قونیه خلقیاتی [19] ، خلق شاعراری [24] کی غایه مزه تماس ایدن یازیلری احتوا ایتکدهدر .

تورک یوردی . — مملکتده تورکجیلک و خلقجیلق جریانك حصولنده کندیسنه مخصوص بر رول و موقعی اولان بومجموعه ، صوک ییل ظرفنده انتشار مرکزینی استانبولدن آنقریه نقل ایتدی . واسکیسندن شکلاً باشقه بر سیستمده اوله رق چیقمه باشلادی . شمعدییه قادار اون نسخه سی انتشار ایدن یکی (تورک یوردی) نسخه لرنده ، خلق بیلکیسنی اوقشایان بعض یازیلره تصادف ایدیورز . بولر آراسنده بزی علاقه دار ایدن یازیلر نجیب عامر بك صایلر اوزرینه بر دهنه یشی (صای 6) ، حامد زبیر بك حرثه دائر بر مطالعه (صای 1) ، آوشار تورکی نزدنده (صای 3)

ماجار موسیقیسی (صای 4)، آوشار تورک آغیتلرینه دائر (صای 5)، مملکت حربی و خلق ادبیاتی (صای 6)، آنادولوده خروس آغیتی (صای 8)، اورتیه اویونیه دائر (صای 10) ضیاءالدین فخری بکک خلق ادبیاتیه عائد بر منقبه (صای 1)، حرث تدقیقنه منبعلر (صای 3) آنادولو ادبیاتی (صای 4) مقاله لریدر. پروفیسور ماساروش بکک کچن ییل آنقره تورک اوجاغنده ویردیکی علاقه بخش بر قونفرانس ده (صای 3) دهدر. مهساروش بکک بویازیسنده خلق بیلکیمیلری ایله غربجیلک صمیمی مناسبتلرینه اهمیتله اشارت ایتکدهدر. درنکمزک قیمتلی عضولرندن محمود راغب بکک تورک موسیقی فولکلورینه عائد بر ته تودی (صای 8) دهدر. بو ته تودی، آنادولو خلق بیلکیمینی، عمومی تورک خلق بیلکیمی ایله اولان مناسبتی اعتباریه دقته ده کر بولویورز. «آنادولو تورکولری» نده تعقیب ایلدیکی بو دعوائی، عزیز آرقداشمز، وقت وقت استانبول غرتهلرندهده مدافعه و نشر ایتکدهدر.

«فغانی» به رائر. — قونیه ولایتی خلقیات و حرثیاتی عنوانلی اثرده ترجمه حال و شعر. لرینی یازدیغمز سیلله لی «فغانی» [قونیه خلقیات و حرثیاتی: ص 86] 1928 سنه سی کانون نایسنده «63» یاشنده اولدینی حالده وفات ایتدی.

«فغانی»، یاشادینی مدتجه سفالتدن قورتولماش زاواللی بر شاعر در. ارتجالاً شعر سویله مکده، «معما» حل ایتکده ماهر دی. اسکی شاز شاعرلری دورینک صوک معقبلر. ندن اولان بو عاشقک بعض شعرلرینی برکت ویرسون دفترندن استنساخ ایتکده موفق اولمشدم؛ یوقسه، بونلرده تاریخک مجهول صحیفه لرینه قاریشه جقدی. بونلردن برینی قید ایدیورم:

فقرلق زخمه اوغرا دی سرم
جهانده دربدر اولانلردن
«فغانی» یم خواب غفلته دالدم
یالکنز بیچاره حیرته دالدم
صبر سفینه سن عمانه دالدم
بو غم دریا سنه دالانلردن.

«فغانی»

S. N

دمبدم محتم آرتار اکیلمز
دردی درد اوستنه قاتانلردن
ذکرینی ترک ایدوب حقه کوسولمز
چوق شکر مولای بولانلردن.
صورارسه ک وطنم سیلله در دیرم
نامزاج حالندن کسیدلی فرم

درنك خبرلری

ضلع بیلکسی درنكك تشكلی . — مملكتده ایچین ایچین حس ایدیلن براحتیاجه جواب اولق اوزره جمهوریت مرکزنده بر خلق بیلکسی جمعیتی تشکلی ، اوتهدن بری حس ایدیلن بر احتیاج ایدی . برطرفدن داغنیق و فردی شکله چالیشانلری بر آرایه طوپلامق ، دیگر طرفدن تدقیقلره علمی اصوللری رهبر ایتک غایه سیله 1 تشرین ثانی 927- تاریخنده آنقرهده (خلق بیلکسی درنکی) آدی بر فولکلور جمعیتی تشکل ایتشدر . اورغانلنی بو مجموعه طرفندن ایفا ایدیلن درنكك ایلک هیئتنی اسحق رأفت ، ضیاءالدین فخری ، احسان محوی بکار تشکیل ایتش ، موقت اداره هیئتی صفتیله بو هیئت طرفندن درنكك رسمی مساعده سی استحصال اولمشدر . بوعتبارله درنك ، تورکیاده ایلک فولکلور جمعیتی وجوده کتیرمکده در .

درنك و مطبوعات . — درنكك تشکلندن بو کونه قادار درنكك فعالیتنه قارشی مملكتك مختلف گوشه لرنده ، انتشار ایدن غزته و مجموعه لر ، چوق صمیمی و درین علاقه کوسترمشلردر . بالخاصه درنكك نشریات فعالیتنه اشتراك ایدن ، درنك غایه سنه عائد فکرلریله بزه یاریم ایدن بو غزته لرده مغلهده « خلق » ، طرسوسده « طرسوس » ، آنقرهده « حاکمیت ملیه » ، « حیات » ، چورومده « چوروم » ، بالیکسردده « ایرماق » ، « تورک دیلی » ، استانبولده « ملی مجموعه » ، « شهراماتی مجموعه سی » ، آفیونده « صوک خبر » ، اسپارطهده « اسپارطه » ، ازمیرده « خدمت » ، « یکی عصر » ، « آق دکز » ، ازمیتده « حرفکر » ، آطنهده « معارف مجموعه سی » ، « یکی آطنه » . . . غزته و مجموعه لرینه تشکر ایدرز .

درنکچیلر آراسنده بر طوپلام . — درنك ، رسماً تأسسنی متعاقب 4 - کانون ثانی 928 - کیجه سی قیز ایسه سنده آنقرهده بولونان ملی حرث مجلری آراسنده بر جای ضیافتی ترتیب ایتدی . طوپلامه درنك رئیس اسحق رأفت بکک بر حسب حالیه آچیلدی . بو طوپلامه ائناسنده کیچ وقته قادار صمیمی ساعتلر کچیریلدی . رئیس اسحق رأفت بکک حسب حالندن بعضی نقطه لری ، 5 کانون ثانی 928 تاریخی حاکمیت ملیه دن اقتباس ایدیورز :

« . . . انقلاب ، مملكتده سرعتله بر فکر و ادبیات انقلابی ایسته یور . بوکا زمین حاضرلامق لازمدر . اساساً معاصر ملتک فکر و حرث انقلابلری بوشکاده حاضرلانمشدر . بویول حاضرلانقدن یعنی ملتک ادبی ، فلسفی ، بدیی ، اخلاقی بوتون وارانلی اورتیه آتیلقدن صوکره اونک تهذیبی ایجاب ایدر . ایشته خلق بیلکسی درنکی بو مقصد ایچون تأسس ایتکدهدر . اساساً مملكتده بو انقلابک لزومی حس ایدلمشدر . هر طرفده خلق ادبیاتنه ، خلقجیلنه ، خلق حرثنه عائد تدقیقلر وار . تأسس ایدن درنکک بویول طاغنیق مساعی بر نقطهده طوپلامه جقدر :

« آرقداشلر ! مملكتده تورکچیلکک یاقین زمانده باشلادینی سویله نیور . حالبوکه

آنادولو، تا توركلشديكى دقيقه دن اعتباراً توركدور و توركچيدر. شو قاداركه او، كنديسندن آيريلانلار (عثمانلى) اسمنى ويرمش و كنديسنه يابانچى عد ايتمشدر. توركله شنلار، توركچيلك ياپانلار ايشته بو «عثمانلى» زمهره سيدر. بناء عليه ازلدن تورك و توركچى اولان آنادولونك بو مى بىلكنى اورته يه چيقارمق، مختلف علم تدقيقلريله اوئى مدنيت و علم عالمه اعلان ايلك لازمدر....»

درنك برنجى قونغرهسى. — رسمى تشكلىن و اعضا قىدى فعاليتلرندن درت آى صوكره برنجى درنك قونغرهسى معلملر برلىكى سالوننده انعقاد ايتمش، موقت اداره هيئتى قونغره يه آشاغيدهكى راپورنى عرض ايتمشدر:

عزيز آرقداشلار،

درت آى اول موقت اداره هيئتى صفتيله تأسيس مساعده سنى آلدېغىمىز (خلق بىلكىسى درنكى)، بوكون ايلك عمومى اجتماعى عقد ايدييور، بو مناسبتله محترم هيئتكرزه بو درت آيلق فعاليتك خلاصه سنى ويره جكدور.

درنك، تأسيسى متعاقب، حياتيله علاقه دار ايكي مهم مسأله قارشوشنده قالمشدر. بونلردن بريسى، مؤسسهنك علمى و معنوى، جبهه سنى تأسيس و تقويه ايده جك برمساعى رهبرى، ديكرى فعاليتنه محل اوله جق بر بنا ايدى. ايلك ايش ايجون اداره هيئتى قرايله مى تعليم و تربيه رئيسى محمدامين، مى تعليم و تربيه هيئتى اعضاسندن احسان، رضوان نافذ، عونى، قيز ليسه سى مديرى اسماعيل حكمت، اورته معلم مكاتبى مديرى على رضا، كتبخانه لار مديرى حسن فهمى، اتنوغرافىاموزه سى متخصصى مه ساروش، مديرى حامد زبير يك افنديلردن متشكل علمى بر هيئتى اجتماعه دعوت ايتدى. درنكك دعوتى قبول بويوروب مى تعليم و تربيه كتبخانه سندهكى هيئت اجتماعه لطفاً اجابت ايدن علم هيئتى اعضاسى، درنك مساعيسنه اساس اوله جق رهبرك، اجتماعه حاضر بولونمايان متخصص مه ساروش بكدن تنظيمى رجايه قرار ويردى. معارف و كالتنك حرثى و اتنوغرافىك مساعيسنى تدويره مأمور و بوايشده متخصص اولان مومى اليه، انتظار ايتديكمىز رهبرى حاضر لاق اوزره اولديغى سويلدیلر. بوكون حضور كزله ياپيلان بوعومى اجتماعك سائللرندن باشليجه سنك بومسأله يى دوشونك اولديغى ده بووسيله ايله سويلك ايسترز. [1]

درنكك قارشوشنده بولنديغى ايكنجى مسأله، بنادر. بر قاچ هفته اولنه كلنجيه قادار موقه حيات مجموعه سى اداره خانه سنده چالیشان درنككرز، بعدما، آنقره معلملر برلىكى مركزلردن آلنان مساعده اوزرينه مستقلاً بوكون اجتماع ايتديكمىز مركززه چاليشه جقدر. بو صورته درنك فعاليتك تدويرى ايجون لازم بر عنصر اولان بنا ايشى ده حال ايدلمش ديمكدور.

اداره هيئتكرز، بو ايكي مسأله نك حله چاليشيركن، بر طرفدن ده احضار اوله جق رهبرك عمتواسينك تطبيقه زمين تشكيل ايتك اوزره، مملكت داخلنده خلق بىلكىسى و خلق حرثى ايله ملاقه دار ذوات آراسنده مسلكى برتساند وجوده كتيرلمسنة، معشرى علم سعينك تشكلى اهميت ويردى بونك ايجون شمى يه قادار فعلى اثرلريله بو غايه يه خدمت ايتدكلرى آكلاشيلان ذواته، نظامنامه،

[1] قونغره دن صوكره بوايشى تأخيرينه بناء، اداره هيئتى اوزرينه آلكش و وجوده كتيرديكى

رهبرى نهمر ايتمشدر.

موجببنجه ، اصل و مخابر اعضاقل تكليف ايدلدى . كلن جوابلرك ؛ درنكك غايه و استقبالى ايچون صوك درجه وعدكار اولديغنى سويله يه بيليرز . طرسوسده ، آفيونده ، قونيهده ، مغلهده ، سيواسده والاصل فكر حياتنك اويانغه باشلادينى بوتون يورد كوشه لرنده خلق حرثى ، خلق بيلكيسى دوشونجه سيله تشكل ايدن درنككزه قارشى فوق العاده برعلاقه كوسترلش ، محلى مطبوعاتده درنك غايه سنك لزومندن باحث نشریات ياپيلمش ، بالعموم مملكت مطبوعات ونشرياتنك درنك نامنه ورودى قسماً تأمين اويانمش ، بو صورتله خلق بيلكيسى درنكى كتيبخانه سنك اساسلرينى قورمغه خادم مطبوعات قوللكسيونلرينك و اثرلرك احضارينه چاليشلمش ، مطبوعات ونشريات اربابنجه كوستريله جك ديرك كتيقلر داخلنده هر نوع حرثى مساعى به حاضر و آماده بولونلدينى بيلديرلشدر . درنكك غايه سنده كى اهميت و قازانه جنى موفقيت نامنه ، بو حركتلرك ، بو تظاهرلرك عرض ايتديكى يوكسك معنا ، درين اشتياق و مربوطيت ، بالخاصه شايان قيدير .

مؤسس وموقت اداره هيئتكرك دورت آي ظرفنده كى مقررات وحساباتنه كلنجه :

شيمدى يه قادار ياپيلان اجتماعلرده بللى باشلى اوله رق اولاً درنكه عائد مقبوض ، تكليف ورقه سى ، تعميم كى ... كى اوراقل ملت مجلسى مطبعه سنده مجاناً طبعنك تأمينه ، درنك حقنده مادي ومعنوى مظاهر ترينى وعد بويوران معارف وكيل محترمي نجاتى بك افندى يه تشكر نامه يازلمسنة ، ثانياً خلق بيلكيسى ساحه سنده چاليشانلره مخصوص بر رهبر و پروغرام حاضرلامق ايچون علمى بر هيئتك اجتماعه دعوتنه ، حرثى مساعى ايله متوغل ذواته مخابر اعضاقل تكليفنه ، درنك ايچون بنا تداركنه ، نظامنامه نك دردنجه و اونجى ماده لرينك تعديل لزومنه ، علم وارشاد انجمنلرى تشكيلنه ، معدل ماده موجببنجه يكي بر اداره هيئتى انتخابنه زمين حاضرلامق اوزره موقت ومؤسس اداره هيئتكرك استعفا سنه قرار ويرلمش وبوتون بمقررات بوكون اجرا ساحه سنه ايصال ايدلشدر . شيمدى يه قادار درنكه اللى قدر اعضا قيد ايدلمش اولوب بولردن قرق قادارينى اصلى ، اون قادارينى مخابر اعضا تشكيل ايتكده در . بمقررات ياننده درنكك وضعيت ماليه سنى ده ذكر ايتك لازمدر . كرك دخوليه و تبرع اوله رق ، كرك تعهدات اوله رق شيمدى يه قادار 59 ليرا 80 غروش واردات قيد اولونمش ، بو آراده درنك امورى ايچون 29 ليرا بر غروش مصارف ياپيلمشدر . متباقى 30 ليرا 79 غروش ، درنككرك متواضع قاصه سنك محتوياتنى تشكيل ايديور . اوچ آيلى فعاليتك راپورينى ويره ن درنك ، كندى استقبالى حقنده مهم قرارلر اتخاذايده جك اولان هيئت محترمه كرك اجتماعنه عائد روزنامه ماده لرى حقنده ده برآز ايضاحات ويرمك مجبوريتنى حس ايتكده در . مذاكرات روزنامه سنك برنجى ماده سنى اشغال ايدن ماده تعديل مسأله سى ؛ تجربه نك كوسترديكى بر نقصانى ازاله يه معطوفدر . موقت اداره هيئتكز بوماده ده مقيد اداره هيئتى عددىنى اوچ اوله رق تعيين ايتمش ايسده بر طرفدن هيئت مذاكراتنده مختلف فكرلرك چارپيشاسنى تأمين ، ديكر طرفدن هيئت اعضاسى آراسنده بر ايش بولومنه ساحه احضار ايدم بيلمك ايچون بونك يدى يه ابلاغى درپيش وتدكر ايتشدر . بونقطه يى محترم قونغره نك تصويبنه عرض ايديورز . روزنامه نك ايكنجى ماده سى ، تعديلنى تكليف ايتديكمز ماده نك تطبيقه دائردر . بو تطبيقى تأمين ايچون اداره هيئتنه درت اعضا ده علاوه ايتكدنسه يكيدن يدى اعضا مك انتخابنى مصيب بولويورز . بو صورتله موقت ومؤسس صفتى حائر اولان بوكونكى اداره هيئتى ، موقعى صلاحيتدار

وقوتی دها زیاده عمومی هیئتدن آلان بر اداره هیئتنه ترك ایدم جکدر .
روزنامه نك اونچنجی ماده سی ، نظام نامه نك دردنجی ماده سنك صوك فقره سنده کی (...) وانجمنلر
تشکیل ایدر (ومثللا بکار وانجمنلر تشکیل ایدر) شكنه افرایدر . زیر ابوصورتله آنادولوده کی
آرقداشلر مزدن اداره هیئتنجه تثبیت ایدیله جك اولانلره درنك غایه سی اطرافنده ماده و فعلاً
چالیشمق صلاحیتی و درنك ممثلکی ویرلمسی قابل اولاجقدر .

روزنامه نك دردنجی ماده سی ؛ درنك علمی مساعیسی تدویر ایدم جك بر علم انجمنك تشکیل
لزومنه دائردر . اداره هیئتی ، عمومیتله درنكه عائد اداری خصوصیات ایله توغل ایدم جکدر ،
حالبوکه نظام نامه نك ماده مخصوصه سی موجبنجه تشکیل ایدیله جك بش کیشیلک بر علم انجمنی ؛
درنك پروگرامنه توفیقاً وجوده کتیریله جك تدقیقاتی مستقلاً اداره ومقرراتندن علی الاصول اداره
هیئتی خبردار ایلمك ، ایجاب ایتدکجه مشترک اجتماعلر عقد ایتک صورتیله دها مؤثر بر رول
اوینایه جقدر .

صوك روزنامه ماده سی ؛ منحصرأ مجرد و علمی اولان تدقیقات یاننده ، حیات و جمعیت ایله
علاقه دار اجتماعی و خلقی مسائل اوزرنده درنکی مشغول ایتک غایه سنه تعلق ایدیور . بوصورتله
یالکیز خلقدن آلمق دکل ، برآزده اوکا ویرمك شعارینی تأمین ایتمش اولاجغز . بووظیفه یی ده
تکلیف ایتدیکمز بش کیشیلک ارشاد انجمنی ایفا ایدم جکدر .

موقت اداره هیئتی ، درت آیلق مساعی خلاصه سنی هیئتکزه بیلدیریرکن ، کندیسندن بکله نن
مساعی یی حقیله دکلمه بیا ، قسماً ایفا واجرایه چالیشدیغنی ظن ایتدیکنی حضور کزده بیان ایدر ،
یوقاریده عرض ایدلیدی وجهله یکی اداره هیئتنك تشکنه ساحه حاضرمق اوزره استعفا سنی
عرض ایلر .

18 - مارت - 928

درنك موقت اداره هیئتی

فونفره قرارلری . — ایلك قونغر 18 - مارت 928 تاریخنده طویلانش مذاکراتك
بتمه سی اوزرینه ایکنجی اجتماع 26 - نیسان - 928 تاریخنده یاپیلمشدر . موقت اداره هیئتی رئیس
استحق رأفت بکک تکلیفی ایله جلسه رئیسکنه درنك اعضاسندن حق بها ، کاتبکلرینه درنك
اعضالردن حسین عونى و نورالدین ابراهیم بکلر انتخاب ایدیلهرک اجتماعه باشلانمش و آتیده کی
قرارلر اتخاذ اولونمشدر :

1 [اداره هیئتی راپورینك متفقاً تصویبی .

2 [دردنجی و اونجی ماده لرك اداره هیئتی طرفندن تکلیف ایدیلن شکلرینك ، بالنتیجه

اداره هیئتنك استعفا سنك قبولی .

3 [تشکلی موافق کورولن علم و ارشاد انجمنلردن بش کیشیلک علم انجمنی اعضاقلرینه ملی

تعلیم و تربیه اعضاسندن رضوان نافذ ، احسان ، بالیکسر مبعوثی اسماعیل حق ، آئو غرافیا موزه سی
متخصصی مه ساروش ، موزه مدیرلردن حامد زبیر بکلرک ، کذا بش کیشیلک ارشاد انجمنی اعضاقلرینه

تربیه دوقتوری خلیل فکرت ، معلم سعید نظیف ، معارف وکالتی خلق تربیه سی مدیری فائق رشید ، معارف وکالتی نشریات مدیری یونس کاظم ، محررلردن اسماعیل خسرو بکلاک انتخابی .

[4] عمومی مرکز اداره هیئت اعضاءالقرینه دیار بکر مبعوثی اسحق رأفت ، اورته معلم مکتبی مدیری علی رضا ، قیز لیسه سی مدیری اسماعیلی حکمت ، معارف وکالتی کتبخانه لر مدیری حسن فهمی ، آثار عتیقه موزه سی مدیری حق بها ، قیز لیسه سی فلسفه و اجتماعیات معلمی ضیاءالدین فخری ، قیز لیسه سی تورکجه معلمی احسان محوی بکلاک انتخابی .

[5] اعضاءدن رأفت بک تکلیفی اوزرینه درنکک ، آنادولو خلق بیلکیمی درنکی « آدینک دها شمولی بر معنا افاده ایتسی اعتباریله » تورک خلق بیلکیمی درنکی « شکلنه چه ویرلمسی .

اداره هیئت اعضای آراشده انتخابات . — قونفر دنك ختامی متعاقب اداره هیئت اعضای کندی آراشده انتخاب یاپه رق رئیسکه اسحق رأفت ، کاتب عمومیلکه ضیاءالدین فخری ، محاسبکه احسان محوی بکلری آیرمشدر .

درنك فخری رئیسکی . — انعقاد ایدن اداره هیئت دنك ایلک قراری ، معارف وکیلی مصطفی نجاتی بک افندی بی درنکک فخری ریاستنه انتخاب ایتک اولمش ، بوقرار مشارالیه حضرتلرینه بر عریضه ایلله بیلدیرلشدن . مخابر بک افندی دنك جوابلریله ، درنکک عریضه سی صورتلرینی برلکده نشر ایدیورز :

تورکیه معارف وکالتی خصوصی ۵۲۴

تورک خلق بیلکیمی درنکی اداره هیئت ریاسته

افندم ،

تذکره کزی آلدیم . حقمنده اظهار بویورولان صمیمی حسیاته تشکرلر ایدرم . تودیع ایتک ایسته دیککیز فخری ریاستی ممنونیتله قبول ایدجکمی وبو ملی ، خیرلی تشکله اعظمی درجه ده مظاهرت ایلله یه جکمی وعد ایلرم افندم

معارف وکیلی

13 / مایس / 928

مصطفی نجاتی

معارف وکیلی محترمی مصطفی نجاتی بک افندی یه

محترم افندم حضرتلری

بو کون ایلک اجتماعی عقد ایدن یکی اداره هیئتمزک ایلک قراری مملکت مزک هر دورلو علم و عرفان تشکللرینی بویوک بر تهالک و صمیمیتله حمایه دن حقیقی بر ذوق دویان سوکیلی معارف وکیل مز مصطفی نجاتی بک افندی بی جمعیت مزک فخری ریاستنده کورمک آرزوسی اولدوغنی کمال شوق ومفخرتله عرض ایدهر و تقدیم احترامات ایلرز افندم .

رئیس

12 / مایس / 928

اسحق رأفت

درنگ رهبری . — آنادولونک هر طرفدن درنگ غایه سینه قارشى کوستریلن علاقه لرو و قوعبولان مراجعتلر آراسنده بر خلق بیلکیمی رهبری احتیاجنی یاقیندن کورهن و دوشون درنگ ، همان بو ایشی باشارمنی دوشوندى و رهبری حاضر لایوب نشر ایتدی . رهبرک بیک بشیوز نسخه سی معارف و کالتنجه آینه رق ولایتلرده تشکیل ایدیلن سوز دهرلهمه یووالرینه کوندلشدر . متباق بیک رهبرده درنگجه ، خلق بیلکیمی علاقه دارلرینه و اعضالرینه ویرلشدر . رهبرک نسخه سی قالمادیغندن یاقینده ایکنجی طبعی نشر ایدلمسی محتملدر .

درنگ استانبول مملکتی . — درنگ عمومی مرکزى، درنگ تشکیلاتنه ایلک، آدیم اوزره اساس نظامنامه نك دردنجی ماده سی موجبجه ، استانبولده بر مملکك احداث و تعلیمنامه سی وجوده کتیریلن مملکكه استانبولده کی درنگ اعضاسندن قونسرو اتوار مدیری یوسف ضیا بکی تعیین ایتشدر .

ارشاد انجمننك فعالیتلری . — درنگ قونغره سنده تشکیل ایدیلن بش کشیلک ارشاد انجمنز ، کندیسنى دوغوران احتیاجه جواب اولارق شمى یه قدار بعضی ایشلر کورمکجه غیرت ایتشدر . درنگه کان مانى، قوشمه، آغیت، داستان کبی خلق شعرى شکللرمن برر نمونه طوپلایه رق بونلری (سچمه خلق شعرلری) آدی آلتنده یکی حرفلره ترتیب ایتدی و بواثر، استانبول مملکتی طرفندن نشر ایدلدى . بوندن صو کرا خلق بیلکیمینک تربیوی نتیجه لرینه دائر بو ییل بر قونغرانس سهریسنگ آچیلما سینه قرار ویردی . قونغرانسلر دوام ایتکده در .

انجمننك کوردیکی ایشلردن اک مهمی و اک جانلیسی ، مشهور خلق شاعرلری ایچون ئولوم ییل دونوملری ترتیب ایلکدر . ایلک اولمق اوزره یونس اصره ایچون قبول ایدیلن 15 نیسان تاریخنده شاعرک 640 نجی ییل دونومی مراسمی یاپیلاجق و بوندن بویله هر ییل بو تاریخده عینی مراسم تکرر ایده جکدر ادبیات تاریخمزک حیاتی ، طوغوش و ئولوم تاریخلرینی حقیله تنویر ایده مدیکی بو شاعرک خصوصی حیاتی حقنده اک مثبت قید ، معلوم اولدینی اوزره ، کندى شعرلرنده کی « 707 هـ - 1289 م » تاریخیدر . درنگ ، بونی نظر دفته آلمقده ، طوغوم ، ئولوم مسأللری موضوع بحث اولقسزین طوغریدن طوغری یه بونک یاشادینی و بالذات تثبیت ایلدیکی بر زمانی دوشونهرک و مبدادن بو کونه طوغرو حرکت ایلایه رک 640 تاریخنی بولمقده در . مرکز اداره هیئت، دوشونجه سنی بوشکاده انجمنه بیلدیرمش ، انجمنده مذکور تاریخنی ییل دونومنه اساس عد ایلشدر . ارشاد انجمنی ؛ بو ایکی ایشدن باشقه ، خلق شعرلرینه طوغرو حاصل اولان اجتماعى جریاندن ملهم و او تأثیر آلتنده یازلمش یکی شعرلردن ، یکی حکایه لرده و یکی بسته لرده مرکب اوچ کتاب دهها حاضر لامقده در . او کمزده کی سنه ایچنده آنادولو خلق بیلکیمی تدقیقلرینک و بوندن بکله نن علمی ، اجتماعی فایدالرك هیجانی یاراته جق تربیوی و ارشادی فعالیتلری محتوی بر پروگرام ایلله حرکت ایده جکدر . یاشایان ساز شاعرلردن مرکب بر قورولتای، ملی فولکلوری

مشخصی صورتده یاشاتان بر مسامره بو پروگرامك باشلیجه ایکی ماده سنی تشکیل ایتکده در .
بو کی تربیوی چالشمه لر ، ایلک دفعه آنقرده و استانبولده تطبیق ایدیله جك ، صوگرا درنك
تعضو ایتدجه یواش یواش بوتون آنادولو شهرلرینه تعمیم ایدیله جکدر :

درنك ایلکنجی قونفره سی . — اداره هیئتجه ، ایلک قونفره نك عقد ایدلایکی 18-مارت
- 928 تاریخ هریل قونفره کونی اولارق قبول ایدلشدر . اوکمزده کی مارتده ، عینی کونده
درنك عمومی هیئت طویلانه رق ، اداره هیئتک بر سینه لك فعالیتنی تدقیق ایده جك ویکی اداره
هیئتنی انتخاب ایله یه جکدر . درنكجه قونفره حاضرلغنه شمیدین باشلانمشدر . درنك ، آنقرده
بولونان درنك اعضالریله ، استانبول ممثلی و ولایتلرده کی مخابر اعضالردن آرزو ایدن آرقداشلر
اشترک ایده جکلردر .



سجده شکر لر

خلق بیلکیسی درنکی استانبول
ممثلک: نه حاضرا نمشدر . پک
یاقینده نشر ایدیه جکدر .

سجده مطایه لر

خلق بیلکیسی درنکی استانبول
ممثلکی طرفندن حاضرا نمشدر .
پک یاقینده نشر ایدیه جکدر .

دارالاحانک آنادولوتورکولری

دارالاحانک قولومبیا پلاقلرنده آنادولوتورکولردن بودفعه ده قرق درت پارچه سی چیقده جقدر .
طورنالر ، قرهجه اوغلان ، کرم ایله اصلی ، دومان واردر ، نوروز ، یاره صیزلار ، کووه ندر ،
ایجه محمد ، زیبک ، ای سره نلر ، آقشام اولور کاروان کلیر یوقوشه ، نه اولدی بزه ، آنادولو
قادرین اویون هواسی ، آی قارا کلق ، آته بینه سم کلدی ، کوراوغلو ، آتی باغلادم . اودونجیلر
تورکولری بونلرک اک مهم لرننددر . بویلاقلری لوندره دن کتیرمکده اولان واپور یوله در .

دارالاحان خلق شرقیلری مجموعه سنک یدنجیسی ده چیقمشدر . اوچونجی سیاحت عائد تورکولرده
باصیلمق اوزره در .

آنادولو شهرلرینک

صحی اجتماعی جغرافیاسی

صحیه وکالتی طرفندن
نشر اولونمقده در . خلق
بیلکیسنه متعلق معلوماتی
احتوا ایتمسی اعتباریه درنک
آرقاداشلر منک کورمسی
لازمدر . شیمدی یه قادار
اون بر شهره عائد اولانی
انتشار ایتمشدر . توصیه یی
زائد بولورز .

عیات

هفته لوق علم ، فلسفه و صنعت مجموعه سی
تورکیانک آوروپائی برشکلده
چیقاریلان اک منتظم و مکمل
بر مجموعه سیدر .

هر حالده تعقیب ایدیکیز

بروسه جغرافیاسی

جوغرافیای انجمنی نشر یاتنک
ایلک صایبسی تشکیل ایدهن
بو اثر ، خلق بیلکیسنی
علاقه دار ایدهن معلوماتی ده
احتوا ایله مسی اعتباریه
درنکمز اعضاسنی جلب
ایده جک برکتابدرد . آرقا .
داشلیرمزه برردانه ایدینه لرینی
توصیه یی فضله تلق ایدیورز .

1928

Birinci cilt

HALK BİLGİSİ MECMUASI

Halk bilgisi derneđi umumi merkezince neşrolunur

Müdürü :

Ziyaettin Fahri



GR1
H34
v.1
1928

Ankara

1928